


1020/4









TESTIFICATIO
CHRISTIANI
ORBIS,
AB INITIO ECCLESIAE,
vsque ad Lutheri tempora,
CONTRA
VBIQVITATEM
SEV OMNIPRÆSENTIAM
HUMANITATIS
CHRISTI.

*Quam insanè defendunt hodierni
Lutherani.*

COLLECTA
A LAVRENTIO FORERO
SOCIETATIS IESV
THEOLOGO.

Cum facultate & approbatione Superiorum,
& Priuilegio Cæsareo.

D I L I N G E.

Formis Academicis, apud Ignatium Mayer.

ANNO CHRISTI M. DC. LVIII.



TESTIFICATIO

IN A L I T E R A

2170

1812

1812

1812

1812

1812

1812

1812

1812

1812

1812

1812

1812


1812

1812

1812

1812

1812



SERENISSIMO PRINCIPI,
AC DOMINO, DOMINO

CHRISTIANO
AVGVSTO

COMITI PALATINO
RHENI, DVCI BAVARIÆ,
IVLIÆ, CLIVIÆ ET MONTIVM,
COMITI IN VELDËNZ, SPONHEIM,
MARCK, RAVENSPVRG & MOERS,
DOMINO IN RAVEN-
STEIN, &c.

Domino meo Clementissimo.

SERENISSIME PRINCEPS,
DOMINE CLEMENTISSIME.



QVod SERENITAS VESTRA
Lutheranismum, cum
Concordia discorde,
res suas habere iusserit,
& prisca sacra, cultúmque verè Ca-

A 2 tho-

EPISTOLA

tholicum, maioribus nostris per tot
 sæcula vſitatum, diuinâ fauente gra-
 tiâ, receperit, id non ſine magno
 conſilio, & grauiffimis de cauſis fe-
 cit, inter quas non poſtremam cen-
 ſeo abſurdiffimam illius ſectæ opi-
 nionem de *Omnipreſentia*, ſeu *U-*
biquitate Humanitatis Chriſti, in
 omnibus rebus creatis, adeoque in
 omni homine, pecore, lapide, ligno,
 dolio, cantharo, luto, & aliis, quæ
 non eſt fas nominare: quæ doctri-
 na pleroſque articulos de Chriſto, &
 ſummis myſteriis ſalutis noſtræ, non
 modò euertit, ſed etiam S. Scriptu-
 ræ, & toti Orthodoxæ Antiquitati
 è diametro contradicit. In S. enim
 Scriptura non ſolùm clariffimè di-
 xit Angelus: *Surrexit, non eſt hic,*
 ſed

DEDICATORIA.

sed etiam Saluator de se, cum Lazarum mortuum suscitaturus esset, *Gaudeo*, (inquirebat) *quoniam non eram ibi*. Quomodo ergo secundum Humanitatem tunc erat ubiq; , qui non erat *ibi*? Nam nemo absolute dicit, se simpliciter non esse alicubi, si inuisibiliter sit ibi. Si autem Humanitas re ipsa fuit ubique, tunc non potuit secundum substantiam vnum locum deserere, & alium acquirere: Quomodo ergo potuit proprie & vere moueri de loco in locum? nasci? ambulare? in celum ascendere? Quomodo etiam de Christo S. Scriptura est vera? quomodo verum est Symbolum?

Orthodoxa quoque Antiquitas, (ut hic Tractatus ostendit,) tota no-

EPISTOLA

strarum partium est contra Vbiquistas, qui prorsus nullum veteris ævi interpretem Catholicum monstrare indubiè possunt, suæ sententiæ vel fautorem, vel Assertorem. Nos è contrario integras phalanges in campum ex antiquis sæculis producimus; qui vno consensu omnes dicunt, Christum, ubicunque fuit, certo fuisse loco circumscriptum, & verè proprièque loco motum.

Scio & ab Vbiquitariis ad sua signa vocari ex vetustate aliquos Doctores, sed aut falsò, aut falsos. Ex veris enim nullum possunt verè: ex falsis fortè Albigeneses, aut pauperes de Lugduno, nauci homines, & damnatos olim hæreticos. Contra Orthodoxorum verò Patrum authoritatem hæc maxime

DEDICATORIA.

ximè opponunt. *Fides*, inquiunt, *ex auditu est*, Apostolo teste: *auditus per Verbum Dei*; non ex Patribus. Patres ipsimet nolunt suis scriptis haberi fidem, nisi quà scripturis consentiunt. *Fides docenda*, non nisi ex fidei litteris: errasse eos saepe, scripta illorum testantur. Sape etiam diuersissima senserunt; nec sciri potest, in quo omnes consentiant. Quis enim legit omnes? plurimorum libri interierunt: permulti nihil scripserunt.

Miseret me horum. Et nos dicimus, *Fidem esse ex auditu: auditum per Verbum Dei*; negamus autem solam Scripturam esse Verbum Dei. Cum verò controuersia oritur de ve-

EPISTOLA

eo sensu Scripturæ, dicimus optimo
 maximo iure, præferendam esse in-
 terpretationem antiquæ Ecclesiæ pu-
 blicæ, quam ex Patrum libris cogno-
 scimus, interpretationi priuatæ, &
 nouiter à Protestantibus confictæ.
 Cum enim cani isti veræ doctrinæ
 Principes, fuerint viciniores temporis
 Apostolico, & à Deo, vt *Doctores*
Ecclesiæ & Pastores constituti, (E-
 phes. 4.) atque ad fidem explicandam
 & firmandam à Spiritu sancto instru-
 cti *sermone sapientiæ, & scientiæ in*
uno spiritu, (1. Corinth. 12.) insu-
 per fuerint *scribæ docti in regno calo-*
rum, (Matth. 13.) eorum sanè iudiciū
 valere plurimum debet in populo fi-
 deli, de quibus S. August. lib. 2. con-
 tra Iulianum, ait: *Episcopi sunt docti,*

gra-

DEDICATORIA.

graues, sancti, in quibus inuenire non potes, quod spernas. Talibus enim Ecclesia plantatoribus, rigatoribus, edificatoribus, pastoribus, nutritoribus creuit. Ergone hi omnes fuerint talpæ, & soli Nouatores nostri Lynces? Annon SS. Patres sunt Testes integerrimi veræ fidei receptæ in Ecclesia illo tempore, quo quilibet illosum vixit? Annon salutis omnium hominum cupidissimi? sibi que inuicem doctrinam Apostolicam fidelissimè de manu in manum tradere soliti? Annon etiam hoc medio omnia Generalia Concilia cōtra hæreses pugnarunt, ut dicerent, se in Scripturis explicandis, & fidei dogmatibus definiendis, SS. Patrum confessiones, interpretationes & vestigia sequi?

A s qui?

EPISTOLA

qui? Annon ad eosdem Patres ipsi Aduersarij confugiunt, quando ipsi inter se de Scripturæ aliquo loco contendunt? quando Socinianos, Arminianos, & alios oppugnant?

Itaque SS. Patrum testimonia magni sunt ponderis, & existimationis in articulis fidei; ut si vnanimiter consentiant, errare non possint: Si quando errarunt, in materia nondum liquidò definita ab Ecclesia errarunt, aut ut priuati & singulares, aut de quaestionibus Philosophicis.

At dixerunt, se nolle sibi fidem haberi. Ita est: dixerunt? sed sensus est, illos nolle sibi solis fidem haberi; nō autem si cum aliis omnibus consentiant. Omnes enim cōmūnem cōsensum maximi æstimarunt. Non infani-

DEDICATORIA.

faniuerunt, vt Lutherus, qui * *suam doctrinam à nemine iudicari voluit, ne ab Angelis quidem.* Modestiores longè fuerunt. Noluerunt sua verba Canonicis Scripturis æquari: nō autem voluerunt ipsi ab omni authoritate & fide repelli consentientes. In SS. Scripturis omnia dicta sunt vera: in Patrum libris illa sunt vera, quæ in materia de fide concorditer docent; in quibus certum est, eos à S. Scriptura nullo modo discordare; neque vnquam errare. Sed & falsum est, non posse sciri eorum consensum, quòd plurimi libri eorum perierint, & multi eorum nihil scripserint; alioqui nec SS. Scripturæ consensus cognosceretur, cuius multi libri amissi

* Im 7. Theil am 330. Blat / f. 1. durch Hans Luffe.
Im Jahr 1554.

EPISTOLA

missi sunt; Apostolorum verò magna pars nihil omninò scripto reliquit.

Hæc considerans S. Augustinus contra 2. Epist. Pelagian. lib. 4. cap. 8. ait; *Ad curam nostram existimæ pertinere, non solum Scripturas S. Canonicas aduersus eos (nempe Pelagianos) testes adhibere, verum etiam de Sanctorum litteris, qui Scripturas ante nos famâ celeberrimâ, & ingenti gloriâ tractauerunt, aliqua documenta afferre.* Causam mox addit: *Vt admoneantur, qui putant istos (Pelagianos) aliquid dicere, quemadmodum de his rebus ante istorum vaniloquia, Catholici Antistites eloquia diuina secuti sint; & sciant a nobis rectam,*

E

DEDICATORIA.

Et antiquitus fundatam Catholicam fidem aduersus recentem Pelagianorum (& Vbiquistarum) hæreticorum præsumptionem, perniciemque defendi.

Et hic meus scopus fuit in hoc Tractatu, quo contra Vbiquistarum deliria, tot antiquorum Patrum testimonia collegi, ut omnes viderent, Vbiquitanos à veneranda primæ Christianitatis, & plurimorum sæculorum canitie quàm longissimè discedere, & ab illa antè damnatos esse, quàm ipsi scriberent tam absurdos errores. Equidem sanctos Patres negligenter legisse Scripturas, ac illas ob cæcitatem mentis non intellexisse, & parum fideliter posteritati tradidisse, impium sit cogitare.

Hunc

EPISTOLA

Hunc ergo Tractatum sub auspiciis SERENITATIS VESTRÆ in publicum emitto , eiúsque Serenissimo Nomini consecro , non sine magna spe tutelæ: Neque enim Catholicam fidem eo fine SERENITAS VESTRA amplexa est, vt eam sua authoritate tueri aduersus tam monstrosa dogmata refugiat. Deum summis precibus oro , vt hunc reditum SERENITATIS VESTRÆ ad auitam religionem, ipsi inprimis ad animæ suæ, deinde ad aliorum plurimorum æternam salutem prodesse, & bono publico, pacique Germaniæ benè felicitérque euenire velit iubeátque.

Maximum sanè Dei beneficium est, à tenebris ad lucem, ab errore ad veritatem , ab auiis & deuiis ad
rectam

DEDICATORIA.

rectam viam reduci. *Cecus eram*, ait S. Augustinus, *Et cecitatem amabam*, *Et ad tenebras per tenebras ambulabam*. Quis est ille Illuminator meus, quem non quasiui, *Et ipse quasiuit me*? Quis est ille? Tu Domine Deus meus, misericors *Et miserator*. Tu, qui eduxisti me de tenebris *Et umbra mortis*, *Et vocasti me in admirabile lumen tuum*. Et, ecce! video. Gratias tibi, Illuminator meus, O Deus meus. Confitebor tibi in nationibus Domine, *Et psalmum dicam nomini tuo in aeternum; in aeternum*. Huiusmodi preces sunt quotidianæ SERENITATIS VESTRÆ ad supremam Numinis Maiestatem, qui-

EPIST. DEDIC.

quibus illa benignas aures exhibeat,
& efficiat, vt SERENITAS VESTRA ma-
ximum sibi ad omnem pietatem &
virtutem in terris; & in cælo ad am-
plitudinem gloriæ ingens afferat in-
crementum. Valeat SERENITAS VE-
STRA & viuât in Christo IESV felicis-
simè ac florentissimè. Ratisbonæ die
festo S. Michaëlis Archangeli, die
29. Septembr. 1657.

SERENITATIS VESTRÆ

Humillimus in Christo seruus

Laurentius Forerus S. I.

BREVIS INDEX.

Dedicatio.

Praefatio ad Lectorem.

Loca S. Scripturae contra Vbiquitatem.

Prolegomena seu Annotationes ad ea loca Scripturae.

§. I. Edderitur ex Scripturis eorum Vbiquistarum.

§. II. Sophismata, quibus eluctari conantur Vbiquistae, dissoluntur.

§. III. Dissensio Vbiquistarum inter se proponitur.

§. IV. Sententia Saxoniorum Electoralium in Defensione pupillae contra Foretum.

Index Testimoniorum ex Patribus Orthodoxis.

Ipsa Testimonia cum Notis per 15. saecula. Excerpta ex monumentis Facultatis Theologiae Parisiensis contra Fabrum Stapulensem. Anno 1630.

Testimonium Chrysanthi Lascaris Archiepiscopi Lacedaemoniorum.

Testimonium Stephani Gerlachij Vbiquistae cum Notis.

Testimonium Saxoniorum Electoralium, & Giessensium contra Wittenbergicos.

Conclusio Operis.

B

PRÆ-

PRÆFATIO



PRÆFATIO AD Lectorem.

Humanissime Lector : Dudam
promiseram publico, Testifica-
tionem hanc Christiani Orbis,
contra Lutheranorum Ubiqui-
starum horribilem doctrinam de Omnipra-
sentia Humanitatis Christi, sed variis ha-
tenus remoris impeditus promissa servare
non potui. Nunc tandem fidem libero, &
ultra centum venerandos Patres ac aucto-
res orthodoxos ex omnibus seculis collectos
produco, quorum nemo naturam humanam
Christi non loco & terminis circumscripsit,
nemo illam omnipresentem cum Divinitate,
omnibus rebus totius mundi ubique adesse
docuit, ut meritò hic sensus Patrum per
tot secula pro unanimi consensu uniuersæ
Antiquitatis Christianæ atq; Catholicæ ha-
beri & predicari possit : præsertim cum idem
quoque reperiatur in Decretis duorum Con-
cilio-

tiliorum Generalium, quibus ingens numerus Episcoporum rectè credentium subscripsit, à quibus vel pilum discedere Orthodoxi Patres semper summa sibi duxerunt religioni. Sic enim loquitur Chalcedonensis Synodus sexcentorum & triginta Patrum in fidei definitione, parte 2. Actione 5. pag. 340. apud Dionysium Petavium Tomo 4. Dogmatum Theolog. ubi etiam citat Græcum Textum: Sequentes sanctos Patres, unum & eundem confiteri Filium D. N. I. E. S. U. Christum consentientes omnes docemus, perfectum eundem in Diuinitate, & perfectum eundem in Humanitate, Deum reuerà, & hominem reuerà eundem, ex anima rationali & corpore; consubstantialem Patri secundum Diuinitatem, & consubstantialem nobis secundum Humanitatem, per omnia similem nobis, absque peccato. *Et rursus idem Chalced. Concilium: Ex duabus, inquit, naturis inconfusè, immutabiliter, indiuisè, inseparabiliter agnoscendum, ita vt nusquam natu-*

rarum differentia vnione tollatur; sed
 proprietas magis naturæ vtriusque ser-
 uetur, & in vnā personam & hypo-
 stasin concurrat; non in duas personas
 partitum aut diuisum, sed vnum & eun-
 dem Filium, & vnigenitum Deum,
 Verbum, Dominum IESVM Christum.

*Similiter clarissime Epbesina Synodus,
 cap. 13. Canonum ait: Christum consta-
 re ex duabus naturis, non euacuata,
 vel sublata naturarum diuersitate per
 coniunctionem, &c. Quibus verbis vi-
 scendunt ista Concilia, naturam humanam
 in Christo per unionem personalem ita esse
 Verbo copulatam, ut tamen prorsus in se
 retinuerit integras proprietates naturæ suæ
 creata ac corporea: adeoque verè ac pro-
 priè de loco in locum transferri ac moueri
 potuisse; & cum ex se sit circumscripta lo-
 co, sicut omnia alia corpora, etiam non re-
 mittere hanc circumscriptionem; ideòque
 verum non esse, ut eadem nullo modo mu-
 tata in se natura, simul sit in certo loco lo-
 caliter, & tamen etiam Vbique, & in om-
 nibus locis illocaliter & inuisibiliter, ut fuis-
 se*

se dicunt Ubiquista Christum, dum esset in utero Beatae Virginis, in praeseptio, in templo, &c. ubi ex Scripturis constat eum fuisse visibiliter, & tamen Ubiquista dicunt eodem tempore & loco, etiam fuisse secundum idem corpus inuisibiliter, & incircumscriptè in eodem utero B. Virginis, & extra, quae est manifesta contradictio; & in hoc Christus secundum humanam naturam plurimum differret à nostra natura, quod est contra Sacra Concilia.

Hanc Catholicam doctrinam fusiùs explicabimus, Deo iuvante, in hoc Tractatu, primò testimoniis S. Scripturae, cum solutione aliquot contrariorum argumentorum: deinde testimoniis SS. Patrum cum Annotationibus, ab initio Christianitatis usque ad annum circiter 1520.

TESTIMONIA

S. SCRIPTURÆ MANIFESTA,

CONTRA VBIQVITATEM

HUMANITATIS CHRISTI.

PRIMO SÆCVLO.

S. Matthæus Evangelista, cap. 28.

v. 5. & 6.



Scio, quod IESVM crucifixum quæritis. NON EST HIC. Surrexit enim, sicut dixit: Venite, & videte locum, VBI positus ERAT Dominus. *Etc. 28. v. 7.* Præcedet vos in Galilæam. *v. 9. ibid.* IESVS occurrit illis. *v. 18.* Accedens IESVS, locutus est eis.

S. Marcus, cap. 16. v. 6. & 7.

IESVM quæritis Nazarenum crucifixum. Surrexit, NON EST HIC, & præcedet vos in Galilæam. *Item.* Et Dominus quidem IESVS postquam locutus est eis, assumptus est in cælum, & sedet à dextris DEI. *ibid. v. 19.*

S. Lu-

S. Lucas, cap. 24. v. 6.

NON EST HIC: sed surrexit,
 Et v. 30. & intrauit cum illis. Et v. 52.
 Dum benediceret eis, recessit ab eis, &
 ferebatur in cælum.

S. Ioannes, cap. 11. v. 15.

Gaudeo propter vos, vt credatis,
 quoniam non ERAM IBI, sed camus
 ad eum. Et c. 14. v. 2. Et 3. Vado parare
 vobis locum; & si abiero, & præpara-
 uero vobis locum, iterum venio, & ac-
 cipiam vos ad me ipsum, vt vbi ego sum,
 & vos sitis. Et c. 20. v. 26. Venit Iesus
 ianuis clausis, & stetit in medio.

S. Lucas, Act. 1. v. 9.

Videntibus illis eleuatus est, & nu-
 bes suscepit eum ab oculis eorū. Cum-
 que intuerentur in cælum euntem il-
 lum, ecce duo viri astiterunt iuxta il-
 los in vestibus albis; qui & dixerunt:
 Viri Galilæi, quid statis aspicientes in
 cælum? Hic Iesus, qui assumptus est
 a vobis in cælum, sic veniet, quemad-
 modum vidistis eum euntem in cælum.

¶ *Error Ubiquistarum euertitur.*



PROLEGOMENA.

§. I.

Euertitur ex his Scripturis error Ubiquistarum.

H X istis, aliisque pluribus locis S. Scripturæ evidentissimum est, Christum secundum humanam naturam, tam ante, quam post resurrectionem, de vno loco in alterum, verè, proprièque migrasse, & localiter motum esse, ita, vt derelicto vno spatio, in quo fuit, aliud spatium, in quo non fuit, occupauerit. Hoc enim apud omnes gentes significant propriè ista, & similia vocabula, (*nasci, egredi, ingredi, repedare, accedere, venire, abire, ire, migrare, ascendere, descendere, ferri in alium, eleuari, non esse hic, &c.*) quibus omnibus vtitur S. Scriptura sepius de Christo loquens. Nec aliter tota Christiana Antiquitas Scripturas, nisi de motu locali proprio, ex communi sensu omnium gentium & popularum, est interpretata, per quem localem motum, propriè dictum, omnes simpliciter & abso-

absolutè intelligunt, aliquid secundùm suam substantiam & existentiam veram ex aliquo loco migrare in alium, quod est vnum deferere, & alium acquirere. Ergo non potest sine palpabili falsitate, & summo absurdo dici, Christi Humanitatem à primo puncto Conceptionis suæ, propter Vnionem hypostaticam, in omni prorsus loco, & in omnibus creaturis, in cælo, in terra, in mari, atque in ipso Inferno præsentem fuisse, vt dicunt Ubiquistæ: quia non posset dici, Christum verè & propriè ex utero Virginis secundùm suam substantiam vnquam prodiisse; verè & propriè localiter motum esse; verè & propriè ambulasse, aut portatum esse in Ierusalem, in Ægyptum, &c.

Probatur consequentia: Quod enim ex vno loco A. secundùm suam substantiam, mouetur localiter in alium locum B. illud necessariò priorem locum A. deserit, in quo fuit; & acquirit locum B. in quo non fuit. Hoc enim est de essentia, & intrinseca ratione motus localis propriè dicti, iuxta communem omnium hominum sensum, vt mobile per motum localem transeat ab aliquo termino à quo, ad aliquem alium terminum ad quem, quorum priorem deserit, & posteriorem acquirit.

Sed impossibile est, vt id, cuius substan-

B s tia

EPIST. DEDIC.

quibus illa benignas aures exhibeat,
& efficiat, vt SERENITAS VESTRA ma-
ximum sibi ad omnem pietatem &
virtutem in terris; & in cælo ad am-
plitudinem gloriæ ingens afferat in-
crementum. Valeat SERENITAS VE-
STRA & viuât in Christo IESV felicif-
simè ac florentissimè. Ratisbonæ die
festo S. Michaelis Archangeli, die
29. Septembr. 1657.

SERENITATIS VESTRÆ

Humillimus in Christo seruus

Laurentius Forerus S. I.

BREVIS INDEX.

Dedicatio.

Praefatio ad Lectorem.

Loca S. Scripturae contra Vbiquitatem.

Prolegomena seu Annotationes ad ea loca Scripturae.

§. I. Exercitium ex Scripturis contra Vbiquitarum.

§. II. Sophismata, quibus eluctari conantur Vbiquitatem, dissoluntur.

§. III. Dissensio Vbiquistarum inter se proponitur.

§. IV. Sententia Saxoniorum Electoralium in Defensione pupillae contra Foretum.

Index Testimoniorum ex Patribus Orthodoxis.

Ipsa Testimonia cum Notis per 15. saecula. Excerpta ex monumentis Facultatis Theologicae Parisiensis contra Fabrum Stapulensem. Anno 1530.

Testimonium Chrysanthi Lascaris Archiepiscopi Lacedaemoniorum.

Testimonium Stephani Gerlachij Vbiquistae cum Notis.

Testimonium Saxoniorum Electoralium, & Giessensium contra Wittenbergicos.

Conclusio Operis.

B

PRÆ-

PRÆFATIO



PRÆFATIO AD Lectorem.

Humanissime Lector : Dudam
promiseram publico, Testifica-
tionem hanc Christiani Orbis,
contra Lutheranorum Ubiqui-
starum horribilem doctrinam de Omnipre-
sentia Humanitatis Christi, sed variis ha-
erens remoris impeditus promissa servare
non potui. Nunc tandem fidem libero, &
ultra centum venerandos Patres ac aucto-
res orthodoxos ex omnibus seculis collectos
produco, quorum nemo naturam humanam
Christi non loco & terminis circumscripsit,
nemo illam omnipresentem cum Divinitate,
omnibus rebus totius mundi ubique adesse
docuit, ut merito hic sensus Patrum per
tot secula pro unanimi consensu uniuersae
Antiquitatis Christianae atq; Catholica ha-
beri & predicari possit : praesertim cum idem
quoque reperiatur in Decretis duorum Con-
cilio-

ADLECTOREM. 3

tiliorum Generalium, quibus ingens numerus Episcoporum rectè credentium subscripsit, à quibus vel pilum discedere Orthodoxi Patres semper summa sibi duxerunt religioni. Sic enim loquitur Chalcedonensis Synodus sexcentorum & triginta Patrum in fidei definitione, parte 2. Actione 5. pag. 340. apud Dionysium Petavium Tomo 4. Dogmatum Theolog. ubi etiam citat Græcum Textum: Sequentes sanctos Patres, vnum & eundem confiteri Filium D. N. IESUM Christum consentientes omnes docemus, perfectum eundem in Diuinitate, & perfectum eundem in Humanitate, Deum reuerà, & hominem reuerà eundem, ex anima rationali & corpore, consubstantialem Patri secundum Diuinitatem, & consubstantialem nobis secundum Humanitatem, per omnia similem nobis, absque peccato. Et rursus idem Chalced. Concilium: Ex duabus, inquit, naturis inconfusè, immutabiliter, indiuisè, inseparabiliter agnoscendum, ita vt nusquam natu-

rarum differentia vnione tollatur, sed
 proprietas magis naturæ vtriusque ser-
 uetur, & in vnā personam & hypo-
 stasin concurrat; non in duas personas
 partitum aut diuisum, sed vnum & eun-
 dem Filium, & vnigenitum Deum,
 Verbum, Dominum IESVM Christum.

*Similiter clarissimè Ephesina Synodus, cap. 13. Canonum ait: Christum consta-
 re ex duabus naturis, non euacuata,
 vel sublata naturarum diuersitate per
 coniunctionem, &c. Quibus verbis os-
 tendunt ista Concilia, naturam humanam
 in Christo per unionem personalem ita esse
 Verbo copulatam, ut tamen prorsus in se
 retinuerit integras proprietates naturæ suæ
 creata ac corporea: adeoque verè ac pro-
 priè de loco in locum transferri ac moueri
 potuisse; & cum ex se sit circumscripta lo-
 co, sicut omnia alia corpora, etiam non a-
 mittere hanc circumscriptionem; ideoque
 verum non esse, ut eadem nullo modo mu-
 tata in se natura, simul sit in certo loco lo-
 caliter, & tamen etiam Vbiq̃ue, & in om-
 nibus locis illocaliter & inuisibiliter, ut fuis-
 se*

AD LECTOREM. §

se dicunt Ubiquistæ Christum, dum esset in utero Beatae Virginis, in praeseptio, in templo, &c. ubi ex Scripturis constat eum fuisse visibiliter, & tamen Ubiquistæ dicunt eodem tempore & loco, etiam fuisse secundum idem corpus inuisibiliter, & incircumscriptè in eodem utero B. Virginis, & extra, quæ est manifesta contradictio; & in hoc Christus secundum humanam naturam plurimum differret à nostra natura, quod est contra Sacra Concilia.

Hanc Catholicam doctrinam fusiùs explicabimus, Deo iuvante, in hoc Tractatu, primò testimoniis S. Scripturæ, cum solutione aliquot contrariorum argumentorum: deinde testimoniis SS. Patrum cum Annotationibus, ab initio Christianitatis usque ad annum circiter 1520.

TESTIMONIA
S. SCRIPTURÆ MANIFESTA,
CONTRA VBIQVITATEM
HVMANITATIS CHRISTI.

PRIMO SÆCVLO.

S. Matthæus Euangelista, cap. 28.

v. 5. & 6.

Scio, quod IESVM crucifixum quæritis. **NON EST HIC.** Surrexit enim, sicut dixit: Venite, & videte locum, VBI positus ERAT Dominus. *Et c. 28. v. 7.* Præcedet vos in Galilæam. *v. 9. ibid.* IESVS occurrit illis. *v. 18.* Accedens IESVS, locutus est eis.

S. Marcus, cap. 16. v. 6. & 7.

IESVM quæritis Nazarenum crucifixum. Surrexit, **NON EST HIC,** & præcedet vos in Galilæam. *Item.* Et Dominus quidem IESVS postquam locutus est eis, assumptus est in cælum, & sedet à dextris DEI. *ibid. v. 19.*

S. Lu-

S. Lucas, cap. 24. v. 6.

NON EST HIC: sed surrexit,
& v. 30. & intrauit cum illis. Et v. 52.
Dum benediceret eis, recessit ab eis, &
ferebatur in cælum.

S. Ioannes, cap. 11. v. 15.

Gaudeo propter vos, vt credatis,
quoniam non ERAM IBI, sed eamus
ad eum. & c. 14. v. 2. & 3. Vado parare
vobis locum; & si abiero, & præpara-
uero vobis locum, iterum venio, & ac-
cipiam vos ad me ipsum, vt vbi ego sum,
& vos sitis. & c. 20. v. 26. Venit IESVS
ianuis clausis, & stetit in medio.

S. Lucas, Act. 1. v. 9.

Videntibus illis eleuatus est, & nu-
bes suscepit eum ab oculis eorū. Cum-
que intuerentur in cælum euntem il-
lum, ecce duo viri astiterunt iuxta il-
los in vestibus albis; qui & dixerunt:
Viri Galilæi, quid statis aspicientes in
cælum? Hic IESVS, qui assumptus est
a vobis in cælum, sic veniet, quemad-
modum vidistis eum euntem in cælum.



PROLEGOMENA.

§. I.

Euertitur ex his Scripturis error Vbiquistarum.

H X istis, aliisque pluribus locis S. Scripturæ euentissimum est, Christum secundum humanam naturam, tam ante, quàm post resurrectionem, de vno loco in alterum, verè, proprièque migrasse, & localiter motum esse, ita, vt derelicto vno spatio, in quo fuit, aliud spatium, in quo non fuit, occupauerit. Hoc enim apud omnes gentes significant propriè ista, & similia vocabula, (*nascei, egredi, ingredi, repedere, accedere, venire, abire, ire, migrare, ascendere, descendere, ferri in alium, eleuari, non esse hic, &c.*) quibus omnibus vtitur S. Scriptura sepissimè de Christo loquens. Nec aliter tota Christiana Antiquitas Scripturas, nisi de motu locali proprio, ex communi sensu omnium gentium & popularium, est interpretata, per quem localem motum, propriè dictum, omnes simpliciter & abso-

absolutè intelligunt, aliquid secundùm suam substantiam & existentiam veram ex aliquo loco migrare in alium, quod est vnum deferre, & alium acquirere. Ergo non potest sine palpabili falsitate, & summo absurdo dici, Christi Humanitatem à primo puncto Conceptionis suæ, propter Vnionem hypostaticam, in omni prorsus loco, & in omnibus creaturis, in cælo, in terra, in mari, atque in ipso Inferno præsentem fuisse, vt dicunt Vbiquistæ: quia non posset dici, Christum verè & propriè ex vtero Virginis secundùm suam substantiam vnquam prodiisse; verè & propriè localiter motum esse; verè & propriè ambulasse, aut portatum esse in Ierusalem, in Ægyptum, &c.

Probatur consequentia: Quod enim ex vno loco A. secundùm suam substantiam, mouetur localiter in alium locum B. illud necessario priorem locum A. deserit, in quo fuit; & acquirit locum B. in quo non fuit. Hoc enim est de essentia, & intrinseca ratione motus localis propriè dicti, iuxta communem omnium hominum sensum, vt mobile per motum localem transeat ab aliquo termino à quo, ad aliquem alium terminum ad quem, quorum priorem deserit, & posteriorem acquirit.

Sed impossibile est, vt id, cuius substan-

B s tia

tia Vbique est, & Vbique esse ponitur, quâ tale, & manens tale, deserat vnum locum A. per suam substantiam, & acquirat alium B. & tamen eodem tempore simul sit & maneat in A. & in B. per suam substantiam. Eset enim secundum suam substantiam simul eodem tempore in A. & in B. imò Vbique, ex hypothesis Vbiquistica; & non esset in A. neque Vbique; quia deseruit locum A. quem habuit, & adeptus est locum B. quem non habuit, sed per motum localem acquisiuit. Quæ est aper-
tissima contradictio.

Si ergo Christi Humanitas à primo puncto cōceptionis secundum substantiam suam fuit Vbique, etiam extra vterum matris, simpliciter & absolutè in omnibus locis; tunc Christus secundum substantiam verè & re ipsa non potuit nasci, atque ex eodem vtero verè egredi, & illum deserere; atque in stabulo locum nouum adipisci, quem antè non habuerit; neque in Ierusalem, in Nazareth, in Ægyptum portari, neq; vnquam aut vsquam propriè moueri localiter, *ire, venire, transire*, aut ad alium locum migrare: quæ omnia cum Euangelio è diametro pugnant; quia in omnibus istis locis secundum suam substantiam iam priùs fuisset; & vterum B. Virginis secundum substantiam suam non deseruisset, adeoque natus non fuisset. Et sic Scripturæ
essent

essent ridiculæ, falsæ & absurdæ in plurimis rebus de Christo; quæ tamen sunt liquidissimæ & limpidiissimæ; vt Matth. 2. v. 1. 2. *Cum natus esset Iesus in Bethlehẽm, &c. & Vbi est, qui natus est, Rex Iudaorum?* &c. Item. *Surrexit, non est hic.* Marci 16. v. 6. *Cum vidissent turba, quod Iesus non esset ibi.* Ioan. 6. 24. *Gaudeo, quod non eram ibi.* Ioan. 11. 15. At quomodo Scriptura absolute & simpliciter dicit talia de Christo, (*Non est hic, non erat ibi*) si reipsa fuit Vbique, quamuis per alium præsentia modum, nempe inuisibilem, attamen verum & realem?

Quod si dicant, Scripturam esse ita intelligendam, vt sensus sit, *Christus non est hic, vel, non erat ibi, localiter & visibiliter*, sic concedimus; negamus autem, si sensus sit, *Christus non est hic, illocaliter, seu inuisibiliter, &c.* illocaliter enim & inuisibiliter fuit Vbique, & secundum hanc præsentiam non potuit propriè moueri; secùs secundum localem.

Sed contrà est, quod *Negatio*, iuxta regulam Logicæ, est *malignantis natura*, & neget omnia post se posita. Ergo negatio absolute præsentia Christi, quando Angelus in Scriptura dicit, *Non est hic, & Christus, Non eram ibi, &c.* excludit omnem præsentiam etiam inuisibilem & illocalem; alioqui possemus etiam absolute negare ac dicere, Christum nõ esse in Eucharistia; quia non est ibi visibili-

ter, licet sit sacramentaliter ibi: quod Vbiquistis repugnat. Nam si Christus saltem inuisibiliter fuit in sepulchro, & tamen Angelus rectè dixit simpliciter & absolute, *Non est hic*; cur non etiam liceat de pane Eucharistico Lutherano dicere absolute & simpliciter, *Christi Corpus non est ibi præsens*?

Neque hîc Vbiquistæ audiendi sunt, qui dicunt, humanam sapientiam & naturalem rationem in Theologia negligendam esse, neque ad hanc trutinam mysteria diuina esse examinanda. Hoc enim quilibet nouator, impostor ac fanaticus posset nouis suis dogmatibus prætere, & sic sua somnia Orbi, in quaestionibus salutis obtrudere, omnemque rationem pedibus conculcare, quod nec ipsi Aduersarij possunt admittere. Quasi verò *lumen illud vultus diuini*, quod à Deo signatum est *super nos*, (Psalmo 4.) sit adeò in nobis obfuscatum, vt non etiam sæpiùs ancillari adhuc possit, ac rectè seruire Theologiæ? Annon ipsi quoque Aduersarij sæpiùs in materia fidei ratiocinantur, & discursus ex ratione producant? Quasi verò si secundum lumen rectum naturæ verum est, non posse fieri propriè dictum motum localem corporis, nisi id de loco, in quo est, transeat in locum secundum suam substantiam, in quo non est; id in Theologia falsum sit? profectò verum vero

non

non aduersatur, sed vbique cum illo amico conspirat: neque in Theologia admitti potest, quod euidenter impossibile & falsum est, sicuti euidenter est falsum & impossibile, quod aliquod corpus existens Vbique, de loco in locum moueatur verè ac propriè, & tamen priorem locum non deferat, nec alium nouum acquirat secundum suam substantiam.

Neque potest dici, motum Christi fuisse tantum apparentem, seu phantasticum, non verum, nec propriè dictum; sicuti, quando Scriptura dicit, Filium Dei *descendisse* in uterum Virginis: quia hæc responsio de motu apparente, Scripturam contra regulam SS. Patrum, pessimè detorquet ad improprium sensum, sine vlla necessitate, & euertit omnem veritatem Scripturæ S. de Christo. Longè alia ratio est *descensus* Dei in uterum Virginis; quia ibi necessitas cogit, descensum improprium intelligere; cum Deus propriè ob suam Immenstatem & Omnipræsentiam sit immobilis, & de vno loco in alium migrare, aut moueri nō possit: si ergo & Humanitas Christi esset omnipræsens, nec ipsa moueri propriè & verè posset; quia nullum locum deferere, nullum acquirere posset de nouo secundum substantiam.

Et hoc adamaneium argumentum in S. Scriptura fundatum de motu locali, Vbiqui-
sta

itæ nunquam soluerunt; licet illis sæpe obiectum fuerit à Bellarmino, Gretsero, Becano, Tannero, & aliis; quibus magnis Viris meritis adiuungo magnum quoque Theologum Romanum Martinum de Esparza, nunc Romæ Theologiæ Professore, qui quid de vi argumenti huius sentiat, sic nuper 22. Ianuar. anno 1657. in priuato scripto declarauit, his verbis. *Censco istud argumentum esse omnino efficax, & concludere intentum insuperabiliter. Quia loca Scriptura; quibus nititur, non adscribunt Christo Domino utcumque, & qualescunque motus locales, sed tales & taliter, ut eis verificandis sit necessaria presentia eius noua in quibusdam locis, & absentia in quibusdam aliis, non solum quoad modum aliquem peculiarem, sed etiam quoad substantiam secundum se. Sicut enim conceptio foetus in utero, non est acquisitio solius noui modi presentia in illo, sed est noua existentia substantia foetus in ipso, nullatenus, nulloque modo preexistens in eodem pro tempore antecedenti: ita Natiuitas non est acquisitio solius cuiusdam noui modi Ubicationis extra uterum, sed est existentia ipsius substantia extra uterum; ita ut antecedenter non esset ulla modo extra eundem; idque cadente prorsus ratione; qua generatio cuiusvis alterius substantia non est acquisitio noue Ubicationis, sed noua existentia ipsius substantia secundum se. Idem suo modo dicitur de Ascensione & Descensione;*

de

de ingressu & egressu; de profectioe ab uno loco, & peruentione in alium; deque similibus simpliciter & absolute prolatis; & non cum restrictione, ad modum aliquem peculiarem; qualis restrictio procul dubio adhibenda foret in propositione enuntiante aduentum, vel profectioem Christi Domini, respectu loci occupati per species consecratas, quo proinde exemplo aliqui male utuntur aduersus argumentum pradietum.

Multo vero manifestius quodammodo est hoc ipsum de absentia alicuius ab aliquo loco. Quia dici non potest simpliciter & absolute, aliquem abesse ab eo loco, cui verè & realiter est presens, secundum aliquem vera & realis presentia modum, licet eidem ibidem desit quidam alius presentia modus. Alioqui dici posset, Christum non adesse sub speciebus consecratis: dici, inquam, posset simpliciter & absolute: quia ibi non habet presentiam circumscriptiuam, cum restrictione & determinatione partis locati ad partem spatij: quod tamen est absurdissimum & haereticum, ut patet. Cum igitur eiusmodi sint, quae dicuntur de Christo Domino in locis Scripturae, quibus nititur argumentum, de quo quaritur, patet ipsum esse efficacissimum & ineluctabile; atque interpretationem, quae (in contrarium) adhibetur per duplicem Ubicationis modum, esse talem, quales esse solent interpretationes alia Adversariorum ad testimonia Scripturae, quibus probantur alia quaecunque mysteria nostra

stra fidei; nempe esse manifestè violentam, ac absurdam, atque omnino alienatiuam à legitimo & genuino sensu S. Scriptura; qualis euasio nunquam deesse potest hæreticis, pro ullo argumento assumpto ab auctoritate. Confirmatur in eodè scripto eiusdem Patris: *Istud Argumentum*, inquit, est hoc ipso non cõtemnendum, quod cogit Adversarium, prout omnino cogit præsens argumentum, ad accommodandum testimonius Scripturæ sensum abhorrentem à communi & ordinario loquendi ac intelligendi modo, & quem verba ipso nequaquam præ se ferunt, & qui proinde defendendo ac stabiliendo necesse sit, iuxta celebrem regulam Augustini de interpretandis Scripturis, præducere testimonium aliud eiusdem Scripturæ, vel rationem evidentem, quæ cogat ad violentam eiusmodi intelligentiam. Quod ut possibile sit in re præsentis, facile certè non est; neq; verò idem est; argumentum esse facile solutum, & facile dici ad illud posse futile aliquid, quòdque nullo fundamento satis persuadeatur, sed dicatur præcisè ad inuendum impositum, atq; appareat clarè dicendum, minime fuisse independentem à præiudicio malè fundato. Cum ergo huiusmodi sit, quod respondeatur ad prædictum argumentum, de motu locali, ut patet, clarè apparet, ipsum esse dignissimum, quod typis mandetur. Ita P. Esparza; nec dissentit P. Sforza Pallauicinus ibidem.

I. Putant quidem aliqui Vbiquistæ, se suffi-

sufficienter respondisse, & ab omni difficultate se liberasse; si dicant, vt suprà monui, Christum habere duas præsentialias, vnam visibilem & localem; alteram inuisibilem & illocalem; per visibilem moueri, per inuisibilem Vbiq̃ esse corpus Christi, & manere.

Sed nihil dicunt. 1. Nos non disputamus de modis existendi in loco, & accidentibus substantiæ, vt rectè Becanus vrget in Manuali suo, sed de ipsa substantia secundum se; ytrùm illa sit mobilis loco, si sit Vbiq̃; & possit simul vnum locum verè deserere, & alium locum acquirere secundum se; & tamen etiam post motum in primo loco manere secundum substantiam, & in altero iam antè fuisse: adeoque in omni loco, vbi existit eadem substantia visibiliter, simul existere inuisibiliter: quæ duæ præsentialiæ (*visibilis*, & *inuisibilis*,) contradictoriè opponuntur, & simul in eodem subiecto, & in eodem loco & tempore poni non possunt; quomodo ergo Vbiquistarum euasio habet locum?

2. Si eodem momento, quo cœpit Humanitas Christi esse secundum substantiam localiter & visibiliter in utero B. Virginis, eadem etiam cœpit omnipræsens esse illocaliter & inuisibiliter in omnibus aliis rebus, & locis extra uterum B. Virginis, tunc per aliquam actionem in illis omnibus rebus, & locis præsens

sens fuisset constituta. Necessesse est enim, vt interueniente aliquo medio seu actione, in omnes alias res totius mundi extra vterum B. Virginis saltem illocaliter & inuisibiliter translata & constituta fuerit; sicuti in ipso vtero B.V. constituta fuit.

Nulla autem alia actio assignari potest, quàm actio generatiua, & vnitiua in vtero B. Virginis. Quomodo autem fieri potuit, vt vna eadèmq; indiuisa actione, duo tam contrarij termini producerentur, nempe Humanitas localis, visibilis & circumscripta in vtero B. Virginis, Verboque diuino hypostaticè vnita: & illocalis, inuisibilis, & incircumscrip-
ta, tam intra, quàm extra vterum B. Virginis in omnibus aliis rebus totius mundi?

Ex quo 3. sequitur: Humanitatem Christi non tantùm in vtero B. Virginis esse conceptam, sed & in vtero Herodiadis & aliarum faminarum: Ibi enim concepta est Humanitas Christi, vbi per actionem generatiuam constituta est primò præsens: At Humanitas Christi secundùm Vbiquistas, per eandem actionem generatiuam, & eodem momento, constituta est etiam extra vterum B. Virginis Vbique, & in omnibus rebus, illocaliter & inuisibiliter primò præsens. Ergo.

II. Aliqui Vbiquistæ sic distinguunt, Christum quidem, *quoad possessionem*, fuisse Vbique

ubique & in omni loco, à puncto Conceptionis, propter Unionem hypostaticam; quoad usum vero, & manifestam patefactionem suae maiestatis, seu in actu secundo, coepisse primum Vbique esse in Resurrectione, seu Ascensione.

Sed hanc quoque distinctionem nauci, & nihili esse probo. 1. Quia probare nequeunt, à Christi Humanitate, nunc post Ascensionem, magis manifestari illam Omnipræsentiam illocalem & inuisibilem, quam antea: Cui enim hominum illa modò magis innotescit, quam nemo penitus neque olim vidit, neque nunc, cum sit inuisibilis, videt?

2. Omnipræsentia est tale attributum Dei, ut eius propria ratio in ipso usu, & actu secundo posita sit, non autem in aliqua potentia, seu actu primo. Vbique enim Deum præsentem esse, est ipse usu, & actus secundus immensitatis Dei: ut optime probat Valentia, lib. 1. contra Vbiquitarios, cap. 6. circa medium. Deus enim non potest non vbiq; actualiter existere: sed infallibiliter, inseparabiliter, ac necessario cōiungitur, & coëxistit actu secundo, seu usu omnibus rebus. In Deo enim actus primus & secundus in re non discernuntur, sed tantum in consideratione nostri intellectus, proinde esse, posse, operari in Deo non nisi nostro concipiendi modo distincta sunt, & fieri nequit, ut Humanitas Christi habeat, vel uni-

eo puncto in se formaliter Omnipræsentiam, & à parte rei non actu ipso secundo sit formaliter omnipræsens. Deus enim & attributa diuina sunt essentialiter actus secundus : nihil vsquam potentialitatis aut priuationis est à parte rei ; nihil quod alicuius imperfectio-
nis indicium sit, propter eminentissimam es-
sentia diuinæ perfectionem. Quare si realiter in primo puncto conceptionis Humanitati Christi cōmunicata est Omnipræsentia diuina, non potest non eadem Humanitas, stante hac communicatione Vbiquistica, fuisse realiter, & in actu secundo perfectissimè omnipræsens. Attributa enim Dei sunt omnia & singula ipsa Dei substantia. Dei autem substantia non po-
test habere rationem *actus primi*. Quod si quid interdum in Deo per modum *actus primi* con-
cipimus, id imbecillitas nostræ est mentis, & actu reflexo corrigitur; nec locum habet in omnibus, sed in iis tantum attributis, in quibus actualitas aliquā cum ratione, & ad creaturas analogiā concipitur, ut est Omnipotentia, Misericordia, &c. Quare nullo modo huc quadrat ista distinctio *passionis & usus*?

III. Alij respondent, Humanitatem Christi in statu humiliationis etiā *actu secundo* fuisse Omnipræsentem; sed *actu persone*, non autem *actu nature*. Et hæc est etiam hodie Wittenbergicorum distinctio, quam refutauimus in
Manua-

Manuali Lutheranorum, part. 2. c. 3. §. 3. Profecto isti aut nesciunt, quid loquantur, aut ineptè loquuntur.

Nam 1. vel sensus est, substantiam Humanitatis Christi verè, formaliter, realitèrque esse Vbique, attamen creatà Omnipræsentià, quam tamen non habeat ex se, & suà naturà fluentem, sed ab vnita sibi persona diuina productam. At hoc nihil impedit, quò minus etiam actu, formaliter & subiectiuè omnipræsens dici possit: quandoquidem etiam aqua calida, est in se actu verè, realiter, & formaliter in suà entitate calida; tamen calorem non habeat ex se, siue ex sua naturà, sed ab extrinseco igne vel sole.

2. Si Humanitas Christi per Omnipræsentià creatam, quam in se habeat, formaliter & subiectiuè est Omnipræsens; tunc etiam per creatam Omnipotentiam erit Omnipotens; cum dicant Vbiquistæ, eam non minùs esse Omnipotentem, quam Omnipræsentem. Sed consequens est euidenter falsum; quia Omnipotentia non potest creari; per quam omnia debent creari, quæ creantur; sicuti nec alia attributa diuina; alioquin & Deus posset creari, quod est absurdum, & manifestè falsum.

3. Non possunt consequenter dicere, Humanitatem Christi esse per creatam Omnipræsentià Vbique, cum sapius id negent, ac



expresse dicant, hæc dona, quæ Humanitati Christi sunt comunicata, (vt est Omnipræsentia, Omnipotentia, Omniscientia, virtus viuificatrix, potestas iudicandi & remittendi peccata, &c.) esse verè immensa, & infinita, non finita; diuina, non creata. Ita Conradus Dieterich Vbiquista, ex communi suorum consensu, in Quæstionibus Catecheticis, de persona Christi, fol. 392. 393. Nam gloria & maiestas, inquit, ipsi Deo tribuitur, ex qua Deitas ipsius solidè demonstratur. Atqui talis est gloria Christa per & propter unionem personalem communicata. Ergo Christa dona verè diuina & infinita sunt, &c. Non est igitur Christi Humanitas, secundum hanc Vbiquistarum doctrinam, omnipræsens per creatam, sed per increatam ac diuinam Omnipræsentiam: & quia Conradus Dieterich ait, per diuina attributa Deitatem solidè demonstrari, quid sequitur, nisi Humanitatem in Deitatem transmutari? Vel sensus est, Humanitatem Christi non esse immediate per creatam Omnipræsentiam in se realiter & formaliter omnipræsentem, sed Omnipræsentiam realiter, formaliter & intrinsece solum indiuitate existere, & quidem increatam, mediante tamen personâ Verbi, etiam vniri ac communicari naturæ humanæ.

At tunc sequitur quidem, Omnipræsentiam aliquo modo attribui posse Humanitati

Chri-

Christi, sed non nisi mediante persona diuina, adeoque tantum materialiter, non autem formaliter: & ideo tantum in concreto; sic orthodoxè dicitur, *Christus homo est omnipræsens*; non autem, *Christi Humanitas est omnipræsens*. Cum enim concreta, quale est *Christus*, supponant (ut loquuntur Dialectici) in recto casu pro *supposito*, non pro natura; suppositum autem in subiecto dictæ Enuntiationis (*Christus homo est Vbique*) sit persona Verbi; rectè de illa affirmatur hoc prædicatum, (*est Vbique*) reuerà enim persona illa *est Vbique*; cum sit re idem cum natura diuina, quæ est Vbique; non autem natura humana formaliter in se est Vbique; quia non habet in se formaliter & subiectiuè Omnipræsentiam diuinam. Nam dici requirit inesse, inquit Meisnerus Vbiquista, q. 2. Qq. *Vexatarum*; & vera denominatio semper præsupponit ipsum rei actum, ut nihil de subiecto prædicari verè queat, nisi quod ipsi subiecto verè actiue competat. Humanitati autem Christi Omnipræsentia increata non inest formaliter, neque illam immediatè afficit, sed solum mediante persona Verbi, quæ assumpsit Humanitatem. Si ergo diuina natura, cuiusque attributa, (cuiusmodi est etiam Omnipræsentia) Humanitati Christi non sint immediatè & formaliter vnita, sed solum mediante persona diuina; non possunt de eadem

24 Error Vbiquistarum evertitur.

verè, immediatè *in abstracto* affirmari, sed solum, vt iam dixi, *in concreto*.

Talis enim est communicatio idiomatum, & prædicatio, qualis est vnio. Hæc autem non est, nisi mediata, nempe per *Verbi personam*. Aliàs pariter ob hypostaticam vnionem fas esset dicere *in abstracto*, Humanitas Christi est *incorporea*, est *increata*, est *independens*, est *æterna*, est *creatrix*, &c. cum hæc omnia sint non minùs attributa diuina; & æquè communicata in eodem puncto conceptionis Humanitati Christi, atque Omnipræsentia, cum qua sunt etiam identificata; & tamen nemo hæc non dicat esse falsissima, & absurdissima: ergo & illud de Omnipræsentia est falsissimum, &c.

Echic est cardo rei, vt declarent se Wirtembergici huius distinctionis Authores, vtrum Humanitas Christi sit formaliter omnipræsens per eandem numero increatam, diuinam Omnipræsentiam, per quam omnipræsens est diuinitas; an verò per aliam numero creatam Omnipræsentiam.

Si posterius dicant, in nihilum abit illa diuina Maiestas, & æqualitas Humanitatis Christi cum Diuinitate, quam iactant: quia nulla creatura potest eò vsque eleuare Humanitatem Christi, vt ipsa in se verè denominetur diuina Maiestate prædita, & æqualis increa-

creaturæ naturæ: sed solum vt Christus sit talis; nempe ratione diuinæ personæ, in qua subsistit Humanitas.

Si verò prius dicant; vel afficitur Humanitas immediatè ab illa Omnipræsentia increata per modum formæ intrinsecè, vel non afficitur: si non afficitur; non potest Humanitatem increata Omnipræsentia denominare *formaliter* omnipræsentem, sed, vt dixi, tantum personaliter, & in concreto, vt dicatur, *Christus homo est Omnipræsens*, non autem in abstracto, *Humanitas Christi est Omnipræsens*. Si verò Humanitas *intrinsecè* afficitur, & *immediatè* ac *formaliter* per istam increatam Omnipræsentiam, tunc inducitur reuerà confusio proprietatum diuinæ ac humanæ naturæ in Christo, contra Concilia Generalia & Patres, ita vt Humanitas in se intrinsecè ac immediatè & formaliter habeat easdem proprietates, quas habet diuinitas; & consequenter eandem naturam; vti semper contra hæreses argumentati sunt SS. Patres & Concilia: ob quam causam ab iisdem ex identitate proprietatum diuinarum quoque identitas naturæ contra Arium, Eutychen, & alios tradita, & per consequentiam est deducta. Cum ergo Patres omnes dicant, in Christo duas esse naturas perfectas, inconfusas, essentiali, & proprietatibus distinctas, & saluas, ac

integras ; quandoquidem non nature per se
 inuicem copulantur, sed tantum in vna perso-
 na conueniunt; sequitur, esse mutuam comu-
 nicationem idiomatum, *in concreto*, non in ab-
 stracto. Sic in 4. Synodo Chalcedonensi sta-
 tutum est, in Christo duas esse naturas distin-
 ctas sine vlla confusione : secundum huma-
 nam per omnia similem, & consubstantialem
 nobis, excepto peccato; secundum diuinam
 consubstantialem Patri. Et ideo hæc est do-
 ctрина orthodoxa & Catholica. Nec euadent,
 si dicant, istam increatam Omnipræsentiam
 esse quidem communicatam intrinsecè, &
 immediatè Humanitati, sed hanc illam non
 habere ex se essentialiter, sed à Deo: quia hoc
 non obstat, quin Humanitas fiat Deus, cum
 & Filius à Patre habeat Diuinitatem, non au-
 tem essentialiter à seipso, & tamen verè sit
 Deus; sicut & Spiritus S. à Patre Filioque. Si
 ergo Humanitas Christi reuerà in se formali-
 ter, & intrinsecè habet proprietates diuinas
 & increatas, easque propter unionem hypo-
 staticam illi debitas, vt Vbiquistæ dicunt, re-
 uerà & ipsa mutata est in Diuinitatem, ex
 mente SS. Patrum, qui ex proprietatibus de
 ipsa natura semper iudicant, vt videre est
 apud Dionysium Petauium de Deo, de SS.
 Trinitate, de S. Spiritu, de Christo in omnibus
 Tomis Theologicorum, Dogmatum, præsen-
 tim

§. II.

*Sophismata, quibus eluctari
conantur Vbiquista.*

PRIMUM. Quando duo inter se sunt inseparabiliter ac indistincte unita & coniuncta, tunc aiunt, ubi vnum illorum est, ibi est & alterum. Sed diuinitas & humanitas Christo inter se sunt inseparabiliter & indistincte (secundum Damascenum) iuncta, & unita per unionem hypostaticam, & quidem in puncto primo Conceptionis. Ergo ubi est Diuinitas, ibi etiam est Humanitas. Sed Diuinitas est Vbique, & Omnipræsens; Ergo & Humanitas est Vbique, & Omnipræsens.

Respondeo: Grauiissime hallucinantur Vbiquistæ. Nam Maior distinguitur. Quando duo inter se inseparabiliter & indistincte sunt coniuncta coniunctione adæquata, & totali, ita ut vnum vniuersale, alterum non excedat, concedo Maiorem. Si vero vnum excedat alterum, & illi sit inadæquatum (ut fit in hoc casu, ubi Verbum Diuinum est ex sua natura immensum & infinitum: Humanitas vero Christi ex sua natura terminata ac finita) negatur Maior, & consequentia in dicto sensu, corruitque totum argumentum.

Eandem

Eandem distinctionem vsurpat Andreas Kesslerus Vbiquista, lib. 2. contra bellum Vbiquisticum Foreri, sect. 2. fol. 648. his verbis: *Distinguendum inter præsentiā adequatā, & inadequatā. Quidquid adequatē præsens est alteri, & sic intimē, indistanter, ac inseparabiliter ipsi est coniunctum, illud si est capax motionis localis, illo localiter moto, & ipsum mouetur, &c. Verum quando corpus corpori est præsens inadequatē, non necesse est, ut vno moto localiter, alterum etiam moueatur.* Quo responso Kesslerus implicite probat Catholicorum sententiam. Quæ enim ille de motu locali dici, etiam de existentia in loco, modo suo dici possunt; cum motus localis existentiam hanc localem præsupponat, aut includat, ac pro termino habeat.

SECUNDVM. Deus est Omnipotens, & Omnipræsens. Homo in Christo factus est Deus, Ergo homo in Christo factus est Omnipotens, & Omnipræsens.

Respondeo. Si in Minore homo sumitur pro persona, falsa est minor: quia persona in Christo est diuina. At hæc non est facta Deus per Incarnationem, sed iam antea ab æterno erat Deus. Si verò sumitur pro humana natura, vera est propositio in hoc sensu, Humana natura assumpta est à Verbo, & illi personaliter vnita, qua ratione verè factum est, ut Homo esset & Deus; quia persona illa est

Deus,

Deus, in qua humana natura subsistit. Sed inde nihil habent emolumenti Vbiquistæ. Si omittas illud (*factum*) & dicas, Deus est Omnipotens, & Omnipræsens. Homo in Christo est Deus, Ergo homo in Christo est Omnipotens, & Omnipræsens. Concessa Maiore, distinguitur minor. Homo in Christo est Deus, ratione suæ naturæ diuinæ, concedo; ratione humanæ, nego.

TERTIUM. Christo per unionem hypostaticam in Incarnatione omnia attributa diuina data sunt, quæ sunt in Verbo, Teste Apostolo ad Coloss. 2. v. 3. *in quo sunt omnes thesauri sapientia & scientia absconditi, & v. 9. in ipso inhabitat omnis plenitudo diuinitatis corporaliter.* Ergo etiam Omnipræsentia & Omnipotentia illi data est, neque quidquam est illi negatum.

Respondeo. Concedo, illi omnia data esse attributa diuina cum natura diuina, sed non eo modo, quo sunt propria diuinitatis, hoc est, vt formaliter insint humanitati, ac intrinsecè formaliter eam afficiant, sed vt personalliter, siue ratione personæ diuinæ illam sustentantis, ei tantum conueniant: adeoque vt materialiter illi tantum insint, & non tribuant effectum formalem: Sic æternitas Dei etiam realiter est in corpore Christi, & tamen Corpus Christi non fecit æternum, cum in

cer-

certo tempore primùm cœperit; sicut anima spiritualis habitat in corpore, & tamen non facit corpus spirituale. Similiter Deus habitat in hominibus sanctis, ad Rom. 8. v. 9 non ideo homines sancti, sunt Dij. Ex hoc autem personalis communicationis modo, non efficitur recta & formalis affirmatio vnius de altero in abstracto, sed tantùm in concreto. Ideo homo Christus quidem dicitur Omnipræsens, Omnipotens & Omniscius, non autem Humanitas.

In Christo porro sunt omnes thesauri sapientia & scientia Dei, & in ipso inhabitat omnis plenitudo Diuinitatis, secundùm diuinam naturam, & hypostasin, non autem secundùm naturam humanam.

Dices. Christus Matthæi 9. v. 4. Phariseorum intima cogitata perspexit. Et Ioan. 6. v. 2. nouit, qui essent non credentes; quis esset illum proditurus; nouit oues suas, Ioan. 10. Ergo humanæ naturæ Christi verè Omniscientia communicata est, quia hæc scire proprium est naturæ diuinæ. Ergo & Omnipræsentia.

Respondeo. Hæc scire per se, & per increatam ac infinitam scientiam, est proprium diuinæ naturæ; ac negamus humanam Christi naturam sciuisse hæc ex se, & per increatam scientiam, sed ex dono Dei creato & finito; sicuti etiam Prophetæ futura, absentia,

&

& occulta sciuerunt , & præuiderunt , etiam quæ latebant abstrusa in pectore aliorû. Quin Christus , quâ Deus , omnia sciuerit , nullum potest esse dubium , sed per scientiam increatam.

Et hoc in aliis Dei proprietatibus perspicuè cernitur: Nam *Æternitas*, & initio carens perpetuitas, non minùs est coniuncta diuinitati, quàm immensitas, *Omnipræsentia*, aliæque proprietates diuinæ, quæ separari à natura diuina, aut sine illa communicari humanæ naturæ nullo modo possunt. Quis autem dicat, humanam naturam per unionem hypostaticam factam esse æternam? initij expertem, aut *ininitabilem*? aut independentem?

Talis nimirum est hæc communicatio diuinæ naturæ, & omnium proprietatum diuinarum cum natura humana, ut vtrunque prædicari possit. Quâ enim ratione Diuinitas Humanitati, & Humanitas Diuinitati communicatur, eâdem & proprietates ambarum naturarum ipsis vtrunque attribuuntur, sed tantùm in concreto: cùm vna eadêmeque persona habeat vtramque naturam; & hæc prædicatio est personalis, seu substantialis, non essentialis, nec accidentalis; quia coniunctio est personalis. Sicut enim homo est Deus, quoad prædicationem, ita Deus est homo: ideo

ideo etiam dici potest in concreto , *Deus est mortuus , est passus , est crucifixus* , non autem *Deitas* est mortua , passa , crucifixa ; quod tamen Lutherus non est veritus affirmare.

QUARTVM. Si Humanitas Christi non est Vbique, tunc nec Christus est Vbique: Atqui falsum est, Christum non esse Vbique, vt vel hoc Syllogismo probatur : Deus est Vbique : Christus est Deus, Ergo Christus est Vbique. Ergo falsum quoque est, Humanitatem Christi non esse Vbique : sine Humanitate enim Christus non est Christus.

Respondeo. Negando sequelam maioris. Quia Christus nō tantū significat naturam humanam, sed & personam diuinam cum diuinitate ; Satis est autem, vt dicatur Vbique, si quoad personam & diuinitatem sit Vbique, nec est necessarium, vt quoad omnia, hoc est, etiam quoad Humanitatem sit Vbique. Nōne Christus est Deus, & tamen secundū humanam naturam non est Deus. Ita Christus est Vbique, licet secundū humanam naturam non sit Vbique. Quando SS. Patres subinde Christi *carnem* vocant Deum , *impropiè* loquuntur , accipientes carnem pro homine.

QVINTVM. Si Christus, quā homo, seu secundū Humanitatem, non est Omnipræsens & Vbique, sequitur, illum non habere

D

omnia

omnia, quæ ad officium summi Sacerdotis, Regis, Iudicis, & capitis Ecclesiæ, tam militantis, quàm triumphantis, requiruntur. Omnis enim potestas, quam Christus sibi, quâ homini, datam esse in cælo & in terra, dixit, est illi ad hoc officium necessaria. Ergo etiam Omnipræsentia, quâ possit omnibus rebus adesse, & illas dirigere, disponere, & gubernare, est illi necessaria.

Respondeo. Nimis abiectè sentiunt Vbiquistæ de Humanitate Christi, dum eum, quâ homo est, & secundum Humanitatem Ecclesiæ regere posse negant, sine monstroso hoc figmento Vbiquitatis? Quasi verò nil sciat, Christus, nisi quæ corpore præsens videt, audit, manibus contrectat? Quasi verò Iudex, Rex, Sacerdos summus esse non queat, nisi per increatam Dei iudiciariam potestatem? nulusque viuificandi & saluandi virtute pollere possit, nisi per infinitam illam vim, quam Deus ad viuificandum & saluandum habet? Christus intelligentiâ suâ creatâ, spiritu, & cogitationibus adesse potest in toto mundo omnibus rebus, quas gubernat, regit, & iudicat ex Dei dono, & creato lumine, sicut olim cor Elisæi, 4. Reg. 5. v. 26. præsens erat, quando reuersus est Naaman de curru suo in occursum Giezi, & quando idem Elisæus, quamuis absens, vidit Giezi accipientem vestes & argen-

argentum, & quidem etiam, quo consilio hoc fecerit: nempe, *ut emeret oliueta, & vineas, & zahas, & bones, & seruos, & ancillas.* Et 4. Reg. 6. v. 9. quando detexit occulta consilia, & positas insidias Regis Syriæ; & S. Petrus Actor. 5. quando nouit occultas fraudes & fallacias Ananiz & Saphiræ: Ergone ideo etiam Prophetis & Apostolis ista Vbiquistica omnipræsentia fuit necessaria? Quid de S. Paulo dicemus, qui 1. Corinth. 5. v. 3. & 4. etiam *absens corpore, præsens animi spiritu* iudicauit Corinthium.

SEXTVM. Humana Christi natura adoratur: Ergo participat attributa diuina in se: & sic etiam Omnipræsentiam; quia adoratio est propriissimum idioma Dei.

Respondeo. Humana Christi natura adoratur non per se, sed ratione adiunctæ hypostaseos, in qua subsistit; non propter se, sed propter aliud, nempe propter suppositum diuinum: adoratur etiam non absolute & simpliciter, sed analogicè, & cum habitudine ad personam diuinam, per quam terminatur; quamuis aliqui etiam aliter respondeant.

SEPTIMVM. Si Christi Humanitas nunc non est Vbique, sed in determinato aliquo cæli loco existat, tunc homines in terra sæpissimè errabunt, quando ipsius opem protensis sursum manibus implorant: in Europa enim

manus ad partem cæli nobis aspectabilem eleuant; & tamen fieri potest, vt Christus nō sit in ea parte, sed potiùs in parte ad Antipodas spectante. Hoc autem est absurdissimum, nescire nos, vbi Christus sit, quando ab eo auxilium flagitamus. Necesse igitur est, vt sit Vbi-que in cælo.

Respondeo. Quando Christum oramus, dirigimus ad illum, vt Deum, preces, vel saltem ad Humanitatem vt coniunctam Diuinitati, à quâ Humanitas habet suam dignitatem, & consequenter satis est, si Diuinitas, quæ est Christi dignitas, sit Vbi-que: & sic nullum committitur absurdum, nec error. Per Diuinitatem enim ipsi intimè coniunctam cognoscit etiam Humanitas, quis eius opem imploret?

Deinde etiamsi dirigerentur preces ad Humanitatem præcisè, adhuc ipsa interna mentis directio (in qua consistit vis orationis) nō est ad hunc potiùs locum, quàm ad alium, sed ad eum, in quo existit reipsa in cælo Christi Humanitas, vbicunque existat; & sic semper Christus etiam secundùm humanitatem, licèt apud Antipodas, cognoscit hanc interiorem orantis directionem. Quare cùm nesciamus, in qua parte cæli nunc resideat, sine absurdo possumus in quamcunque partem cæli extendere manus nostras inter orandum.

Et

Eridem dici potest de B. Virgine, & aliis Sanctis, quando illorum intercessionem postulamus.

Denique retorquetur argumentum in Vbiquistas. Si enim Humanitas Christi est Vbique, adeoque etiam in terra, cur ipsi oculos potius eleuant in cælum, quando orant, ad eius opem implorandam? Omnes ergo debemus respondere, eleuare nos oculos in cælum; quia scimus Christum esse in cælo, quamuis nesciamus, qua parte cæli sit; eleuamus autem in cælum ea parte, qua nobis ad visum patet cælum, quia sic complectimur cælum totum eo modo, quo possumus, videndo hanc partem nobis peruiam & conspicuam, quæ continua est cum toto reliquo cælo.

OCTAVVM. Si Christus secundum Humanam naturam non est, Vbicunque est eius Diuinitas, sequitur Christum non esse Vbique Christum, hoc est, Deum & hominem. Atqui est absurdum, Christum non esse Vbique Christum, vel Deum & hominem. Ergo absurdum est & id, ex quo sequitur.

Respondeo. Maior propositio: *Christus est Vbique Christus*, licet primo aspectu videatur verissima & identica, tamen cum vox (*Christus*) possit accipi variè, distinguenda est. Nam aliquando accipitur pro solo supposito, seu persona diuina, vt in epist. ad Hebræos c. 13,

v. 8. *Iesus Christus heri & hodie, ipse & in secula*
 & Ioan. 8. v. 58. dicit Christus de seipso: *Antequam Abraham fieret, ego sum.* Certum est
 autem, humanam naturam Christi non fuisse
 ante Abraham, & ab æterno, sed solam perso-
 nam Christi cum Diuinitate. Aliquando verò
 accipitur Christus pro toto composito; seu
 conflato ex persona Diuina & Humana natu-
 ra, vt in Symbolo Athanasij, *Sicut anima ratio-
 nalis, & caro vnus est homo; ita Deus & homo
 vnus est Christus.* Cum ergo in dicta propo-
 sitionis prædicato accipiat *Christus* indubiè
 pro toto composito, vt declarant illa verba
 addita, *Hoc est, Deus & Homo*, videndum est,
 quomodo in subiecto accipiat.

Dico igitur I. Si Christus in subiecto ac-
 cipiat pro sola persona diuina, ita vt sensus
 sit, *Verbum diuinum est Vbiq; Deus & homo*,
 tunc non solum non esse identicam, sed etiam
 falsam; sicuti falsa etiam illa est, *Christus sem-
 per fuit Christus*, hoc est, *Verbum fuit semper
 Deus & Homo.* Nam licet nunc Verbum sit v-
 nitum humanitati, tamen sicut non semper
 fuit illi vnitum, ita neq; Vbiq; est illi vnitum.

Nec refert, Verbum, quod nunc est Hu-
 manitati vnitum, nunc esse Vbiq;: Nam et-
 iam anima rationalis, quæ nunc est vnita ca-
 piti, nunc est in spatio; v.g. sex aut septem pal-
 marum, hoc est, in toto corpore, & tamen ca-

put non est in toto corpore, in quo est vnita anima corpori; quia caput non est in pede.

Quæ instantia apertè ostendit, non esse de essentia vnionis, vt vbi existit vnum extremum, ibi existat & alterum. Et sanè cùm optimè possit explicari essentia vnionis per hoc, quòd in aliqua parte spatij, in quo existit vnum extremum, faciat existere aliud, (sic enim sufficienter vnio distinguitur ab omni alio genere entis) pertinet ad ipsos Vbiquistas positiuè ostendere, essentiam vnionis requirere, vt vbicunque existit vnum extremum, ibi existere & alterum. Quod hætenus non fecerunt. Interea authoritas Scripturæ, quæ clarè dicit, Christum de loco vno fuisse verè motum ad alium; & exemplum de anima rationali stat pro nobis, & ostendit Humanitatem Christi non esse Vbique.

Dico II. Ponamus subiectum huius propositionis: *Christus est Vbique Christus*, eodem modo sumi, quo in prædicato, pro toto composito, vt sensus sit, *Christus Deus & Homo, est Vbique Deus & Homo*; adhuc est propositio falsa, sicut est & ista falsa, *Christus fuit semper Christus*. Quia ad hoc, vt propositio affirmatiua sit vera, non solum prædicatum debet esse idem cum subiecto, sed etiam subiectum debet existere pro ea circumstantia loci, & temporis, &c. pro qua tribuitur præ-

dicatum. Ad hoc autem, vt affirmatiua sit falsa, & negatiua sit vera, satis est, vt vel prædicatum sit diuersum, & non conueniens subiecto, vel vt subiectum non existat pro eo tempore, &c. pro quo tribuitur illi prædicatum. Quare hæ affirmatiuæ ambæ sunt falsæ, *Antichristus erit bonus*, & *Antichristus est nunc improbus*. Prima quidem est falsa, quia prædicatum non conuenit subiecto. Secunda verò est etiam falsa, quia licet prædicatum conueniat subiecto, tamen subiectum non existit pro hac temporis differentia, pro qua tribuitur illi improbitas, vt supponitur ex Catholicorum sententia, quæ docet Antichristum nondum existere. E contrario istæ propositiones negatiuæ sunt ambæ veræ. *Magnus Turca non est Roma Mahometanus*; & *Magnus Turca non est Christianus*. Prior est vera: quia licet prædicatum conueniat subiecto, subiectum tamen non existit pro eo loco, id est, Romæ, pro quo tribuitur illi prædicatum: Posterior est vera, quia prædicatum non conuenit subiecto.

Quamuis ergo, quando dicitur: *Christus est Vbiq; Christus*; siue, *Deus & Homo est Vbiq; Deus & Homo*, prædicatum & subiectum est idem, tamen propositio est falsa; quia prædicatum tribuitur subiecto pro *Vbiq;* seu *omni loco*; subiectum autem, hoc est, *Deus & Homo*, seu, *Deus cum humana natura*, non est Vbi-

Vbique: sicut neque semper fuit Deus cum humana natura, ideo & hæc est falsa, Deus fuit semper cum humana natura.

In forma ergo ad argumentum. Si Christus secundum humanam naturam non est, vbique est eius diuinitas, sequitur, Christum non esse Vbique Christum, hoc est, Deum & hominem: concedo Maiorem.

Atqui est absurdum Christum non esse Vbique Deum & hominem: nego minorem. Nam neque Verbum, seu Dei Filius est Vbique Deus & homo: sicut non fuit semper Deus & homo: neque Deus & homo, siue Deus cum humana natura, est Vbique Deus & homo, quia non existit Vbique Deus cum humana natura. Vide S. Thom. in 3. dist. 22. art. 2.

Potest etiam ad hanc questionem breuissimè responderi per distinctionem vocabuli *Vbique*, in hac propositione: Filius Dei, seu Christus Vbique est homo. Distinguo: si *Vbique* sit pars subiecti hoc sensu, Filius Dei, seu Christus, quia Deus Vbique existens, est homo; propositio est vera: si autem sit pars prædicati, ut sensus sit, Filius Dei, seu Christus est, id est, existit Vbique homo, sic est falsa.

NONVM. Vbicunque est dextera Patris, ibi est Humanitas Christi, quia sedet ad dexteram Patris; Sed dextera Patris est Vbique. Ergo etiam Humanitas Christi,

Respondeo. 1. Negando Maiorem : Ad probationem dico, vt quis fedeat ad dexteram alterius, satis esse, si alicubi affideat dexteræ. Quamuis sedere ad dexteram Patris, hic non significet situm localem, quem Pater non habet; sed æqualitatem honoris collatam Christo homini, non ratione Humanitatis, quæ Patre minor est, vt habet Symbolum Athanasij; sed ratione Diuinitatis. Vnde toti supposito attribuitur per communicationem idiomatum. Sicut si moneta argentea adiungatur tantum auri, vt æquiualeat alteri auro, non ob argentum, sed ob aurum additum. Sic cum creata Humanitas Christi per se infinites sit inferior Patre, adiuncta hypostasi diuinâ, sit Patri æqualis; licet ipsa humana natura in se non sit mutata. Et quamuis Christus ab ipso momento conceptionis iam sederit ad dexteram Patris; dicitur tamen post Ascensionem primùm sedisse, quia coram Angelis in cælo suam æqualitatem tum maximè manifestauit. Et hæc est communis explicatio Catholicorum de sessione ad dexteram Patris.

Resp. 2. Hunc locum Apostoli esse contra Aduersarios. Si enim Christus sedet ad dexteram Patris; ergo non ad sinistram; ergo non est Vbiquè. Sessio ad dexteram est moralis metaphora ab hominibus mutuata: nam qui

aliquem honorare volunt in mensa, dexterum locum illi assignant: Ita Deus Pater Filium suum in celos euectum ad dexteram suam locavit: hoc est, pari secum honore & maiestate frui voluit, sibi que adæquavit, si de Divinitate Christi loquamur: At si de eius Humanitate intelligamus, ut nonnulli volunt, tunc non significat sessio illa æqualem dignitatem, sed proximam post Deum.

DECIMUM. Hypostasis & attributa diuina sunt re idem: Ergo si communicata est naturæ humanæ hypostasis, tunc etiam communicata sunt attributa diuina; Sicut ergo Natura humana potest dici subsistens, ita potest dici immensa & Omnipræsens, & Omnipotens, &c.

Respondeo. Concesso Antecedente, negatur consequentia. Nam etsi re idem sunt Hypostasis & attributa diuina, virtute tamen differunt: sicut Pater & essentia diuina sunt re idem, tamen Filius non est Pater, licet sit essentia diuina. Ita Hypostasis, seu persona Verbi, formaliter communicatur Humanitati, non autem attributa diuina, etsi materialiter, quatenus identificantur hypostasi, seu personæ, communicentur etiam humanæ naturæ, ut in concreto de illa possint prædicari, non autem in abstracto. Etsi enim Diuinitas sit simplicissima, & ex multis partibus actu distinctis

44 *Dissensio Vbiquistarum.*

etis composita , tamen est infinita & eminentissimæ perfectionis, quæ pluribus re distinctis entitatibus æquipollet: ideo potest vnum effectum formalem tribuere, & non alterum; vt patet ex dictis de mysterio SS. Trinitatis. Nam Pater æternus generando Filium, communicauit ei suam totam diuinitatem, à qua Paternitas realiter non differt, & tamen paternitatem formaliter illi non communicauit, sed tantum identicè; alioqui filius esset pater; proinde in diuinis non valet illud axioma Logicorum: Quæcunque sunt eadem vni tertio, sunt eadem inter se. Sed Pater & Filius sunt iidem vni tertio, nempe essentia Diuinæ: & tamen non sunt iidem inter se, sed realiter distincti. Sic attributa Diuina ab hypostasi virtualiter distinguuntur, vt licet Humanitati Christi formaliter sit communicata hypostasis Dei, vnde dicitur subsistens, tamen non communicata sit formaliter Vbiquitar.

§. III.

Dissensio Vbiquistarum inter sese.

Respondeo 1. Non sunt in vlla tempestate tam contrarij venti, nec in maris Euripo

po tot refluæ, & inter se colluctantes vndæ,
 quot sunt inter Vbiquistas de *Omnipresentia*
 Humanitatis Christi sententiæ, vt in duplici
 Bello Vbiquistico declarau. In hoc vno con-
 ueniunt, Humanitatem Christi secundum
 substantiam esse Vbique, & in omni loco præ-
 sentem: sed de modo præsentia nullus est fi-
 nis dissensionum & rixarum. De hac ipsa ta-
 men substantiali præsentia, generatim Bellar-
 minus lib 3. de Incarnatione c. 1. refert, in so-
 la Saxonia ter mutatam esse sententiam. Ini-
 tio enim cum Luthero aliqui defenderunt v-
 niuersalem Vbiquitatem, post cuius mortem
 cœperunt illam alij oppugnare contra Illyri-
 cum & Brencium. Melancthon enim in 3. ca-
 put epist. ad Colossenses apertè damnat hanc
 doctrinam generatim, & vult Christum esse
 in certo loco cæli quoad carnem: Vbique au-
 tem quoad diuinitatem: & in epist. ad Fride-
 ricum Comitem Palatinum anno 1559. *Alij,*
inquit, Vbiquitatem excogitarunt: & addit:
Hæc sunt portentosa omnia, ignota erudita vetu-
stati. Postea anno 1571. celebrarunt Syno-
 dum Dresdensensem, conuenientibus & consen-
 tientibus omnibus Superintendentibus Du-
 catûs Saxonie, nec non Doctoribus Acade-
 miarum Wittenbergæ & Lipsiæ, ibique sta-
 tuerunt, *Vbiquitatem Corporis Christi esse horri-*
bilem prophanationem ferè omnium articulorum

Sym.

Symboli, & renouationem omnium haresen iam olim damnatarum, praesertim Marcionitarum, Valentinianorum, Manicheorum, Samosatensium, Sabellianorum, Arianorum, Nestorianorum, Eutychianorum, & Monothelitarum.

At non fluxerunt anni decem, cum prodit ex eadem Wittenberga & Lipsia, & cæteris eius regionis locis, noua Concordia, in qua tantopere damnata Vbiquitas iterum recipitur pro articulo fidei; de quo tamen libro Concordiæ fuerunt inter Concordistas ingentes adhuc rixæ, donec nouo Bello Vbiquistico initium daretur anno 1617. circiter.

Respondeo. 2. In specie autem de modo ac tempore Omnipraesentiae, hodièque summa adhuc est discordia & pugna nunquam terminanda. Et quidem quàm maximè nunc inter se dissident Theologi Wirtenbergenses ex vna, & Hassiaci Darmstattenses, ac Electorales Saxonici ex altera parte, cum quibus posterioribus plures Academiae Lutheranae consentiunt, de quo dissidio egi in Manuali Lutheranorum part. 1. c. 3. §. 8. & in Bello Vbiquistico nouo sub initium, vbi ex ipsorum libris, quàm immaniter inter se inuicem praeliuntur, & quantorum errorum alteri alteros insimulant, & reos faciunt, demonstraui. Neque hoc infitiri potest Melchior Nicolai, quæ ad maiorem partem Manualis Lutherani cō-

tra

tra ipsum scriptum nunquam respondit; neque Andreas Kesslerus, qui bellum vtrumque Vbiquisticum oppugnauit; & de veteri iam responsum accepit, cuius altera pars etiam iam est scripta, at nondum typis data. Sed faceretur hoc diffidium nolens volens coactus est, quomodocunque excusare conetur.

WIRTEMBERGICI docent, Christum secundum Humanitatem etiam in statu exinanitionis propter vnionem hypostaticam a puncto conceptionis, ac etiam in ipso tempore passionis & mortis omnibus rebus presentem fuisse, omnia occultè gubernasse. Ita illis tribuunt, & multa inde absurda deducunt Saxonici, in *Necessaria*, & inenitabili *Apologia contra V. Wirtembergicorum Amicam admonitionem*, his verbis, fol. 809. Eo Domini Tübingenses progressi sunt, ut carnem Christi mortuam simul & viuam fuisse, inq, sepulchriacentem nihilominus occultè calum & terram rexisse affirmarint, & que similia sunt plura. Et in eadem *Apologia*, *Obstupuimus*, cum legeremus in *Considerat. Theologica. 4. Questionum pag. 172.* Caro est per gratiam, quidquid verbum est per naturam, Ergo caro Christi per gratiam, quog, fiet spiritus aternus, increatus, infinitus, immensus? Talis enim Spiritus Verbum est per naturam.

Quæ Saxo-
nici & Haf-
saci VVir-
tembergici
obiiciant.

Balthasar Menzerus in *Necessaria* & *Iusta*
defen-

defensione, sic scribit contra Wirtenbergicos, fol. 102. *Quomodo Christus*, inquit, *mortuus simul & vivus eo tempore dici possit*, *Scripturis ignotum est*. Et paulò pòst: *Falsum dicit, quisque ullo modo negat, animam Christi in morte à corpore fuisse verè separatam, usque ad tempus resurrectionis*. Hanc autem assertionem Wirtenbergicis tribuit tota illa hypothesi 7. à fol. 94. vsque ad fol. 106.

Idem Menzerus in *fideli admonitione de consideratione Melchioris Nicolai*, thesi 101. fol. 298. ait: *Atrox contumelia*, (à Wirtenbergicis) *appellatur, quòd Marcioni dixerim, non ingrati fore doctrinam de occulta usurpatione diuina Maiestatis in exinanitione sub pallio forma servilis, & quòd exaltatio sit tantum declaratio & manifestatio, &c. sed non opus copioso sermone, tria verba sufficiunt veritati.*

Negare veritatem passionis & mortis Christi, Marcioniticum est.

Qui contendit, Humanitatem Christi semper, & Vbique, etiam in media morte instantèr omnibus, & singulis creaturis presentem adfuisse, & sine interruptione omnia gubernasse in celo & in terra: & corpus iacens in sepulchro adfuisse animæ in paradiso, & animam in paradiso existentem adfuisse corpori in sepulchro, is negat veritatem passionis & mortis Christi.

Ergo id Marcioniticum est. Assumptio probatur.

batur. quia quæ natura gubernat omnia, ea dum gubernat omnia, non potest ab ulla re pati, multo quæ minus occidi, quod tam verum est, ut vosmetipsi (Wirtenbergici) fateamini retractionem diuine potentie in officio sacerdotali.

Nec obstat distinctio inter usurpationem omnipotentie occultam, & manifestam. Nam etiam qui occultè regnat, eo ipso dum regnat, uiuit. Christus autem fuit in Cruce mortuus, sine discrimine mortis occultæ, vel manifestæ.

Idem pag. 299. Thesi 102. Egone credam, inquit, eam naturam verè proiecctam in exilium, quæ eo ipso tempore dominata fuit in celo & in terra? fame & siti afflictam, quæ usa fuit abundantia omnium rerum, tametsi occultè & latenter? Vulneratam & mortuam, quæ in omnibus suis hostibus, omnipotenter imperauit, & dominata est? Vbi paupertas Christi? Vbi afflictio? Vbi passio? & usurpauit Humanitas diuinam maiestatem vniuersaliter in gubernatione mundi?

Et Thesi 103. Qui statuit ipsam Humanitatem Christi in exinanitione omnia gubernasse (ut faciunt Wirtenbergici) non potest affirmare, ipsam verè passam & mortuam fuisse.

Idem ibidem pag. 320. Thesi 8. pag. 155. 156. ad Melchiorum Nicolai. Negas pugnare hæc duo, Humanitas Christi gubernat calum & terram occultè, & Humanitas Christi est pauper, esurit, sitit, patitur, moritur; Nam imperare

NB, Distinctionem
VWirtenbergicorum.

eam dicis actu persona, pati & mori actu naturæ. At, inquam ego, imperare & seruire, mori & regnare, de una eademque natura humana Christi, simul & semel affirmari non possunt, quoscunque afferas diuersos respectus, neque unquam credam, naturam humanam Christi, egressâ ex corpore animâ, vixisse actu persona. Quale λόγος, talis redemptionis. Hæc Menzerus de Wirtenbergicis.

Non dissimilia habet paulò antè citatâ *Apologiam, pro Decisione Saxonica*, sectionis, seu partis 5. capite vnico, de incommodis nouis, & ex parte erroneis phrasibus & opinionibus Wirtenbergicorum, vbi auctori Tapinographiæ Thummio, fol. 471. & 472. manifestè adscribit hanc sententiam: *Localem Associationem, & separationem animæ & Corporis Christi illo triduo mortis, neutiquam intercessisse, propter Omnipræsentiam Humanitatis Christi, ex vi vnionis hypostaticæ.*

Quæ VWirtenbergici Hassiacis, & Saxonibus obiiciant.

E contrario scribit Melchior Nicolai Wirtenbergicus contra Saxones & Hassos in considerat. Theologica, fol. 78. & 79. Ostenderunt nostrates Theologi solidissimis rationibus, personalem vnionem, & Humanitatis in infinita τὴν λόγους subsistentiam, necessario inferre idiomatum diuinorum communicationem, nullo post semel factam incarnationem tempore, aut statu variabilem. Experti sunt autem, aduersarios apertè blasphemos, Calvinianos, qui negando com-

muni.

municationem idiomatum, consequens immediatū, etiam ad unionem personalem, antecedens, in effectu labefactando progressi sunt, spem & fiduciam, quam in Christo Θεανδρώπῳ defixam habemus, v. no quasi iectu conuulsuri, & Photinianismum, Machometismum portis bipatentibus, (nō, quid dicant, his attendo, sed quid suis fundamentis conuenienter dicere debeant) recepturi. Contra istos dum aperto Marte res geritur, ecce noua dissentientium (Saxonum, & Hassiacorum) seges oritur, qui dū strenuē pro orthodoxiā pugnauerint hactenus, nunc quasi per cuniculos noua certamina moliantur, in eandem Impietatem (nisi melius consulti sententiam mutent, & ex propriis fundamentis quadam sua theoremata corrigant) desitura. Nam presupposito ipsorum Theoremate (apud Feurbornium in Kenosigraphia fol. 111. sect. 2. c. 2. n. 1.) potentialem non actualem omnipresenciam assumpto homini in statu exinanitionis attribuendam, quid sequatur, vident omnes boni, omnes non caci & surdi: nimirum aut in λόγῳ ipso non fuit tum actualis omnipresencia, aut eadem cum esset λόγῳ per naturam propria; est Humanitati per gratiam communicata.

Sic scribit Thummius pag 25. Tapinographiæ: Dissentientes (Saxones & Hassiaci) asserunt hominem in Deum assumptum in eodem statu non modo in iis, quæ finem Incarnationis, opus videlicet Redemptionis, quoad officium sacer-

dotale concernebant usum communicata maiestatis, ut patet & pro nobis mori posset, liberè retraxisse, sed & eundem fuisse Deum, non verè realiter & operatiue, seu exercitio, sed diuini seu potentià duntaxat talem. quique adco in officio etiam regio, quoad extra; actu non tantùm naturæ, sed & persona fuerit maximam partem (exceptis paucis nonnullis extraordinariis) inglorius, pauper, infirmus, omnipotentia exercitio, in regimine Vniuersi non exornatus, paucorum conscius, &c. & quod maximum est, & Horrendum, longissimo, & infinito intervallo à suis creaturis, quoad propinquitatem etiam substantialem absens.

Annon Optime Lector, quaso te, per Christi tui gloriam, hoc est, ex homine in Deum assumptum, Deo vero, magno, reali, actuali seu operatiuo, ut ita loquar, efficere Deum aliquem, (ignosce, ô Christe) angularem, Deum aliquem potentialem, Deum scilicet non Deum &c. Deum absque Deo?

Et pag. 21. ac 22. En! cumulum horribilium absurditatum, En! ruinam, euersionem, quinimò euersionem omnium fermè orthodoxorum principiorum, &c. En! πανοληρία totius fermè religionis sincere & Lutherana. Hæc Thummius de Saxonibus & Hassis.

Ex quibus clarissimè liquet, quomodo Vbiquistæ seipsos censuris confodiant, & suam Vbiquitatem ludibrio exponant: cum enim illis sit impossibile, respondere ad argumen-

mentum, quod de motu locali in Christo, & de descensu animæ Christi ad inferos (de quoplu-
ra in Annotationibus ad Testimonia Pa-
trum) obiicitur, ad talia absurda & porten-
tosa figmenta delabuntur, & dicunt singuli,
quidquid ipsi spiritus vertiginis suggerit: a-
deò vt certent inter se, quis possit aliquid ab-
surdius in medium afferre.

Wirtenbergici dicunt, secundùm rela-
tionem Saxoniorum & Hassorum, Human-
tatem Christi ab ipso puncto conceptionis, &
deinceps semper in utroque statu fuisse actu
omnipræsentem, adeò vt & in ipso mortis tri-
duo, anima nunquam sit egressa de corpore,
& Christum quoque, dum moreretur in cru-
ce, ac iaceret in sepulchro, secundùm huma-
nam naturam, occultè totum vniuersum gu-
bernasse, vnde concludunt Hassi, Christum
nunquam mortuum esse. Quid autem est ar-
ticulos Symboli ludibrio habere, & Scriptu-
ras euertere, si hoc non est?

Saxones verò & Hassi dicunt, in conce-
ptione quidem per vnionem hypostaticam
Omnipræsentiam fuisse Humanitati commu-
nicatam, Christum verò istam Omnipræsen-
tiam in statu humiliationis, maximè in officio
regio, non vsurpasse, (vt pati, & pro nobis
mori posset,) neque sibi in conceptione tra-
ditâ maiestate, *actu secundo*, vsum esse; sed so-

ab illa liberè in multis euacuasse: & propterea localiter per mundum ambulasse, crucifixum & sepultum esse; & hoc illum fecisse naturali modo, cum per vnionem personalem non amiserit naturam & proprietates humanas. In quo etiam insigniter desipiunt, & se in talem labyrinthum includunt, vt patèant illis vestigia nulla retrorsum.

Hic velut in speculo spectent Respublicæ & Principes Confessioni Augustanæ, & Libro Concordiæ addicti, quàm sit illorum Ecclesia fœdè ac hostiliter discissa, cuius Doctores tam diuersimodè & contrariè summos fidei articulos, quos Ubiquitas complectitur, docent & tradunt, & vtrique pro se S. Scripturam, Librumque Concordiæ adducunt, ac se inuicem reos turpissimorum errorum, ac horribilium hæresum faciunt. A quâ parte nunc stant isti Principes? à quâ populus Lutheranus? Si cum Saxonis & Hassiacis sentire dicant, à Wirtembergicis Nestorianismi & Photinianismi accusabuntur: Si cum Wirtembergicis, Marcionismum illis impingent Hassi & Saxonici. Pro! quàm fuerunt olim in Ecclesia orthodoxa abominandi isti hæretici! Ergone tales sunt isti puri, vt se vocant, Evangelici? Licet autem hæc lis ante triginta annos sit gesta & agitata, interea tamen nunquam est composita, & vtraque pars adhuc

adhuc perseverat in sua sententia. Quid hodie fieret, si Principes examinarent suos Prædicantes, quam nunc defendant sententiam? Nouam discordiam experirentur. Neque enim idem omnes defenderent, quod antehac tanta virium contentione contra se inuicem propugnarunt; præsertim postquam plurimorum, ut fertur, in Indifferentismum iam sunt delapsi. Deus bone! quam diuersa responsa obtinerent! Aliqui Vbiquitatem omninò execrarentur; aliqui Wirtenbergicam, alij Saxonicam cum Hassiaca tuerentur, alij nouam proferrent. Interim Controversia illa mandatis Principum est suppressa, ne in publicum erumpat, non tamen est abolita, nec cōmuni consensu definita, sed sub cineribus gliscit, aliquando iterum in flammam exitura. Liber Concordiæ non potest iuuare; quia de ipsius sensu digladiantur. Interim durat lis de maximo fidei articulo, de quo aut in Marcionismum, aut in Nestorianismum ac Photinianismum declinandum est illi, qui alterutram partem vult amplecti. Dicere, nullius momenti esse quæstionem, & ad salutem nil referre, hoc, an aliud credas, est vtramque partem condemnare; Nam. Thummus ait, Saxonorum & Hassiacorum doctrinam esse dumulum horribilum absurditatum, ruinam enervationem, & euersionem omnium ferè

Orthodoxorū principiorum; esse πανολοκληρίαν totius fermè religionis sinceræ & Lutheranae. Ex Christo fieri Deum angelicem, Deum potentialem, Deum non Deum. E contrario Saxonici & Hathi ad Marcionismum, Saxonica placita deriuant. Hæc considerent Principes & Republicæ Lutheranae, & videant, quomodo à suis Ministris in causa religionis per abominanda præcipitia circumducantur, & ludibrio exponantur. Et si hoc in ista grauissima materia, quomodo se esse securos in aliis ad salutem pertinentibus sibi persuaferint. Vide Manuale Lutheranorum, parte 2. cap. 3. §. 8.

§. I V.

Sententia Electoralium Saxoniorum, in Defensione Pupilla Saxonica contra Fore-
rum.

Saxonici
Electora-
les Pupil-
læ Defen-
sores, quid
sentiant?

Avdiamus & Saxonicos Electorales, *Defensores Pupilla oculi* (die Berthädtinger des Augapfels) contra Collyrium Forerianum, cap. 45. Lipsiensis edit. in 4. *Si defendemus* (inquiunt) *i. vi unionis personalis Dominum post assumptam humanitatem Ubique*
corpo-

corporaliter & visibiliter fuisse, tunc obiectio illa
 (quod per Ubiquitatem destruantur articulū
 fidei de Natiuitate, Passione, Morte, Resurre-
 ctione, & Ascensione Domini) possent habere
 aliquam speciem. At hoc non docemus, sed dici-
 mus (2.) eandem Humanitatem Christi, qua
 visibiliter, & sua natura conuenienter iam hoc,
 iam alio loco fuit, alio multò altiore, supernatura-
 li, inuisibili, caelesti, & diuino modo, propter per-
 sonalem unionem, etiam tunc fuisse in Dei Filij
 persona, & quidem multò, multò profundius, pro-
 prius, & presentius, quàm fuerit in exteriori ex-
 panso loco : (3.) ut enim personalis unio
 certissimum est, Filium Dei à sua assumpta na-
 tura humana nusquam separatam, nusquam so-
 lutum, nusquam absentem fuisse, cum quā ipse
 personaliter & indistanter, sicut Damascenus la-
 quitur, hoc est, non solum praesenter, sed Omni-
 praesenter est unitus, ita ut Filius Dei à sua in u-
 nionem sua persona semel assumpta natura huma-
 na in nullo loco, neq; in calo, neq; in terra separa-
 tus fuerit, aut esse potuerit.

Disceat ergo Forerus Corpus Christi duplici-
 ter considerare, primo, ut est corpus humanum
 naturale : & sic habet suas naturales proprietates,
 & secundum has in uno loco, non saepius, quàm se-
 mel quantitatiuè & visibiliter praesens se exhibuit
 in Natiuitate, Passione, Morte, Sepultura, Resur-
 rectione, Ascensione, &c. Deinde, ut est super-

*naturaliter humana natura in diuinam personam
 Filij Dei eleuata & assumpta. Hinc (4.) ir-
 refragabiliter sequitur, quod vi huius personalis
 existentie Corpus Domini, praterquam quod in u-
 tero Virginis Maria conclusum fuit, habuerit
 suam inhabitantem permanentiam, & habeat per
 omnem aternitatem in persona Filij Dei, cum qua
 Corpus & Humanitas per unionem facta est una
 persona. Et propter hanc omnium supremam unio-
 nem (5.) potuit solus iste homo, & nullus al-
 ius dicere, quando in terra cum Nicodemus sta-
 bat, quod Filius hominis in calo existat. (6.)
 Siquidem aeternum Verbum seu Dei Filius, suam
 humanam naturam, ob quam vocatur, & est ho-
 minis Filius, in loco, ubi quantitatiue apud Nico-
 demum stabat, non propius apud se habuit, quam
 in supremo calo, ut qui illam (7.) non secun-
 dum hunc aut illum locum, ubi humanitas natu-
 raliter & visibiliter existit, secum uniuert; sed si-
 ne consideratione expansi & circumscripti loci, in-
 tra suam personam diuinam (apud quam nec spa-
 tium, nec locus expansus excogitari debet) inti-
 me & verissime habet presentem, & presentissime
 profundissimeque unitam, hoc est, intimissime &
 ineffabiliter propius & profundius apud se presen-
 tem, quam ullus humanus intellectus cogitare, aut
 Angelica lingua in aeternum effari possit, quod est
 magnum mysterium. 1. Timoth. 3. v. 16. & irre-
 fragabilis veritas in diuino Verbo, cui nemo sine
 lesio-*

lacione conscientia sua potest contradicere, &c.

Videat Hunnij Tom. 1. fol. 177. & seqq. & fol. 259. & seqq. ibi videbit, nos libenter concedere
1. Corpus Christi in statu humilitatis creaturis non fuisse omniprasens, nempe quantitativè & visibiliter. 2. Licet Dei Filius hanc suam assumptam naturam omnibus in locis sibi presentem habeat, manet tamen talis presentia in persona iuxta naturam, & vim facta unionis, à qua omnia loca & spatia quanta penitus excluduntur. 3. In statu Humiliationis Corpus Christi, vel natura humana non fuit omniprasens, quantum ad plenarium incessabile regimen & gubernationem omnium creaturarum attinet, quæ primùm post exaltationem ad dexteram Dei secuta est. Ephes. 1. v. 21.
4. Humana natura humiliationis, non vidit actum, nec scinit, quid in omnibus locis aliis, ubi non fuit localiter & expansè, fieret & ageretur. Etsi enim id scire potuisset, Filius tamen Dei secundum carnem in statu Humiliationis se eiusmodi pleno & continuo usu liberè privavit. Ita Saxones Defensores Pupillæ, contra Collyrium Forerianum, fol. 633. 634. 635. edit. Lips. in 4. cum quibus conspirant Hassiaci Darmstatenses & alij.

Sed hæc sunt mera verborum crepitacula, omni ratione, omni verâ Scripturâ, omni authoritate SS. Patrum & Conciliorum destituta.

Nam

Nam I. per inuisibilem & illocalem Omnipræsentiam, quam asserunt, etiam visibilis & localis motus Christi in Scripturis traditus, penitus destruitur & aboletur: quia Corpus Christi, si inuisibiliter secundum substantiam fuit Vbique, non potuit tum etiam visibiliter & localiter secundum illam substantiam reipsâ verè proprièque moueri de loco in locum, & vnum deferere, & alium acquirere, vt iam supra §. 1. ostendi, sed apparenter duntaxat, & ad meram fallaciâ oculorum. Quod enim est Vbique, est simpliciter incapax, & inhabile, vt manens Vbique secundum substantiam vnum locum deferat, quocunque modo, & alium locum acquirat; cum *actu secundo* iam omnes locos occupet, secundum eandem substantiam: & eo ipso, si secundum substantiam vnum locum deferat, & alium acquirat, cesset esse Vbique secundum substantiam. Si ergo tantum moueatur visibiliter, & secundum sensum exteriorem; mouetur tantum phantasticè, ac per ludibrium videntium, non autem mouetur reipsâ secundum substantiam; quæ cum vnica sit, illi non possunt simul eodem tempore & loco conuenire contradictoria, nempe quòd deferat locum A secundum substantiam, quia inde mouetur, & non deferat secundum substantiam, quia adhuc manet ibi secundum substantiam, licet

licet sub alio modo existendi; & quoque acquirat locum B. secundum substantiam, quia iam ante fuit ibi secundum substantiam prorsus eandem, quæ sunt absurdissima.

II. Falsum est, eandem Humanitatem Christi, quæ localiter & visibiliter, *ac sua natura conuenienter, iam hoc, iam alio loco fuit*, alio multò altiore modo fuisse Vbique, propter personalem Vnionem; cum quia, Vbiquistis ipsismet fatentibus, personalis vnio non mutauit in se humanam naturam, sed, vt testatur 4. Synodus Chalcedonensis, *utramq; naturam saluam & integram* reliquit, ita vt propter vniōnem personalem, etiam actiones ab humana natura, eidem conuenienter procedentes, verè diuinæ personæ tribui *in concreto*, & de ea prædicari possint; sic dici potest, Verbum, seu Dei Filius esuriuit, sitiuit, ambulauit, & Cruci affixus est, &c. cum quia alioquin personalis vnio humanitatis fuisset duplex in Christo; vna ad actiones istas visibiles & exteriores, quas conuenienter naturæ humanæ exercebat; altera multò, multò altioris modi ad actiones inuisibiles & illocales; vna, per quam conuenienter naturæ, hoc est, visibiliter & localiter, iam in hoc, iam in illo loco fuisset: altera, per quam cum diuinâ personâ, ad actiones illocales & inuisibiles multò, multò profundius, præsentius, & propius fuerit coniuncta; quæ

quæ sunt planè inaudita in omni orthodoxa Ecclesia. Quomodo enim vnica vnio personalis potuit Verbum cum Humanitate *arctius*, *propius*, *presentius*, & *profundius* copularè respectu vnus actionis, quàm respectu alterius? Est igitur merissimum & putidissimum figmentum. Nam vnio personalis in Christo nõ est nisi vnica, per quam in persona secunda SS. Trinitatis subsistit Humanitas à Verbo assumpta, quam non negamus esse mirabilem & stupendam. Quòd verò Humanitas propter hanc vnionem in quibusdam actionibus *multò*, *multò profundius*, *propius* & *presentius*; item *alio multò altiore, supernaturali, caelesti, ac diuino modo* vnita fuerit personæ diuinæ, vel eidem inextiterit, quàm in exterioribus visibilibus, localibus actionibus, quas Christus conuenienter naturæ humanæ, iam in hoc, iam in alio loco peregit, hoc dicimus esse monstruosum, & absurdissimum assertum, & nec Testimoniis Scripturæ, nec Orthodoxæ Antiquitatis, nec vlla solida ratione suffultum, sed ex impuro cerebro desumptum commentum. Foreris vtique considerat in Christo naturam verè humanam cum suis naturalibus veris proprietatibus in persona Diuina subsistentem, non autem in humana; ita tamen, vt in actionibus humanis non natura Diuina, sed tantum humana operata sit tanquam *princi-*

pium

pium Quo, ut vocant, in diuinis verò non humana, sed tantùm Diuina fuerit *principium Quo* operationis, ex quo tamen neutiquam sequitur, humanam naturam Christi in vna actione fuisse propiùs, profundius, præsentius, altiore modo cælesti & supernaturali vnitam & coniunctam, quàm in altera.

III. Cùm dicunt *Pupillista*, Filium Dei vñionis personalis à *sua natura assumpta*, nusquam separatam, solutum, absentem, distantem fuisse, idem est, ac si dicerent, eum in omni loco habuisse sibi illam ibidem *præsentem & vnitam*, Vbicunque ille fuit; hoc à Catholicis, ut falsum semper negatur; & sic Aduersarij probant idem per idem. Cùm enim immensa persona Diuina, naturam humanam ex se terminatam, circumscriptam, & Verbo minimè adæquatam, infinities excedat, necesse est, innumeris locis illam existere, quò hæc naturali suâ præsentia, quam ei vñio personalis non ademit, se extendere non potest: & consequenter, licèt Humanitas hypostaticè Verbo possit dici, in certo aliquo loco, *simpli- citer & absolutè* vñita; attamen *secundùm quid* in multis aliis locis, eidem personæ etià potest dici *non vñita*, & ibi præsens, sed à persona Diuina illic separata, & absens, nempe pro illis locis, in quibus non existit: quod nego esse absurdum; in quo sensu si accipiantur il-

la vocabula (*separatam, solutam, absentem, distantem, non unitam esse,*) ut illic non significant *simpliciter* omnimodam & absolutam negationem coniunctionis, seu nexûs Humanitatis cum persona Diuina, respectu omnium locorum totius mundi, sed tantum respectu aliquorû; iam nullam vim ampliùs habeat illorum argumentû. Et est falsum secundum Damascenûm, per *indistanter* intelligi, *omnipresentem*, ut malè explicant, & falsò illi affingunt Pupillistæ. Ut enim duo inter se dicantur *non distare*, seu *indistanter se habere*, nò est necesse, ut vnum sit, ubicunq; est aliud, sed tantum, ut alicubi simul sint. Nam si nusquam simul essent, tunc verè inter se *distarent*: sicut Sol non distat à suo orbe, cui infixus est, & tamen non ubicunq; orbis est, & ipse est, ut rectè notauit Bellarminus, lib. 3. cap. 17. & Tannerus Tomo 4. Disp. 1. de Incarnat. q. 6. dub. 5. n. 55.

IV. Habuit quidem Humanitas suam *permanentiam*, seu rectius suam *subsistentiam* in Verbo, per vnionem hypostaticam, sed etiam habuit in actionibus, quas naturæ humanæ conuenienter exercuit; & habebit eam per omnem æternitatem: Falsum tamen est, illam habuisse hanc permanentiam, seu subsistentiam in utero B. V. *minùs propè, minùs profundè* aut *intimè*, quàm *extrà*, in actionibus

bus aliis quibuscunque humanis; Falsum est nihilominus *præterea*, adhuc alio *propiore*, *arctiore*, *intimior*e vinculo aut modo Dei Filium cum humanitate assumpta copulatum fuisse; per quem modum Vbique extiterit: quæ est Vbiquistica insania.

V. Falsum quoque est, propter hanc unionem potuisse istum hominem dicere, quando in terra cum Nicodemus stabat, quod Filius hominis secundum humanitatem in cælo existat. Humanitas enim tunc in sola terra erat, non autem in cælo, ad quod primum post resurrectionem ascendit; tametsi verum fuerit tunc dicere, Filius hominis stans in terra apud Nicodemum, secundum Diuinitatem est in cælo.

VI. Falsum item est, Filium Dei stantem apud Nicodemum, suam humanitatem *non propius* apud se habuisse, quam in supremo cælo: Habuit enim apud Nicodemum sibi *simpliciter* præsentem, & unitam; non habuit in supremo cælo, in quo tunc non fuit Humanitas, licet fuerit Diuinitas.

VII. Etiam falsum est, Filium Dei sibi Humanitatem non vniuisse secundum hunc, aut illum locum indeterminatè, vbi illa naturaliter & visibiliter existit, aut existet; sed *sine consideratione expansi & circumscripti loci, intra suam personam*, quasi nec spatio, nec loco comprehen-

hensam, retinuisse. Quod neque in Scriptura, neque vlllo Concilio legitur; & est ab omni veritate alienum.

VIII. Quæ ex Hunnio proferunt, dum sunt refutata à Bellarmino, Gretsero, & aliis falsitates ac nugæ. Nam 1. neque Christus in statu humilitatis fuit, neque in statu gloriæ est omnipræsens secundum humanitatem, vt iam suprà probauimus.

2. Falsum est, Filium Dei naturam assumptam omnibus locis sibi præsentem ac vnitam habere: sicut falsum est, à natura, & vi facta unionis hypostatica, omnia loca & spatia quanta, penitus excludi.

3. Ineptum est, naturam humanam non fuisse omnipræsentem, quoad plenarium regimen & gubernationem omnium creaturarum, nisi post exaltationem ad dexteram: quia iam suprà ostendimus, sessionem ad dexteram nihil prorsus facere ad omnipræsentiam; neque hanc necessariò requiri ad officium regni & gubernationis in Christo.

4. Falsum quoque est, humanam naturam in Christo non scivisse actu, quid in omnibus aliis locis gereretur, vbi non fuit localiter, & expansè. Contrarium optimè probat Bellarminus lib. 4. de Christo aliquot capitulis: & Gretserus ibidem, aliique Catholici. Quomodo enim non sciuerit Christus omnia, qui

qui in primo puncto Incarnationis fuit plenus gratiæ & veritatis? Ioan. 1. Quamvis enim & alij *pleni gratiâ* prædicentur, ipsis tamē gratia data est secundū *mensuram donationis Christi*, ad Ephes. 4. Christo autem Dei Filio data est *sine mensura*; & , si Prophetis Deus dedit plurimarum absentium rerum scientiam, quomodo non dedit Christo omnium necessariorum ad suum officiū? in quo etiam fuit scientia beata & infusa, & ut Paulus loquitur, *in quo sunt omnes thesauri scientiæ & sapientiæ Dei*, Coloss. 2. v. 3. imò etiam ipsa Diuinitas.

Hæc breuiter volui Testimoniis SS. Patrum, velut Prolegomena præmittere: & ut melius ipsi Patres intelligantur, & ut efficacius Ubiquitarij confutentur; quorum sententia ab Orthodoxæ veræ Christianæ fidei recto tramite tam est abhorrens & aliena, ut vix aliquid absurdius in summam ignominiam Christi cogitari possit.

Imus autem per omnes Christiani nominis ætates, è quarum singulis, vnum, duos, aut plures adducimus, ex quibus communem sensum etiam aliorum Patrum illius sæculi doctissimorum, & celeberrimorum, non immeritò possumus concludere. Sic illa habent.

TESTIMONIA
PATRVM AC
DOCTORVM ECCLESIAE
CATHOLICAE,
CONTRA
VBIQVITATEM
HVMANITATIS
CHRISTI,

INDEX

INDEX

TESTIMONIORVM
EX ORTHODOXIS PATRIBVS,
PER SINGVLASÆ.

CVLA.

- An. Chri-
sti 92. S. Ignatius Martyr.
An. 180. S. Irenæus Martyr.
An. 196. Tertullianus.
An. 200. Clemens Alexandrinus.
An. 229. Hippolytus Portuensis M.
A. 235. Origenes.
A. 320. Eusebius Cæsariensis.
A. 330. Athanasius.
A. 340. Eustathius Antiochenus.
A. 350. S. Hilarius Pictaviensis.
A. 360. S. Cyrillus Hierosolymitanus.
A. 364. Titus Bostrensis.
A. 365. Didymus Alexand.
A. 370. S. Basilus.
A. 370. S. Ambrosius.
A. 380. S. Epiphanius.
A. 380. S. Gregorius Nazianzenus.
A. 380. S. Gregorius Nyssenus.

F. 3

A. 380. Am.

-an. 200. A

- A. 380. Amphilochius.
 A. 390. S. Hieronymus.
 A. 390. Theophilus Alexandrinus.
 A. 390. Ruffinus.
 A. 390. Gaudentius Brixienfis.
 A. 400. S. Augustinus.
 A. 400. S. Chrysostomus.
 A. 400. Ephrem.
 A. 420. Philo Carpathius.
 A. 430. Cyrillus Alexandrinus.
 A. 431. Concilium Ephesinum Patrum plus
 ducentorum.
 A. 440. Arnobius Iunior.
 A. 440. Petrus Chrysologus.
 A. 445. Eucherius Lugdunensis.
 A. 450. Leo Magnus.
 A. 450. Chalcedonense Concilium 630. Pa-
 trum.
 A. 450. Theodoretus.
 A. 460. Titus Bostrorum Episcopus.
 A. 480. S. Vigilius Trident. Episc.
 A. 500. S. Fulgentius.
 A. 515. Ferrandus Fulgentij discipulus.
 Circa idem
 tempus. Maxentius.
 A. 540. Primasius.
 A. 550. Andreas Cretenfis.
 A. 570. Venantius Fortunatus.
 A. 590. Gregorius M.,
 A. 600. Ana-

- A. 600. Anastasius Sinaita.
 A. 620. Isidorus Hispalensis.
 A. 640. Maximus M.
 A. 649. Martinus I. Papa cum Concilio Lateranensi 105. Patrum.

A. 660. S. Hildephonfus Toletanus.

A. 700. D. Aponius.

A. 700. Venerabilis Beda.

A. 730. S. Damascenus.

Circa idem

tempus S. Stephanus Aeduenfis Episcopus.

A. 750. Alcuinus Flaccus Albinus.

A. 815. S. Nicephorus.

A. 820. Oecumenius.

A. 830. Glossa ordinaria.

A. 830. Haymo Halberstat.

A. 840. Eginardus.

A. 880. Remigius Antifiodorensis.

A. 940. Theodorus Abucara.

Circa idem

tempus Theophanes Cerameus Episcopus.

A. 950. Moses Barcepha.

A. 1030. Adelmanus Episcopus Brixienfis.

A. 1060. Guitmundus Auerfanus.

A. 1080. Euphymius.

A. 1106. Petrus Alphonsus.

A. 1120. Michael Glycas.

A. 1130. D. Algerus Monachus.

A. 1130. S. Bernardus.

A. 1130. Hu-

- A. 1130. Hugo de S. Victore.
 A. 1140. Petrus Lombardus.
 A. 1140. Petrus Cluniacensis.
 A. 1160. Arnoldus Abbas Bonæ vallis.
 A. 1170. Petrus Riga.
 A. 1200. Innocentius III.
 A. 1215. Concilium Lateranense.
 A. 1220. D. Edmundus Cantuariensis.
 A. 1220. Alexander de Ales.
 A. 1220. S. Bonaventura.
 A. 1220. Albertus M.
 A. 1230. S. Thomas Aquinas.
 A. 1235. Ioan. Duns Scotus.
 A. 1290. D. Richardus Pampolitanus.
 A. 1300. Nicephorus Callistus.
 A. 1300. Bernoldus de Casaria.
 A. 1300. Hugo de Prato.
 A. 1320. Durandus à S. Portiano.
 A. 1320. Nicolaus Lyranus.
 A. 1330. Ludolphus de Saxonia.
 A. 1330. Guido Carmelita.
 A. 1345. Thomas ab Argentina.
 A. 1360. Ioann. Cantacuzenus.
 A. 1360. Ioann. Taulerus.
 A. 1380. Gerardus Zutphanienfis.
 A. 1415. Ioann. Capreolus.
 A. 1415. Petrus de Aliaco.
 A. 1420. Ioannes Gerson.
 A. 1430. Laurentius Iustinianus.
 A. 1431. Con.

- A. 1431. Concilium Basileense.
A. 1470. Dionysius Richel.
A. 1470. Dionysius Carthusianus.
A. 2489. Thomas Dorniberg.
A. 1494. Marsilius de Inguen: quem Busæ
ponit anno 1394.
A. 1494. Gabriel Biel.
A. 1515. Ioannes Altensteig.
A. 1520. Thomas Caietanus Cardinalis.
A. 1524. Ioannes Eckius.
A. 1526. Ioannes Roffensis Episcopus.
A. 1526. Natalis Beda cum testimonio Facul-
tatis Theologicæ Sorbonensis
Parisiis.
A. 1526. Iodocus Clichtoueus.
A. 1564. Georgius Cassander.
A. 1575. Claudius Sainctes Episcopus Ebroia-
censis.
A. 1630. Excerpta posteriora ex Monumen-
tis S. Facultatis Theologicæ Pa-
risiensis Sorbonæ.
A. 1630. Chrysanthi Archiepiscopi Lacedæ-
moniorum in Græcia.

An. Chr.

92.

S. I G N A T I V S M.

Episcopus Antiochiæ.

In Epistola ad Trallianos.

Christus verè edit & bibit, crucifixus & mortuus est sub Pontio Pilato. Verè, inquam, non hominum opinione, crucifixus, & mortuus est, &c. Et paulo post: Descendit ad Infernum solus, regressus autem est cum multitudo, &c. Sabbato sub terra in monumento REMANSIT, in quo posuit eum Ioseph Arimatheus. Item. Reuerà natus est Deus Verbum ex Virgine, vestitus corpore obnoxio IISDEM PASSIONIBVS NOBISCVM.

NOTA. I. Sicut Christus propriè ac verè crucifixus & mortuus est, non apparenter duntaxat, & secundum hominum opinionem, Marcioniticè, ita ex mente S. Ignatii, verè descendit ad Inferos: Verus autem & propriè dictus descensus non est, nisi superior locus deferatur, & inferior, qui antea non occupabatur, de nouo acquiratur. Qui enim manet in superiore loco, & simul iam est in inferiore, quomodo descendere illuc dicendus est? Nec valet hic distinctio Aduersariorum, quâ de Ascensu Christi ad calos dicunt, Christum ascendisse secundum suam præsentiam visibilem; in calo autem iam antè fuisse secundum præsentiam inuisibilem, Nam Christus descen-

descendit ad Inferos non corpore, sed solâ animâ, corpore interim in sepulchro manente: Anima autem non habuit visibilem, sed inuisibilem præsentiam: descendit ergo tantum secundum inuisibilem præsentiam. Itaque si verè descendit anima, tunc illa tam corpus, quam sepulchrum deseruit, & in locum transfuit, ubi antè non fuit: quia si antea in inferno fuisset, quid opus fuisset illam eò descendere, ut ibi bis esset, & quidem inuisibili præsentia? Iam enim poterat ibi agere per primam præsentiam inuisibilem, sine nouâ aliâ præsentia inuisibili, quod egit, posteaquam illuc inuisibiliter descendit.

NOTA II. Si verè crucifixus est Christus, tunc verè clauis ferrei transfixerunt manus & pedes illius, dissoluta unione continui (sine his enim non est vera, sed tantum apparens transfixio) ideo à se inuicem partes carnis verè diuulse & ditacerate fuerunt: & quidem per vera foramina, in quibus non fuit, nec mansit caro; quippe perfossa; cavitatemque seu vacuitatem foraminis habuit impletam à clauis. Hoc autem dici non potest, si Caro Christi tunc Ubique fuit; quia etiam in locis foraminum, seu fixuris clauorum, imò in ipsis clauis caro permansisset, nec vera foramina, nec verè fixura clauorum fuissent, sed apparenter tantum, & secundum hominum opinionem; Ergo assertâ Ubiquitate dici non potest, quòd verè Christus crucifixus fuerit.

NOTA

NOTA III. Si Christus Sabbato in monumento remansit, secundum eam partem remansit, secundum quam illum Ioseph Arimatheus ibi reposuit. At illum reposuit secundum corpus, non secundum animam, quam Christus iam in Cruce expirauerat. Ergo corpus & anima tunc fuerunt separata, & non amplius simul; sed corpus remansit in sepulchro, anima descendit ad Inferos. Ergo neutra pars tunc fuit Vbiq^{ue}, sed unaqueq^{ue} in determinato & separato loco.

NOTA IV. Si Christus natus & vestitus est corpore obnoxio iisdem passionibus nobiscum, tunc corpore non fuit Vbiq^{ue}. Corporis enim nostri passio est circumscriptum loco esse, & ita localiter moueri, ut verè deserto uno loco, quem prius occupauit, in alium, quem non occupauit, transferatur. Corpori autem Christi, secundum substantiam, si Vbiq^{ue} fuit, hoc non conueniebat. Nā semper secundum substantiam manebat ibi, unde mouebatur, & semper iam prius erat ibi, quocunque mouebatur, secundum Vbiq^{ue}itas, saltem inuisibiliter, quæ nentiquam est proprietas seu passio corporis nostri. Aduersatur igitur S. Ignatius manifestè Vbiq^{ue}itati, & illam funditus subruit; dum ait, verè & non apparenter tantum, ac opinione hominum, crucifixum esse & mortuum, ad inferos descendisse, & ad celum ascendisse. Certè si Vbiq^{ue}itas eo deueniant, ut dicant, motum localem, qui Christo in Scriptura toties tribuitur, non fuisse verè propriè dictum

dictum motum, sed duntaxat apparentem, & Metaphoricum, nihil abest, quin dicant, eum quoque non fuisse propriè hominem, sed tantum apparenter, & phantasticè, quod antiquissimi heretici docuerunt; quod est ferè totam Scripturam abolere de Christo.

S. IRENÆVS Martyr.

Lib 5. cap. 31.

An. Chr.

180.

QUæ ergo vniuersam reprobant resurrectionem, & quantum in ipsis est, auferunt eam de medio, quid mirum est, si nec ordinem resurrectionis sciunt nolentes intelligere, quoniam si hæc ita essent, quemadmodum dicunt, ipse vtique Dominus, in quem se dicunt credere, non in tertia die fecisset resurrectionem, sed super crucem expirans, confestim vtique abiisset sursum, corpus relinquens terræ. Nunc autem tribus diebus conuersatus est, vbi erant mortui, quemadmodum Prophetia ait de eo: Commemoratus est Dominus Sanctorum mortuorum suorum, eorum, qui antè dormierunt in terram stipulationis, & descendit ad eos, extrahere eos, & saluare eos. Et ipse autem Dominus, quemadmodum ait: Ionas in ventre ceti tres dies & tres noctes mansit; sic erit Filius hominis in corde terræ. Sed & Apostolus ait: Ascendit autem,

autem, quid est, nisi quia & descendit in inferiora terræ? Hoc & David in eum propheta-
 tans dixit: Et eripuisti animam meam ex in-
 ferno inferiori. *Et paulo post*: Cum enim Do-
 minus in medio umbræ mortis ABIERIT, ubi
 animæ mortuorum erant, post deinde corpo-
 raliter resurrexit, & post resurrectionem as-
 sumptus est; manifestum est, quia & discipu-
 lorum eius, propter quos & hæc operatus est
 Dominus, animæ abibunt in inuisibilem lo-
 cum, definitum eis à Deo, & ibi usque ad re-
 surrectionem commorabuntur, sustinentes
 resurrectionem, post recipientes corpora, &
 perfectè resurgentes, hoc est, corporaliter,;
 quemadmodum & Dominus resurrexit: sic
 venient ad conspectum Dei. Nemo enim est
 discipulus super Magistrum: perfectus autem
 omnis erit, sicut Magister eius. Quomodo er-
 go Magister noster non statim euolans abiit,
 sed subsistens definitum à Patre resurrectio-
 nis suæ tempus, quod & per Ionam manifesta-
 tum est, post triduum resurgens assumptus
 est; sic & nos subsistere debemus definitum à
 Deo resurrectionis nostræ tempus, prænun-
 tiatum à Prophetis, & sic resurgentes assumi,
 quotquot Dominus ad hoc dignos habuerit.

NOTA. I. *S. Irenæum aperte tribuere Chri-
 sto post mortem, verum abitum, seu discessum in
 locum umbræ mortis, hoc est, in infernum ad ani-*

mas

*in*as mortuorum : Scriptura autem , & ipse Irenaeus clarissime testatur, Corpus Christi fuisse illotriduo in corde terræ , hoc est , sepulchro relictum. Igitur necessario loquitur de abitu, seu discessu animæ à corpore separata ad Infernum ; quam animam Christus in Cruce moriens expiravit ; Unde consequens est , animam à corpore fuisse loco separatam. Neutra igitur pars fuit Ubique.

NOTA II. S. Irenaeus comparat resurrectionem Christi cum resurrectione nostra, & ait: Sicut in morte Christi, anima eius descendit, seu abiit ad Inferos, separata à corpore, postea primum corpori iterum se univit, & cum eo resurrexit, &c. ita & nostras animas per mortem abire ex corpore ad invisibilem nobis locum, corpus verò manere in sepulchro usque ad definitum resurrectionis diem, ut in calum assumatur. Quæ ratione apertissimum est, S. Irenaeum Lutherana Ubiquitate Humanitatis Christi contradixisse.

TERTULLIANVS.

Lib. 2. contra Marcionem, c. 4. Paris. in fol. An. Chr. 196.
apud Michaëlem Sonnum, Anno 1584.

POST ubi secretas Inferni venit ad undas.
 Atque suum Victor captiui luce retextit,
 Astanti, iussúmque Patris virtute peregit,
 Sponte suum corpus, quod LIQVERAT, ipse
 recepit.

Et

Et Lib. de Resurrect. carnis, cap. 37. edit. Basileens. fol. anno 1550, Beati Rhenan.

Quemadmodum enim nobis arrabonem spiritus reliquit, ita & arrabonem carnis accepit, & vexit in cælum, pignus totius summæ illuc quandoque redigendæ.

Et apud Claudium Sainctes de rebus Eucharistia controuersis, Repetit. q. c. 3.

Si homo tantummodò Christus, quomodo adest Vbique inuocatus, cum hæc hominis natura non sit, ut adesse omni loco possit?

NOTA I. *Tertullianum clarè dicere, quòd Christus idem suum corpus receperit, quod reliquerat, quando ad Infernum descendit; Id factum non est per Diuinitatem, quæ semper Vbique, & cum corpore, & cum anima, etiam separatis, coniunctus permansit, ac descendere non potuit; Ergo necessario ille descensus debuit fieri per solam animam: Ergo anima interea non fuit in corpore; ergo non fuit Vbique, alioqui corpus non reliquisset.*

NOTA II. *Cum tota Christiana Antiquitas doceat, in Christo uaeſſe duas naturas, ut utraq; salua permaneat; hominis autem natura non sit, ut adesse omni loco (lege ordinaria) possit; evidens est, illam non esse Vbique presentem. Hoc enim nostra natura vires longè supergreditur.*

CLE-

CLEMENS ALEXANDRINVS An.Chr.

Lib. 6. Stromat. c. 2.

200.

Dominus nulla alia de causa descendit ad inferos, quàm vt annuntiaret Euangelium, sicut certè descendit, &c.

NOTA I. *Ad hoc vt Dominus annuntiaret animabus SS. Patrum Euangelium, id est, bonum uniuersum afferret liberationis ex illo carcere, ipsamque libertatem, sufficiebat, si sola anima diuinitati unita descenderet, corpore remanente in sepulchro; corpus enim, quia tunc mortuum erat, nihil ad hanc actionem conferre potuit.*

NOTA II. *Nec opus fuisset etiam ipsius anime peculiari descensu; quippe quæ iam antea ibi fuit, si Ubique fuit; Hoc autem pugnat cum isto sancto Doctore.*

HIPPOLYTUS PORTVENSIS An.Chr.

Contra Beronem & Helicem, Tomo 4. biblioth. p. 2. col. 951.

229.

Ideo Verbum Deus, similiter ac nos, verè homo factum, citra peccatum, operatum, & passum humano modo, quæcunque naturæ hominis propria, culpâ carent, & naturalem circumscriptionem carnis propter nos sustinens, mutationem non pertulit. *Et mox Christum, ait, simul & immensum esse intelligique Deum, & circumscriptum hominem,*

G

qui

qui vtriusque perfectam substantiam perfectè habeat. *Et hæc in primo fragmento.*

Idem in fragmento tertio, Diuinitatis operationem mansisse, scribit, extra naturæ circumscriptionem omnem; tamen per carnem, naturâ terminatam fulserit; non enim natura fert, vt quod secundum naturam factum non est, ab ea, quæ facta est, naturâ circumscribatur.

NOTA. Si Christus quacunque natura humana propria, (excepto peccato) humano modo habuit, & carne circumscriptus fuit, circumscriptionemque perfectè habuit; falsissimum est, quòd simul etiam in eadem natura incircumscriptus, adeoque Vbiq; fuerit. Impossibile enim est, idem corpus simul in eodem loco esse circumscriptum & incircumscriptum.

An. Chr.

235.

ORIGENES

Homil. 15. in Genes.

IN fine sæculorum Unigenitus Filius pro salute Mundi vsque ad infera descendit, & inde protoplastum reuocauit.

Et Tractat. 33. Quòd si semper Christus est omnibus suis præsens, quomodo eum introducunt parabolæ eius peregrinantem? Vide, si possimus soluere hoc modo, quod quaeritur. Qui enim dicit discipulis suis: Ecce! ego vobiscum sum, vsque ad consummatio-

nem

nem sæculi: & item, Vbi fuerint duo vel tres congregati in nomine meo, & ego sum in medio eorum, &c. Et qui in medium nescientium se consistit, Unigenitus Dei est, Deus, Verbum, & Sapientia, & Iustitia, & Veritas, qui non est corporeo ambitu circumclusus. Secundum hanc Diuinitatis suæ naturam non peregrinatur, sed peregrinatur secundum dispensationem corporis, quod suscepit. Hæc autem dicentes, non soluimus suscepti corporis hominem, &c.

Et paulo post. Quasi homo peregrinabitur, qui erat Vbi que secundum Diuinitatis naturam. Nec enim est homo, qui est, vbicunque duo, vel tres in nomine eius fuerint congregati. Neque homo nobiscum est omnibus diebus, vsque ad consummationem sæculi, nec congregatis vbique fidelibus, homo est præsens, sed virtus diuina, quæ erat in Iesu.

NOTA I. Eadem est hîc ratio, quæ circa verba Clementis. Hunc descensum ad Inferos solâ animâ peregit Dominus, non corpore, quod immotum iacuit illo triduo in sepulchro, & mortuum atque ab anima separatum fuit; si autem anima Christi iam ante in sepulchro fuit, frustra illuc de nouo descendit. Ergo necesse est, non ibi fuisse. Ergo non fuit Vbi que.

NOTA II. In duobus posterioribus locis non potest clariùs negare Omnipresentiâ Corporis

Christi, tam in statu humiliationis, quem peregrinationem vocat, quàm in statu exaltationis post resurrectionem, quo nobiscum futurus est. & que ad finem Mundi, non secundum humanam, sed secundum naturam duntaxat diuinam: Ex-
cepto SS. Eucharistia Sacramento.

An. Chr. E V S E B I V S CÆSARIENSIS

320. de Demonstr. Euangel. lib. 4. c. 12.

CHRISTUS, cùm altiùs vocem emisisset, & Patri dixisset: Commendo spiritum; solutus à Corpore ABIIIT; neutiquam expectans, dum mors ad ipsum accederet, &c.

NOTA. Quomodo Christus solutus à corpore fuit, & ex illo ABIIIT, nisi secundum animam, qua relicto corpore ad Infernum descendit? Si enim ipsa in corpore & in sepulchro quor, per Omnipresentiam mansit, falsissimum est, Christum solutum à corpore, inde ABIISSE: nec habet hic locum distinctio de presentia visibili & invisibili, ut superius vidimus. Anima enim visibilis non est.

An. Chr. S. A T H A N A S I V S

330. In lib. de Incarnatione, Edit. Basil. per Hieron. Frobenium, & Nicol. Episcopium 1556. Tomo 3.

f. 549.

IN Christi morte id ipsum patet, corpore non ultra sepulchrum delato, anima ad Inferos penetrante, locis ingenti intervallo dis-
scri-

feriminatis, sepulchro quidem id, quod corporeum erat, quia ibi corpus aderat, recipiente, inferno verò id, quod incorporeum fuit, &c.

Ex lib. quòd dua in Christo nature, Tom. 2. pag. 302. D. Cæsus est flagellis: actus est in Crucem: clavis affixus est: gustavit mortem, sepultus est, descendit ad Inferos anima eius: Verùm teneri non potuit, sed corpori reddita est: vnde facta resurrectio.

Item. Ex sepulchro quidem corpus, animam verò ex inferno reducem faceret, &c.

Et Tom. 1. fol 504. apud Theologos Saxonicos. in Apologia pro Decisione Saxonica, partis seu sectionis 5. cap. unico, de incommotis nouis, &c. Quomodo possunt Iudæi soluere templum Dei, & indissolubile temperamentum carnis cum Verbo disseparare? nisi instar nostri, pròque nostra ratione sese habuisset corporis mortificatio? Non enim mori potuit Corpus sine alicuius recessu, qui si nullus factus est, ne mors quidem fieri potuit. Quòd si mors nulla fuit, nec resurrectio fuit. Date igitur dissolutionem separationemque aliquam à corpore factam, vt scriptum est in Euangeliiis, quòd expirauerit, & inclinato capite tradiderit spiritum, vt sciamus, qualem spiritum suspicamini excessisse è corpore, atq; inde mortem obuénisse.

Et apud Theodoretum Dial. 2. fol. 92. C. in maiori oratione de Fide, ex illis Psalmi 109. verbis: Sede à dextris meis. Quæ, inquit, ad Corpus Dominicum pertinent. Nam si cælum & terram ego impleo, dicit Dominus, ut loquitur Ieremias, Deus autem omnia continet, nec ab ullo ipse continetur, quoniam in throno sedebit.

Idem in lib. de humana natura suscepta. Tomo 1. pag. 470. apud Petanum, lib. 10. fol. 42. ait: Christum secundum carnem mortuum, & sepultum esse, & resurrexisse, cum secundum spiritum (id est, Divinitatem) in cælo esset, & in terra, & Ubique.

NOTA I. *An potuit hic Pater clariùs dicere in duobus primis locis, animam illo triduo mortis non fuisse in sepulchro, & corpus non fuisse in inferno? Igitur etiam dixit NEUTRVM tunc fuisse Ubique.*

NOTA II. *Apertissimè in tertio loco dicit, Christum mortuum per verum discessum animæ ex corpore, & veram separationem.*

NOTA III. *Quamvis sessio illa ad dexteram, naturalem corporis sitam minimè significet, certum est tamen, definitum aliquod indicare spatium loci, in quo comprehendatur, velut cælum. Igitur cum hanc opponi sentiat Athanasius immensitati illi, qua Deus est ubique, non ubique esse ipsum corpus iudicavit, quod utrumque sedere in calis ex illis Psalmista verbis cognoscimus. Hic*

verò

verò locus eò habet firmiorem auctoritatem, quòd
ad statum beata immortalitatis propriè pertinet.

EVSTATHIVS ANTIOCHENVS An. Chr.

In quodam Tractat. apud Theodoret. Dialog. 3. 340.

Ubiquitas refellit.

COrpus sublimè in cruce pendeat, at Di-
vinus sapientiæ spiritus & intra corpus
degebat, & cælestibus infedebat, & totam
ambiebat terram, & abyssos continebat, &
singulorum animos perlustrans diiudicabat,
atque omnia, vti solebat, tanquam Deus ad-
ministrabat. Non enim intra corporeas mo-
les suprema sapientia inclusa continetur. &c.

NOTA. Clarissimè dicit, Diuinam naturam
in ipso Corpore Christi fuisse simul etiam, ubi
corpus non fuit, & administrasse, seu gubernasse
omnia, quà Deus erat, non quà homo, ut sic e-
nim in Cruce pendeat secundum Corpus, quod
postea iacuit in sepulchro verè mortuum, non tan-
tùm apparenter.

S. HILARIUS PICTAVIENSIS An. Chr.

In Psal. 138. in illud: Si descendero in In- 350.
fernæ, ades.

Humanæ ista lex necessitatis est, ut sepultis
corporibus, animæ ad inferos descen-
dant, quam descensionem Dominus ad con-
summationem veri hominis non recusavit.

Et lib. 10. de Trinit. ultra medium : Nunquid descendisse ad inferos corpus, quod in sepulchro iacuit, dicitur ?

Et lib. 10. in Ioannem : Quod in cælis est, (*Christus*) naturæ semper manentis potestas est : quæ initiata, conditæque per se carne, non se ex infinitatis suæ virtute intra regionem definiti corporis coarctavit, spiritûs virtute, ac Verbi Dei potestate in forma serui manens, intra extræque cæli, Mundique circulos, Cæli ac Mundi Dominus non abfuit.

NOTA. *Priore loco Hilarius indicat, sicut, quando homines moriuntur, Corpus in sepulchro reponitur, anima verò separatim aliò abit, ita & in morte Christi factum esse. Posteriore verò pro absurdo habet, dicere: Christi Corpus ad inferos descendisse, dum iacuit in sepulchro. Voluit ergo Christi Corpus tunc non fuisse utrobique; multò minùs Ubique. In tertio loco clarum est, hunc Authorem sentire, Christum habuisse definitum & circumscriptum corpus, intra cuius regionem se non coarctauerit Diuinitas. Non igitur corpore fuit Ubique.*

An. Chr. S. CYRILLVS HIEROSOLYMITAN.

360. *Catechesi 14. circa finem. Colon. apud Matth. Cholin 1564. pag. 130.*

CERTUS sis, homo, propter multos Seductores, qui venturi sunt : qui sursum sedet,
&

& hic nobis adest; qui vniuscuiusque videt ordinem & robur fidei. Non enim quia nunc NON ADEST IN CARNE, ex eo putes, quòd spiritu medio hìc non adsit, audiens, quæ de illo dicuntur, & videns, quæ tu cõgitas, &c.

Idem Cyrillus ab Ioanne Cyparissio citatus lib. 7. c. 1. apud Petanum lib. 10 tom. 4. fol. 42. in Catechesibus sic habet: In mera Diuinitate superuacaneum est, cogitare ascensum, & descensum. Potentia enim illa, quæ omnia continet: ille qui Vbique omnibus adest, qui vniuersa spiritu suo circumdat, non transfertur à locis in loca; ipsius est; cælum & terram ego impleo; si igitur implet, quò transmittatur? ita fit, vt (ascendit & descendit) superuacuum sit in Diuinitate. In Salvatore autem, & in dispensatione aduentûs eius in carne, propriè dicitur, ascendit & descendit.

NOTA I. *Vult dicere: Hic nobis adest Diuinitate, non enim adesse Humanitate, ipsemet statim subiungit, cùm ait: Non adesse in carne: neque obtrudas ineptè tuum visibiliter, nam si secundum carnem saltem inuisibiliter esset Vbique, audiret nihilominus, quæ de illo dicuntur, & videret, quæ nos cogitamus.*

NOTA II. *Ideo dicit, ascendit & descendit, in Diuinitate superuacuum esse, & locum non habere, quòd Diuinitas sit Vbique, & omnia impleat. Si ergo & Humanitas esset Vbique, & omnia*

impleret, nec illa posset propriè ascendere, & descendere secundum hunc Cyrillum.

An. Chr.

TITVS BOSTRENSIS

364.

In Commentario ad cap. Luca 23. Hac verba Christi in Cruce enarrans: Hodie mecum eris in Paradiso, ait.

Implens omnia Diuinitate, & in Cruce propter carnem erat, & in cælo propter Diuinitatem, ac rursus de Cruce descendens, & in inferno erat, & Latronem in paradisum introduxit diuinitatis suæ præsentia. *Citatur à Petanio loc. cit. Et quamuis Bellarminus de Scripturis putet hunc Titum non esse auctorem huius scripti in Lucam, non tamen negat esse alicuius posterioris, & probati patris scriptum. Etiam Petanij iudicium non est contemnendum.*

NOTA. Pulcherrimè distinguit præsentiam humanam certo loco circumscriptam, & definitam à præsentia Diuina, quæ est Vbiq̃ue.

An. Chr.

DIDYMVS ALEXANDRINVS

365.

De Spiritu S. apud Claudium de Saintes.

Ipse Spiritus S. si vnus de creaturis esset, saltem circumscriptam haberet substantiam, sicut vniuersa, quæ facta sunt; nam etsi non circumscribantur loco & finibus inuisibiles creaturæ, tamen proprietate substantiæ finiuntur; Spiritus autem S. cum in pluribus locis

eis

eis sit, nō habet circumscriptam substantiam. Si Apostoli in extremis finibus terræ, ob testimonium Domini constituti distabant inter se longissimis spatiis, aderat autem eis inhabitator Spiritus S. incircumscriptam habens substantiam, demonstratur Angelica virtus ab hoc prorsus aliena. Angelus quippe, qui aderat v. g. Apostolo in Asia oranti, non poterat simul eodem tempore aliis in partibus cæteris constitutis. Spiritus autem S. non solum seiunctis à se hominibus præstò est, sed & cæteris quibusque Angelis, Principatibus, Thronis, Dominationibus inhabitator adstitit, & ut homines sanctificans alterius, quàm sunt homines, est naturæ.

NOTA Omnia que facta sunt, circumscripta sunt, & finita in hoc mundo. Unde probat Didymus, Spiritum S. non esse creaturam, quia Ubique. Cum ergo & Humanitas Christi creatura sit, ipsa in se non est Ubique secundum suam substantiam.

S. B A S I L I V S

An. Chr.

In Concione 13. in Psal. 43. circa finem.

370.

Verumtamen redimet Deus animam meam de manu inferi, cùm acceperit me. Manifestè, inquit, vaticinatur Domini ad Inferos descensum, qui cum aliis etiam ipsius animam redimet, ne illic maneat.

NOTA,

NOTA Nihil dubij est, quin loquatur de sola anima, cum corporis in sepulchro positi nullam prorsus faciat mentionem: nec Scriptura, quam interpretatur, nisi de sola anima loquatur.

An. Chr.

S. A M B R O S I V S

370. *Lib. de Incarnationis Dominica Sacramento, edit. Basil. 1555. apud Froben. c. 15. fol. 181. & in Paris. 1569. fol. 428. 429.*

ET corpus quidem eius iacebat in tumulo, ipse autem inter mortuos liber, remissionem in inferno positus, soluta mortis lege, donabat.

Et infra post medium. Ipsa anima etsi fuit in abyssu, IAM NON EST, quia scriptum est, quoniam non relinques animam meam in inferno, non dabis sanctum tuum videre corruptionem.

Et lib. 2. de fide, c. 4. Neque enim Deus de loco ad locum transit, qui ubique semper est. Ut homo est, qui vadit, ipse qui venit, denique & alibi dicit: Surgite, eamus hinc. In eo ergo vadit & venit, quod est commune nobiscum.

Et lib. 1. de Spiritu S. c. 7. Cum igitur omnis natura certis naturæ suæ sit circumscripta limitibus (siquidem & illa inuisibilia opera, quæ non queunt locis & finibus comprehendi, substantiæ tamen suæ proprietate clau-

claudunt) quomodo quis creaturam audeat appellare Spiritum S. qui non habeat circumscriptum determinatumque virtutis locum, cum & in omnibus, & Vbiq̃ue semper sit, quod vtique Diuinitatis & Dominationis est proprium. Domini est terra & plenitudo eius. *Ibidem.* Neque Deus de loco ad locum transit, qui vbiq̃ue semper est, vt homo est, qui vadit, ipse est, qui venit.

NOTA I. *In inferno quidem Christum fuisse, sed secundum solam animam, Diuinitati coniunctam, & Patribus antiquis vincula carceris relaxasse.*

NOTA II. *Apertè dicit; animam Christi iam non amplius esse in abyssò, seu inferno. Ergo apertè dicit, Non esse Vbiq̃ue.*

S. E P I P H A N I V S

Hæresi 69. de Arianis.

An. Chr.

380.

OMnia suscepit, quo in carne condemnaret peccatum, & in Cruce dissolueret maledictionem, & in monumentum sepulchri detraheret corruptionem, & in infernum descendens, CVM ANIMA in Deitate simul mortis confringeret, &c.

Item. Volebat Deitas omnia perficere, quæ ad passionis mysterium pertinent, & CVM ANIMA descendere ad inferna, ad operandum salutem eorum, quæ prædormierunt,

runt, Sanctorum, inquam, Patriarcharum.

NOTA. *Viden' iterum, Lector, quomodo iste sanctus Pater descensum Christi ad inferos non tribuat, nisi animæ Christi, nulla penitus corporis facta mentione.*

An. Chr. S. GREGORIUS NAZIANZENS

380. *in priore ad Cledonium epist. apud Petrum loco cit.*

VNum eundemque Christum vocat patibilem carne, impatibilem Diuinitate, corpore circumscriptum, incircumscriptum spiritu, eundem terrenum & cælestem; visibilem & intelligibilem, comprehensibilem & incomprehensibilem.

NOTA. *Quomodo est Vbique, si est simpliciter, & absolutè circumscriptus secundum humanam naturam.*

An. Chr. S. GREGORIUS NYSSENS

380. *in lib. Catechetico, laudatus à Theodoro Dialog. 2. p. 69. C.*

QVis hoc dixerit circumscriptione carnis, velut quodam vase immensitatem Diuinitatis fuisse comprehensam?

Item ibidem. Quod si hominis animæ naturæ necessitate commissa corpori liberè Vbique versatur, quæ necessitas cogit dicere Diuinitatem natura carnis includi? Item in Euno-

Eunomium, qui dicit, vado: localem discessum significat: quod autem per omnia graditur, & in omnibus existit, & omnia continet, non habet, quo discedat, eò quòd diuina plenitudine nihil est vacans.

NOTA. Non igitur corpus est Vbique, sed loco circumscribitur, extrâque illud diuina natura immensitas diffunditur.

A M P H I L O C H I V S

An. Chr.

In quodam Excerpto Photij apud Petauium loco cit. p. 40. ubi uberrimè explicat, quomodo sine detrimento hypostatica vnionis, natura Christi humana non sit Vbique. Ita ergo questionem proponit.

380.

SI minimè circumscripta est Filij Diuinitas, Scaro, quam assumpsit, vel est Vbique (si quidem vbi est Diuinitas, ibi illam oportet esse) vel si loco circumscripta est. Respondet *Amphilochius*. Dei proprium esse, vt vbicunque est, totus ibi sit, adeòque sit Vbique totus, quo sit, vt in adiuncta sibi carne totus sit, & ex toto. Neque propterea, quòd Vbique est ipse, humana verò natura loco, tempore, initio, fine & partibus aliis definita est; idcirco vel minimus separationi aditus conceditur. Quam quidem is demum inuehit, qui Deum etiam intra carnem assumptam loco circumscriptum, falsò sibi finxerit, & Vbique
per

per partes adesse, non ex toto, quibuscunque præsens adest Deus.

NOTA. *Sensus est: Verbum ita cum humana natura coniunctum esse, ut in hac illud totum sit, non tamen efficere, ut non etiam in aliis, & cum aliis illud existat, quibus nec adest, nec coniuncta est ipsa humanitas.*

An. Chr.
390.

S. H I E R O N Y M V S

In Expositione fidei ad Damasum.

Illorum execramur etiam blasphemiam, qui nouo sensu asserere conantur, à tempore susceptæ carnis omnia, quæ erant Diuinitatis, in hominem commigrasse, & rursus, quæ erant humanitatis, in Deum esse transfusa. Ut, quod nulla vnquam hæresis dicere ausa est, videatur hac confusione exinanita substantia Deitatis, videlicet & Humanitatis, & à proprio statu in aliud esse commutata.

Idem in cap. 13. Osee. Liberavit omnes Dominus, & redemit in passione Crucis, & effusione sanguinis sui, quando anima eius descendit in infernum, & caro eius non vidit corruptionem, &c. *Et in c. 4. ad Ephes.* Inferiora terræ infernus accipitur, ad quem Dominus noster descendit, ut Sanctorum animas, quæ ibi tenebantur inclusæ, secum ad cælos victor adduceret.

NOTA. *Si ea, quæ sunt Diuinitatis, in humani-*

manitatem non migrarunt, nec transfusa sunt, sequitur nec Omnipresenciam commigrasse in illam: reliqua iam sunt explicata de anima.

THEOPHILVS ALEXANDRINVS An. Chr.

in Epist. 1. Paschali.

390.

Saluator tollens animam, & separans à corpore suo, tempore passionis, rursus eam in resurrectione suscepit, & multò antè, quàm faceret, loquebatur in Psalmo 15. Non derelinques animam meam in inferno. Nec credibile est, quòd ad inferos caro eius descenderit, vel prudentia carnis, quæ appellata sit anima, Inferis apparuit, sed quod CORPVS POSITVM IN SEPVLCHRO, & ipse nec de corpore, & sapientia carnis, nec de Diuinitate sua dixerit, Non relinques animam meam in inferno, &c.

NOTA. *Ista euidentissimè demonstrant, Theophili mentem fuisse, nec Corpus Christi illò triduo in Inferno, nec animam Christi in sepulchro fuisse, proinde neutrum Vbiue fuisse.*

R V F F I N V S

in Symbolum Apostolicum.

An. Chr.

390.

Ascendit Christus ad cælos, non, Vbi Verbum Deus antè non fuerat, quippe quæ erat semper in cælis, & manebat in Patre; sed Vbi Verbum caro factum antè non federat.

H

NOTA,

NOTA. Frustra laborare aliquos Ubiquistas dicentes, Rufinum posse intelligi de sessione ad dexteram, qua tunc primum inceperit, postquam in calos Christus ascendit; occultâ verò & latente Omnipresentiâ carnem Christi etiam ante Ascensionem in calis fuisse. Sed hoc figmentum esse, ex ipsa discordia Ubiquistarum de hac sessione ad dexteram planissimum fit, ut ostendi in *Manuali Lutheranorum*, parte 2. cap. 9. fol. 399. & seqq. ubi inter se acerrimè desertant, quo tempore Christus sedere ad dexteram cœperit. *VVirtenbergici* enim contendunt Christum etiam in statu humiliationis, secundum humanitatem à primo puncto conceptionis iam sedisse ad dexteram Patris, quamvis latenter, negant id *Saxonici* & *Hassiaci*.

Deinde licet per dexteram Patris in isto art. *Symbol.* intelligeretur Omnipotentia & Omnipresencia Dei, (quod non concedimus) minimè tamen inde consequeretur, Christum secundum carnem esse Ubique, sicuti non sequitur: Caput hominis toti animæ rationali unitum est; quandoquidem anima indivisibilis est, & non potest in capite esse tantum ex dimidio, aut parte sui, non enim habet partes. Sed anima rationalis est etiam in toto corpore. Ergo quoque, caput est in toto corpore. Diceret capite carere illum, qui sic ratiocinaretur. Etsi enim anima tota capiti unita sit, non tamen est unita totaliter.

GAV.

GAUDENTIVS BRIXIENSIS. An.Chr.

Tract. 6. de Exod. In Biblioth. PP. Tom. 4. f. 810. 390.
Colon. Anno 1618.

NOcte, qua corpus EX ANIME RELIN-
 QVENS in Cruce Dei Filius, transit CUM
 ANIMA ad Ægyptum inferiorem, ut animas
 in inferno positas visiteret,

NOTA. Si anima Christi iam antè in infer-
 no fuit, qua necessitas erat, ut Dei Filius (qui haud
 dubiè etiam antea in inferno fuit) cum anima de
 nouo ad infernum descenderet? Annon potuit
 hoc officio visitationis, cum anima Christi iam ibi
 presente, sine descensu isto defungi? Quomodo
 etiam anima in Cruce suum Corpus reliquit exa-
 nime, si anima nihilominus adhuc in Cruce re-
 mansit in corpore? Remansisse autem illam est
 necesse, secundum Vbiquistas, si fuit Vbique.

S. A V G V S T I N V S

An.Chr.

*In Epistola 57. ad Dardanum. In Tomo 2. Basilea
 apud Ioannem Frobenium anno M. D. XXVIII.
 impresso, & emendato per Des. Erasmum Roterod-
 damum in Epistola LVII. ad Dardanum, solutio-
 ne prima quaestionis folio 175. lit. A. & 2. To-
 mo edit. Paris. anno 1571. apud Guil.
 Merlinum, & c. f. 96. b. col. 1.*

400.

SI ergo secundum hominem, quem Verbum
 Deus suscepit, putamus dictum esse: hodie

H 2

me.

mecum eris in paradiso, non ex his verbis, in cælo existimandus est esse paradisu. Neque enim ipso die in cælo futurus erat homo Christus Iesus, sed in inferno secundum animam; in sepulchro autem secundum carnem. Et de carne quidem, quod eo die in sepulchro sit posita, manifestissimum est Euangelium; quod verò illa anima in infernum descenderit, Apostolica doctrina prædicat, quandoquidem beatus Petrus ad hanc rem testimonium de Psalmis adhihet, ubi de ipso prædictum esse demonstrat: Quoniam non dereliques animam meam in inferno, neque dabis Sanctum tuum videre corruptionem: illud de anima dictum est, quia non ibi est derelicta, unde tam citò remeavit, illud de corpore, quod in sepulchro corrumpi celeri resurrectione non potuit. Et paulò post.

Idem S. Augustinus eodem Tomo Basil. & Epistola, eodémque folio 175. lit. B.

Est autem sensus multò expeditior, & ab his omnibus ambiguitatibus liber, si non secundum id, quod homo erat, sed secundum id, quod Deus erat, dixisse accipiatur: Hodie mecum eris in paradiso. Homo quippe Christus illo die secundum carnem in sepulchro, secundum animam in inferno futurus erat, Deus verò idē ipse Christus ubiq; semper est.

Idem S. August. dicto loci, fol. 176. lit. C.

Secun-

Secundùm hominem namque in terra erat, non in cælo, vbi nunc est, quando dicebat: Nemo ascendit in cælum, nisi qui de cælo descendit, Filius hominis, qui est in cælo: quamuis secundùm id, quod Filius Dei erat, esset in cælo, secundùm id verò, quod Filius hominis erat, adhuc esset in terra, nondùmque ascendit in cælum. Similiter cùm secundùm id, quod Filius Dei est, sit Dominus gloriæ, secundùm id autem, quod est Filius hominis, crucifixus sit, ait tamen Apostolus: Si enim cognouissent, nunquam Dominum gloriæ crucifixissent. Ac per hoc & Filius hominis, secundùm Deum, erat in cælo; & Filius Dei, secundùm hominē, crucifigebatur in terra. Sicut ergo potuit rectè dici, Dominus gloriæ crucifixus, cùm ad solam carnem illa passio pertineret, ita rectè dici potuit, hodie mecum eris in paradiso: cùm iuxta humanam humilitatem, per carnem in sepulchro, per animam in inferno, illo die futurus esset: iuxta diuinam verò immutabilitatem nunquam de paradiso, quia vbique est semper, recessisset. Noli itaque dubitare, ibi nunc esse hominem Christum Iesum, vnde venturus est, memoriterque recale, & fideliter tene Christianam confessionem, quoniam resurrexit à mortuis, ascendit in cælum, sedet ad dexteram Patris, nec aliunde quàm inde venturus est, ad viuos

mortuóſque iudicandos. Et ſic venturúſ eſt illa Angelica voce teſtante, quemadmodum ire viſus eſt in cælum, id eſt, in eâdem carniſ formâ atque ſubſtantiâ, cui proſectò immortalitatem dedit, naturam non abſtulit, ſecundùm hanc formam non eſt putandus **UBIQUE DIFFVSVS**. Cauendum eſt enim, ne ita Diuinitatem aſtruamus hominiſ, vt veritatem corporiſ auferamus. Non eſt autem conſequens, vt quod in Deo eſt, ita ſit vbique, vt Deus; Nam & de nobiſ veraciſſima Scriptura dicit, quòd in illo viuimus, mouemur, & ſumus, nec tamen ſicut ille, vbique ſumus; ſed aliter homo ille in Deo, quoniam aliter & Deus ille in homine, proprio quodam & ſingulari modo. Vna enim perſona Deus & homo eſt, & vtrumque eſt vnus Chriſtus Ieſus, vbique per id, quod Deus eſt; in cælo autem per id, quod homo. (nempe poſt Aſcenſionem.)

Idem S. Auguſt. Tractat. 31. in Ioannem.

Homo (Chriſtus) ſecundùm Corpus in loco eſt, & de loco migrat, & cùm ad alium locum venerit, in eo loco, vnde venit (NB.) **NON EST**. Deus autem implet omnia, & Vbique totuſ eſt, non ſecundùm ſpatia tenetur lociſ: Erat tamen Chriſtuſ ſecundùm viſibilem carnem in terra, ſecundùm **INVISIBILEM MAIESTATEM** in cælo & in terra.

NB. Per in-
uiſibilem
maieſtatem
intelligit

Tra-

Tractatu 50. in Ioannem, ait : Corpus suum intulit cælo , Maiestatem suam non abstulit mundo. *Item ibid.* Potest & sic intelligi, pauperes semper habebitis vobiscum , me autem non semper habebitis ; accipiant & hoc boni, sed non sint solliciti. Loquebatur enim de præsentia corporis sui : nam secundum maiestatem suam, secundum providentiam, secundum ineffabilem & invisibilem gratiam impletur, quod ab eo dictum est : Ecce ! ego vobiscum sum omnibus diebus, usque ad consummationem sæculi. Secundum carnem vero, quam Verbum assumpsit, secundum id, quod de Virgine natus est, secundum id, quod à Iudæis comprehensus est, quod ligno confixus, quod in resurrectione manifestatus, non semper habebitis me vobiscum. Quare ? Quoniam conuersatus est secundum corporis præsentiam quadraginta diebus cum discipulis suis, & eis deducentibus videndo, non sequendo, Ascendit in cælum, & NON EST HIC. Vbi enim sedet ad dexteram Patris, & HIC est. Non enim recessit præsentia maiestatis. Aliiter. Secundum præsentiam maiestatis semper habemus Christum : secundum præsentiam carnis rectè dictum est Discipulis, me autem non semper habebitis. Habuit enim illum Ecclesia secundum præsentiam carnis paucis diebus : modò fide tenet, oculis non videt.

H 4

Et

runt, Sanctorum, inquam, Patriarcharum.

NOTA. *Viden' iterum, Lector, quomodo iste sanctus Pater descensum Christi ad inferos non tribuat, nisi animæ Christi, nulla penitus corporis facta mentione.*

An. Chr. S. GREGORIUS NAZIANZENS

380. *in priore ad Cledonium epist. apud Petrum locò cit.*

VNum eundemque Christum vocat patibilem carne, impatibilem Diuinitate, corpore circumscriptum, incircumscriptum spiritu, eundem terrenum & caelestem; visibilem & intelligibilem, comprehensibilem & incomprehensibilem.

NOTA. *Quomodo est Ubique, si est simpliciter, & absolutè circumscriptus secundum humanam naturam.*

An. Chr. S. GREGORIUS NYSSENS

380. *in lib. Catechetico, laudatus à Theodoro Dialog. 2. p. 69. C.*

QVis hoc dixerit circumscriptione carnis, velut quodam vase immensitatem Diuinitatis fuisse comprehensam?

Item ibidem. Quòd si hominis anima naturæ necessitate commissa corpori liberè Ubique versatur, quæ necessitas cogit dicere Diuinitatem natura carnis includi? Item in Euno.

Eunomium, qui dicit, vado: localem discessionem significat: quod autem per omnia graditur, & in omnibus existit, & omnia continet, non habet, quo discedat, eò quòd diuina plenitudine nihil est vacans.

N O T A. Non igitur corpus est Ubique, sed loco circumscribitur, extràque illad diuina natura immensitas diffunditur.

A M P H I L O C H I V S

An. Chr.

In quodam Excerpto Photij apud Petauium loco cit. p. 40. ubi uberrimè explicat, quomodo sine detrimento hypostatica vnionis, natura Christi humana non sit Ubique. Ita ergo questionem proponit.

380.

SI minimè circumscripta est Filij Diuinitas, Scaro, quam assumpsit, vel est Ubique (si quidem vbi est Diuinitas, ibi illam oportet esse) vel si loco circumscripta est. *Respondet Amphilochius.* Dei proprium esse, vt vbiunque est, totus ibi sit, adeòque sit Ubique totus, quo sit, vt in adiuncta sibi carne totus sit, & ex toto. Neque propterea, quòd Ubique est ipse, humana verò natura loco, tempore, initio, fine & partibus aliis definita est; idcirco vel minimus separationi aditus conceditur. Quam quidem is demum inuehit, qui Deum etiam intra carnem assumptam loco circumscriptum, falsò sibi finxerit, & Ubique per

per partes adesse, non ex toto, quibuscunque præsens adest Deus.

NOTA. *Sensus est: Verbum ita cum humana natura coniunctum esse, ut in hac illud totum sit, non tamen efficere, ut non etiam in aliis, & cum aliis illud existat, quibus nec adest, nec coniuncta est ipsa humanitas.*

An. Chr. S. HIERONYMVS

390. *In Expositione fidei ad Damasum.*

Illorum execramur etiam blasphemiam, qui nouo sensu asserere conantur, à tempore susceptæ carnis omnia, quæ erant Diuinitatis, in hominem commigrasse, & rursus, quæ erant humanitatis, in Deum esse transfusa. Vt, quod nulla vnquam hæresis dicere ausa est, videatur hac confusione exinanita substantia Deitatis, videlicet & Humanitatis, & à proprio statu in aliud esse commutata.

Idem in cap. 13. Osee. Liberauit omnes Dominus, & redemit in passione Crucis, & effusione sanguinis sui, quando anima eius descendit in infernum, & caro eius nõ vidit corruptionem, &c. *Et in c. 4. ad Ephes.* Inferiora terræ infernus accipitur, ad quem Dominus noster descendit, ut Sanctorum animas, quæ ibi tenebantur inclusæ, secum ad cælos victor adduceret.

NOTA. *Si ea, quæ sunt Diuinitatis, in humani-*

manitatem non migrarunt, nec transfusa sunt, sequitur nec Omnipresenciam commigrasse in illam: reliqua iam sunt explicata de anima.

THEOPHILVS ALEXANDRINVS An. Chr.

in Epist. 1. Paschali.

390.

Saluator tollens animam, & separans à corpore suo, tempore passionis, rursus eam in resurrectione suscepit, & multò antè, quàm faceret, loquebatur in Psalmo 15. Non derelinques animam meam in inferno. Nec credibile est, quòd ad inferos caro eius descenderit, vel prudentia carnis, quæ appellata sit anima, Inferis apparuit, sed quod **CORPVS POSITVM IN SEPVLCHRO**, & ipse nec de corpore, & sapientia carnis, nec de Diuinitate sua dixerit, Non relinques animam meam in inferno, &c.

NOTA. *Ista euidentissimè demonstrant, Theophili mentem fuisse, nec Corpus Christi illò zriduo in Inferno, nec animam Christi in sepulchro fuisse, proinde neutrum Vbique fuisse.*

R V F F I N V S

in Symbolum Apostolicum.

An. Chr.

390.

Ascendit Christus ad cælos, non, Vbi Verbum Deus antè non fuerat, quippe qui erat semper in cælis, & manebat in Patre; sed Vbi Verbum caro factum antè non federat.

H

NOTA,

NOTA. Frustra laborare aliquos Ubiquistas dicentes, Rufinum posse intelligi de sessione ad dexteram, qua tunc primùm inceperit, postquam in calos Christus ascendit; occultâ verò & latente Omnipresentiâ carnem Christi etiam ante Ascensionem in calis fuisse. Sed hoc figmentum esse, ex ipsa discordia Ubiquistarum de hac sessione ad dexteram planissimum fit, ut ostendi in *Manuali Lutheranorum*, parte 2. cap. 9. fol. 399. & seqq. ubi inter se acerrimè desertant, quo tempore Christus sedere ad dexteram cœperit. *VVirtenbergici* enim contendunt Christum etiam in statu humiliationis, secundum humanitatem à primo puncto conceptionis iam sedisse ad dexteram Patris, quamvis latenter, negant id *Saxonici* & *Hassiaci*.

Deinde licet per dexteram Patris in isto art. *Symbol.* intelligeretur Omnipotentia & Omnipresentia Dei, (quod non concedimus) minimè tamen inde consequeretur, Christum secundum carnem esse Ubique, sicuti non sequitur: Caput hominis toti animæ rationali unitum est; quandoquidem anima indivisibilis est, & non potest in capite esse tantum ex dimidio, aut parte sui, non enim habet partes. Sed anima rationalis est etiam in toto corpore. Ergo quoque, caput est in toto corpore. Diceret capite cavere illum, qui sic ratiocinaretur. Etsi enim anima tota capiti unita sit, non tamen est unita totaliter.

GAY.

GAUDENTIVS BRIXIENSIS. An. Chr.

Tract. 6. de Exod. In Biblioth. PP. Tom. 4. f. 810. 390.
Colon. anno 1618.

NOCTE, qua corpus EX ANIME RELIN-
 QVENS in Cruce Dei Filius, transiit CUM
 ANIMA ad Aegyptum inferiorem, vt animas
 in inferno positas visitaret,

NOTA. Si anima Christi iam antè in infer-
 no fuit, qua necessitas erat, vt Dei Filius (qui haud
 dubie etiam antea in inferno fuit) cum anima de
 nouo ad infernum descenderet? Annon potuit
 hoc officio visitationis, cum anima Christi iam ibi
 praesente, sine descensu isto desungi? Quomodo
 etiam anima in Cruce suum Corpus reliquit exa-
 nime, si anima nihilominus adhuc in Cruce re-
 mansit in corpore? Remansisse autem illam est
 necesse, secundum Vbiquistas, si fuit Vbique.

S. A V G V S T I N V S

An. Chr.
 400.

*In Epistola 57. ad Dardanum. In Tomo 2. Basilea
 apud Ioannem Frobenium anno M. D. XXVIII.
 impresso, & emendato per Des. Erasmus Roterod-
 danum in Epistola LVII. ad Dardanum, solutio-
 ne prima quaestionis folio 175. lit. A. & 2. To-
 mo edit. Paris. anno 1571. apud Guil.
 Merlinum, & c. f. 96. b. col. 1.*

SI ergo secundum hominem, quem Verbum
 Deus suscepit, putamus dictum esse: hodie

mecum eris in paradiso, non ex his verbis, in cælo existimandus est esse paradisu. Neque enim ipso die in cælo futurus erat homo Christus Iesus, sed in inferno secundum animam; in sepulchro autem secundum carnem. Et de carne quidem, quod eo die in sepulchro sit posita, manifestissimum est Evangelium; quod verò illa anima in infernum descenderit, Apostolica doctrina prædicat, quando quidem beatus Petrus ad hanc rem testimonium de Psalmis adhihet, ubi de ipso prædictum esse demonstrat: Quoniam non derelinques animam meam in inferno, neque dabis Sanctum tuum videre corruptionem: illud de anima dictum est, quia non ibi est derelicta, unde tam citò remeavit, illud de corpore, quod in sepulchro corrumpi celeri resurrectione non potuit. Et paulò post.

Idem S. Augustinus eodem Tomo Basil. & Epistola, eodémque folio 175. lit. B.

Est autem sensus multò expeditior, & ab his omnibus ambiguitatibus liber, si non secundum id, quod homo erat, sed secundum id, quod Deus erat, dixisse accipiat: Hodie mecum eris in paradiso. Homo quippe Christus illo die secundum carnem in sepulchro, secundum animam in inferno futurus erat, Deus verò idē ipse Christus ubiq; semper est.

Idem S. August. dicto locq, fol. 176. lit. C.

SECUR.

Secundùm hominem namque in terra erat, non in cælo, vbi nunc est, quando dicebat: Nemo ascendit in cælum, nisi qui de cælo descendit, Filius hominis, qui est in cælo: quamuis secundùm id, quod Filius Dei erat, esset in cælo, secundùm id verò, quod Filius hominis erat, adhuc esset in terra, nondùmque ascendit in cælum. Similiter cùm secundùm id, quod Filius Dei est, sit Dominus gloriæ, secundùm id autem, quod est Filius hominis, crucifixus sit, ait tamen Apostolus: Si enim cognouissent, nunquam Dominum gloriæ crucifixissent. Ac per hoc & Filius hominis, secundùm Deum, erat in cælo; & Filius Dei, secundùm hominē, crucifigebatur in terra. Sicut ergo potuit rectè dici, Dominus gloriæ crucifixus, cùm ad solam carnem illa passio pertineret, ita rectè dici potuit, hodie mecum eris in paradiso: cùm iuxta humanam humilitatem, per carnem in sepulchro, per animam in inferno, illo die futurus esset: iuxta diuinam verò immutabilitatem nunquam de paradiso, quia vbique est semper, recessisset. Noli itaque dubitare, ibi nunc esse hominem Christum Iesum, vnde venturus est, memoriterque recale, & fideliter tene Christianam confessionem, quoniam resurrexit à mortuis, ascendit in cælum, sedet ad dexteram Patris, nec aliunde quàm inde venturus est, ad viuos

mortuóſque iudicandos. Et ſic venturus eſt illa Angelica voce teſtante, quemadmodum ire viſus eſt in cælum, id eſt, in eâdem carnis formâ atque ſubſtantiâ, cui proſectò immortalitatem dedit, naturam non abſtulit, ſecundùm hanc formam non eſt putandus **UBIQUE DIFFUſVS**. Cauendum eſt enim, ne ita Diuinitatem aſtruamus hominis, vt veritatem corporis auferamus. Non eſt autem conſequens, vt quod in Deo eſt, ita ſit vbique, vt Deus; Nam & de nobis veraciſſima Scriptura dicit, quòd in illo viuimus, mouemur, & ſumus, nec tamen ſicut ille, vbique ſumus; ſed aliter homo ille in Deo, quoniam aliter & Deus ille in homine, proprio quodam & ſingulari modo. Vna enim perſona Deus & homo eſt, & vtrumque eſt vnus Chriſtus Ieſus, vbique per id, quod Deus eſt, in cælo autem per id, quod homo. (nempe poſt Aſcenſionem.)

Idem S. Auguſt. Tractat. 31. in Ioannem.

Homo (Chriſtus) ſecundùm Corpus in loco eſt, & de loco migrat, & cùm ad alium locum venerit, in eo loco, vnde venit (NB.) **NON EST**. Deus autem implet omnia, & Vbique totus eſt, non ſecundùm ſpatia tenetur locis: Erat tamen Chriſtus ſecundùm viſibilem carnem in terra, ſecundùm **INVISIBILEM MAIESTATEM** in cælo & in terra.

NB. Per in-
uiſibilem
maieſtatem
intelligit

Tra-

Tractatu 50. in Ioannem, ait : Corpus suum intulit cælo , Maiestatem suam non abstulit mundo. *Item ibid.* Potest & sic intelligi, pauperes semper habebitis vobiscum, me autem non semper habebitis ; accipiant & hoc boni, sed non sint solliciti. Loquebatur enim de præsentia corporis sui : nam secundum maiestatem suam, secundum providentiam, secundum ineffabilem & inuisibilem gratiam impletur, quod ab eo dictum est : Ecce ! ego vobiscum sum omnibus diebus, usque ad consummationem sæculi. Secundum carnem vero, quam Verbum assumpsit, secundum id, quod de Virgine natus est, secundum id, quod à Iudæis comprehensus est, quod ligno confixus, quod in resurrectione manifestatus, non semper habebitis me vobiscum. Quare ? Quoniam conuersatus est secundum corporis præsentiam quadraginta diebus cum discipulis suis, & eis deducentibus videndo, non sequendo, Ascendit in cælum, & NON EST HIC. Vbi enim sedet ad dexteram Patris, & HIC est. Non enim recessit præsentia maiestatis. Aliiter. Secundum præsentiam maiestatis semper habemus Christum : secundum præsentiam carnis rectè dictum est Discipulis, me autem non semper habebitis. Habuit enim illum Ecclesia secundum præsentiam carnis paucis diebus : modò fide tenet, oculis non videt.

H 4

Et

Et Tractat. 78. in Ioan. Sed à quibus homo abscedebat, Deus non recedebat, & idem ipse Christus Homo & Deus. Ergo & ibat per id, quod homo erat, manebat per id, quod Deus erat. Erat per id, quod vno loco erat, manebat per id, quod Vbique erat.

Eod. Tract. 78. Quis non derelictus est in inferno? Christus IESVS, sed in anima sola. Quis resurrecturus triduo iacuit in sepulchro? Christus IESVS, sed in carne sola.

Et Epist. 57. ad Dardanum. Vna persona Deus & homo est, & vtrumque vnus Christus IESVS, vbique per id, quod Deus est; in cælo autem per id, quod homo.

NOTA. *His locis S. Augustinum tam aperte & validè Vbiquistis aduersari, ut mirum planè sit, quomodo audeant adhuc hiscere Vbiquista, & contra stimulum calcitrare.*

Nam I. Rotundissimè dicit, Christum fuisse in inferno secundum animam, & in sepulchro secundum carnem, adeoque loco separatam fuisse re ipsa animam à corpore. Neutra igitur pars fuit cum altera coniuncta: ergo nec Vbique.

II. Absolutissimè dicit, Ipso die (Sabbati sancti, & Parasceues, postquam Christus expirauit) Christum non fuisse in calo, ut hominem: Fuisse autem etiam in calo, ut homo, si fuisset Vbique ut homo, siue visibiliter, siue inuisibiliter.

III. Vt absque ulla distinctione dicit, Anima
mam

nam non relictam esse in sepulchro, sed ad inferos abuisse; ita absq; vlla distinctione dicit, Corpus remansisse, & relictum esse in sepulchro, & non abiisse ad inferos. Igitur non habet vllam speciem probabilitatis, S. Augustinum sensisse, quod nihilominus per Ubiquitatem anima fuerit in sepulchro, & corpus in inferno.

IV. Augustinus omnem rimam euadendi occludit Ubiquistis per argumentum desumptum ex eo, quod nos in Deo viuimus & sumus, & tamen non, ubicunq; Deus est, nos sumus. Ac S. Doctorem loqui de statu Christi, in quo nunc est post Ascensionem, & Sessionem ad dexteram, adeoque etiam de statu Exaltationis, perspicue colligitur ex antecedentibus & consequentibus. Etsi enim Christus (quem immediate prius dixerat ascendisse in cælum, & sedere ad dexteram Patris) corpori suo, inquit, dedit immortalitatem, non tamen naturam abstulit. Nam secundum hanc formam, (carnis videlicet) non est putandus VBIQUE DIFFVSVS. Cauendum est enim, ne ita diuinitatem astruamus hominis, vt veritatem corporis auferamus. Non est autem consequens, vt quod in Deo est, ita sit Vbique, vt Deus, &c. Vbi manifestum, eum de Christo loqui in omni statu. De hac diffusionem improprie dicta, que Deo tribuitur, vide Ioan. Buszi Apologeticū, Disp. de persona Christi, c. 7. Thesi 87. mendacio 133. Et falsum est S. Augustinum negare

tantum diffusionem crassam, palpabilem & visibilem ac quantitativam, ut interpretantur Ubiquista, non autem invisibilem.

V. Nec fauet Augustinus Ubiquistis per illa verba, (Erat tamen Christus secundum visibilem carnem in terra, secundum invisibilem maiestatem in cælo & in terra) qua Ubiquista male torquent, quasi per invisibilem maiestatem intellexerit humanam naturam, maiestaticâ præsentia affectam, qualem habeat ad Patris dexteram. Hoc enim falsissimum esse patet ex Tractatu 50. in Ioannem, ubi eodem modo loquitur, dicens: Secundum maiestatem suam, secundum providentiam, secundum ineffabilem & invisibilem gratiam impletur, quod ab eo dictum est: Ecce! ego vobiscum sum, &c. secundum carnem verò, quam Verbum assumpsit, secundum id, quod de Virgine natus est, secundum id, quod à Iudæis prehensus est, quod ligno confixus, quod de cruce depositus, quod linteis inuolutus, quod in sepulchro conditus, quod in resurrectione manifestatus, non semper habebitis vobiscum. Quare? Quoniam conuersatus est secundum corporis præsentiam quadraginta diebus cum discipulis, & eis deducentibus, videndo, consequendo, ascendit in cælum, & NON EST HIC Ibi enim sedet ad dexteram Patris; & HIC EST, non enim recessit, præsentia maiestatis,

Quis

Quis non videt, S. Augustinum per præsentiam maiestatis intelligere præsentiam Diuinitatis? Negari enim non potest, carnem Christi, quæ sedet ad dexteram Patris, eandem esse carnem, quam Verbum assumpsit, quæ ex Virgine nata, quæ à Iudæis comprehensa, crucifixa, de Cruce deposita, & post resurrectionem Discipulis manifestata fuit: Si ergo secundum hanc carnem, non est Ubique, etiam secundum carnem sedentem ad dexteram Patris, non est Ubique.

Deinde cum expressè dicat S. Augustinus, Christum non recessisse à terra præsentiam maiestatis, sicuti in Epist. ad Dardanum dixerat, Christum secundum diuinam immutabilitatem nunquam recessisse de Paradiso; evidens est, eum non de vlla præsentia corporis loqui, secundum quam reuera ait illum à terra recessisse: è contrario præsentiam maiestatis concedit, Christum etiam ante Ascensionem, adeoque etiam ante sessionem ad dexteram Patris, semper etiam in statu humiliationis in terra fuisse, & usque ad finem Mundi mansurum esse: iuxta illud, Ego vobiscum sum, usque ad consummationem sæculi; quem locum passim S. Doctor de præsentia diuinitatis (quam alio vocabulo præsentiam maiestatis appellat) interpretatur. Igitur S. Augustinus per præsentiam maiestatis aliam non intellexit, quàm Diuinitatis, non autem humanitatis, in quocungq; statu.

De

De hac præsentia maiestatis vide quoq; Ioan. Busai Apologeticum edit. 1609. Mogunt. fol. 342. de persona Christi, cap. 7. mendacio. 139.

Valde igitur absurdè Lutherani præsentiam maiestatis ad carnem Christi referunt, & torquent, per quam SS. Patres non nisi Diuinitatem intellexerunt, ut videre quoq; est apud S. Ambrosium in Symbolum Apostolorum, cap. 11. Et lib. 2. de fide, cap. 4. Et lib. 3. de fide, cap. 7. Et lib. 5. de fide, cap. 2. & 5. Et alibi apud S. Augustinum, lib. contra Felicianum Arianum, cap. 15. & 16. in Euangel. Ioannis. Et Sermone 9. de Quadrages. c. 2. Tract. 5. & Tract. 50. Et apud Leonem M. Serm. 7. in solennitate Natiuit. Domini, & Serm. 17. de Pass. Domini Feria 5. & Serm. 18. de Pass. Domini.

An. Chr. S. IOANNES CHRYSOSTOMVS

400. In Oratione de quadriduano Lazaro, de verbis: Domine, si fuisses hic. Apud Petauium, Tomo 4. Theologiae, lib. 10. f. 43.

Infirmas es, ô mulier, (*Martha*) Nescit modo mulier, Christum etiam corpore minimè præsentem, Diuinitatis adesse potentiam: sed præsentiâ corporis vim præceptoris metitur,

Et Tomo 7. pag 660. in Sermone de Inuentione S. Crucis, qui Gregorij Thaumaturgi nomine inscriptus est, Christum loquentem sic inducit: Oportet eò me carne ascendere, ubi sum Diuinitate.

NOTA.

NOTA. Est manifestum à S. Chrysostomò Martha quasi errorem aut inconsiderantiam tribui, quòd omnem vim sanandi agrum Lazarum in præsentia corporis posuerit, & non cogitauerit, Christum esse corpore absentem, esse tamen Diuinitatè præsentem, qua possit illum sanare.

S. EPHREM, Episc. Antiochenus An. Chr. 400.
Contra Monophysitas, apud Photium Cod. 229. pag. 417. citat Petauius loco cit. pag. 44.

Idem est (inquit) circumscriptus & incircumscriptus, utpote duas habens vnus generationes, ac naturas duas.

Et postea. Deum & hominem confiteor Christum Filium Dei, vnum verò Filium, duabus naturis præditum, patibili & impatibili: mortali & immortalis: intelligibili & inuisibili: atrectabili, & tactum fugiente: initio carente, & initium habente: incircumscripta, & circumscripta.

NOTA. Ut natura humana, quocumq; in statu ceteras retinet affectiones, ut quòd visibilis sit, & ab initio aliquo esse cœperit, nec sit ab æterno; ita etiam est incircumscripta loco, nec Ubique, sicuti est Diuinitas; & hæc fuit firmissima SS. Patrum sententia.

PHILO CARPATHIVS An. Chr. 420. alijs
In Cantica. Biblioth. PP. T. 4. f. 525. B.
Fuge 380.

F*Vge mi Frater .) Fuge mi frater , fuge de hoc mundo ad Patrem illum æternum , quem nunquam deseris : Abscede præsentia absumpti corporis , non spiritus ac gratiæ , quâ semper es cum sponsa . Ipse enim dixit : Non relinquam vos orphanos , sed vado , & venio ad vos . Vado corpore , venio spiritu , qui à me semper , Patrêque procedit .*

NOTA . Præsentia spiritus ac gratiæ , quâ sponsus semper est cum sponsa , non est Humanitas Christi , sed Spiritus S. qui à Filio semper , Patrêque procedit . Qui locum est etiam contra quosdam Græcos , negantes Spiritum S. à Patre & Filio procedere .

An. Chr. **CYRILLVS ALEXANDRINVS**

430.

In Editione Basileensi , apud Ioannem Hervagium anno M. D. XLVI. in Euangelium Ioannis , libro 8. cap. 9. in fine , fol. 399.

D*Enique cùm de se dixit : Me autem non semper habebitis ; loquebatur Dominus de præsentia corporis sui . Nam secundum maiestatem suam , secundum providentiam , secundum ineffabilem & inuisibilem DIVINITATIS gratiam impletur , quod ab eo dictum est : Ecce ! ego vobiscum sum vsque ad consummationem sæculi , &c.*

Idem lib. 9. in Ioannis Euangelium , cap. 22. in fine , fol. 441. in fine , in prædicta editione .

Qui.

Quibuscum etsi non corpore, virtute tamen Deitatis vnà semper & fuit & futurus est.

Eodem libro 9. dictæ editione, fol. 441. lit. A.

Observandum autem est, quia quamuis secundum carnem solummodò abiturus erat, (adest enim semper virtute Deitatis, vt diximus) modico tamen tempore cum discipulis se futurum dicebat. *Et lib. 6. in Ioann. cap. 14.* Etsi corporis præsentiam hinc abduxerit, maiestate tamen Diuinitatis semper adest.

Idem de recta in Deum fide ad Reginas. Quòd Christus sit Deus, *ex c. 14. Ioan. ait:* Ad Patrem se abire denuntiat, cum tamen natura Filius, solusque omnia impleat. Abscedit itaque secundum humanam naturam. At verò licet, vt homo, in cælum assumptus sit, vt Deus tamen supplicum vota se auditorum promittit.

Idem Cyrill. Alex. lib. 11. in Ioannem, cap. 21. Putabant Discipuli absentiam Christi, vt hominis, vt hominis dico (Deus enim vbique adest) multorum eis incommodorum causam futuram, cum nō adesset, qui ab omnibus eos possit malis eruere. Sed oportebat (dicam enim etiam) si luminaria orbis postea facti sunt, non solùm in carnem Christi, verum etiam in Deitatem respicere; quæ quamuis oculis non cernatur, adest tamen semper summa cum potestate. *Plura hie similia, citat Dionys.*

nyf.

nys. Petavius Tomo 4. Theol. lib. 10. c. 7. ex variis Cyrilli libris, quibus humana natura circumscriptionem absolute, & in quolibet statu, adeoque etiam glorie demonstrat, istumque Doctorem ab omni heresi Apollinaris liberum fuisse probat.

NOTA. *Hic S. Pater seipsum declarat, quid intelligat per Maiestatem; nempe 1. non Humanitatem, sed ineffabilem, & inuisibilem Divinitatis gratiam, ac providentiam: & hanc ait Ecclesia non corpore, sed Deitate semper adfuturam. 2. Ait, absolute Christum secundum humanam naturam abscedere ad Patrem: nihil dicit de illocali & inuisibili presentia Humanitatis remanente. 3. Distinctissime dicit, Christum, ut hominem, esse absolute absentem, ut Deum vero esse Ubique; & ne cogitavit quidem, Christum, ut hominem, esse inuisibiliter Ubique: alioqui si inuisibiliter esse presentem indicasset, non simpliciter dixisset absentem.*

An. Chr. 431. CONCILIVM EPHESIVM
Patrum plus ducentorum.

Inter Canones cap. 13.

Diversæ quidem naturæ in vnum conuerunt, vnus tamen ex ambabus Christus & Filius, non euacuata, vel sublata diuersitate naturarum per coniunctionem, sed quia simul

mūl nobis effecerunt vnum Deum, & Christum, & Filium, &c.

NOTA. Si natura non sunt mutata, nec sublata diuersitas illarum, nullo modo potest dici, per hanc unionem personalem, naturam humanam verè & realiter factam esse inuisibilem, incircumscriptam, omnipresentem, omnipotentem, omnisciam, &c. quia hec esset nimis magna mutatio; si intrinsecè, in se, realiter, & formaliter inuisibilis, incircumscripta, omniprensens, &c. facta esset. Dico formaliter, contra præfationem Libri Concordia, ubi negatur, Humanitatem Christi formaliter & subiectiuè esse omnipresentem. Est enim impossibile, ut aliquid verè & realiter sit in aliquo, illudque verè & realiter denominet, & illi non etiam insit formaliter, effectumque formalem illi tribuat. Cū igitur omnipræsentia (ut inquit, Melchior Nicolai in Symbolo Lutherano Vindicato, fol. 108.) non nudam negationem, non respectum nudum, sed positium quiddam, veram nimirum & realem in & cum rebus creatis existentiam denotet, non potest Humanitas illa non habere in se formaliter illum existentia modum ad omne ens. Modus enim rei aut nihil est, aut in modificato est, ait idem Melchior Nicolai ibid. folio 123.

An. Chr.

440.

ARNOBIVS ROM. Iunior.

*In conflictu de Deo trino & vno, libr. 2.**Bibl. PP. t. 5. p. 3. pag. 216. B. Colon. 1618.*

HAbuit etiam, vnde inter animas defunctorum, animam corporis sui defuncti ire ad inferos permetteret, & redire.

NOTA. *Quomodo anima potuit ire ad inferos, & redire, si fuit iam antè Vbique, & in sepulchro mansit abeundo, & in inferno mansit, ad sepulchrum redeundo, & ab utroq; loco nunquam absuit? nunquam discessit?*

An. Chr.

440.

PETRVS CHRYSOLOGVS

Serm. 77. Paris. in 8. 1574. apud Hieronymum de Marmet, &c.

Surrexit, non est hîc.) Secundùm id, quod in loco extitit; hîc autem (*subintellige est*) per hoc, quod Vbique est, & loci capacitate non clauditur; (*quod est Diuinitas.*)

Et Serm. 63. Quoniam non eram ibi.) Et erat locus, vbi non erat Christus? Et cùm non erat ibi, vnde mortuum Lazarum Discipulis nuntiabat? Fratres. Erat ibi Christus Deus, sed ibi non erat Homo Christus.

NOTA I. *Extitit autem in sepulchro etiam secundùm illocalem & indiuisibilem presentiam, iuxta Vbiquistat. Ergo etiam secundùm illam surrexit, & non erat HIC?*

NOTA II. *Etiam hic auctor simpliciter dicit*

dicit Christum, quā homo erat, non fuisse apud Lazarum. Hoc autem falsum fuisset, si ubi fuisset ille, localiter & inuisibiliter.

EVCHERIUS LVGDVNENSIS

An. Chr.

in die Inuent. S. Crucis.

445.

Alij adscribunt Eusebio Galicano.

Descendit Christus de cælo non locum mutando, sed se humiliando, & carnem suscipiendo: ascendit verò quantum quidem ad humanitatem, locum etiam mutando.

In die Pentecostes. Ad Patrem vado, sed vos non relinquo.) Maior est Diuinitas, quæ nobis remanet, quàm Humanitas, quæ cælos ascendit, &c. Vadit igitur Christus ad Patrem per Humanitatem, qui Ubique est per Diuinitatem.

Dominica 5. post Pascha. Mundum reliquit, & ad Patrem vadit, non secundum Diuinitatem, quā Ubique est, sed secundum Humanitatem, quā LOCALIS est.

Idem Eucherius in Biblioth. P. P. Colon. anno 1618. Tom. 5. p. 1. f. 743. G. lib. Formularum Spiritualium. c. 1. n. 35. Christus secundum corpus sepultus est, secundum animam verò ad infera descendit *Et n. 36. ibidem.* Ascendere dicitur Deus, cum Filius carnem ex nobis assumptam in cælum veluti captiuam duxit captiuitatem, quia natura humani generis, quæ

diabolo in mundo captiua detinebatur , assumens in cælum , VBI NVNQVAM antè fuerat , tanquam captiuam deportauit.

NOTA I. *S. Eucherius dicit. naturam humanam ante ascensionem NVNQVAM in calo fuisse. Quid clarius ? Non potuisset autem hoc dicere , si inuisibiliter ibi fuisset.*

NOTA II. *Expresse dicit, Christum Vbi-que esse per Diuinitatem , non dicit per inuisibilem ibi esse Humanitatem : quod tamen debuisset dicere , si illocaliter esset Vbi-que.*

An. Chr.

LEO MAGNVS

450.

In Serm. de Resurrectione Domini.

Resurrectio Saluatoris nec animam in inferno , nec carnem diu morari passa est in sepulchro.

Idem Epist. 10 ad Flavianum. Tenet sine defectu proprietatem natura.

Item. Inuisibilis in suis, visibilis factus est in nostris , incomprehensibilis voluit comprehendi.

Sicut Verbum ab æqualitate paternæ gloriæ non recessit , ita caro naturam nostri generis non reliquit.

NOTA I. *Evidenter insinuat, corpus & animam fuisse à se inuicem verè, & re ipsa in tri-duo illo separata. Neutrum igitur fuit Vbi-que.*
Nec

Nec habet locum distinctio de inuisibilitate, ut supra dictum.

NOTA II. *Quomodo caro naturam nostri generis non reliquit, si cum Diuinitate Ubique fuit? Hac enim non est natura nostra carnis.*

CONCILIUM CHALCEDONENSE An. Chr. 450.
630. Patrum.

SEquentes igitur SS. Patres vnum eundem-
que confiteri Filium, Dominum nostrum
I E S U M Christum, constanter omnes doce-
mus, eundem perfectum in Deitate, eundem
perfectum in Humanitate, Deum verum, &
hominem verum, eundem ex anima rationa-
li & corpore, consubstantialem Patri secun-
dum Diuinitatem, consubstantialem nobis
secundum Humanitatem, per omnia no-
bis similem absque peccato. Ante secula qui-
dem Patre genitum secundum Deitatem, no-
uissimis autem diebus eundem propter nos,
& propter nostram salutem ex M A R I A Vir-
gine, D E I Genitrice secundum Humanita-
tem, vnum eundem Christum Filium, Domi-
num vnigenitum, in duabus naturis incon-
fusè, immutabiliter, indiuisè, inseparabi-
liter agnoscendum; nusquam sublatà diffe-
rentiâ naturarum, propter vnitionem, magis
salua proprietate vtriusque naturæ in vnam
personam atque subsistentiam concurrentis.

Non in duas personas partitum atque diuisum, sed vnum eundemque Filium Vnigenitum, Deum Verbum, Dominum Iesum Christum, sicut antè Prophetæ de eo, & ipse nos IESVS CHRISTUS erudiuit, & Patrum nobis Symbolum tradidit. *Ita Concilium Chalcedonense.*

NOTA. Si nullum aliud superesset vestigium antiquitatis Orthodoxæ contra Vbiquistas, istud sexcentorum triginta Patrum abundantissime sufficeret: quo dicitur naturas coniunctas in Christo nusquam suam differentiam amisisse; Vbiquista dicunt Vbique amisisse, quando dicunt illam Vbi-que & in omnibus rebus & locis extitisse, & existere incircumscriptè, inuisibiliter, illocaliter, & acquisiuisse in se, realiter & verè proprietates diuinas, ita ut ab iis etiam in abstracto posset denominari, quod reuerà idem est, ac si dicerent, eam formaliter esse omnipotentem, & omnipræsentem, & diuinam, adeoque non amplius esse humanam, & creatam.

An. Chr.

THEODORETUS

450.

In Dialogo 2. cum Eranistes urgeret, post Ascensionem saltem Corpus Christi in Diuinitatem abiisse; respondet.

SE ab Angelis didicisse, eo modo eum venturum ad iudicium, quo eum viderant Discipuli tendentem in cælum. Viderant autem naturam incircumscriptam: audiuerant quo-

quoque Dominum dicentem : Videbitis Filium hominis venientem in nubibus cæli. Scio verò esse circumscriptum, quod videtur ab hominibus.

Item in Dialogo 2. qui Inconfusus inscribitur. Corpus Dominicum, inquit, incorruptibile quidem resurrexit, impatibile & immortale, ac diuina maiestate glorificatum, & à cælestibus adoratur virtutibus, sed nihilominus est corpus, priorem habens circumscriptionem.

NOTA. Rectè respondet Theodoretus etiam post Ascensionem corpus Christi glorificatum, non ita mutasse naturam, ut in diuinam naturam abierit. (Cuius proprietas est, immensum & incircumscriptum esse.) Sed sicut antea fuit circumscriptum, permanserit, & tali modo in calum ascendisse, & sic è calo quoque iuxta Angelorum prædictionem esse redituum ad iudicium. Discretè sanè hic auctor etiam post Resurrectionem Corpus Christi diuinæ compos claritatis & gloriæ non Ubique esse demonstrat, sed aliquo loco circumscribi. Vide etiam hunc locum eiusdem in Conclusionem huius Tractatus ad finem.

TITVS Bostrorum Episcopus.

in S. Lucam.

An. Chr.

460.

QVomodo hæc Dei ac Domini nostri promissio Latroni facta, nimirum: Hodie me.

mecum eris in paradiso, expleta est? Quòd Christus Dominus noster sua Diuinitate im-pleret omnia, & in Cruce erat secundum carnem, & in Cælo secundum Diuinitatem. De Cruce rursus depositus, & in inferno erat secundum animam, & suæ nihilominus Diuinitatis virtute Latronem in paradysum inferrebat.

NOTA. Etiam hæc clarissima argumenta sunt, & manifestè ostendunt, Christum secundum Diuinitatem, non autem secundum humanitatem, Latronem in paradysum intulisse, adeoque secundum humanam naturam non Vbiq; fuisse. Dubium tamen hîc est, virum iste Titus Bostrensis sit idem, qui supra anno 364. citatur, an verò alius. Ego eundem esse puto, & in numero annorum, alterutro in loco esse erratum. Si fuerunt duo eiusdem nominis, eò melior est probatio.

An. Chr. S. VIGILIVS Tridentin. Episcop. M.
480. *Lib. 2. contra Eutychem.*

CONSTAT Dominum nostrum IESVM Christum sextâ feriâ crucifixum, & ipsa die ad infernum descendisse, ipsa die in sepulchro iacuisse, ipsa die Latroni dixisse: Hodie mecum eris in paradiso. Caro igitur ipso die non fuit in paradiso, nec in inferno, sed exanimis iacuit in sepulchro. Anima per illud triduum in inferno, non in sepulchro, & iure tamen dice-

dicemus : Dominum Iesum Christum in sepulchro iacuisse, sed in sola carne; Dominum Iesum Christum non derelictum in inferno; sed in sola anima. Et cum in his omnibus Christus, & in his singulis Christus sit, vnus tamen est Christus, qui sic aliud fuit in sepulchro, aliud in inferno, vt tamen ipse vnus, atque totus Vbique fuerit, cum separatim per loca seipsum dispensauerit. Ergo dicimus, Dominum iacuisse in sepulchro, sed in sola carne, & Dominum descendisse in infernum, sed sola anima.

Idem S. Vigilius Martyr. Bibl. P.P. Tom 5. parte 3. Colon. 1618. pag. 722. G. & H. lib. 4. & 5. contra Eutychen.

SI Verbi, & carnis vna natura est, quomodo cum Verbum Vbique sit, non Vbique inueniatur & caro? namque, quando in terra fuit, non erat Vbique (*alia lectio, Vtique*) in cælo. Et nunc quia in cælo est, non est vti- que in terra, & in tantum non est, vt secundum ipsam, Christum speremus venturum de cælo, quem secundum Verbum nobiscum esse credimus in terra. Igitur secundum vos, aut Verbum cum carne sua loco continetur, aut caro cum Verbo Vbique est, quando vna natura contrarium quid, & diuersum non recipit in seipsa, Diuersum est autem, & longè

difficile circumscribi loco, & Vbique esse, & quia Verbum Vbique est, caro autem eius Vbique non est, apparet vnum eundemque Christum vtriusque esse naturæ, & esse quidem Vbique secundum naturam Diuinitatis suæ; & loco contineri secundum naturam humanitatis suæ.

Item Quia Verbum Vbique est, caro autem eius Vbique non est, apparet vnum eundemque Christum vtriusque esse naturæ. Hæc est fides, & confessio Catholica, quam Apostoli tradiderunt, Martyres roborauerunt, & fideles nunc Vbique custodiunt.

Et lib. 1. contra Eutychen. Nec sit, inquit, aliquis locus Diuinitatis eius præsentia vacuus, sed hoc erat ire ad Patrem, & recedere à nobis, auferre de hoc mundo naturam, quam susceperat ex nobis.

NOTA I. *Iste sententia Vigilij Martyris tam apertè conuincunt erroris Vbiquistas, ut vix apertius possint; & extrema sit impudentia id negare. Nullam prorsus cogitationem habuit de Omnipræsentia Humanitatis Christi illocali & inuisibili; alioquin haud dubiè de ea mentionem fecisset. Immo his ipsis suis argumentis eam refutauit, dum diuersitatem duarum naturarum in Christo contra Eutychianos tam fortiter defendit.*

NOTA II *Eandem naturam humanam in eodem loco simul circumscriptam esse, & incircum-*

enumscriptam, visibilem esse & inuisibilem, mobilem esse & immobilem, localem esse & illocalem, hic esse, & non hic esse, profecto pugnant inter se manifestissime; nec possunt salua veritate affirmari. Propterea expresse dicit Vigilinus: Vna natura contrarium quid, & diuersum, non recipit in seipsa. Et tamen secundum Vbiquistas sic fuit Christus in utero materno, in stabulo, in templo, in Aegypto, in cruce, nempe localiter & illocaliter, visibiliter & inuisibiliter, &c. Quæ si absurda non sunt, quid tandem absurdum erit?

S. F V L G E N T I V S

An. Chr.

Lib. 3. ad Trasimundum Regem, impresso in Hagenu, impensis Kobergorum Norinbergensium, in Officina Tboma Anshelmi, anno 1520. fol. LXIII. versa papina in medio.

500.

IN hoc Diuinitas Christi virtutem suæ impassibilitatis ostendit, quæ vbique semper, atque ineffabiliter præsens, & secundum animam suam in inferno sine doloribus fuit, & secundum carnem suam in sepulchro sine corruptione iacuit. Humanitas ergo vera Filij Dei, nec tota in sepulchro, nec tota in inferno, sed in sepulchro secundum veram carnem Christus mortuus iacuit, & secundum animam ab inferno ad carnem (quam in sepulchro reliquerat) redit; secundum Diuinitatem verò suam, quæ nec loco tenetur, nec
sine

fine concluditur, totus fuit in sepulchro cum carne, totus in inferno cum anima. Ac per hoc plenus fuit Vbique Christus; quia non est Deus ab humanitate, quam suscepit, separatus, qui & in anima sua fuit, vt solutis inferni doloribus, ab inferno victrix rediret, & in carne sua fuit, vt celeri resurrectione corrumpi non posset.

Et lib. 3. ad Trasimundum Regem, cap. 34. Totus Christus secundum solam animam ad infernum descendit: idem atque inseparabilis Christus secundum solam carnem de sepulchro surrexit: idem atque inseparabilis Christus secundum totum hominem, quem accepit, terram localiter deferens ad cælum ascendit.

Item. Respons. 2. ad quest. Ferrandi: Vt secundum carnem in sepulchro iaceret, totus Christus fecit, sed sepulturæ capax sola caro naturaliter fuit. In infernum quoque, vt secundum animam Christus descenderet, natura vtriusque, id est, diuina ac humana, vnum fuit opus, sed solius animæ naturaliter fuit ille descensus. Sicut eodem tempore totus in cælo & in terra non cessabat Christus operari, sed solius Diuinitatis fuit, & loco non teneri, & quæ ad Vniuersitatis gubernationem pertinent, cum Patre naturaliter & æqualiter operari.

Item.

Item de Incarnatione & gratia Christi, c. 10.
 Christus carne ascendens in cælum, suos Di-
 uinitate non deserit.

NOTA I. Ergo admittit, Christum, quando
 in calum ascendit, deseruisse suos humanitate,
 quam localiter in calum transtulit. Ergo Huma-
 nitate non mansit Vbique in terra.

NOTA II. Christus est totus in his proposi-
 tionibus (Christus est Vbique) & (est Vbique
 totus) potest significare, vel personam cum utraq,
 naturâ, vel personam tantum Filij Dei, ut voca-
 bula concreta. Si voce Christus, personam tan-
 tum Filij Dei in recto intelligas, sensu Catholico
 verum dixeris, Totum Christum esse Vbique;
 quia persona diuina cum Diuinitate verè est V-
 bique; & sic non est tantum dimidia persona, sed
 tota, quia non potest ipsa dinidi. Si verò intelligas
 personam diuinam cum utraq, natura, negan-
 dum est, Christum esse Vbique Totum; quia se-
 cundum humanam naturam non est Vbique. Itaq,
 Christus totus Vbique esse dicitur propriè, cum
 additione restringentis particula, nempe. ratione
 Diuinitatis. Sic S. Augustinus ait: Christum
 Vbiq; totum præsentem esse non dubites tan-
 quam Deum (seu ratione Diuinitatis) & in a-
 liquo loco esse propter verum corporis
 modum, id est, ratione Hu-
 manitatis.

FER-

An. Chr. FERRANDVS Fulgentij discipulus.

515. *In epist. ad Senerum, Tom. 3. Bibl. PP. col. 340.
edit. 4. apud Dionys. Petauium.*

MOuetur adhuc quæstio, ait: Si vna est natura Christi, aut Vbique diffusa est, aut localis; si Vbique diffusa, quare verba Symboli sic recitamus: Tertia die à mortuis resurrexit, ascendit ad cælos, sedet ad dexteram Patris? Quis respondebit mihi, si Vbique diffusa est natura Christi, quomodo specialiter de ea dicitur, sedet ad dexteram Patris? Sed si localis est, certè sapientia Dei, quæ est Christus, attingit à fine vsque ad finem fortiter, & disponit omnia suauiter, & Vbique est. Quòd recedens à discipulis suis secundum præsentiam carnis, Ecce! ego, ait, vobiscum sum, vsque ad consummationem sæculi. Erubescamus ergo negare duas naturas, vt in vno Christo appareat, quæ natura sit æqualis Patri, quæ minor Patre, quæ passibilis, quæ impassibilis, quæ visibilis, quæ inuisibilis, quæ Vbique diffusa, quæ localis; dum tamen vnus sit Christus & æqualis & minor, & impassibilis, & passibilis, & inuisibilis, & visibilis, & Vbique diffusus, & localis: Totus æqualis, non totum æqualis; totus minor, non totum minor; totus inuisibilis, non totum inuisibilis; Vbique diffusus, sed non totum, &c.

NOTA.

NOTA. Ferrei capitis sit, cui Ferrandus iste absurditatem Vbiquitatis in Humanitate Christi non excutiat. Vide ibid. copiosè hac ipsa explicantem.

MAXENTIVS

Tomo 4. Bibl. Col. 475. A. in Dialog. 2.

Asserente Nestoriano : Non posse diuinam naturam in vnus personæ compositionem cum humana venire, quia non potest incircumscripta, & Vbique diffusa natura, circumscriptæ, & in paruo loco constitutæ naturæ, secundum compositionem vniri, nisi fortè, aut Diuinitatis contractionem, aut carnis extensionem factam impiè fateris. *Refellit hac Maxentius exemplo animæ rationalis, quæ cum corpore coniungitur.*

S I ergo, inquit, anima, quæ non est corpus, sed spiritus, carni secundum compositionem vnita, nullam contractionem in minore, nullam extensionem in maiore patitur membro, sed sine sui confusione tota in maiore, tota esse creditur in minore; quo pacto Diuinitas Dei Verbi, secundum compositionem, propriæ carni vnita, contractionem, aut extensionem, siue confusionem sustinuisse credenda est? Exemplo enim animæ ad carnem factæ vnitionis, quam secundum compositionem fieri non negasti, omnes Doctores Ec.

Circa idē tempus.

Apud Petauium loco citato.

Nota testimonium huius Patris, Omnes

Doctores Ecclesiæ, & Illustres Viri, Dei Verbi ad propriam carnem factam docere, monstrantur.

Illustres
Viri nobis-
cum senti-
re,

NOTA. *Exemplo anima in corpore, quæ nec extenditur in maiore parte, nec contrahitur in minore, ait, Omnes Doctores, unionem Diuinitatis incircumscripta cum Humanitate circumscripta, declarasse aliquo modo. Et reuera nullum Vbiq̃stam unquam audiui ad hoc solidè respondentem: quia pulchrè explicatur, naturam diuinam suo modo latius extendi, quàm humanam, & existere, ubi humana non existit.*

An. Chr.
540.

PRIMASIVS

Ad cap. 4. ad Ephes.

SVb terra est, qui descendit cum anima in Infernum, ipse cum anima & corpore ascendit ad cælos, vt impleret omnia, quæ scripta sunt.

NOTA. *Huius loci Apostolici, vt impleret omnia, sensus non est secundum Primasium de impletionem Vbiq̃sticam locorum omnium, & omnipresentiâ; sed de impletionem S. Scripturæ, quæ dicit Christum in calos ascensurum, vt ipsa verba (quæ scripta sunt) declarant: quasi dicat Primasius, ascendit ad calos, vt adimpleret omnia, quæ de illo per Scripturas sunt prædicta; iuxta illud Luca ult. Oportet impleri omnia, quæ scripta sunt in Lege & Prophetis & Psalmis de me.*

AN-

ANDREAS CRETENSIS An. Chr.

quem aliqui Hierosolymitanum vocant. 550.

apud Petavium, fol. 45. lib. 10. Theol. c. 8.

O Ratione, de quatruiduano Lazaro de Christi voce agens; Non eram ibi; ita differis: Quippe secundum id, quod extrinsecus apparebat, non aderat: Corpus enim, quod trifariam dimetitur, naturā hōc habet, ut circumscribatur, & de loco in locum motionem capiat; Huiusmodi enim illius est natura.

NOTA. Nihil clarius contra Vbiquistas.

VENANTIVS FORTVNATIVS An. Chr.

In operibus veterum Poëtarum Ecclesiasticorum Basil. in Offic. Froben. 1564. Col. 699. Alij adscribunt Laclantio in carmine de Basilica. 570.

Antuerp. 1570. pag. 559.

Hymno de Resurrectione Christi, circa finem.

Hinc tumulum repetens post Tartara car-
ne resumpta,

Belliger ad caelos ampla trophæa refert.

NOTA I. Etiam hic auctor refutat Vbiquistas, & alios hæreticos negantes Christum ad inferos descendisse, ut sanctos Patres ex illo carcere liberaret.

NOTA II. Quomodo tumulum anima ex inferno repetere potuit, si semper in tumulo fuit, & permansit?

An. Chr.

S. GREGORIUS M.

590.

Homil. 8. in Ezechielem.

IS, qui Diuinitate est Vbique, carne ad cælum
 ista ascendit.

Et Homil. 9. in Euangelia. Quis est homo,
 qui peregrè proficiscitur, nisi Redemptor no-
 ster, qui in ea carne, quam assumpserat, abiit
 in cælum?

Et Homil. 29. in Euangelia. Redemptor
 noster cum per Humanitatem ascenderet in
 cælum, per Diuinitatem & terram pariter cō-
 tinebat, & cælum.

Homil. 30. in Euangelia. Verbum incarna-
 tum & manet & recedit; recedit corpore, ma-
 net Diuinitate.

NOTA. Vbi hic verbulum de mansione Hu-
 manitatis in terris inuisibiliter, quod tamen tace-
 ri non debuisset. Deinde clarissimè dicit, per Hu-
 manitatem ascendisse in cælum, non per Diuinita-
 tem. Quare? quia erat Vbique. Si ergo per Hu-
 manitatem etiam fuisset Vbique, etiam per hanc
 non potuisset ascendere in cælum.

An. Chr.

ANASTASIVS SINAITA

600.

in ὁδῷ, cap. 13. pag. 230.

HVic persuasum adeo fuit, carnem Christi spa-
 tio aliquo circumscriptam esse, perinde ac
 creatam, & in tempore factam, ut hac ratione sit
 vsus

usus ad Acephalos refellendos, qui carnem mutam esse in Verbum asserebant.

Idem ab Euthymio citatus in Panoplia, tit. 15. lat. p. 630. inquit: Si natura Christi sola est Diuinitas, quomodo Christus, qui Vbiq; secundum naturam suæ Diuinitatis existit, discipulis suis dixit: Lazarus mortuus est, & gaudeo, quia non eram ibi? Quomodo etiam Angelus dixit de illius corpore, Surrexit, & non est hic.

NOTA. Quid aliud nos dicimus contra Ubiquistas? Certè duo ista loca Scriptura sunt Sole clariora, Christum non fuisse Vbiq; inuisibiliter & illocaliter. Alioqui nec Christus tam audacter dixisset, Gaudeo, quòd non eram ibi, nec Angelus, Non est hic: cum particula Non omnia post se neget; & sensum faciat; nec visibiliter, nec inuisibiliter adesse.

ISIDORVS HISPALENSIS

An. Chr.

de summo bono. lib. 1. cap. 26.

620.

Christus in cælum ascendens, discessit quidem carne, sed præsens est Maiestate.

Idem de officiis Eccles. lib. 2. c. 23. Profitemur ipsum Filium hominem natum, veraciter crucifixum, & tertia die resurrexisse, & cum eadem ipsa carne glorificatâ ascendisse in cælum, in qua & ad iudicium viuorum & mortuorum expectatur venturus.

K 2

NOTA.

NOTA. In priore loco per *Maieſtatem* intelligit *Diuinitatem*, ſicut & alij *Patres*, non autem *Omnipreſentiam Humanitatis*, ut alibi demonſtro. Ad alterum locum reuocentur in memoriam nota, quas ſuprà *S. Ignatio M. adnotauimus*.

An. Chr.

M A X I M V S M.

640.

IN diſput. cum *Pyrrho* apud *Petauium* loc. cit. ut duas in *Chriſto* eſſe voluntates probet, probat eſſe duas in eonaturas, & earum quoque proprietates, & indicia, ex *Synodorum* & *Patrum ſententia*, nempe *Viſibile*, & *inuiſibile*, *mortale*, & *immortale*, *corruptibile* & *incorruptibile*: *attrectabile*, & *contractum fugiens*, *creatum* & *increatum*. Et poſt aliquot paginas: quod in *Euangelio* ſcriptum eſt, voluiſſe aliquò intrare *Chriſtum*, *Humanitati* ad ſcribendum eſſe dicit, ſecundùm quam ibi non erat, quò ingredi volebat: *Diuinitate* quippe eſt *Vbique*.

NOTA. *Clariffimus textus*, non indiget *explicatione*.

An. Chr.

M A R T I N V S I. Papa

649.

Et cum illo *Concilium Lateranenſe* centum & quinque *Episcoporum* contra *Monotheliſtas*, *Anathematismo* quarto condemnationem denuntiat contra eos, qui *unum Dominum noſtrum Ieſum Chriſtum* non conſitentur *circumſcriptum corpore*, *incircumſcriptum Deitate*.

NOTA.

NOTA. Dicent Ubiquista, se non negare Christum etiam esse circumscriptum corpore: sed tantum dicere, illum etiam esse simul incircumscriptum corpore & inuisibilem. Aique in hoc ipso errant: quia duo ista non sunt simul in eodem subiecto, in eodem loco & tempore compossibilia. Si enim Humanitas Christi est Ubique inuisibiliter & illocaliter ac incircumscripta, tunc simul ita & modo existit etiam ibi, ubi est localiter & circumscripta. Est igitur simul in eodem loco circumscripta, & non circumscripta; localiter & non localiter: visibiliter & non visibiliter. Quae est contradictio.

S. HILDEPHONSVS TOLEFANVS An. Chr.

De Virginit. Mariae, cap. 12. Bibl. P. P. 707.

660.

pag. 447. C.

IPse de caelo veniens, ipse sepulchrum ingrediens, ipse sepulchrum relinquens, ipse caelos repetens, ipse ad inferna in anima humana descendens.

NOTA. Hac omnia ex iam dictis contra Ubiquistas intelliguntur, & illorum insaniam refutant.

D. A P O N I V S

lib. 5. super Cantica, Friburgi Brisgoiae anno 1538. An. Chr.

per Ioan. Frobrum Emmeum Iuliacensem,

700.

fol. 35. post medium.

ITa & vnaquaeque anima non alibi requiem

K 3

po.

poterit inuenire, nisi veram eius passibilem carnem confitendo, veramque impassibilem Diuinitatem in Cruce: aliud in sepulchro mansisse per triduum, & aliud penetrasse inferna ad liberationem iustorum.

NOTA. Etiam hic Auctor confirmat separationem animæ Christi à corpore Christi in triduo; adeoque negat, secundum Humanitatem illum tunc fuisse Vbique, nec potest hoc, nisi ab ipsa impudentia negari.

An. Chr.
700.

VENERABILIS BEDA

*ad Psalm. 85. Tom. 8. Basil. anno 1563. Col. 895.
circa finem.*

SANCTISSIMA enim illa anima (Christi) illuc (ad inferos) descendit, vt suos inde deduceret, qui detinebantur in tenebris, & qui ibi non remansit, sed cum triumpho inde rediit, iuxta illud: non relinques animam meam in inferno. Et ad illa verba Ioannis cap. 1. Erat lux vera, sic scribit: Cuius vtramque naturam, & diuinam videlicet, qua semper Vbique totus manet; & humanam, ex qua in tempore natus, loco inclusus apparuit, consequenter Euangelista describit, dicens: in mundo erat, &c.

NOTA. Secundum Vbiquistas anima Christi etiam post resurrectionem in inferis remansit: Hoc disertè negat Beda; nempe non fuisse

se in inferis relictam. Deinde clarissimè dicit, Christi animam ad inferos descendisse, ut inde liberaret animas antiquorum ibi detentas, ipse triumphator Orci. Denique etiam clarè asserit, humanam Christi naturam loco inclusam fuisse. An non hæc sunt contra Ubiquitarios?

S. IOANNES DAMASCENSUS.

An. Chr.

In Editione Basileensi apud Henricum Petrum, mense Martio anno 1535 folio 116. orthodoxa fidei, libro 4 cap. 19.

730.

ET eorum, quæ post resurrectionem, hæc quidem Deo congruunt, ut illud baptizantes eos in nomine Patris, & Filij, & Spiritus sancti: tanquam Dei videlicet filij. Ecce, ego vobiscum sum omnibus diebus, usque ad consummationem sæculi: & quæ talia sunt. Nam, ut Deus est nobiscum.

Idem eodem libro, cap. 24. in fine in dicta editione, folio 122.

Et festum celebramus perfectum humanæ naturæ requiem, diem, inquam, resurrectionis: in quanos Dominus IESVS vitæ auctor & saluator in re promissam iis, qui spiritualiter Deum colunt, hæreditatem introduxit. In quam ipse præcursor noster intrauit surgens à mortuis, & apertis cælestibus portis in dextera Patris corporaliter sedet: ubi, qui & spiritualem observant legem, introibunt.

K 4

E

Et lib. 4. cap. 2. Minoratur corporaliter & contrahitur, Diuinitate autem incircumscriptum est, non coëxtensa carne eius cum incircumscripta diuinitate. Et rursus. Quod è terrain cælum ascenderit, rursumque descensurus sit, circumscripti corporis actiones sunt.

Idem Damascenus lib. 3. cap. 3. pag. 172. apud Petanum loco cit. fol. 45. Impossibile est, vnam, eandemque duntaxat naturam esse creatam & increatam, mortalem & immortalem, circumscriptam & incircumscriptam. Eipaulo post declarat, quomodo post unionem hypostaticam natura singula proprias affectiones seruaauerint: vt quod creatum est, manserit creatum; quod increatum, increatum; quod mortale est, manserit mortale; quod immortale, immortale: quod circumscriptum est, circumscriptum manserit: quod incircumscriptum, incircumscriptum manserit.

Et in lib. 1. cap. 18. Christum ait, qui ad dexteram Patris modo sedet, corporaliter tanquam hominem descensurum, & in throno gloriæ sessurum; Quippe corporis esse circumscripti descensionem & sedem.

Et lib. 3. cap. 7. disertè asserit, secundum Diuinitatem incircumscriptum esse Christum, ita vt caro illius sit coëxtensa incircumscriptæ Diuinitati illius.

Et in

Et in 4. lib. cap. 1. Ascendere in cælum de terra, & rursus descendere, actiones sunt circumscripti corporis. Porro sic illum rursus descendurum Scriptura dicit, sicut vidistis illum euntem in cælum.

NOTA. I. Etiam Damascenus indubitanter indicat, Humanitatem Christi non esse Ubique nobiscum, dum ait: Nam, ut DEVS est nobiscum: quasi dicat, ut homo non est nobiscum, sed in cælum ascendit.

NOTA II. Descendere & ascendere, ait, esse circumscripti corporis actiones: Ergo agnoscit corpus Christi, si esset Ubique & Omnipræsens, non posse ascendere & descendere, sed immobile prorsus fore. Si dicas, illud habere duplicem præsentiam; circumscriptam & incircumscriptam: secundum illam posse moveri, non secundum hanc; id gratis dicitur & inepte: tum quia incircumscripta præsentia superuacua est; etiamsi enim Christus absens sit corpore ab aliquibus rebus, nihilominus potest illas regere, cum Divinitate sit omnibuscum præsens: tum quia disertè negat Damascenus, carnem Christi esse adequatam divinitati Christi quoad præsentia extensionem qualemcunque, etiam illocalem & incircumscriptam.

NOTA. III. Si sedes, & descensio est corporis circumscripti, evidens est, Christum post Ascensionem in cælum, non esse Ubique.

Circa i- **STEPHANVS. EDVENSIS**
dē tem- **Episcopus.**
pus.

Apud Petanum loco antè cit. in libro de Sacramento Altaris, cap. 6. Tomo 6. Biblioth. P.P.

folio 371.

Qui spiritus est incircumscriptus, inquit, sanctus Sanctorum **DEVS**, homo factus in utero Virginis est circumscriptus.

NOTA. Si circumscriptus; non fuit *Ubique*. Simul enim & semel in eodem loco, secundum eandem substantiam non potest esse circumscriptus & incircumscriptus.

An. Chr. **ALCVINVS FLACCVS ALBINVS**
750.

inter Scriptores varios de diuinis officiis. Colon. apud Geruinum Calenium, anno 1568. pag. 67.

DE diuinis officiis cap. 24. de *Ascensione Domini*. Cuius corpus ita in cælo esse credimus, ut erat, quando ascendit. Quod & vox Angelica protestatur, dicens: Sic veniet, quemadmodum, &c. id est, in eadem carnis specie, atque substantia, cui profectò carni immortalitatem donauit, naturam non abstulit.

NOTA. Si naturam non abstulit, finitam & loco circumscriptam reliquit. Proprietas enim sequitur suam naturam.

S. NICE-

S. NICEPHORVS

An. Chr.

815.

Patriarcha Constantinopolitanus,

In opusculis quibusdam contra Iconoclastas: in quorum uno, quod de Cherubinis à Moysè factis, inscribitur, cap. 8. eruditè disputat:

Christum absolutè & καθόλου dici nō oportere circumscriptum, vel incircumscriptum, cū Christi appellatio duas naturas amplectatur, quarum neque diuina circumscribi potest, nec humana non esse circumscripta.

Expresse autem de Christa dicit, Ipsum fuisse circumscriptum; siquidem corpus verè, sicut nos, non fictè gestauit: Loco circumscribitur, qui est incorporeus, & cum hominibus corpore versatus, comprehensus est, qui erat incomprehensus: Incorporeus & incomprehensus secundum naturam diuinam; Corporeus & comprehensus secundum naturam humanam,

Idem in Epist. ad Leonem Pontif. III. apud Baron. Tomo 9. Anicerp. anno 1601 pag. 572.

Credo Christum sepulturæ traditum, corpus suum conseruasse incorruptum, nequaquam ab arcana & inenarrabili diuisione, quamuis à rationabili & intelligibili eius animâ separatum in spatio triduo. Cum quā ipse & ad infernum descendit, & his qui in carcere erant spiritibus (sicut Princeps & diui.

diuinus dixit Petrus) veniens prædicauit resurrectionem & libertatem, & redemptionem dedit.

NOTA. Huc faciunt iam sæpè dicta : & aperte dicit, naturam diuinam circumscribi non posse, humanam non posse esse non circumscriptam. Similiter expresse dicit, animam Christi illo iradua fuisse separatam à corpore.

Anno

OECUMENICVS

circiter
820.

In Cōmentario ad Epistolam Pauli ad Calossenses:

IN ipso habitat omnis plenitudo Diuinitatis corporaliter: hanc vocem corporaliter, ait significare, & addit, id est, substantiuè: & ait: Verbum ita carni copulatum esse, vt non ea conclusum sit, sed omnia repleat. Et mox. Totum, inquit, Verbum incarnatum est, & cum Patre Totum est, corpore circumscriptum, diuinitate verò incircumscriptum.

NOTA. Quid clarius contra Vbiquitatem? Si enim corpore est circumscriptum, non est etiam corpore incircumscriptum.

An. Chr.

GLOSSA ORDINARIA

830.

ad Caput 4. Epistole ad Ephesios, folio 94. in princ. parte 6. edition. Basileensis, anno 1508.

ET constat, quòd secundum humanitatem Christus descendit & ascendit; ergo secundum humanitatem descendit; quia secundum

dum Deitatem, quæ ubique est, nec descendit, nec ascendit. Sed secundum animam ad inferos descendit: secundum corpus & animam ad cælos ascendit.

NOTA. Secundum Glossam, nec ascendisset, nec descendisset Humanitas, si Ubique fuisset, ut Divinitas. Ergo nec nasci, nec loco moveri unquam potuisset contra Scripturas.

D. HAYMO Episcop. Halberstatensis An. Chr.
In editione Basileensi ex officina Ioannis Prael anno 830.
no 1536. folio 278. homilia
in feria 6. Pascha.

QUOD ergo ait, adhuc modicum vobiscum sum, ad assumptam pertinet humanitatem, in qua potuit loco ad locum ire: quod verò hîc dicit, Ecce! ego vobiscum sum omnibus diebus, usque ad consummationem sæculi, ad MAIESTATEM pertinet DIVINITATIS, per quam Ubique & præsens, Ubique totus, nec in tempore accedit, vel in tempore recedit, sed semper æqualiter, semper ineffabiliter manet.

Homilia Dominica 5. post Pascha, f. 303. in princip.

Manens ergo cum Patre per Divinitatem, venit in Mundum per Humanitatem; & rediens ad Patrem per Humanitatem, mansit cum electis per Divinitatem.

Homilia in die Sancto Pentecostes, fol. 311. in fine.

Hæc

Hæc loquutus sum vobis, apud vos manens, de præsentia corporali dicit, per quam post modicum ab eis recessurus erat. Cui simile est, quod alibi ait: hæc sunt verba, quæ locutus sum ad vos, cum adhuc essem vobiscum. Qui ergo in articulo passionis hæc loquebatur, mansurus cum eis semper per Diuinitatem, recessurus loquitur per Humanitatem.

NOTA I. *Ista quomodo dici potuissent, si Christus per inuisibilem Omnipresentiam in terris apud homines permansisset?*

NOTA II. *Etiam iste author per Maiestatem in Christo, intelligit Diuinitatem, non autem Humanitatem: quod obseruandum contra peruersam interpretationem Vbiquistarum, in locis S. Augustini & aliorum, quando tribuunt Christo Maiestatem, quâ locutione non intelligunt Patres Maiestatem Humanitatis, sed Diuinitatis; ut est in Notis ad S. Augustinum demonstratum.*

NOTA III. *Mirabile profecto esset, si isti Patres Omnipresentiam Humanitatis inuisibilem agnouissent, quod nemo prorsus illorum unquam, vel verbulo illius meminerit, sed omnes Christo tantum tribuant ratione Diuinitatis presentiam inuisibilem & incircumscriptam Vbique: ratione humanitatis autem non nisi circumscriptam, & certo loco terminatam.*

EGINARDVS

In vita S. Remigy.

An. Chr.
840.

Idem Deus, qui in Cruce homo factus, iacuit; sed in sepulchro secundum solam carnem idem Deus iacuit; & in infernum secundum solam animam descendit, & resurrexit, tertia die carne.

NOTA. Plures ex prioribus Notis etiam hic quadrant, & separatio vera anima à corpore iam perspicue asseritur, quàm Sol lucet ipso meridie.

REMIGIVS ANTISIODORENSIS An. Chr.
880.

ad Psalmum 85.

Descendit in infernum; sed non ibi remansit; quia suis inde liberatis, cum potestate rediit.

NOTA. Etiam hic locum habent, quæ de Descensu Christi ad Infernum sæpe supra diximus.

THEODORVS ABVCARA An. Chr.

Disputat. de quinq; inimicis, à quibus nos Christus Homo liberauit. Colon. 1618. pag. 9. Tom. 4.

Bibl. P. P. Tom. 9. p. 2. B. his verbis:

Quintus inimicus relinquitur, idem infernus. Quia fieri non poterat, ut cum carne in inferis peregrinaretur anima à carne Domini per mortem separata, ad animas, quæ in tene.

tenebris erant, profecta, & lumine Diuinitatis illis illato, eas quæ in eum crediderunt, in paradysum transtulit, & regiam inferni demolitus est. Sicut enim ianua & aditus peregrinationis Verbi Dei in mundum facta est sanctissima Virgo, sic mors facta est ianua, & introitus descensus Christi in infernum.

Et in Opusculo 16. Differentiam explicans, quâ Verbum in rebus omnibus existit, & in utero Virginis fuit, ac modò in vnita sibi carne, pulchrè demonstrat, carnem Christi non Vbique esse, nec adæquari cum immensitate diuina.

NOTA I. Si anima à corpore Christi separata est, & in infernum descendit, an tunc fuit omniprasens? Hoc nemo credat, nisi qui delirat.

NOTA II. Apertè negat, carnem Christi Vbique esse, vel adæquari cum immensitate diuina. Ergo negat Vbiquitatem: Quia quod non adæquatur alteri, si alterum infinitum sit, & Vbiq; non est cum altero Vbiq;.

Circa illa tempora. **THEOPHANES CERAMEVS**
Episcopus Tauromenitanus
apud Petatium loco cit.

HOmilia 3. disputans de Proprietatibus naturarum in Christo, & communionem, ait: Scultum est enim hoc de carne cogitare, eam simul & in celo fuisse, & cum Nicodemo coloco-
locu-

locutam esse, cum natura triplicem habeat dimensionem, & loco circumscripta sit.

NOTA. *Iste auctor in terminis contradicte Pupillistis, seu Defensoribus pupilla Saxonica, in der nochmahligen Berthädigung / contra Collyrium Forerianum, cap. 45. ubi dicunt: Æternum Verbum, seu Dei Filius, suam humanam naturam, ob quam vocatur & est hominis Filius, in loco, vbi quantitativè apud Nicodemum stabat, non propius apud se habuit, quàm in supremo cælo, &c. Negat autem Theophanes Humanitatem Christi simul in terra apud Nicodemum, & in cælo fuisse presentem.*

MOSES BARCEPHA

An. Chr.

De paradiso, parte 1. paulo ante finem Bibl. PP. 950.

Col. anno 1618. Tomo 10. pag. 456. G.

CUm Christi anima in Cruce esset, à corpore separata, ipsa Divinitas simpliciter neque corpus, neque animam deseruit, sed & vnà cum corpore sepulchrum subiit, & simul cum anima inferos correxit, atque ad eas animas, quæ inibi tenebantur, concionem habuit, sic ait Petrus Apostolus in sua epistola. Itaque anima Christi eas animas, quæ in se credebant, ab inferis sustulit, subiectasque induxit cum Latronis anima in Paradisum, vnde expulsus fuerat Adamus.

L

NOTA.

NOTA. Sole clariora sunt verba ista, contra
Vbiquetarios.

An. Chr. ADELMANNVS Episcop. Brixienſis,
 1030. *discipulus Fulperti Episcopi Carnotensis, & con-*
discipulus Berengarii, in Epistola ad eundem
Berengarium.

Quia enim, inquit, ex duabus naturis di-
 uersis, alterâ circumscriptâ, alterâ in-
 circumscriptâ, compersonatus erat, per cir-
 cumscriptam de loco ad locum transmigra-
 bat, per incircumscriptam verò, qua illocabi-
 liter Vbique est, totus cum eis remanebat, nec
 tamen Filium Dei à Filio hominis separabat.
 Denique & priusquàm Filius hominis actu a-
 scenderet in cælum, cum Filio Dei ibi erat,
 ipso attestante, vbi ait: Et nemo ascendit in
 cælum, nisi qui descendit de cælo. Si ergo ibi
 erat per vnitatem personæ, quò nondum a-
 scenderat per proprietatem naturæ, propter
 eandem vnitatem cælum ascendens, cum ho-
 minibus in terra remanebat.

NOTA. Quando dicit, Cum Filio Dei ibi
 erat, seipsum postea explicat, nempe ratione per-
 sonæ diuinæ, non ratione personæ humanæ:
sensus est: Si ergo ibi erat in calo per vnitatem
personæ diuinæ, quò nondum ascenderat per pro-
prietatem naturæ humanæ; propter eandem vni-
tatem persona diuinæ, cælum per humanitatem
ascen-

ascendens, cum hominibus in terra remanebat per
diuitiam. Quæ prorsus repugnant Vbiquita-
ti Lutherana.

GVITMVNDVS AVERSANVS An. Chr.

Bibl. P. P. To. 11. pag. 374. F. De Unitate &
Trinitate.

1060.

CORPUS quidem Christi in Cruce mor-
tuum, in lapide sepeliri permisit: anima
verò viua cum Deo permanens in infernum,
non vt pateretur, sed vt dominaretur, descen-
dit: quæ liberatis inde, quos dignos iudica-
uerat, cæteris verò dimissis, corpus suum ter-
tia die resumpsit.

NOTA. Validum est hoc telum tum contra
Vbiquistas, tum contra Calvinistas, qui negant
quod Christum ex inferno quæquam liberasse, sed
merum figmentum appellant.

E V T H Y M I V S

An. Chr.

ad cap. 6. Ioannis iuxta supputationem Græco-
rum, cap. 9.

1080.

SI videritis Filium hominis ascendentem, (ubi
prius erat) Loquitur de futura sui in cælum
assumptione. Ascendentem quoad humani-
tatem, ubi prius erat quoad Diuinitatem. Pa-
ris. in 8. apud Aegid. Gorfium. Anno 1560.

NOTA. Non potuit Christus ascendere, &
perè loco moueri, si in sua substantia fuis inuisibili-

ter Ubique, ut superius demonstravimus: quia aliàs in calo prius non fuisset solum secundum Diuinitatem, sed etiam secundum Humanitatem.

An. Chr.
1106.

PETRVS ALPHONSVS

*Titulo 11. in principio. Bibl. PP. Tomo 12. parte 1.
pag. 397. C.*

CVM Christi anima à corpore dissoluta, ad inferos, ut inde bonos eriperet, descendit, nunquam ab ea Diuinitas recessit. Vnde & cum ad corpus remeavit, semper cum ea permansit.

NOTA. Confirmatur clarè iterum separatæ descensus anima ad inferos; & ibidem SS. Patrum liberatio. Ex quo etiam evidens est, posse esse duo indiuisibiliter coniuncta, ita ut unum illorum sit Ubique, sicut Diuinitas; & alterum non sit Ubique, sicut anima & corpus Christi; licet fuerint unita Diuinitati.

An. Chr.
1120.

MICHAEL GLYCAS

*parte 3. Annalium Basil. ex offic. Episcop. in 8.
anno 1572. pag. 308.*

AD Orcum descendisse cum sanctam Christi audis animam, noli obstupescere, neque dicere: fieri haudquaquam potuisse, ut eadem anima migraret ad Orcum, & paternis in manibus deponeretur. Quippe Dei manus, videlicet illa continens omnia vis & potestas,
tùm

tum in cælo est supernè, tum in terra deorsum; neq; adeò ipsis ab Orci angulis vnquam abest; Quo fit, vt si maxime sancta Christi anima id temporis ad Orcū sit profecta, minimè tamen à vi potestatéque illa, ceu diximus, omnia continente, abfuerit. Imò dicendum potius, potentiam Patris ipsum esse Christum, quemadmodum Paulus loquitur. Deponit igitur animam suam paternas in manus, vt hoc modo cunctis iustorum animabus iter ad superna cælestiaque largiretur. Ad Orcum verò descendit, vt etiam eis, qui isthic detinerentur, prædicaret, ac religiosam illam pietatem docendo commonstraret, quam prius ignorassent, &c.

NOTA. Euidens est, hunc Auctorem cum reliquis Patribus, circa descensum animæ Christi separatæ à corpore, consentire; & sic fateri, eam non fuisse omnipresentem.

D. ALGERVS Monachus Benedictinus An. Chr. 1130.
In editione Friburgensi in Brisgola apud Ioannem Emmeum Iuliacensem 1530. de Sacramento Eucharistia, lib. 2. c. 8. pag. 82.

Ideo etiam corpus & sanguis diuissim in Sacramento videntur, vt quia Christus pro nobis mortuus est, nos, qui corpore & animâ perieramus, corpus per corpus, & animam per animam redimens, corpus & animam

suam pro nostra redemptione in morte diuisa fuisse signetur, dum corpus eius in sepulchro iacuit, anima verò ad liberandas Sanctorum animas ad inferna descendit.

NOTA. Et hic scriptor manifestè docet veram separationem corporis Christi ab anima; & huius ad inferos solitarium descensum, corpore in sepulchro iacente. Nentrum igitur fuit Vbiq̃ue.

An. Chr.

S. BERNARDVS

1130.

In editione Lugdunensi, ut habetur in sue Libræ industria Ioannis Marschal Bibliopola, apud Iacobum de Guindi anno 1530. die 10. mensis

Februarij, folio 179. columna 2.

circa finem.

SEmel illò descendit: non sanguis, sed anima; & hæc portio eorum, qui in carcere erant, vna illa visitatio, quæ tunc facta est per præsentiam animæ, cum corpus penderet exanime super terram: sanguis aridam rigauit, sanguis infudit terram, & inebriauit eam sanguis, quæ in terris, & quæ in cælis sunt, pacificauit. Non autem & quæ apud inferos: nisi quòd semel illò, vt dixi, anima eius excurreret.

NOTA. Quomodo autem eò excurrere potuit, si iam antea ibi, & in omnibus locis fuit illò: daliter? si non deseruit corpus in sepulchro?

HVGO

H. V. G. O. de S. Victore

An. Chr,

*Moguntia, apud Ioan. Volmar, Tom. 3. anno
1617. pag. 434. de Sacramentis Fidei,
lib. 2. pars. 1. cap. 9.*

1130.

Nemo ascendit in cælum, nisi qui descen-
dit de cælo, &c. in terra loquebatur, &
in cælo se esse testabatur. Vtrobique enim e-
rat. In terra per Humanitatem, in cælo per Di-
uinitatem. Idem qui in cælo erat, in terra e-
rat: per Humanitatem in terra, & TANTVM
IN TERRA, (NB.) per Diuinitatem in cælo,
& in terra, &c.

Idem Hugo ibid. cap. 11. Anima Christi ad
infernum descendit, caro in sepulchro iacuit.
Diuinitas cum utroque permansit. *Et infra.*
Ergo Christus persona ad infernum descen-
dit, sed secundum animam solam; quia sola
anima ad infernum descendit, & Christus per-
sona in sepulchro iacuit, secundum solam car-
nem, quia sola caro Christi in sepulchro ia-
cuit.

Idem lib. 2. de Sacram. Fid. parte 1. cap. 13.
Noli itaque, inquit, dubitare, ibi nunc esse ho-
minem IESVM Christum, vnde venturus est
(nempe in cælo) quò ire visus est, in forma car-
nis atque substantia. Cui profectò immorta-
litate dedit, carnem non abstulit. Secun-
dum hanc formam non est putandus Vbique
diffusus. Cauendum est enim, ne ita Diuinita-

tem astruamus hominis, ut veritatem corporis auferamus. Non est consequens, ut quod in Deo est, ita sit Vbique, sicut Deus. Quod pluribus demonstrat, & demum sic concludit. Christum autem Dominum nostrum, unigenitum Dei Filium, æqualem Patri, eundemque hominis Filium, quo maior est Pater, & Vbique non dubites esse totum præsentem, tanquam Deum; & in eodem templo Dei esse præsentem, tanquam inhabitantem Deum; & in loco aliquo cæli, propter veri corporis modum.

NOTA. *Annon ista sunt clarissima tonitrua, contra Vbiquitatem Humanitatis Christi?*

An. Chr. P E T R V S L O M B A R D V S.
1140. Magister sententiarum

Libro 3. sententiarum dist. 22. In editione Coloniensi apud Ioannem Berckmannum anno 1567. pag. 285. lit. B.

Hic quaeritur: Si Christus in morte alicubi erat homo, & si vbicunque est, homo sit? ad quod dicimus, quia non vbicunque erat, homo erat: nec modò vbicunque homo est: quia vbique est secundum Deitatem, nec Vbique homo; quia non vbique homini vnitus. sed vbicunque est secundum hominem, ibi homo est. Tempore autem mortis, & vbique erat secundum Deum, & in sepulchro secundum

dum hominem, & in inferno secundum hominem, sed in inferno secundum animam tantum, & in sepulchro secundum carnem tantum.

Pag. 286. lit. E. Ex his apparet, quod Christus eodem tempore totus erat in sepulchro, totus in inferno, totus Ubique, sicut & modo totus est, ubicunque est, sed non totum, nec in inferno totum erat, est totus: sicut Christus totus est Deus, totus homo, sed non totum; quia non solum est Deus, vel homo, sed & Deus & homo. Totum enim ad naturam refertur, totus autem ad hypostasin: sicut aliud & aliquid ad naturam, alius vero & aliquis ad personam referantur. Unde Ioannes Damascenus: Totus Christus est Deus perfectus, non autem totum Deus est: non enim solus Deus est, sed & homo, & totus homo perfectus: non autem totum homo: non solum enim homo, sed & Deus: Totum enim nature est representativum: totus autem hypostaseos: sicut aliud quidem est natura, alius hypostaseos: sic & huiusmodi.

NOTA II. Hec Petri Lombardi dicta satis clara & liquida, in sequentibus magis declarantur, presertim quomodo intelligenda sit illa propositio, Christus non ubicunque erat, homo erat; nec modo, ubicunque homo est.

NOTA II. *Etiam reliqua sunt dilucida, & Ubiquitati Humanitatis Christi è diametro contraria. Separant enim corpus ab animâ loco, & animam à corpore, adeoque neutrum concedunt esse Ubique, alioquin loco non essent separata.*

NOTA. III. *Explicat pulchrè vocabulum Totvs, & Totvm.*

An. Chr. PETRVS CLVNIACENSIS

1140.

Lib. 4 epist. 1.

SI ad Apostolicum Symbolum sermo recur-
rat, omnis Christiana lingua Dominum
IESVM Christum mortuum & sepultum, & ad
infernâ descendisse fateatur. Qui quoniam in
carne non descenderit, tridua corporis in-
dicat sepultura: nec quia in sola Diuinitatis
natura, inuicta ratio manifestat. Prudentiâ
quippe, non potentiâ percussisse superbum
scribitur; quem solâ potentiâ percussisset, si
damnatum Archangelum percussurus, in sola
Deitate ad inferos descendisset. Oportebat
autem, ut superbus mundi Princeps à natura,
quam vicerat, superandus dolosæ suæ victo-
riæ sæpe victus amitteret iactantiam. Et sicut
de eo humana natura per Christum in terris
triumphauerat, ita & apud inferos humana
anima triumpharet.

NOTA. *Rursus & hoc testimonium aduer-
satur Ubiquistis, & pulchrè probat, animam Chri-
sti*

Iti solam, sine carne, ad inferos descendisse; consequenter non Ubique fuisse.

ARNOLDVS Abbas Bonæ vallis

Bibl. PP. Tom. 12. par. 3. pag. 431. C.

An. Ghr.

1160.

DE *verbis Domini Tract. de Verbo 6. & 7. in principio.* Quia & pro carne & pro spiritu hominis agebatur, & totus homo totum Christum habuit sanatorem, dum & caro in medelam carnis oblata est in ligno, & ad sanctificationem animæ obtinendam spiritus ille descendit ad inferos, & ascendit ad superos, ibi confringens ferreos vestes, hinc portas aperiens æternales. Et à corpore quidem anima illa Christi per illud triduum se absentans, non ita Divinitatem, quemadmodum carnem deseruit, sed erat Deus in ea inuisibiliter, &c.

NOTA. I. *En! iterum pulcherrimum testimonium; animam Christi non fuisse Ubique: alioquin etiam fuisset in corpore; adeoque non absens illo triduo à sepulchro, quod negat hic Author.*

NOTA. II. *Hic locus etiam aliquid luminis affert, quo sensu superius anno 1120. de Christo Algerius Monachus dixerit, corpus per corpus, & animam per animam redimens. Nihil aliud volunt dicere, nisi quemadmodum homo per corpus, & per animam peccavit, ita Christum corpore & animâ, etiam cum separata essent, salutem nostram promouisse.*

NOTA.

NOTA. III. *Fatetur, animam illo triduo cum persona diuina mansisse unitam; & tamen non fuisse, ubicumq; erat Diuinitas: Hac enim erat Vbiq;: anima autem non fuit Vbiq;: quia non erat in sepulchro, sed in inferno.*

An. Chr.
1170.

P E T R V S R I G A

Carminc in Euangelia.

Surrexerat nunc, sed non est hic, vt quasi dicat: non est hic carne, sed Deitate tamen.

NOTA. *Etiam iste clarè negat carnem Christi esse Vbiq;. De inuisibili & illocali presentia Humanitatis alium silentium: nec de illa cogitauit: alioqui non ita absolutè dixisset: Non est hic carne, sed Deitate tamen: quia potuisset illi statim obiici; etiam carne est hic inuisibiliter, sicut est Deitate. Sed pisce magis est mutus.*

An. Chr.
1200.

I N N O C E N T I V S I I I .

Tomo 1. lib. 4. Mysteriorum Euangelica legis ac Sacramenti Eucharistia, cap. 44. in Editione Coloniensi apud Maternum Cholinum 1575. folio 396. ante medium.

Cum ergo Christus secundum naturam diuinam tribus modis existat, in omnibus per Essentiam, in solis iustis per gratiam, in homine assumpto per unionem, voluit, vt idem ipse secundum naturam humanam tribus

busmodis in rebus existeret, localiter in cælo, personaliter in Verbo, sacramentaliter in Altari.

NOTA. Hic est quoque altum silentium, de quarta modo præsentie humane nature inuisibili & illocali in omnibus rebus creatis, quem Ubiquitæ fugiunt, præter sacramentalem, etiam in ipsa Eucharistia; ita ut Christus illic sit bis præsens, sacramentaliter, & non sacramentaliter, ut dicit nominatim Keslerus contra novum bellum Ubiquitæ, fol. 664. ubi ait, id docere consensu communi Lutheranos omnes. quod est plane monstruosum. Quis autem credat taciturnum fuisse Innocentium hunc modum, si eum agnouisset?

CONCILIVM LATERANENSE An. Chr.

Relatum in cap. 8. extra, de summa Trinitate & 1215.
fide Catholica, in Editione Lugdunensi
anno 1622.

DESCENDIT ad inferos, resurrexit à mortuis, & ascendit in cælum; sed descendit in anima, & resurrexit in carne: ascenditque pariter in utroque.

NOTA. Hoc Concilium de descensu anime Christi ad infernum loqui in eo sensu, quo alij Doctores Ecclesia sunt, & anteq. & postea locuti sunt communiter: quorum nullus istam Omnipresenciam Humanitatis Christi illocalem & Lutheranam agnovit; sed illam per separatam descensum
anima

anima ad infernum omnes negarunt clarissimè.

An. Chr. D. EDMUNDVS CANTVARIENSIS

1220.

Bibl. PP. Tom. 13. pag. 360.

IN Speculo Ecclesie, cap. 13. Ut nos redimeret ab infernali captiuitate, anima sua descendit ad inferna cum Deitate, corpore manente in sepulchro, & extraxit secum animas, quæ in terra fecerunt suam voluntatem.

NOTA. Etiam hic est manifestus totus contrarius Vbiquitati Lutheristica; ut ex dictis liquet.

An. Chr.

ALEXANDER de Ales.

1220.

3. parte summa Theologia. 119. membro 5. in resolutione, in Editione Veneta apud Franciscum.

anno 1575.

SI totum dicatur idem, quod perfectum, sic Christus totus in sepulchro fuit in triduo, & Vbique, sed non totum. Totum vno modo dicitur idem, quod perfectum, & hoc modo totum non dicitur ad partem: alio modo totum dicitur ex partibus constitutum. Primo modo dicitur totus fuisse Christus in triduo, & in inferno, & in sepulchro, & non totum: quia totus pertinet ad personam, quæ quidem perfecte erat Vbique & plenè; totum verò pertinet ad naturam, quæ quidem secundum humanam naturam nec erat Vbique, nec

nec etiam erat perfecte in sepulchro, nec perfecte in inferno, sed secundum partem.

Idem. Omnis substantia creata est circumscripta, & in vno loco. Substantia verò divina, quia incircumscripta, Vbique est. Substantia verò vnita diuinæ, virtute vnionis excellit omnem aliam; sed quia in minus, quàm diuina, ideo non est possibile, vt sit Vbique. Præterea solum determinatur corpori Christi esse in pluribus, ratione Sacramenti, quamuis secundum speciem difficillimum sit definire.

NOTA. Annon expresse negat, humanam naturam fuisse in triduo *VBIQUE*? An non dicit, non esse possibile, vt sit Vbique? Intellige, posito quòd iuxta SS. Scripturas loco mouendus sit, sicuti Christi Humanitas loco mota fuit, & iterum mouebitur, & moueri debebit in reditu ad iudicium, &c. testante Angelo: Sic veniet, quemadmodum vidisti eum euntem in cælum. Quomodo etiam distinguantur *TOTVS* & *TOTVM*, bene & dilucide explicat.

S. BONAVENTURA

An. Chr.

In 3. sententiarum dist. 22. quæst. 2. Virum Christus secundum quòd homo fuerit in loco determinato, an vbiq̃ue, numero 15. in Editione

1220.

Nurenburgica anno 1491.

Respondeo dicendum, quòd quæstio ista potest esse de re, & potest esse de sermo.

ne.

ne. Tunc est quæstio de re, quando quæritur, Vtrum Humanitas Christi fuerit, vbicunque fuit Diuinitas? Ad istam quæstionem de plano respondendum est, quòd non. Quia diuina natura est immensa & infinita, vnde nulum locum sibi determinat; sed humana natura cum sit creata, & finita, locum sibi determinat. Vnde non erat, vbicunque Diuinitas erat: sed vel in sepulchro ratione corporis, vel in inferno ratione animæ, sicut dicit Magister in littera. Similiter ratione Humanitatis, quantum est de se, in vno tantùm loco est. Quòd enim sit in pluribus, hoc est, sub Sacramento, secundùm quod dicit Innocentius: secundùm quod Christus dicitur esse alicubi sacramentaliter, alicubi personaliter, alicubi localiter. Localiter est in calice, sacramentaliter est in altari, personaliter vbique. Et sic humana natura in Christo habet, vt sit in loco determinato, & si de re fiat quæstio, satis plana est responsio.

NOTA. Pulcherrimè & distinctissimè docet iste auctor, quomodo Christi Humanitas sit præsens; nempe personaliter, localiter, & sacramentaliter. Sed de præsentia Vbiquistica Humanitatis vniuersali, illocali & inuisibili, nec umbram habet; vt euidenter sit, eum modum ab ipso non fuisse agnitum. Videat Lector hunc locum S. Bonauentura, in quo inueniet contra Vbiquitatem

tatem nervosas rationes, & egregias solutiones Sophismatum, quibus nunc viuntur defensores huius erroris.

ALBERTVS MAGNVS

An. Chr.

Lib. 3. sentt. dist. 22. art. 2. ita dicit.

1220.

Videtur, quòd hæc sit vera, Christus est homo Vbique. Quæcunque enim duo idem sunt, & vnum supposito, vbicunque est vnum illorum, ibi est alterum; Filius autem Dei & homo vnum sunt & idem supposito; Ergo vbicunque est Filius Dei, ibi est & homo. Sed Vbique est Filius Dei: Ergo & hic homo est Vbique. Dicendum; quòd non valet, quòd si aliqua sint idem in supposito, quòd quicquid conuenit vni, gratiâ naturæ, quòd hoc etiam conueniat alteri: quia natura non sunt vnum: & esse Vbique, conuenit Filio Dei gratiâ naturæ, & non personæ, nisi per consequens.

NOTA I. Hic aduertendum, naturam humanam diuina natura non esse immediatè unitā, sed diuinæ personæ, & mediante illa etiam diuina natura. Cùm ergo Omnipresencia, seu immensitas sit proprietas diuina natura, non conuenit diuinæ personæ, nisi quatenus illa identificatur cum natura diuina; quod S. Bonauentura ait per consequens conuenire personæ; nullo autem modo conuenire naturæ humanæ, seu Humanitati immediatè om-

M

nipra-

inpraesentiam, ex eo clarè deducitur, quòd ait;
naturâ Christum non esse unum: cum habeat duas
diuersissimas naturas; unam incircumscriptam,
nempe diuinam; & alteram circumscriptam, &
ad locum determinatam, nempe humanam.

NOTA II. Argumentum illius, Quacun-
que duo unum & idem sunt supposito, ubique
que unum illorum est, ibi est & alterum, distin-
guitur: si simul etiam sint unum naturâ, conce-
ditur: si verò naturâ non sint unum, negatur.

An. Chr. S. THOMAS AQUINAS
1230. In Operibus D. Thomæ impressis Venetiis an. 1593
apud Dominicum Nicolinum. lib. 3. sent.
dist. 22. q. 1. art. 2. fol. 75. b.

Dicendum, quòd humana natura Christi
NON EST VBIQUE, neque quando anima
& corpus fuerunt diuisa, neque quando sunt
coniuncta; sed persona illa ratione sui, & ra-
tione diuinæ naturæ est Vbique. Ad verita-
tem autem locutionis, vt suprà dictum est, exi-
gitur, vt prædicatum secundum se totum con-
ueniat subiecto. Et ideo quia homo significat
suppositum humanæ naturæ, & ipsam huma-
nam naturam; inde est, quòd hæc est falsa,
Christus est homo Vbique: quia non conue-
nit sibi Vbique habere Humanitatem. Auer-
bium autem Vbique determinat, esse homi-
nem in prædicato positum, quantum ad id to-
tum,

tum, quod in homine importatur, & magis etiam quantum ad naturam, secundum quod termini in prædicato positi tenentur formaliter. Sed hæc est vera. Iste homo est Ubique: quia esse Ubique conuenit personæ. Hæc autem, Christus secundum quod homo, est Ubique, potest esse vera & falsa, secundum quod enim potest importare conditionem naturæ (humana) sic est falsa: vel veritatem suppositi, sic est vera. *Vide plura ibidem.*

Idem lib. 4. contra gentes, cap. 49. num. 3. f. 479. eiusdem editionis Venet. Non autem Verbum Dei substantiam habet ex natura humana, sed magis naturam humanam ad suam substantiam, vel personalitatem trahit. Non enim per illam, sed in illa subsistit: Vnde (NB.) nihil prohibet Verbum Dei esse Ubique, licet humana natura à Verbo Dei assumpta, v. b. i. Q. v. e. non sit.

Et Distinct. 22. lib. 3. sent. art. 2. Dicendum est, quod personæ Verbi conuenit esse Ubique, naturæ autem assumptæ non. Quia ergo hic terminus, Homo à parte subiecti tenetur pro persona, Christus homo est Ubique, est vera propositio. Cum autem ponitur à parte prædicati, sic, Christus est homo Ubique, est falsa, quia significatur Humanitas eius Ubique.

NOTA. Sol in meridie non est clarior, quam

*sint hac verba clarissimi huius Doctoris cōtra Vbi-
quetarios, quomodocunque se illi torquant: quid-
quid obganniant & oblatrent.*

An. Chr.

IOANNES DVNS Scotus

1235.

In 3. Sent. Dist. 22.

C*Um aliis Scholasticis dicit, De re ipsa non esse
questionem, cum certum sit, carnem Chri-
sti non esse Vbique: de modo autem loquendi tres
statuunt regulas, inquit I. Quando quæritur,
an Christus homo sit Vbique, si homo sit sub-
iectum propositionis, absolute concedendum
est, esse Vbique: quia tunc vox HOMO suppo-
nit pro supposito. Itaque ista est vera simpli-
citer, Christus homo est VBIQUE.*

II. *Si homo sit prædicatum, & aduer-
bium VBIQUE se teneat ex parte subiecti, simi-
liter concedenda est propositio. Itaque cum
dico, Christus Vbique est homo, verum dico,
si illud Vbique tenet se ex parte subiecti, ut
sensus sit, Christus, qui est Vbique, est homo.*

III. *Si homo sit prædicatum, & Vbique
se teneat ex parte prædicati, tunc falsa est pro-
positio. Nam cum dico, Christus Vbique est
homo, si Vbique efficit coniunctionem sub-
iecti cum prædicato, significat Christum in
omni loco habere secum præsentem humani-
tatem, quod est falsum. Ita observat Bellarmi-
nus lib. 3. de Incarnat, c. 19. ad finem ex Scoto.*

D. RI-

D. RICHARDVS PAMPOLITANVS An. Chr.

In enarratione Symboli Apostolici, in editione Coloniensi ex officina Melchioris Nouesiani, mens. Martio anno 1536. folio 147. pagina versa, S. Thomas. 1290.

Descendit ad inferna.) Hic primò notandum est, secundùm quid descendit ad inferos, quia secundùm animam, tamen coniunctam Diuinitati. Nam secundùm Diuinitatem localiter non potest descendere, quia Ubique est.

NOTA. Fatetur animam Christi locum mutasse, descendendo ad inferos, licet habeat præsentiam inuisibilem; non tamen fuisse Ubique.

NICEPHORVS CALLISTVS An. Chr.

Parisi. anno 1562. apud Egidium Gorbinnum, lib. 1. cap. 31. 1300.

Ipse iustitiæ sol Christus, animâ solâ per mortem, à corpore segregatâ, apud inferos iustorum animis præstò fuit, & Dux itineris, ad Paradisum ferentis præiit, lucis Princeps, viæque ductor, eis perinde atque Latroni factus. Eâdem namque die, vel potiùs eâdem horâ ab inferis rediit, vt quidem cum alijs nonnulli, tum is, cui aurea lingua nomen indidit, S. Chrysostomus. in primis accuratiùs, certiusque exposuere. Nec enim rationi consonum erat, animam eius apud inferos retineri, qui nihil prorsus à

primi parentis maledictione, & exitio secum attulisset, subito verò, & vt ita dicam, fulgetri celeritate, dignos atque idoneos lucis summè coruscantis Deitatis illustrans, ac immensâ potentiâ ex caliginosis, solèque carentibus latebris reducens: & principibus ibitebrarum, ducibusque malorum, diuinæ potestatis splendore, & Angelicarum cohortium militiâ, quasi obrutis, nullo tempore & labore nullo, atque eo, qui solum DEVM decet, modo, in momento vno ad sacra immensâque luce relucencia Paradisi tabernacula traduxit.

NOTA. *Animam solam fuisse post mortem à corpore Christi segregatam, & ad inferos permeasse; satis ostendit, eam Vbique antea non fuisse: neq; hic potest dici, eam illuc motam esse visibiliter, cum anima sit inuisibilis.*

An. Chr. BERNOLDVS DE CÆSARIA

1300. *In summa Theologica Veritatis, Vlma ante centum annos, & amplius, impressa per Ioannem Zainer in folio, lib. 1. cap. 17. de incircumscripibilitate DEI.*

CORPUS Christi licet non sit Vbique, cum sit creatura, nec æquari possit in hoc Creatori; in pluribus tamen locis est: id est, sub diuersis hostiis. *Idem lib. 4. cap. 21.* Dicendum etiam, quòd in illo triduo Christus totus fuit in

in sepulchro, sed non totum: & totus fuit in inferno, sed non totum. Quia totus dicit personam, totum verò naturam.

NOTA. Consentit hic scriptor cum iis, quos superius citavi; & non minùs refellit manifestè Ubiquitatem infantiam.

HUGO de Prato.

Sermon. 58.

An. Chr.

1300.

CHRISTUS in vno momento propria virtute super omnes cælos, peruenit ad magnum cælum SS. Trinitatis, & hoc in quantum HOMO: quia in quantum DEVS, semper fuit in illo magno cælo.

NOTA. Etiam hic locus est apertus pro Catholica veritate contra errorem Lutheranorum de Ubiquitate Humanitatis Christi, quem negat fuisse Ubique: quia cum dicat Christum, in quantum DEVS est, semper fuisse in illo magno cælo; in quantum homo est, primum post ascensionem illuc peruenisse: eo ipso negat ante ascensionem illic fuisse.

DVRANDVS à S. Portiano.

An. Chr.

Lib. 3. Sententiarum, dist. 22. quest. 3. in editione Antwerp. in edibus viduæ & baredum Iohnis Stelfij, anno 1567. fol. 249.

1320.

RESPONDEO, cum articulus sit, Christum ad inferos descendisse, & non possit intelligi

ratione corporis, secundum quod fuit in sepulchro, restat quod intelligatur ratione animæ.

Idem lib. 3. Dist. 23. q. 7. Ascendere in cælum, non potuit Christo conuenire secundum naturam diuinam, sed solum secundum quam NON FUIT VBIQUE, sed in certo loco continebatur, & vero motui subiici poterat: non sic autem secundum naturam diuinam, quæ Vbiq̃ue est & immutabilis.

Idem in eadem Dist. q. 1. Hic homo est Vbiq̃ue, vera est propositio, quod Vbiq̃ue esse, conuenit subiecto ratione suppositi diuini, quod sufficit ad verificationem propositionis, quantumuis non conueniat subiecto ratione naturæ humanæ.

NOTA. Etiam Durandus pugnat manifestè contra Vbiquistas: dum ait clarissimè, naturam humanam Christi non esse Vbiq̃ue: seu Vbiquitatis predicatum non conuenire subiecto ratione naturæ humanæ.

An. Chr.

NICOLAUS LYRANVS

1320.

AD *Psal. 67.* DEVS in loco sancto suo.) Hoc est, in cælo Empyreo. Licet enim secundum Deitatem sit Vbiq̃ue per præsentiam, essentiam, & potentiam; in cælo tamen Empyreo dicitur etiam specialiter per gloriam & refulgentiam: secundum etiam Humanitatem

tem

tem est ibi, sicut in loco proprio & determinato.

Ad cap. 1. Actor. ait: Assumptus est de terra in cælum in sua Humanitate: secundum Diuinitatem enim, quæ necessario est Ubique, non conuenit ei de loco ad locum transire.

NOTA. *Causam, cur Deus non possit moueri, esse eius Omnipresenciam. Si ergo Humanitas Christi esset omniprensens, non posset moueri de loco in locum, de calo in terram.*

LVDOLPHVS de Saxonia Car-
thusianus.

An. Chr.
1330.

*In vita Christi impressa Parisiis apud Michaëlem
Sonnium in via Iacobæa, sub scuto Basiliensi, anno
1580. part. 2. cap. 71. folio 454. in princ. vel in edi-
tione Parisiensi in via diui Iacobi, sub sole aureo,
per Bertholdum Rembold, anno 1509. idi-
bus Augusti, parte 2. cap. 71. fa-
lio 237. Col. 1. in fine.*

ET subdit Angelus (NON EST HIC) scilicet
per præsenciam carnis & corporis, qui
nusquam deest per præsenciam Diuinitatis, &
Maiestatis: surrexit enim per Humanitatem,
qui nullum casum patitur in Diuinitate.

NOTA I. *Etiam hunc scriptorem per præsenciam Maiestatis cum S. Augustino supra cita-
to & aliis Patribus, intelligere Omnipresenciam
Diuinitatis, non autem Humanitatis,*

M S

No.

NOTA II. Etiam indubiè ac certò tribuit motum verum localem post Resurrectionem Christo; & non tantùm apparentem, seu phantasticum; cùm dicit eum surrexisse, & ex illo loco se subduxisse; adeoque verè motum loco esse, ut iam ibi non sit. Non posset autem simpliciter negari, quòd ibi sit, si saltem inuisibiliter ibi esset. Sicut Lutherani non negant simpliciter Christi corpus in Eucharistia esse, licet ibi non sit visibiliter.

An. Chr.
1330.

GVIDO Carmelita

De VValdensibus cap. 21.

CHRISTUS corpore iacente in sepulchro, secundùm animam descendit ad inferos. Vnde Christus Dei sapientia increata Ecclesiastici 24. ait: Penetrabo omnes inferiores partes terræ, &c.

NOTA. *Hac ex prioribus patet.*

An. Chr.
1345.

THOMAS ab Argentina

In Comment. sentt. lib. 3. Dist. 22.

TOTUS Christus est Vbique: non totum Christi.

NOTA. *Et hoc ex prioribus intelligitur.*

An. Chr.
1360.

IOANNES CANTACVZENVS

Apologia 2.

DE quonam David dicit, quòd altè supra cælos sit misericordia eius; & quòd exaltatus sit supra cælos, & super omnem terram

ram gloria eius? Deus Vbique est, & non est locus, vbi Deus non sit. Hoc igitur citra omnem controuersiam dicit de Homine, quem Filius & Verbum Dei assumpsit: qui antea quidem NON ERAT IN CÆLO, sed in terra: nunc verò subuectus est, & exaltatus, & confedit à dextris Dei Patris, qui quidem in cælo est, super terram verò gloria eius.

NOTA. Absolutè dicit hic author; Christum hominem non fuisse antea (id est, ante Ascensionem) in cælo. Non fuit ergo Vbique. Quando autem dicit subuectum & exaltatum, nunc esse in calum, &c. non negat illum circumscriptiue, quoad Humanitatem, esse in cælo; super terram verò esse ait Vbique secundum Diuinitatem.

IOANNES TAVLERVS

Sermone 1. in Parasceu.

An. Chr.

1380.

Cum in Cruce mortuus fuisset Christus, sanctissima illius anima Diuinitati vnita ad limbum descendit, redimens, ac liberans inde, quotquot Patris illius fecerunt voluntatem.

NOTA. Solus descensus anime Christi ad inferos, est sufficiens refutatio Vbiquitatis, ut ex dictis clarissimè patescit.

GERAR-

An. Chr. GERARDVS ZVTPHANIENSIS

1380.

Lib. 2. cap. 39.

COgita deuotè, qualiter anima Christi ad infernum descendit, quid ibi egit? de gaudio SS. Patrum, & tristitia dæmonum.

NOTA idem, quod in prioribus saepe notat.

An. Chr. IOANNES CAPREOLVS

1415.

Lib. 3. sentt. dist. 22. art. 3.

Christus dicitur Totus Vbique: quia nihil deest sibi de sua personalitate, secundum quam Vbique est. Totus enim cum sit masculini generis, ad personam pertinet: deest autem ei aliquid de his, quæ ad naturam Christi pertinent, secundum quod est Vbique: Quia secundum humanam naturam non est Vbique: & ideo dicitur, quod est totus Vbique, sed non Totum Vbique; quia Totum cum sit neutri generis, ad naturam pertinet.

NOTA. Etiam hic non indiget explanatione, adeò clarè negat, Humanitatem Christi esse Vbique.

An. Chr. PETRVS de Aliaco, Paris Cancell.

1415.

Præceptor Ioan. Gersonis.

In 4. sentt. q. 5. art. 2. fol. 256. D. Edition.

Paris. in 8. impensis Ioannis Petit.

Verbum diuinum est alicubi, vbi non est natura assumpta: Ideo ipsum alicubi est homo, & est alicubi non homo, &c.

NOTA,

NOTA. *Annon hoc est rotundè negare sententiam Lutheranorum de Omnipresentia Humanitatis Christi?*

IOANNES GERSON

An. Chr.

Parte 4. Sermone in festo Pasche, folio 97. lit. E. 1420.

& D. Editionis Parisiensis apud Ioannem paruum, & Franciscum Regnault, anno 1521.

ET ad infernum descendit ad Patres sanctos liberandos, qui propter originale peccatum illic detinebantur, & ibi anima Domini nostri IESU Christi tamdiu fuit, quamdiu pretiosum corpus eius fuit in sepulchro. O grandis lætitia! magna solennitas fuit in ea parte inferni, cum viderent, quem tantoperè desiderarant, & Dei visionem, quam postula-uerant & expectauerant, tunc receperunt. Mirabile. Inferni pars vna paradus fit, aduentu Domini nostri IESU Christi. Reor omnem locum illum gloriâ repletum fuisse, cum Domini nostri IESU Christi anima ad inferos descendit, persona Domini nostri IESU Christi, quæ diuina est, & æterna, in inferno erat animæ vnita, & in sepulchro corpori iuncta, durante ita tempore ab hora mortis suæ, ad Resurrectionis suæ vsque horam, partes Humanitatis Domini nostri IESU Christi separatæ fuerunt, anima gloriosa erat: corpus verò
quamdiu

quamdiu in sepulchro iacuit, gloriosum non erat, quoad usque anima denuo fuit unita.

NOTA Prius argumentum semper recurrit de anima sola Christi, in infernum descendente; corpore solo, sine anima, in sepulchro relicto, tempore illius tridui, in quo nec corpus fuit Vbiq̃ue, neque anima; tametsi Diuinitas utrique unita manserit, & ipsa in se Vbiq̃ue fuerit. Et in quacunque partem se vertant Vbiq̃uista, ex hoc labyrintho nunquam egredientur. Frustra est distinctio de inuisibili & illocali presentia.

An. Chr.
1430.

LAVRENTIVS IVSTINIANVS

Basil. apud Froben. 1560. fol. 508. in fine.

DE Triumphali Christi agone, cap. 22. Istiusmodi peruationes dum increduli audiunt, & obstinatissimo animo in sua perseverant perfidia; inuictissimus Christianæ militiæ propugnator, relicto corpore exanimato in tumulo, ad Tartaricam descendit inferni mansionem, quatenus vniuersos Patres in illa regione umbræ mortis positos, de ergastulo tyrannicæ seruitutis eriperet.

Et infra in fine cap. folio 511. Experimento tunc cognouit Propheta, quod dixerat: Satiabor, cum apparuerit gloria tua. Hoc ipse, hoc Patres percipere, & cæteri, cum se illis Verbum essentialiter propalauit. Nusquam t o r v m illud erat triduo; quod in tumulo

cor-

Corpus remansit *exanime* ; anima verò vnita discessit : In ipsa vtique regione poenarum ed vsque sustinuit , quoad vsque dispensationis suæ profluxerat tempus ; in quo resumpto Humanitatis corpore prorsus immortalitate vestito , illud in perpetua æternitate proueheret.

NOTA. Quando dicit, Anima vnita discessit, intellige, anima vnita Deo, seu persona diuina, discessit à corpore, illudque tribus diebus reliquit in tumulo seu sepulchro. Ergo non fuit Vbi- que ; ut iam sepe dictum.

CONCILIVM BASILEENSE

An. Chr.

Damnauit hoc Concilium Augustinum de Roma, Archiepiscopum Nazarenum, qui dixit: Dux naturæ in Christo æqualiter diliguntur à Deo, & æqualiter sunt diligibiles, propter vnā personam.

1431.

NOTA. Hoc etiam Ubiquista dicunt ; quia dicunt, naturam humanam & diuinam esse æqualis maiestatis : ergo & æqualis perfectionis, & bonitatis, &c. ergo & æqualiter diligibiles à Deo. Quod enim alteri est æquale in bonitate & perfectione, est æqualiter diligibile. Quod autem dicant Ubiquista, humanam & diuinam naturam esse æqualis maiestatis, siue humana natura per sessionem ad dexteram, collatam esse æqualem, aut eandem maiestatem Deitatis, supra audiuimus in prole.

*prolegomenis, & sequitur ex sessione ad dexteram
Patris, iuxta illorum interpretationem; ut osten-
dimus id saepe in Notis ad varia loca SS. Patrum.*

An. Chr.

DIONYSIVS RICHEL

1470.

In Distinct. 22. lib. 3. sent. quest. 2.

Verumtamen apparet, quod ista propositio,
Christus seu Filius Dei, est homo Ubique,
vera sit, si illud *U B I Q U E* referatur ad subie-
ctum; quoniam ubicunque est Christus, ibi
ipse est Homo, quamvis eius Humanitas non
sit ibi.

*NOTA. Ista sunt iam saepius declarata,
& per se clarissima.*

An. Chr.

DIONYSIVS CARTHVSIANVS

1470.

*In parte 1. de tempore, impressa Colonia apud Pe-
trum Quentell, anno 1535. mense Febuario, in ca-
narratione Euangelij in die Pasche, fol. 119.
circa finem.*

Non est hic secundum Humanitatem, qui
secundum suam Diuinitatem implet cæ-
lum & terram.

*NOTA. Ergo non agnoscit hic auctor, Chri-
stum etiam secundum Humanitatem implere cælum
& terram post Resurrectionem, licet anima iterum
fuerit unita corpori; alioqui de ea impletionem Le-
ctorem quoque monuisset, nisi imperfectam doctri-
nam tradere voluisset: quod non est credibile.*

THOMAS

THOMAS DORNIBERG An. Chr. 1489.

Decretorum Articuli L. D. in Compendio Theologica Veritatis, Argentiua anno 1489. lib. 2. cap. 23. de Christi Ascensione in calum.

Ascendere conuenit Christo proprie secundum naturam humanam; quia secundum illam solummodo mutat locum, & non secundum naturam diuinam.

Et cap. 24. Dicimus ergo, quod Ascensio Christi fuit tam ad locum, quam ad dignitatem. In quantum quidem fuit ad locum, sic ascendit super omnes celos, id est, usque ad dignissimum locum cæli empyrei, siue ad altissimam eius partem, & quod nobilissimo Christi corpori congruit talis locus.

NOTA. Iuxta istum Auctorem si humana natura fuit etiam illocaliter & inuisibiliter *Ubiq.*, proprie non potuit ascendere, & mutare locum, ut sæpe probatum: quia nullo modo potuit moueri de loco in locum, neq. deferere locum, & alium acquirere etiam secundum substantiam, sine quo motus non est proprie ascensio, qualis ista fuit in Christo, quando in calum ascendit.

MARSILIUS DE INGVEN An. Chr. 1494.

Professor Heidelbergensis

Quæst. 13. in 3. sent. fol. 443. in fine Resp. ad 1.

Ex officina Martini Flach iunioris, ciuis Argentinæ, anno 1501.

N

Per.

Persona increata non habet partes: quamvis Christus secundum Humanitatem habuerit partes: unde corpus, quod erat in sepulchro, non fuit pars personæ Christi: Ergo cum totus Christus significet personam, non sequitur, totus Christus est ibi; ergo quilibet pars personæ Christi. *Et paulo post.* Est (Christus) Vbique totus, sed non totaliter, neque totum, quia non secundum omnem naturam.

NOTA. Cum Christus sit Vbique secundum naturam diuinam, non autem sit Vbique secundum omnem naturam, & præter diuinam non habeat nisi humanam, necesse est, eum secundum humanam naturam non esse Vbique, iuxta hunc Doctorem.

An. Chr.
1490.

G A B R I E L B I E L,
Professor Tubingensis

*In 3. sententiarum dist. 22. q. unica art. 3. dubio 2.
Basilea typis M. Jacobi de Pforzen,
anno 1512.*

Secundò dubitatur, vtrum concedendum, quòd ille homo, demonstrando Christum, est Vbique. Responderetur primò de re: quòd cum in Christo sint duæ naturæ, humana & diuina, realiter distinctæ, sola diuina natura propter sui infinitatem est Vbique: sola enim natura diuina est infinita; natura autem hu-
ma-

mana in Christo, quæ pura creatura, & finita, est in loco determinato, puta in cælo, aut in Sacramento; unde Innocentius dicit, quod Christus est alicubi personaliter, alicubi sacramentaliter, alicubi localiter; in cælo localiter, in Altari sacramentaliter, ubique personaliter: sacramentaliter & localiter secundum naturam humanam, ubique secundum naturam diuinam.

NOTA. Disertissimè refutat Gabriel Vbiquitatem Humanitatis Christi, dum dicit, Sola natura diuina propter infinitatem suam est Vbique. Quando ergo deinde ait, naturam humanam esse puram creaturam & finitam, adeoque esse in loco determinato, quid aliud dicit, quàm non esse in omnibus rebus inuisibiliter & illocaliter? cum expresse deinde assignet tres illius modos existendi in rebus, nempe personaliter, sacramentaliter, & localiter: nullam autem faciat mentionem Vbiquitatis inuisibilis & illocalis ipsius Humanitatis; quam urgent hodie Vbiquiste.

IOANNES ALTENSTEIG An. Chr.
Mindelheimensis SS. Theologiæ 1515.
Doctör.

In suo Lexico, verbo Resurrectio, edito Antuerpia
in adibus Petri Belleri, sub scuto Burgun-
dia anno 1576. f. 283. circa finem.

Sicque secundum carnem immortalis resur.

rexit: secundum hanc enim cecidit, dum anima à carne per mortem separata fuit; animæ itaq; & corporis reunio, resurrectio dici potest. Et hoc est, quod dicitur, EXTRA, de summa Trinitate, & fide Catholica, Cap. FIRMITER. descendit in anima, resurrexit in carne, ascendit pariter in utroque.

NOTA. Iterum redit argumentum de anima separata à corpore, contra Ubiquitatem insolubile.

An. Chr. THOMAS CAIETANVS Cardinalis

1520. *In quatuor Euangelia apud Ioannem Radium.*

Ascensum, & Ioannem Paruum, & Ioannem

Boigny 1532. in Matth. cap. 28. fol. 80.

pagina versa lit. k. & r.

NON est hic, surrexit enim.) Voluit diuina prouidentia IESV resurrectioni (quæ facta est non coram hominibus videntibus, cadaver eius resurgere, sed sepulchro clauso) testimonium primum perhiberi ab Angelis, ut illi, quibus certissimè constabat, IESVM resurrexisse, annuntiarent, & testificarentur hominibus. (Sicut dixit) affert Angelus verificationem dictorum IESV, quæ erant nota mulieribus, ut fidem adhibeant tam læto nuntio ac testi. (Venite) inuitat ad perficiendum coeptum iter; substiterant enim. (Videte locum) etiam vacuitatem sepulchri affert in testimonium

nium, quod sufficiebat ad comprobandum primum dictum, scilicet, non est hic; & credibile reddebat secundum, scilicet, surrexit.

Idem in Matth, cap. 28. fol. 82. in principio.

Sum) non dicit ero; tùm vt significetur, se esse verum Deum, qui semper est, nunquam fuit, nunquam erit; tùm vt intelligamus, promitti nobis per hoc non præsentiam Iesv corporalem, sed diuinam.

Idem ad Ioannis caput 16 folio 147.

Ad eum qui misit me) vt intelligamus, quod secundum quod homo, secundum humanam naturam, in qua missus est, vadit ad Deum Patrem mittentem.

NOTA. Caietanus extra Sacramentum Eucharistie, non agnouit in Christo ullam præsentiam, nisi corporalem & diuinam. De inuisibili Ubiquistica ne somniauit quidem: sed dixit, per diuinam Christum esse Ubique, & secundum eam nobis adfuturum vsque ad consummationem sæculi, non autem secundum præsentiam corporalem, quo ipso negauit fortiter Omnipræsentiam Humanitatis Christi Lutheranam, saluâ tamen Eucharistiâ.

IOANNES ECKIVS

An. Chr.

Tomoz. Homil. de SS. De resurrect. Domini, Homil. 1. num. 1.

1524.

DEscendit ad inferos, resurrexit à mortuis.

N 3

Glo.

Gloriosa enim & benedicta anima Christi die Parasceues per mortem à corpore dissoluta, reuerà & essentialiter descendit in limbum, liberare & eripere Patres. *Vide etiam eundem eod. tomo, Homil. 3. in die Corporis Christi, n. 2.*

NOTA. *Claritas horum verborum non indiget explicatione, de anima Christi à corpore soluta, & eius vero ac proprio descensu ad limbum Patrum in Inferna ad liberandos eosdem. Vnde consequens est, Christum non fuisse Vbique, secundum Humanitatem, ex Eckij doctrina.*

An. Ghr. IOANNES ROFFENSIS Episcopus

1526. *Contra Occolampadium in Editione prima, Colonia per Petrum Quentell, mense Februario anno 1527. libro 2. cap. 23. in fine, fol. 46. versa pagina, in princip. litera B.*

ESt aliquando corpore præsens, vbi non adest per gratiam, nimirum in peccatoribus, qui Sacramentum indignè suscipiunt; & est aliquando per gratiam præsens, vbi nequam adest corpore, vt in his, qui fidem habent, citra sacramentalem corporis esum. Et demum est alicubi, vbi neque per gratiam adest, neque per corpus, sed per potentiam suæ Deitatis, quomodo nusquam eum non esse credimus; sed nihil horum vetat, quò minùs vbiunque fuerit hoc Sacramentum, ibi sit & Christus in eo realiter.

Idem litera F. lib. 5. c. 32. folio 163.

Non

Non disquisit in ea Epistola Augustinus. An idem corpus esse queat variis in locis, sed an oporteat Christum secundum Humanitatem (propterea, quod Deo Verbo coniungitur) vbique per vniuersum diffundi, sicut & Verbum ipsum, cui vnitur, creditur esse diffusum. Et docet, id nequaquam consentaneum esse, atque ob id proximis verbis ante illa, quæ recenses, ait secundum hanc formam non est putandus esse diffusus, hoc est, secundum formam Humanitatis, quanquam Deitas eius vbique sit. Nihil igitur ad hanc Epistolam attinet, an idem corpus queat esse duobus pluribusue locis, sed an Corpus Christi sit Vbique, sicut & eius Deitas Vbique præsens esse creditur.

Idem dicto folio lit. F. Ecce ! ex his verbis Augustinus apertè docet, quid excutiat in illa Epistola, nimirum an Christus, quatenus homo, sit Vbique, sicut & Deus est Vbique.

Et litera G. Huc etiam tendit hæc argumentatio, quâ tandem subinfert, IESVM Christum, qui Deus est & homo, per id, quod Deus est, Vbique esse; per id verò, quod homo est, in cælo esse. Si hîc dixisset Augustinus, tantum in cælo esse, ô quantum triumphum egisses !

Eodem libro 5. cap. 33. folio 164. litera B.

Quis dicit, Corpus Christi Vbique esse ? neque enim sequitur : potest per operationem

Dei corpus aliquod Vbique esse. Igitur ita est de facto. Neque enim Deus ad effectum perducit, quidquid potest. At vrget, potest ergo Deus ad effectum reducere. Potest vtrique, modò velit: nihil enim apud Deum impossibile est. Nam potuit tria tantum ab initio loca creasse; & in singulis horum trium Christi corpus instituisse, quòd si Deus ad hunc modum fecisset, iam profectò verum esset: hoc corpus est Vbique: est enim in omni loco: nec propterea sequitur, quòd ipsum Deus sit. Quoniam inde nulla colligitur infinitas, quòd non suapte naturà sit Vbique, sed per forinsecam operationem Dei duntaxat.

NOTA I. Si Christus secundum Humanitatem est illocaliter in omnibus rebus præsens, falso dixit Roffensis, Christum esse alicubi per gratiam presentem, ubi nequaquam adsit corpore: Nam in iustis & Deum amantibus, etiamsi non adesset sacramentaliter, adesset tamen illocaliter & inuisibiliter, iuxta Vbiquitatem, etiam corpore. Vbi autem aliquid corpore est inuisibiliter, & illocaliter, non potest de illo verè dici, id nequaquam adesse corpore.

NOTA II. Pulcherrimè & disertè ait Roffensis, S. Augustinum in epistola ad Dardanum negasse, Omnipresentiam Vbiquisticam ex unitione, seu unione hypostatica sequi.

NOTA III. Non prodest Vbiquistis, tamen si
di.

dicat *Roffensis*, Vnum corpus per Dei absolutam Omnipotentiam posse Vbique & in omnibus locis poni: non tamen hinc sequitur 1. de facto Corpus Christi sic esse Vbique iam positum. 2. non sequitur, illud corpus sic positum Vbique, proprie & vere posse loco moveri. Et sic Christi corpus cum reuera secundum citatas Scripturas, & sententiam SS. Patrum, proprie debuerit concipi, nasci, huc & illuc moveri, ut docet etiam Sym. holum, non potuit in omnibus locis poni, & esse Vbique, licet aliquod aliud corpus posset alias Vbique esse presens, sed tunc quoque redderetur immobile.

NOTA IV. Aliud quoque est potentia Dei absoluta, aliud ordinata, & posito hoc statu rerum. Potest Deus aliquid absolute, quod non potest, posita aliqua hypotthesi, nempe Scriptura predictione Christum esse futurum hominem, nasciturum ex Virgine, Hierosolymam ascensurum, ut ibi tradatur Gentibus ad flagellandum & crucifigendum, &c. & proprie loco mouendum, ita ut secundum substantiam unum locum deserat, & alium adquirat, &c.

THEOLOGICA FACULTAS

Parisiensis.

Initio libri Natalis Bedæ ante citati, habetur
hoc testimonium.

De consensu Facultatis Theologica Parisiensis super his libris emittendis Testimonium.

N 5

Cum

An. Chr.

1525.

CUm multi dicerentur errores inueniri in Commentariis, quos M. Iacobus Faber in Epistolas Pauli, & in Euangelia edidit; multi etiam in Paraphrasibus, quas in Nouum Testamentum euulgauit Erasmus Roterodamus; scripsissetque in confutationem illorum M. Natalis Beda Parisiensis studij Theologus nonnulla, quæ pro more iam obseruato, suæ præsentasset Facultati, ut per illius deputandos visitarentur, ipsis perlectis, post factam in Facultate eadem per deputatos ad id relationem, super his, quæ in huiusmodi Bedæ scriptis comperissent: consensit & permisit Facultas, ipsos libros imprimi, & venditioni exponi, tanquã qui vtiliter & piè possent legi, utpote qui pleraque complecterentur ad declarationem defensionemque veritatis. & reuincenda PERVERSA DOGMATA, non parum conducantia. Et pro libris quidem FABRI hoc determinauit ipsa Facultas, 15. die Februarij, anno 1525. in æde S. Maturini. Pro libris autem ERASMI 16 Maij, Anno 1526. in Collegio Sorbonæ: quemadmodum ex eiusdem Facultatis decretis authenticè signatis, quæ apud impressorem asseruantur, constat.

An. Chr.
1526.

NATALIS BEDA
*In Iacobi Fabri Stapulensis Commentarios, epist. 1.
ad Corinth. c. 12. Paris. in fol. apud Iacobum
Badium, anno 1526. f. 88, hac habet.*

Pro-

Propositio CXIIII. *Fabri.* Corpus Christi, id est, assumpta Humanitas, cælum implet & terram; est enim, vbicunque Verbum Dei est, quia Verbum caro factum est. Quare Verbum nusquam est sine carne.

Confutatio.

Quoniam nonnullis, pro huius assertionis explicatione, per Iacobum designatis, ipse ait: verum aliàs (si Deus aspirauerit) de hac materia amplius: cui quidem sponsioni utique non defuit: consultum existimaui huc vocare, quæ post annos circiter decem præstando, quàm dederat fidem, super Ioannis cap. 14. scripsit, illic quidem ipso Doctore ita legimus. Cum Filius sit in Patre, & in omnibus Sanctis, qui sunt in cælo & in terra: an etiam corporaliter sit? quidni? sed absq; modo. Nisi dicas diuino & incomprehensibili modo: qui non tam modus, quàm non modus dici debet. Et mirum, si id fides non diceret: cum videat simul in Iudæa, Africa & Europa, locis innumeris, Filium Dei in corpore sacramentaliter esse. Quid enim dicitur Sacramentaliter: modus est. Quomodo ergo si subtrahat modum, non videat vbique Filium Dei corporaliter, sed sine modo ac supra omnem modum esse? vbicunque sanè Christus est, Christus incarnatus est: incarnatus autem sine

sine corpore non est. Et magna est fides, cognoscere Christum corporaliter esse, ubi sacramentaliter est. Sed maior est, cognoscere eum absolute ubique corporaliter esse. Nam hoc est sine modo cognoscere: illud cum modo. Fides autem, quæ est absque modo, maior est, quàm quæ modum habet. Sic ad Verbum Iacobus.

Ecce! quid per duo annorum lustra Iacobus super Christi corporis essendi modo secum adinuenit! nouum omnino sanè dogma. Non enim illum sanctus aliquis Doctorum istud docuit, sed erroris spiritus: ut quod nullus vnquam verus sapuit Theologus, damnaibili singularitate agitatus mundo afferret. Quod planè & hæreticum est, & blasphemum: quòdque rident & exspuunt, vel Theologicæ scholæ tyrunculi. Nimirum non sine mysterio permisisse videtur Dominus: ut Iacobus modum hunc per non modum explicaret. Porro citra omnem modum, contra omnium fidelium, & præsertim Theologorum, communem fidem, hæc somniauit, & orbi præsumpsit offerre, puerili sophismate lusus, quo sic argumentatur. Ubique Christus est; (hoc fide pura confitemur) Christus incarnatus est: (& hoc certa tenemus fide.) At quæ inde colligit: ubicunque ergo Christus est, ibi incarnatus est, hoc ut blasphemum reiicimus,

Re-

Repuerascant Iacobus, & Logicos (quos tam diu instruxit) vel senex audiat. Hi quidem à præceptoribus Theologiæ non omnino expertibus imbuti, admissio (quod fidei est) eundem hominem in diuersis distantibus posse esse locis: si inferas: ergo si (verbi causa) sedet aut dormit, vel nudus omnino est, qui Parisiis videtur, aut certo indumentorum genere vestitus conspicitur: ille, qui idem numero supponitur in Iudæa esse & Hybernia, vel aliis quantumlibet distantibus locis, vbicunque fuerit, sedebit, sicut Parisiis, aut dormiet, vel nudus omnino erit, aut eodem omnino genere vestitus indutus, hoc planè inficiabuntur, & meritò quidem: nam corpus hominis nulla sequuntur necessitate, quæ extrinseca sunt. Inualida est igitur omnino hæc Iacobi connectio: Vbique Christus est, & alicubi, imò & innumeris locis humana (vt sic loquamur) carne vestitus, hoc est, incarnatus: vbicunq; ergo est, incarnatus est. Et proinde formatam hanc colligendi (quam solus Iacobus sibi formatam reposuit) Adolescentes exhibitant dialectici, & quidem iure optimò. Si enim historiis fidei non nihil adhibendum est, Beatus Ambrosius simul tempore visus est apud Turonos in sancti Martini adesse exequiis, & quasi in actu contemplationis: & veluti dormiens ad stare videbatur Altari in Mediolanensi

nenſi Eccleſia. Non itaque vno in loco eadem ſe habebat corporis diſpoſitione, quā in alio. Mediolani ſiquidem ut ſopitus cernebatur: in Galliis verò ſollicitè quam funeris poſcebat neceſſitas, & impigrè exercens. Et ſive iſtud recipiatur (quod tamen nullam prorsus claudit impoſſibilitatem) ſive non: firmum tamen ſtat, quod dictum eſt: non oportere videlicet poſito per miraculum (quemadmodum in locis innumeris ſacramentaliter eſt ſanctum Chriſti corpus) homine in pluribus locis: ut ſi ei (Pariſiis loquor) ſedenti certā horā, eadem etiā illum ſedentem apud ſidonem, vel Tyrum compellem. In quo abſurdiſſimè Iacobus (qui hortatur, ut omnes hoc in negotio ab illuſione ſibi caueant) illuſus eſt. Quod manifeſtè docet diuinarum perſpicaciſſimus rerum cenſor Auguſtinus libro de præſentia DEI ad Dardanum. Monſtrat namque illic, quod nullus cogitari poſteſt locus, ubi non ſit Deus, per Scripturas: quales ſunt. Cælum & terram ego impleo. Et in Sapientiæ: Spiritus Domini repleuit orbem terrarum. Item & quod DEO David dicit: Quò ibo à ſpiritu tuo, & quò à facie tua fugiam? Si aſcendero in cælum, tu illic es: ſi deſcendero in infernum, ades. &c. & aliæ plurimæ ſunt ad hoc. At de Chriſto ſecundum carnem priùs eloquens, ſic ait: Non eſt
 pu-

Parte Ope-
rum 6. cap.
5.

Ierem. 23.
Sap. 1.

Pſal. 138.

Cap. 3.

putandus Christus secundum quod homo est, Vbiq; diffusus. Cauendum est enim, ne ita diuinitatem astruamus hominis, vt veritatem corporis auferamus. Non est autem consequens, vt quod in Deo est, ita sit Vbique, vt Deus: Nam & de nobis veracissima Scriptura. Act. 17. ra dicit, quod in illo viuimus, mouemur, & sumus. Nec tamen sicut ille, vbique sumus: sed aliter homo, id est, humanitas in Deo: quoniam & aliter Deus in homine, proprio quodam & singulari modo. En! apertissimè, quod præmisimus, tradit aquila Doctorum. Cui si nondum cedit (quod tam necessarium fuerit: aut cum pertinaciter hæreticis æternum perire) Iacobus, audiat quàm absurda, quàm blasphema, quàmque religioni Christianæ inopinabilia sequuntur, quod asseruit: scilicet quod ex quo incarnatus est Dei Filius, quia Vbique est, & nunquam ab eo separatur assumpta semel Humanitas: vbicunque ille est, necessario & ipsa est hominis (quam sibi vniuit) natura. Ad hoc dubio procul consequens est, vt Gabrieli paronympho cum primum assensit Virgo sancta, dicens: Ecce ancilla Domini: fiat mihi secundum verbum tuum. Corpusculum illud (quod pro sententia Doctorum, omnium qui in matrum uteris vnquam fuerunt infantium, vt sic loquar, minimum fuit) repente erat extra uterum: neque

Luc. 1.

que solùm in manibus matris, sed & in sum-
 mis celorum, in medijs, in infimis: neque ibi
 modo, verùm & in inferno, in profundo ma-
 ris, in ore Herodis, aliisque quamlibet vili-
 bus locis singulis orbis. Cur hæc, si dicat mihi Ia-
 cobus, meum dicis consequi dogma; quæ
 nequaquam audire sustineat aures pie? Et res-
 pondemus: quoniam hæc omnia & stollia
 sine numero stultissime tuâ confessus es, asser-
 tione. Mox enim cum dixerat sacrata Virgo:
 Fiat mihi secundum verbum tuum: Dei Filius
 fuit incarnatus. Qui cum sit in cunctis per
 nos hic iam expressis locis, & alijs omnibus
 possibilibus: neque per te usquam peracta
 incarnatione esse Verbum potest, ubi non sit
 caro eius: paruulus ergo fœtus ille statim con-
 ceptus, ubique fuit. Dicat item Iacobus: in
 profundo inferni existens tunc in fantulas, ro-
 gos ne inextinguibiles sentiebat? In medijs
 pelagi vndis quomodo non continuò fuit
 obrutus? qui iam adultus (secundum homi-
 nem dico) sibi propter itineris angebatur la-
 bore, perens à muliere Samaritana potum,
 qui & quantum ad flagella & spinas & cla-
 uos, ceteraque omnia, quæ mortali corpori
 læsionem inferunt: fratribus, id est, nobis om-
 nibus assimilatus est: quomodo mox secun-
 dum carnem conceptus, insensibilis fuit?
 rursum corpusculum ipsum, quod quidem
 dum

dum in matris manet utero, de eius alimentum habet substantia; extra illum, hoc est, in cælo; in inferno, in mari, & ubique unde fouebatur? Audiat Iacobus: Nusquam fuit (hoc illi astruo) assumpta humanitas, priusquam ex utero nasceretur: nisi in utero. Neque dici debet assertiuè in pluribus simul vnquam fuisse locis, secluso Sacramento, nisi hoc certis doceatur testimoniis: quod non puto futurum. Alioquin natus Christus, & per beatam pannis inuolutus eius Genitricem (Iacobus dicat) nunquid in cælorum altissimis, aut infernorum infimis receptaculis existens Filius paruulus; infantilia omnia illa, quæ nobiscum subire dignatus est, tolerabat? Non esset Vtique finis absurdarum blasphemiarum, quæ Iacobi stultissimam sequuntur assertionem: Si quis per singula sequi vellet eius incrementa vitæ mortalis, quam in hoc gessit mundo, a-
dolescendo, prædicando, patiendò. Cum etiam ad hoc sua teneretur positione Faber: in cælo, in inferno, & ubique confiteri Christum in Cruce pendentem fuisse, & alia innumera, quæ in nullius vnquam fidelis venerunt mentem. Sed neque in solo sepulchro per tri-
duum erat corpus mortuum, sed ubique: & sic ab illo nunquam potuit anima separari. Item nec potuit Christus ad infernum descendere, nec ascendere in cælum, quæ ei solùm

competebant ratione carnis assumptæ; qui enim Vbique est, localiter minimè potest moveri. Denique si verum Iacobus somniauit: quomodo per consecrationis verba nouiter incipit sub panis & vini speciebus Christi corpus esse, quod nusquam deest? Sacramentaliter (inquit Iacobus) esse ipsum corpus alicubi: modus est. Vbique verò, si modum substrahat (fides scilicet,) simpliciter absque modo est. Hæc certè Iacobi noua phantasia Sacramenti prorsus tollit vim & dignitatem; nihil enim de nouo incipit præsentialiter esse, vbi nunquam defuit. Hoc tamen Iacobi dogma apud loca, vbi longam traxit moram, nonnulli etiam idiotarum (vt audio) perniciosissimè sequentes, cò peruenerunt dementiæ, vt dicerent. Ex quo (vt docet Præceptor Faber) ita Christus secundùm corpus in digito meo est, sicut sub ea panis particula, quam Sacramentum dicunt Sacerdotes: nulla amplior debetur tali reuerentia Sacramento, quàm cuilibet alteri creaturæ. Quàm pulchra igitur sit Theologia Fabri & scholæ eius, inde liquet, neque id obscurè. Illorum, & nostri, sua pietàte Dominus misereatur: regnùmque hoc Christianissimum clementer respiciat: excitetque eos, quibus incumbit, vt aduersus tam horrenda hæresum monstra ita Domini bella

getant, vt illis penitus oppressis, fidei puritas liberè sola vigeat. Amen.

IODOCVS CLICHTOVEVS

*De Sacramento Eucharistiae, contra Oecolampadi-
um, fol. 155. 156. 157. Parisiis apud Sim.*

Colinaum, in 4. antho 1526.

An. Chr.

1526.

PORRO quamuis secundum absolutam Dei
potentiam idem corpus simul in omni lo-
co constitui posset, vt iam dictum est, iuxta
insignium Doctorum sententiam, non vtrique
aspernandam: haud tamen apto consequio id
colligit in praesentia uillo Aduersarius, quod
si in pluribus locis simul idem corpus esse po-
natur diuina virtute, eodem iure admitti de-
bere, ipsum simul esse in omnibus locis, quo-
niam non sit valentior ratio (vt ait) quare in
hoc, aut illo sit loco, quàm in alio quouis.
Nempe sola diuina voluntas sufficiens est, &
efficax ratio, cum sua lege ordinata, atque à
se constituta, quare idem corpus (vt ipsius
Christi in Eucharistia) in pluribus sit locis di-
uersis eodem tempore, & non in omni loco.
Quia scilicet non Dei placitum est voluntati,
illud sacrum corpus in omni loco, sicut in
pluribus diuersis reponere. Enimuero secun-
dum positam à Deo Legem, extra caelum & a-
pud nos non subsistit sanctissimum illud cor-
pus: nisi modo sacramentali, & in sacro Eu-

charistiæ mysterio. Atqui non passim in omni loco consecratur Eucharistia: aut consecrata asseruatur in honesto, & decenti sacrario. Cum & celebrationi mysteriorum, & consecrationi Eucharistiæ suus sit designatus Ecclesiasticâ sanctione locus: in quo utrumque pro dignitate fiat. Est igitur in his & illis locis (eos demonstrando, ubi sancta est Eucharistia, per Missæ consecrata celebrationem, aut per consecratæ hostiæ conseruationem) corpus Christi reuerà præsens, quoniam hîc & illic sacramentaliter subsistit, & sub venerandis Eucharistiæ signis: in his verò & illis locis (alios demonstrando, ubi non est sacra Eucharistia) non est corpus Dominicum præsens: quoniam hîc & illic non est subsistens modo sacramentali, & sub sacro Eucharistiæ velamine.

Cæterum quòd non sit sentiendum, nec dicendum, corpus Christi reipsa nunc esse Ubique: perspicaciter edisserit B. Augustinus in lib. de Præsentia Dei ad Dardanum, cap. 3. ubi de Christo secundum carnem assumptam loquens, ait: Noli itaque dubitare, ibi nunc esse hominem Christum IESUM, vnde venturus est. Memoriterque recale, & fideliter tene Christianam confessionem: quoniam resurrexit à mortuis, ascendit in cælum, sedet ad dexteram Patris, nec aliunde, quàm inde venturus est ad viuos

viuos mortuósq; iudicandos. Et sic venturus est illa Angelica voce testante, quemadmodum ire visus est in cælum, id est, in eadem carnis forma atque substantia: cui profectò immortalitatem dedit, naturam non abstulit. Secundùm hanc formam, non est putandus Vbique diffusus. Cauendum est enim, ne ita Diuinitatem astruamus hominis, vt veritatem corporis auferamus. Non est autem consequens, vt quod in Deo est, ita sit Vbique, vt Deus; nam & de nobis veracissima Scriptura dicit: quòd in illo viuimus, mouemur & sumus, nec tamen sicut ille, vbique sumus, sed aliter homo ille in Deo: quoniam & aliter Deus in homine, proprio quodam & singulari modo. Hæc Augustinus. At verò non recto id trahi consequio, vt corpus Christi ratione vnionis suæ cum Diuinitate, diffusum sit per omnia, & Vbiq; sicut & ipse Deus (quemadmodum nunc adducta Augustini verba, vel apertissimè testantur) facile & hoc potest argumento conuinci, nam in triduo sepulturæ Dominicæ, sacrum Christi corpus erat in sepulchro vnitum Diuinitati: & non in partibus terræ inferioribus, vbi tamen erat ipsa Deitas, sanctæ ipsius animæ vnita. Et è diuerso anima ipsa Christi in abyssis terræ tum erat, & non in sepulchro: vbi tamen erat Diuinitas vnita sacro eiusdem corpori. Simili-

ter in hominē caput vnitur animæ rationali, non tamen est, vbicunque fit eadem anima. Non enim est ipsum caput, vbi est eiusdem hominis pes, etiam vnitus eidem animæ; neque pes hominis est, vbi caput eiusdem: licet ambæ illæ partes eidem animæ vniantur, etiam toti in singulis earum. Non igitur quod alteri vnitum est, oportet in omni esse loco: vbicunque est id ipsum, cui vnitur. Porro prædictis Augustini ad Dardanum verbis, succinit & Anshelmus, eandem de subsistentia corporis Christi in pluribus locis, non tamen simul in omnibus, hisce verbis corroborans sententiam: nec tamen naturam corporis Domini Vbique esse dico: quia nec opus est, nisi vbi vult, & vbi fidei certo Sacramento hoc operatur, ad quod assumpta est & glorificata: mysterium scilicet saluationis humanæ.

An. Chr. **GEORGIUS CASSANDER**

1564. *In Consultatione de articulis Religionis; articulo 3. edit. Colon. de anno 1573. in 8. f. 7.*

EX hac autem vnione humanæ naturæ cum Diuina, quæ facta est per Incarnationem & Assumptionem humanæ naturæ à Verbo, orta est iam olim quæstio (quæ nunc vehementer exarsit) de humana natura in persona Christi, asserentibus nonnullis, iisque principibus huius causæ, & vt regulam fidei asserentibus,

tibus, humanam in Christo naturam, propter vnionem hypostaticam cum Verbo, & maxime propter sessionem ad dexteram, totius Maiestatis diuinæ esse participem; ita vt ratione huius vnionis & sessionis humana natura sit Vbique, haud aliter atque ipsa Diuinitas, vtrâque naturâ inconfusâ manente.

Quæ sanè sententia hætenus in Ecclesiâ Christi inaudita fuit, omnibus tam veteribus Ecclesiasticis, quàm recentioribus Scholasticis, vno ore profitentibus, Christum esse Vbique, secundum quod Deus est; in certo autem loco & modo in cælo, secundum quod Homo est, vt diffusè disputatur ab Augustino epistola ad Dardanum. Atque ex hac proprietatum distinctione, naturarum quoque distinctionem aduersus Eutychianos concluderunt. Quemadmodum igitur non sequitur, vt quia humana naturæ æternæ vnita sit, ideo quoque sit æterna, ita nec sequitur, vt quia infinitæ & immensæ naturæ sit vnita, ipsa quoque infinita sit & immensa. Neque verò hæc inseparabilis coniunctio Diuinitatis & Humanitatis id effecit, vt Vbicunque sit Diuinitas, ibidem quoque Humanitatem esse, necesse sit. Hæc enim ita inter se affecta sunt, vt alterum ab altero excedatur. Thomas contra Gentiles: In nobis, inquit, natura excedit personam, quia Humanitas reperitur extra indiui-

duum suum: Verùm in Christo excedit persona naturam assumptam, quia persona illa Vbiq̃ue est, non assumpta natura. Huius rei quaecunque exemplum afferri potest, de anima & corde, quæ in homine, & tamen non vbicunque est anima, ibi est cor. Anima enim est in toto corpore, cor verò in media corporis parte.

Neq; verò dextera Patris ad quam Christus assumptus est, VNQVAM à QVOQVAM sic intellecta fuit, vt ex ea immensitas, vel (vt puncto loquuntur) VBIQVITAS corporis Christi seu humanæ in Christo naturæ statueretur, sed per eam omnes summam & præcipuam felicitatem, vel iudiciariam potestatem Christo homini collatam intellexerunt. Illud verò nouum & inauditum, quòd ex hac immensitate Humanitatis Christi præsentiam corporis Christi in Sacramento Eucharistiæ confirmant, quam alij magis & rectius ad diuinam voluntatem, & omnipotentiam referunt; quemadmodum illi, qui cum veteribus Humanitatem Christi finitam agnoscunt, contra veteres ex eo præsentiam corporis Christi in sacrosancta Eucharistia tollendam sentiunt.

NOTA I. Georgij Cassandri testimonia sæpè videntur Lutherani contra Catholicos in iis, quæ præstant nobis aduersari; & vix inuenire tunc possunt satis speciosa & honorifica verba, quibus illud

hunc commendent: patiantur ergo nunc nos quoque
viri testimonia illius contra ipsos. Et quamvis neq;
Catholicè omnia tradiderit, neq; tamen Lutheranus,
aut Calvinianus fuerit; sed bona fide pacifi-
cator esse voluerit inter omnes, & magis Indiffe-
rentista, quàm ullius alterius sectæ; cuius erro-
res benè refutauit Bellarminus lib. 3. de Laicis,
cap. 19. & Fratres Valenburgij in Motibus Do-
mini Landgrauj, Motiuo 3. cap. 10. tamen de hac
Controuersia scripsit, quantum sciuit tunc tempo-
ris, hoc est, anno 1564. communi sensu in Germa-
nia de Ubiquitate notum & receptum fuisse. In qua
sua sententia ferenda Lutheranis Ubiquistis è dia-
metro aduersatur, & eos autoritate veterum ac
recentiorum benè confutat, additque rationes
tam euidentis & solidas, ut eas nullus aduersa-
riorum hactenus potuerit soluere.

NOTA II. Idem Cassander in fine etiam
Caluinistas & Zuinglianos carpit, quod cum ve-
teribus Humanitatem Christi finitam agnoscant,
contra veteres tamen ob hanc ipsam finitatem,
ipsius, corpus Christi in Eucharistia præsens esse
negent, de Diuina voluntate & omnipotentia Dei
nihil cogitantes: in quo notandum est, ipsius iudi-
cio, etiam veteres, sententia Catholicorum de præ-
sentia corporis Christi in Sacramento, fuisse adsti-
pulos.

Nota III. Ex quo etiam manifesta est ca-
lumnia Pupilla Saxonica, fol. 423. & magni libri

*Lipsiensis, fol. 824. de Catholicis, quod illi primum aliquot annis post sancitam pacem religionis anno 1555. sententiam, qua negat Ubiquitatem, in suam Ecclesiam inuexerint, qua antea semper aliter docuerit, & cum Ubiquitariis senserit tot faculis: quod reuera est ingens mendacium, uti toto hoc libro demonstratur; quia omnium seculorum Patres & Doctores Orthodoxi Ubiquitatem doctrinam semper damnauerunt. Id quod etiam Illustrissimus Marchio Badensis Iacobus in suo Moti-
no 2. fol. 131. testatur; nempe aliquos Ubiquistarum nunc clamare, olim Catholicam Ecclesiam etiam credidisse, & defendisse doctrinam de Omnipresentia Humanitatis Christi; sed per Iesuitas primum ab ea deflexisse sententiam; quod dicere, ait, esse dedecus in calum, seyein Schand in Himmel / vnd wäre allein gnug die Lutherische Lehr auß solchem Angeben zuverdammen / & vel solum sufficere ad Lutheranam doctrinam, ex tali relatione, condemnandam. Quisquis enim uerum monumenta Doctorum vel oblique inspexerit, mendacium Lutheranorum manibus palpat.*



CLAVDIVS SAINCTES, An. Chr.

Episcopus Ebroicensis

1575.

*In Tractatu de rebus Eucharistia controuersis ;
Parisis ex officina P. S. Huillier, via Iacobaa, sub
signo Olinae, anno 1575. Repetitione 4. cap. 8. De U-
biquitate Humanitatis Christi, siue de Omni-
presentia contra Brentianos,
sic scribit :*

Quemadmodum antè monui, peccant Brentiani & Sacramentarij, quòd nimium suis ingeniis arrogant, & cupiditate vincendi ad dexteram & ad sinistram nimium inclinent. Peccant, quòd ex particularibus imperitijs sine scripturis, imò contra scripturas, vniuersalia aut alia singularia, non satis necessario coherentia, violentius extorqueant. Nam Sacramentarij ex concessa natura humana Christi, & quibusdam proprietatibus eius necessariis ac substantialibus, alias omnes vniuersaliter exigunt etiam accidentarias, & à Christi Humanitate imprudenter ablegant conditiones omnes, quibus natura diuina humanam dotauit in Christo, ita vt ne tantillum quidem loci cōcedant ab ipso occupari posse supra corporis naturalis capacitatem, sed ipsum cum alijs creaturis vni & particulari spatio alligent. Brentiani contrà ex quibusdam admissis prazrogatiuis in eodem Christo supra

Ex quibus
principiis
errēt Bren-
tiani & Sa-
cramenta-
rij.

natu.

Ephes. 4.

Quomodo
Ecclesia
Catholica
inter vtrā-
que hære-
ses pugnan-
tes se ge-
rat.

naturam nostram, alias omnes etiam Diuinas proprietates, verisimiliter, vt illis videtur, consequentia, sed sacris Litteris minimè expressa, generaliter colligunt, & tantum non obliuiscuntur Christum fuisse hominem. Vt Sacramentariis ad imminuendam Christi maiestatem, in omnibus, quæ displicent, subseruit, assimilatum ipsum per omnia fratribus; ita iactant Brentiani: Ascendit super omnes caelos, vt adimpleret omnia: vt sicut Iouis, ita Humanitatis Christi colligant esse omnia plena. Ecclesia verò Catholica vtriusque naturæ essentiam, atque essentielles proprietates, factas tectas tuetur, vt Christus tam verè homo persistat, quàm est Deus benedictus in sæcula. De accidentalibus verò eiusdem Humanitatis Christi conditionibus non plus audet decernere, quàm ex scripturis per sanctas Synodos explicatis appareat. Priuato arbitrio & iudicio ex vnione personali nullas temerarias consequentias aut prærogatiuas Christo asserit, sed eas tantum defendit, quas Scriptura proponit, aut necessario colligit: alias confictas ab hominibus vel refellit, vel de ipsis per Scripturas non liquere ostendit, & Dei reseruat potentiae & consilio. Experitur, quàm sit acuta, audax ac fallax hominum industria, & quantum in Dei factis tæcutiat. Per suas illationes & consecutiones, nouit ho-

hominem mirum in modum delectari, ex musca Elephantem, & vicissim ex Elephante muscam reddere: in Christo ex Humanitate Deitatem, ex Diuinitate Humanitatem fabricare. Sic Manichæi ex eo, quod Diuinitatis plenitudo habitaret in Christo corporaliter, accepta ratiocinandi occasione, Christum non verè mortuum prædicabant: quia mors non caderet in corpus, vitâ immortali plenissimum. Alij nullo dolore affectum putabant in passione: qui vt rubigo ferrum ignitum non solet inuoluere, sic nec dolore potuisse dicebant tale corpus inuadi. Experitur præterea, quàm sit periculosa argumentandi formula, de possibili ad inesse, aut à simili, nisi de facto antea secundùm Scripturas constiterit. Ad Sacramentariorum autem & Brentianorum inimicas acies respondet, non ita vniuersaliter ab vtraq; parte accipiendam & interpretandam dictionem, *Omnia*, vt nihil omnino dematur, & excipiat: sed vocem, *omnia*, secundùm materiam aptam & subiectam exponi debere. Nam vt Christus *omnia impleuisse*, sic *omnia traxisse post exaltationem* dicitur: agebat de bonis spiritualibus Apostolus, cùm ait, Christum *impleuisse omnia*: siquidem istud quasi periphrasim Psalmi inseruit, quem allegat, *Ascendens Christus in altum, captiuam duxit captiuitatem, dedit dona hominibus*: qui vt adimple-

Errant
Brentiani,
& Sacramentarij
ex malè intellecta dictione, *omnia*.

Ecclesia
nuquam
credidit
Vbiquita-
tem corpō-
ris Christi.

pleret omnia à se promissa; ipse ascendit: quod-
niam spiritus nondum erat datus: eò quòd
nondum IESVS esset glōrificatus. Breuiter
Vbiquitatem siue Omnipræsentiam Humanitatis
Christi nusquam recipi, aut introduci su-
stinuit Ecclesia Catholica; quoniam ex As-
sumptione ad dexteram Patris, non à Scri-
pturis illata sit, sed vt nonnullis placet, ab Al-
bigeis, Stapulensi Fabro, Luthero & Brenzio
promulgata, neque necessaria ad Eucharistiæ
veritatem tuendam appareat.

Nihil nostrâ modò interest; an capiatur
Vbiquitas Humanitatis Christi, vt magnitudi-
ne & extensione corporis omnia locorum
spatia occupet & repleat, quemadmodum aër
per omnia diffusus in omnia loca sese exten-
dit: an intelligatur Vbiquitas per assistentiam
atque potentiam, sine corporali extensione,
vel diffusione substantiæ, aut alia crassa ex no-
stra carne imaginatione; quomodo dicitur
DEVS Vbique existere, omnia implere, attamen
nullo loco contineri aut coëxtendi. Etenim
ad Dardanum scribit Augustinus, in eo
ipso, quòd dicitur DEVS Vbique diffusus, car-
nali resistendum esse cogitationi, & mentem
à sensibus corporis auocandam, ne quasi spa-
tiosa magnitudine opinemur Deum per cun-
cta diffundi, sicut fumus aut humor, aut aër,
aut lux ista diffunditur. Omnis enim huius-
modi

S. Augult.
Epist. 57.

modi magnitudo minor est in sui parte, quàm in toto. Attestantur Scripturæ, neque corporalem, neque spiritalem Vbiquitatem DEO propriam, Humanitati Christi competere, siue ante Ascensionem siue post. Nam utriusque Vbiquitati aduersantur isti aut similes textus: *Gaudeo, quòd non fuerim ibi, ut vos credatis: Surrexit, non est hic: Hic IESVS, qui assumptus est à vobis in celum.* Imprimis hos textus & articulos de ascensu Humanitatis Christi, & reditu ad iudicandum viuos & mortuos, si interpretemur de locatione & situ corporali: igitur & post Ascensionem, sicut antea, corpus Christi ponitur alicubi corporaliter, neque ibi modo Diuinitatis existit, vbi circumscribitur loco corporeo. Sin exponamus scripturas illas de existentia spiritali humanitatis, sic etiam ipsum distribuere, & applicari corpori Christi oportebit, ut illo existendi modo alicubi ipsam adistere ostendant, alicubi negent, ac nequaquam simul omnia occupare. Ad quem enim locum spiritaliter, seu modo Diuinitatis ascendit, si tunc omnem impleuit? aut ad quem eo pacto descendat, quem nò etiam nunc repleat, si illo præsentiæ vestigio Vbique subsistit? Quòd si ratione effectuum, sicut DEVS, ascendere & descendere dicitur, non quòd moueatur loco: igitur Christus sua Ascensione aliquid operatur visibiliter in cæ-

Ioan. 11.
Matth. 16.
Actor. 1.

Vbiquitas
repugnat
Ascensionì
corporis
Christi,

Sap. 8.

lo, quò visibiliter ascendit, quod antea non agebat: & istud etiam operabitur vsque ad iudicium, quamdiu specialiter ibi esse creditur. Explicetur etiam, quid sit in Deo Vbiquitas, vt iudicetur, an Christi Humanitati possit congruere. Sapiens hoc scitè aperit: *Attingit, inquit, à fine usque ad finem fortiter, & disponit omnia suaviter.* Causam reddit, cur dicatur DE vS replere omnia: quia scilicet omnium rerum causa, vniuersa loca suis effectibus impleat, quos fouet & conseruat, extra omnem locum residens, & omnibus locis atque operibus suis incubans. An verò Humanitas Christi ipso sit Vniuerso capacior, vt etià extra ipsum immensa imporet, & operetur omnia ac foueat, vt Vbiquitatis diuinæ sit particeps, scripturæ & rationi credo repugnare. Attamen si æquatur Humanitas dextere DE i, & maiestati siue potestati, eò pertingat necesse est, vt vniuersalitatis capacitatem longè latèque excedat, & Christus, in quantum homo, omnia fulciat. Vt autem disputatio magis innotescat, repetendum Brenzianos fingere ex vnione personali Christo datam diuinam Omnipotentiam & Omnipræsentiam, ita vt ab initio Incarnationis & Conceptionis corpus Christi ex eorum sententia fuerit Vbique cum DE o, propter vnionem personalem, & tamen visibiliter inter homines

tes conuersatum fuerit , & mysterium Redemptionis obinerit , ac mortem atque alia pertulerit. Ista sanè ne quidem coherent inter se. Nam Deus non est aliter præsens Vbi- que, quàm illimitatus & incircumscriptus ro- tus in toto mundo , & totus in qualibet mun- di particula. Proinde si ex communicata Om- nipotentia Diuinitatis , eiusdem Omnipræ- sentiam Humanitati Christi Brentiani, ab in- stanti Incarnationis & vnionis personalis cõ- ferunt , semper corpus Christi fuit in toto mundo , & totum in qualibet mundi parti- cula : & nihilominus cùm in vita ageret, mo- uebatur motu physico & naturali, & ex vno loco in alium transibat. Hoc quidem est, in vno eodémque loco describere corpus Christi circumscriptum & incircumscriptum, defi- nitum & indefinitum, visibile & inuisibile, patibile & impatibile. Viderint, an ista possint villo modo simul consistere. Physico corpo- reoque motu ferri, agitarique illud tantùm dicitur, quod ex vno loco com meat in aliud, vbi prius non erat reuerà. Quomodo ergo corpus Christi Vbi que reuerà præsens erat, & tamen mutabat reuerà locum in suo motu na- turali & visibili ? Adde, quòd si ab eo tempo- re, quo Deus incarnatus est, eius Humanitas Vbi que existeret, apertè consequeretur, illum, priusquàm ex Matre Virgine nasceretur, ex-

Vbiquitas non potest dari corpo- ri Christi, ex vnione personali.

tra maternum uterum corporaliter fuisse, & postquam in lucem editus fuit, in utero nihilominus, sicut antè erat, remansisse, atque ita ex utero materno exiuisse nunquam. Adhuc ne animo quidem concipi potest corpus Dominicum, ante Christum passum in pari gloria & maiestate cum Verbo Ubique fuisse, & nihilominus pati & mori potuisse. Quomodo enim id, quod dolori, passioni, morti, ceterisque humanis miseriis obnoxium est, eadem cum verbo gloriâ & maiestate prædictum esse, aut dici queat?

Quòd si pergunt pertexere Brentiani corpus Christi ante resurrectionem, propter dispositionem redemptionis nostræ suspendisse aut occultasse maiestatem suam: ita ut habitualis in Christo solum diuina maiestas, & non actualis resideret, quemadmodum Andreas Schmidelinus distinguit; igitur vel non fuit corpus Christi unitum personaliter cum Divinitate ante resurrectionem; vel unio non fuit actualis, sed tantum habitualis: siquidem iuxta Brentianos unio personalis consistit in maiestatis & gloriæ communicatione. Ex quo fit, ut qualis habetur communicatio, talis sequatur personalis unio. Vno tandem verbo, Ubiquitatem refellimus, quòd Divinitati propria sit, à quâ nec omnipotentiam,

nec

hec alias suas proprietates Humanitati Christi
fuisse communicatas demonstrauimus.

Denique dogma istud Christo, Scriptu-
ris & Symbolis de Descensu Christi ad infe-
ros, & Ascensu ad celos repugnat: Scriptura-
rum & Patrum omni authoritate caret, ac te-
stimonio. Imò Patres ipsi manibus pedibús-
que reluctantur. Alij Humanitatem Christi
limitatam docent, & ex eo, quòd huc & illuc
commigraret, & in cælum ascenderit, Euty-
chetem conuincunt, & naturas diuidunt, ac
Christum Filium hominis secundùm Diuini-
tatem solam in cælo fuisse, cùm in terra uiue-
ret, distinguunt. Omnes suo ordine in fine
huius capituli collocabimus.

Brentiani vni personalis vnionis firma-
mento innituntur, ac putant in eo potissimū
sitam esse, vt vbicunque sit vna natura, ei al-
tera indiuisa comes assistat, ne alicubi compa-
riatur diuina sine humana; ne desinat & celi-
set vnio, ac soluatur Christus.

Deinde affirmant, vnionem personalem re-
quirere vnā vtriusque naturæ indiuisā a-
ctionem, & proinde vnā Vbique præsen-
tiam. Similitudines petunt à corporis & ani-
mæ connexionē, per quam fit, vt vbicunque
corpus fuerit, anima nōn desit, & vicissim v-
bicunque anima fuerit, corpus quoque adsit:
& per quam etiam fit, vt anima per corpus, &

Brentia-
norum di-
scordia de
Vbiquita-
te.

cum corpore anima agat. Profectò si quis Schmidelini theses, & eiusdem piam assertio- nem doctrinæ de personali vnione, quæ re- spondetur ad primam partem libri, quem scripsit Beza contra Brentium, diligentius cõ- tulerit, nisi fallor, iudicabit discipulum à Brentio magistro, & à semetipso in pluribus discrepare, & placita Brentij de communica- tione proprietatum magna ex parte discrepa- re, cum profiteatur planissimè, non in eo con- sistere personalem vnionem, quoad in Huma- nitatem Diuinitatis proprietates transferun- tur, quas illi soli deceat reservare, sed quòd Diuinitatis nihil gerat, & administret sine hu- manitatis opera, & præsentia, ad similitudi- nem vnionis, quæ inter animam & corpus in- tercedit, in qua non communicantur animæ proprietates ipsi corpori, vt eas intra se, qua- tenus distinguitur ab anima, possideat, & ex illis cognomenta reportet, etiamsi conceda- tur animæ ad agendum instrumentum. Itaque communicationem proprietatum à Brentio defensam, expressis verbis Schmidelinum re- stringit ad communicationem actionum, vt diuina natura in Christo nihil agat sine hu- mana. Sic enim concludit: Manet hæc com- municatio *ἐν ἐργασίῳ* naturis in substantia diffi- milibus & inconfusis permanentibus. Video quidem verbis istis subesse fallaciam: Nihilolo-

minus

maius si tantum datur communicatio actio-
num ad eum sensum, ut una natura non agat
sine altera, non autem transfusio propieta-
tum & potentiarum: quid ergo etiam Deita-
tis plenitudinem, omnipotentiam, infinita-
tem, Vbiquitatem, & increationem commu-
nicari Humanitati non solum fatetur Bren-
sius, sed contendit, ut à Beza productis eius
dictis redarguitur? Quid ita à Schmidelino
& aliis disputatoribus communicatio idio-
matum, & euectio ad dexteram Patris urge-
tur & ostenditur, cum instrumenti ad agen-
dum cum causa potissima effectrice concur-
sus infundi, & communicari proprietatem ac
virtutem potioris agentis non desideret, sed
ea vel intra se, vel una secum operante con-
tentus sit? Quocunque tamen modo ver-
tant sua dogmata Brentiani, nihil ad nos atti-
net, neque exprobramus sanio rem mentem,
sed in ipsis, quemadmodum & in aliis, qui à
femitis Patrum declinarunt, accrescere per
Dominum nostrum I E S U M Christum preca-
mur ex animo. Ut rem tamen assequamur, si
personalis unio tam arctam requirit naturarum
colligationem, ut quocunque in loco una fue-
rit, ibi alteram sisti oporteat, certe nunquam
Christus inuenietur passus, neque animam ef-
fasse: siquidem anima in triduo sepulturae
perstitit unita Diuinitati, quae in sepulchro

etiam corpori sociata permanebat. Idcirco necesse erat naturam tum unitam Diuinitati, etiam adesse & coadunari corpori : quoniam ex Brentianorum sententia, rerum in eadem hypostasi copulatarum ubicunque vna preest adest, ibi quoque altera adfuit. Proinde cum nunquam anima corpus Christi, sicuti nec Diuinitas, deseruerit, nunquam Christus vitam obiit : & si obiit, anima separari debuit, atque ita abesse à loco, & à re, cui personaliter hærebat Diuinitas.

Assentitur Schmidelinus, etiam animam ratione essentia, quatenus alligatur corpori, esse in pede, capite & alijs membris totam sine corpore : sed negat, quamdiu præpeditur corpore, sine ipso agere. Saltè ergo essentia Diuina, cum sit simplicissima & mundo capaciore, infinitis in locis potest sine Humanitate residere, quamuis non valeret sine ipsa agere. Diuinitas certè, etiam si nihil creaturas curaret, Vbiquitatem non amitteret : nihil enim mundi conditione ipsi accessit, aut decessit potentia : nec Omnipresentia eius infinita per Incarnationem est imminuta. Ob eam causam oportet Vbiquitatem tradi Humanitati Christi, etiam si nihil cum ipsa ageret Diuinitas : aut admittere, sicuti verum est, infinitum longius & latius extendi Humanitate Diuinitatem.

Miram

Mirum æquè videtur, nihil sine Humanitate post Incarnationem actum fuisse à Diuinitate. Etenim cum maiestatis radios delituisse in Christo dicunt Brentiani, quamdiu in hoc mundo fuit, agebat tamen Diuinitas cum Humanitate miracula & opera Redemptionis nostræ: sed an his alligata, ab aliis sine Humanitate in cælo & in terra administrandis vacabat, & cessabat otiosa? Insuper an quia anima non operatur sine corpore, quoad aliquid, sicuti non intelligit sine corporis phantasmate, ideo animæ intelligentia, & operatio non peruagatur altius, quò non attingit corpus? an corpus etiam ibi esse dei debeat, quò penetrat animæ actio? Exempli causa, Anima mente & fide negotiatur in cælo circa Deum, Christum, spirituales creaturas & sidera, an ideo ibi esse defendetur? An Diuinitas in Humanitate Christi concluditur, quemadmodum anima corpore? An si aliquam actionem eliciat à persona Christi, duabus naturis conflata, ab vtraque cogitur eam semper mendicare, vt effecta sit imbecillior, quàm ante Incarnationem erat? An non suffecerit eas communicari Humanitati, quæ ad salutem nostram spectant, cuius causa Humanitatem induit? An si omnes propter personalem vnionem communicat, opus fuerit Humanitatis præsentia in totius actionis cur-

riculo : an non potius satis fuerit actionem prodisse à persona, Diuinitate & Humanitate prædita, quantumcunque postea dilatetur ?

Quamobrem res ita habet, vt post veteres Theologos scribit Beza, vt quæ coniunctæ sunt, siue personali vnione, siue alia, semper quidem simul ita sint, vt vnum compositum pro coniunctionis suæ modo constituant, quamdiu coniunctio illa perstiterit. Sed nunquam simul ita sunt, vt vbiunque vna pars, ibi sit etiam altera, nisi res coniunctæ æqualiter pateant, siue quoad essentiam, siue quoad potentiam. Qua de causa rectè & prudenter Augustinus de Christi Humanitate locutus concludit : *Non est consequens, ut quod in Deo est, ita sit vbiq; ut DEVS.* Valeat itaque Vbiq; itas Humanitatis in Christo, quam prodigiosam & vetustati erudita ignotam præclare dixit Melancthon.

Augustinus
Epist. 57.

Luthera-
norum di-
scordia cir-
ca Vbiqui-
tatem.

Lutherus in maiori confessione, in Controuersia Sacramentaria: *Nolle se cum quoquam contendere de Vbiquitate, profitetur, tanquam de re minimè necessaria: cum non alia querenda sit ratio corporalis presentie Christi in Eucharistia, quam ipsius verba.*

Ex Lutheranis alij sese tam prodigiosæ opinioni opposuerunt, Martinus Chemniti-
us, Ioachimus Mörlinus, Paulus Eberus,
Nicolaus Hemmingius, Victor Strigelius,
Nico.

Nicolaus Selnekerus : alij nutarunt, vt Matthias Illyricus, &c.

Non tantum verò inutilis & superuacanea iudicari debet illa, ad confirmationem præsentis carnis Christi in Cœna, vt pudendis erroribus tam augustum errorem contamine- & infamet. Nam si ex vnione hypostatica, Christus rebus omnibus secundum Humanitatem adest : ergo priusquàm in vltima illa Cœna Eucharistiam confecisset, corpus & sanguis ipſus in pane & vino præsentia continebantur, vt nunc in Sacramento Eucharistie habentur, cum panis & vinum ante verba cœnæ prolata res quædam essent. Quocirca corpus & sanguis Christi nunc aliter sunt in panis & vini speciebus, quàm fuissent, etiam si verba Cœnæ Dominicæ nunquam Christus pronuntiasset. Imò ad probandam præsentiam corporis Christi in Cœna, si Brentio Ubiquitatem ascrivere opus fuit, non alio modo inerit Eucharistiæ caro Domini, quàm in hordeo, fœno, & rebus aliis vilissimis : neque qui panem illum comederit, aut poculum illud biberit, magis percipiet corpus Domini & sanguinem, quàm si asinus fœnum aut tribulos arroderet ; nec maior Eucharistiæ debetur reuerentia, quàm rebus obscœnissimis, quas pudor est effari. Semper enim ex ista opinione, & opinionis introducendæ causa, caro Do-

Ubiquitas
fœdas præ-
sentiam
corporis
in Sacra-
mento.

mini implet omnia : neque iam per verbum illius ipsa specialiter sistitur in Eucharistia, aut in Sacramento comeditur, sed per Ubiquitatem, si ista causam dat, ut corpus Christi in Eucharistia subsistat. Etenim licebit de singulis rebus tam verè, quàm de Sacramento proferre, **HOC EST CORPVS MEVM**, si non alia singularis causa præsentiæ carnis efficit, quàm ipsa Ubiquitas, & corporis Christi Omnipræsentiæ.

Respondent Brentiani de Eucharistia illud pronuntiari, non de aliis rebus, quoniam Corpus & Humanitas Christi in illa adsint in usum & esum, in aliis verò minime. Atqui nō de fructu, nec de usu, nec de fine præsentiæ, sed de ipsa præsentiæ quæritur. Hæc quidem verba, *Accipite, Comedite, Bibite*, usus præsentiæ ; sed ipsam præsentiæ absolutam enuntiant ista, *Hoc est corpus meum, Hic est sanguis meus* : quæ si veritatem tantum inueniant ex Ubiquitate, inerit corpus & Humanitas Domini.

Certè si staret doctrina de Ubiquitate, & causa, inquam, propter quam à Brentianis inducitur, erit quidem in alium finem, corpus Christi in pane, siue cum pane (ut Lutherano-rū verbis utar) sed non aliter, neq; magis verè, quàm apud inferos ipsos nunc est. Ista si Brentiani execrantur, nos quoque abominamur :

sed

sed culpa sit penes eos, ex quorum dogmata ista necessario consequuntur.

Postremo, si quia cælum & terram implet diuina Christi maiestas & essentia, id ad carnem extenditur: ergo extra Cœnæ vsum caro Christi in fidelibus habitat, quia potiuntur Deitatis præsentia: Ideo non alia manducatio realis carnis Domini quoad substantiam & fructum in Cœna, quàm de fide absq; Symbolo percipitur. Albertus Sperlingius Defensionem Disputationis Ingolstadij à doctissimis Iesuitis habitæ, ex qua plurima, ac ferè omnia ista excerpti, contra Andream Schmidelinum edidit, & ostendit illum studio Ubiquitatis suæ fœdissimè à Lutheri doctrina de Cœna Domini ad Cinglianismum deficere. Theses ab ipso propositas recitat. Prima est, Non ratione absoluta præsentia corpus in Cœna adesse, sed tantùm respectu nostri dici præsens, ut nobis ab ipso conferatur aliqua sanctificatio & consolatio, quomodo in Baptismo & aliis Sacramentis, ita etiam ait corpus Christi nobis administrari. Sic enim ad verbum habet Thesis: *Et si quoad se ætinet, omnibus rebus equaliter adsit Christus, non tamen equaliter cum omnibus agit, & equaliter se communicat: & quia ad sanctificationem & consolationem adest in Sacramentis sacrosanctis, ideo alio modo eum in Sacramentis respectu nostri adesse dicimus.*

Theſ. 57.
60. 62. 80.
102.

Ad.

Ex Vbi-
 quitate ad
 Calvinif-
 mum defi-
 ciunt Bren-
 tiana

*Addit: Corpus Christi in calō, ſive phyſico lo-
 co . omnia in ſe moda caleſti praeſentia habere.*
 Quidquid denique nobis diſtribuitur, actio-
 nem vocat, quae in calō peragatur. Quae ſand-
 omnia pura & pura ſunt Cinglij & Caluini
 dogmata. Sic Lutherani tandem ferè omnes
 profecerunt in peius, dum cupidius ſuorum
 errorum idola contra Eccleſiam Catholicam
 extruunt.

Brentium quidem cum Schmidelino a-
 pud tabernas Alſatias in Comitatu Illuſtriſſi-
 mi Ducis Wirtenbergenſis vidi, ipſumque
 ſum allocutus aliquantum temporis, cum il-
 luc in Comitatu Illuſtriſſimorum Principum
 Guyſianorum veniſſem; Brentius in collo-
 quio, vultu ac geſtu magnam prae ſe ferebat
 modeltiam, atque concordiae cupiditatem in-
 ter Chriſtianos. Schmidelino nondum vide-
 batur deſeruiſſe ætas, & quodammodo vererè
 videbatur, ne quid ſeni magiſtro excideret,
 quod ad pacem Eccleſiae Catholicae ſpectaret.
 Haecenus de facto, ac de naturis in Chriſto ſe-
 cundum earum proprietatem ac potentiam.

Antecedente capite non reticimus, quid
 cum noſtris ſentiremus ex diuina omnipoten-
 tia in Humanitatem Chriſti conferri. Deina-
 de hinc de naturis habitus fuit ſermo, non de
 ſubiecto & ſuppoſito, duabus naturis affecto,
 qui eſt Chriſtus Deus & Homo, quique per
 com.

communicationem idiomatum homo est ubique, sed non quatenus, vel secundum suam Humanitatem. Iam Patres Ubiquitatis censors adhibeamus. Hæc Claudius de Sainctes, quæ omnia testimoniis Patrum contra Ubiquistas, nominatim Tertulliani, Ambrosij, Basilij, Didymi, Theodoret, Cyrilli Alexandrini, Fulgentij, Gregorij Nissen, Maximi, Augustini, Damasceni confirmat: quæ omnia iam inter reliquorum Patrum sententias sunt recensita.

EXCERPTA EX MONUMENTIS An. Chr.
sacrae Facultatis Theologiae 1636.
Parisiensis.

A Nno Domini millesimo sexcentesimo trigesimo, die prima Iulij sacra Theologiae Facultas Parisiensis post Missam de sancto Spiritu solito more celebratam ordinaria habuit comitia in Aula Collegij Sorbonæ, in quibus H. M. N. Georgius Sroger Syndicus requisivit, ut quia rogatus fuit à Reuerendissimis Germaniæ Prælati, qui quæstionem habent aduersus Lutheranos, propterea quod sustinent & opponunt, ante annum Domini millesimum, quingentesimum, quadragesimum, neminem Doctorum, nullamue Facultatem Theologicam condemnasse hæreseos opinionem Ubiquistarum, qui Christi Domini Human-

manifestatem contendunt Vbiq̃ue existere; placet sacre Facultati Theologiæ Parisiensis reuoluere sua monumenta, ex quibus; uti relatum est ad illos, patebit, Anno Domini millesimo quingentesimo vigesimo quinto, requirentem Magistro Nostro Natali Bedâ tum Syndico, eandem sacram Facultatem edidisse Censuram aduersus Fabrum Stapulensem, qui prauâ illa & hæretica opinione erat imbutus. Qua audita requisitione, sacra Theologiæ Facultas nominauit H. M. N. Nostros Ysambert & Bachelier, qui vnâ cum Dominis Decano & Syndico incumbant in istud negotium, & scrutentur Codices, & tabulas Facultatis, si fortasse aliquid tale reperiretur, contra Stapulensem, & alios Vbiquetarios.

Anno Domini millesimo sexcentesimo trigesimo, die prima Augusti sacra Theologiæ Facultas Parisiensis post Missam de sancto Spiritu, solito more celebratam, ordinaria habuit comitia in Aula Collegij Sorbonæ; in quibus auditi sunt H. M. N. Nostri Ysambert & Bachelier, & iuxta Proninciâ sibi à Facultate commissam; retulerunt ea, quæ notarunt aduersus Stapulensem; qui malè & iniuste astruebat suo tempore Humanitatis Christi Domini Vbiquitatem. Qua audita relatione, sacra Theologiæ Facultas censuit redigenda esse, & simul compingenda esse in ordinem ea, quæ

quæ Magistri Nostri supra nominati, & etiam D. Syndicus hinc inde ex variis collegerant, & ab Apparitore subsignanda, ac deinde Reuerendissimis Germaniæ Prælatiis, qui requisierunt, esse mittenda, qui etiam certiores fient, nunquam fuisse alium sensum Facultatis sacre Parisiensis, quam vt condemnauerit semper hæreseos opinionem Vbiquetariorum istorum. Imò ex vso eiusdem Facultatis satis existimari & colligi posse, Censuram suam de ista opinione; quando demandauit H. M. N. Bedæ, quo tempore gerebat Syndicatum Facultatis, vt in Stapulensem Vbiquetarium, & alios omnes eiusdem sectæ scriberet, quod fecit eruditè, & id sibi à Facultate sacra impositum apertè exprimit, & prænotat paginâ 1. Commentarij sui editi in priorem Diui Pauli epistolam ad Corinth. contra Fabrum Stapulensem.

Ex libro, qui inscribitur, Annotationum Natalis Bedæ Theologi Parisiensis in Iacobum Fabrum Stapulensem, &c. impresso apud Iodocum Badium, ex dono eiusdem Natalis Bedæ, qui propria manu scripsit & subsignauit: quod sequitur initio primi folij albi ad apertionem libri, qui ferrea catenulâ nexus & adstrictus asseruatur in Bibliotheca Collegij Montis acutis Parisiensis.

Post varios cogitationum tractatus de
Dei

Dei gratiâ sperans, scribere in Iacobum Fabrum cœpi, die decima tertia Iunij, quingentesimo vigesimo quinto, & tunc dies erat sanctæ Pentecostes, omnia autem & cætera contra Erasmus finiri anno reuoluto fermè, id est, in mense Maio, quingentesimo vigesimo sexto, cùm annum ætatis meæ agerem quinquagesimum septimum. Signatum. Natalis Bedæ cum Chirographo.

Post Prologum verò hæc habentur.

De consensu Facultatis Theologiae Parisiensis super his libris emittendis testimoniū.

Cùm multi dicerentur errores inueniri in Cōmentariis, quos M. Iacobus Faber in Epistolas Pauli, & in Euangelia edidit; multi etiam in Paraphrasibus, quas in Nouum Testamentū euulgauit Erasmus Roterodamus; scripsissetque in confutationem eorum M. Natalis Bedæ Parisiensis studij Theologus, nonnullaque pro more iam obseruato suæ præsentasset Facultati, vt per illius deputandos visitarentur, ipsis perlectis, post factam in Facultate eadem per deputatos ad id relationem, super his, quæ in huiusmodi Bedæ scriptis comperissent: consensit & permisit Facultas, ipsos libros imprimi, & venditioni exponi, tanquam qui vtiliter & piè possent legi, vtpote qui pleraque complecterentur ad declarationem, defen-

Defensionemque veritatis, & reuincenda peruersa dogmata, non parum conducentia. Et pro libris quidem Fabri hoc determinauit ipsa Facultas decima quinta Februarij anno millesimo quingentesimo vigesimo sexto, in Collegio Sorbonæ: quemadmodum ex eiusdem Facultatis decretis authenticè signatis, quæ apud impressorem asseruantur, constat.

Ex Commentariis Bedæ in 1. ad Corinth. cap. 12. fol. 89. & 90. contra Stapulensem.

Mediolani siquidem vt sopitus cernebatur: in Galliis verò sollicitè, quæ funeris poscebat necessitas & impigrè exercens, & siue istud recipiatur, siue non (quod tamen nullam claudit impossibilitatem) firmum tamen stat, quod dictum est, non oportere videlicet posito per miraculum (quemadmodum in locis innumeris sacramentaliter est Christi Corpus) homine in pluribus locis, vt si ei Parisiis loquor sedenti certâ horâ, eadem etiam illum sedentem apud Sydonem & Tyrum compellem. In quo absurdissimè Iacobus (qui hortatur, vt omnes in hoc negotio ab illusione sibi caueant) dilusus est, quod manifestè docet diuinarum perspicacissimus rerum censor Augustinus lib. de præsentia DEI ad Dardanum; monstrat namque illic, quòd nullus cogitari potest locus, vbi non sit DEVS, per

NB. Hæc omnia vsq; ad *Amen*, paulò antè in testimonio Natalis Bedæ quoque reperiuntur. Ne tamen instrumentū hoc Academiæ Parisiæ mutilaretur, necesse fuit hîc repetere, & sic habet duplicem fidem,

Q

Scri.

Scripturas, quales sunt: Cælum & terram ego impleo: Et in Sapientia, Spiritus Domini replevit orbem terrarū; Item & quod Deo David dicit: Quò ibo à facie tua, & quò à spiritu tuo fugiam? Si ascendero in cælum, tu illic es; si descendero in infernum, ades; & aliarum plurimarum sunt ad hoc. At de Christo secundum carnem prius eloquens, sic ait: Non est putandus Christus, secundum quod homo est, Vbi-que diffusus; cauendum est enim, ne ita diuinitatem asseramus hominis, ut veritatem corporis auferamus. Non est autem consequens, ut quod in Deo est, ita sit Vbi-que, ut Deus. Nam & de nobis veracissima Scriptura dicit, quòd in eo viuimus, mouemur, & sumus; nec tamen sicut ille, Vbi-que sumus, sed aliter homo, id est, Humanitas in Deo, quoniam & aliter Deus in homine, proprio & singulari modo. En apertissimè quod præmisimus, tradit aquila Doctorum.

Cui si nondum cedit (quod tamen necessarium fuerit, aut cum pertinaciter hæreticis æternum perire) Iacobus, audiat, quàm absurda, quàm blasphema, quàmque religioni Christianæ inopinabilia sequuntur, quod asseruit, scilicet, quòd ex quo incarnatus est DEI Filius, quia Vbi-que est, & nunquam ab eo separatur assumpta semel Humanitas, vbicunque ille est, necessario & ipsa hominis (quam sibi
vni-

vnit) natura. At hoc dubio procul consequens est, vt Gabrieli paranymphe, cum primum assensit Virgo sancta, dicens : Ecce ancilla Domini, fiat mihi secundum verbum tuum, corpusculum illud (quod presententia Doëtorum omnium, qui in matrum veteris vnquam fuerunt infantium, vt sic loquar, minimum fuit) repente erat extra vterum; neque solum in manibus Matris, sed & in summis celorum, in medijs, in infimis, neque ibi modò, verum & in inferno, in profundo maris, in ore Herodis, alijsque quamlibet vilibus locis singulis orbis. Cur hæc, si dicat mihi Iacobus, meum dicis consequi dogma, quæ nequaquam sustinent audire aures piæ; & respondemus, quoniam hæc omnia & similia sine numero stultissime tua confessus es assertionem.

Mox enim cum dixerat sacrata Virgo, fiat mihi secundum verbum tuum, Dei Filius fuit incarnatus, qui cum sit in cunctis, per nos hic iam expressis locis, & alijs omnibus possibilibus, neque per te vsquam peracta incarnatione esse Verbum potest, vbi non sit caro eius : paruulus ergo foetus ille statim conceptus, Vbiq; fuit.

Dicat item Iacobus in profundo inferni existens Infantulus rogosne inextinguibiles sentiebat? In medijs pelagi vndis quomodo

non cōtinuō fuit obrūtus? qui iam adultus (secundūm hominem dico) siti propter itineris angebatur laborem, petens à muliere Samaritana potum, qui & quantum ad flagella & spinas, & clauos, cæteraque omnia, quæ mortali corpore læsionem inferunt, fratribus, id est, nobis omnibus assimilatus est: quomodo mox secundūm carnem conceptus insensibilis fuit? Rursum corpusculum ipsum, quod quidem dum in Matris manet vtero, de eius alimentum habet substantiā, extra illum, hoc est, in cælo, in inferno, in mari, & vbiq̃ue, vnde fouebatur? Audiat Iacobus, nusquam fuit (hoc illi astruo) assumpta Humanitas, priusquā ex vtero nasceretur, nisi in vtero.

Nec dici debet assertiuē in pluribus simul vnquam fuisse locis secluso Sacramento, nisi hoc certis doceatur testimoniis, quod nō puto futurum: alioquin natus Christus & per Beata pannis inuolutus eius Genitricem Iacobus dicat, nunquid in cælorum altissimis, aut infernorum infimis receptaculis existens filius paruulus Infantilia omnia illa, quæ nobiscum subire dignatus est, tolerabat? Non esset vtique finis absurdarum blasphemiarum, quæ Iacobi stultissimam sequuntur assertionem; si quis per singula sequi vellet eius incrementa vitæ mortalis, quam in hoc gessit mundo, adolescendo, prædicando, patiendo, cum etiam

etiam ad hoc suâ teneretur positione Faber in cælo, in inferno, & Vbique confiteri, Christum in Cruce pendentem fuisse, & alia innumera, quæ in nullius vnquam fidelis venerunt mentem. Sed neque in sepulchro per triduum erat corpus mortuum, sed Vbique, & sic ab illo nunquam potuit anima separari. Item nec potuit Christus ad infernum descendere, nec ascendere in cælum, quæ ei solùm compete-
bant ratione carnis assumptæ.

Qui enim Vbique est localiter, minimè moueri potest.

Denique si verum Iacobus somniauit, quomodo per consecrationis verba nouiter incipit sub panis & vini speciebus Christi Corpus esse, quod nusquam deest? Sacramentaliter, inquit Iacobus, esse ipsum Corpus alicubi, modus est, Vbique verò, si modum subtrahat (fides scilicet) simpliciter absque modo est.

Hæc certè Iacobi noua phantasia, Sacramenti prorsus tollit vim & dignitatem : Nihil enim de nouo incipit præsentialiter esse, vbi nunquam defuit. Hoc tamen Iacobi dogma apud loca, vbi longam traxit moram, nonnulli etiam Idiotarum (vt audio) perniciosissimè sequentes eò peruenerunt dementiæ, vt dicerent : Ex quo (vt docet præceptor Faber) ita Christus secundum corpus in digito

meo est, sicut sub ea panis particula, quam Sacramentum dicunt Sacerdotes, multò amplior debetur tali reuerentia Sacramento, quàm cuilibet alteri creaturæ.

Quàm pulchra igitur sit Theologia Fabri, & Scholæ eius, inde liquet, neque id obscurè; illorum & nostri sua pietate misereatur Dominus, regnùmque hoc Christianissimum clementer respiciat, excitetque eos, quibus incumbit, vt aduersus tam horrenda hæresum monstrata bella Domini gerant, vt illis penitus oppressis fidei puritas liberè sola vigeat. Amen.

*In libro, qui inscribitur de Maria Magdalena, &c. ex officina Henrici Stephani
Anno 1519.*

Initio paginæ 39. Faber Stapulensis in aliena persona sic loquitur. Atque ibi tunc adorasse Christi præsentiam, quandoquidem Christus Vbique præsens est. Et paulò post.

Et addidit, cùm esset ante sacratissimam Dominici corporis teletam, omniumque Augustissimum maximèque venerandum Sacramentum, quod vt aiebat, vnicum, sanctumque sanctorum est, quod in templis continetur, quòdque omnia alia sanctificat, perficit, & consummat, se illic adorare Christum, Christi que præsentiam corporaliter, non autem
sic

Sc in aliis locis, nam nō solum illic esse Christi præsentiam, qui Vbique est, sed etiam Christi præsentiam corporaliter dicebat.

Ex libro, qui inscribitur de rebus Eucharistiae controuersis, &c. per Fratrem Claudium de Saintes Episcopum Ebroicensem, &c. Parisius, ex officina P. Chuillier, via Iacobeæ sub signo Olivæ Anno 1575.

Folio 142. Repetitione quarta, breuiter Ubiquitatem, siue Omnipræsentiam Humanitatis Christi nusquam recepit, aut introduci sustinuit Ecclesia Catholica, quoniam ex assumptione ad dexteram Patris, non à Scripturis illata sit, sed vt nonnullis placet, ab Albigeis Stapulensi Fabro, Luthero & Brentio promulgata, &c.

In Registro Facultatis sacre Theologiae Parisiensis.

Folio 190. extat censura contra librum de tribus Magdalenis, facta in aula maiore Collegij Sorbonæ die Sabbathi 9. mensis Nouembris, anno Domini 1521. Ratificata apud sanctum Mathurinum 1. Decembris eiusdem anni. Cuius libri auctor erat ipse Faber Stapulensis.

Folio 219. & sequentibus, continentur articuli, quibus Facultas respondit litteris

Reginæ Matris, oblati per Fratrem Gilbertum Nicolai Ordinis Fratrum Minorum, inter quos hi habentur.

Folio 221. recto. Item & a la cour du Parlement, par plusieurs euocations des causes cōcernantes la foy comme d'un liure composé par M. Iacques Fabri, &c. qui sont choses au iugement de toutes gens scauans & non mal affectés, tres pernicieuses & perilleuses pour ceux, qui en sont cause, car cest par inuentions subtiles deffendre les delinquans, & nourrir les erreurs & heresies, ce qui est par C^e Eglise prohibé sur peine de censures fort a craindre.

Eodē folio verso. Item & aussi a esté fait, ce qui a esté possible pour empescher, que la dictē faculté n'examinast ledit liure de M. Iacques Fabri, qui est manifestement nourrir, pour ceux, qui en sont causes, erreur contre la foy, en ce Royaume tres chrestien.

De Mandato DD. Decani & Magistrorum prefate Facultatis sacra Theologia Parisiensis.


*Z VB Bouuot Maior
Apparitor.*

TE-

TESTIMONIUM NOTARII

Germani, de isto Instru-
mento.

Præfens hoc fuprafcriptum exemplum, cum fuo vero originali aufcultatum, & collationatum, eidem de verbo ad verbum concordat, Id quod ego M. Ioannes Schrall Diceceſeos Auguſtanæ, Sacris Apoſtolica & Imperiali authoritatibus publicus, & in alma Romana Curia immatriculatus Notarius tunc temporis Dilingæ cômorans, hac manûs meæ propriæ, nominis, & cognominis ſubſcriptione, atque ſubſignatione, paritérque ſigni Notariatus mei ſoliti appreſſione atteſtor. Dilingæ 29. Ianuarij anno 1631.



*M. Ioannes Schrall,
Notarius qui ſuprà.*

NOTA I. Hoc Teſtimonium Facultatis Theologica Sorbonenſis Pariſiis eſſe tali occaſione impetratum à Reuerendiſſimo & Illuſtriſſimo Domino Henrico Epifcopo Auguſtano, tum ſuo, tum alio-

Q 5 tum

rum Episcoporum nomine, quod in Germania Vbi-
guista Anna 1626. Catholicis obigerent, eos hodie-
nam suam sententiam de negata Vbiquitate Hu-
manitatis Christi, primum post annum 1530. circa
annum 1550. assumpsisse cum Calvinistis; prioribus
enim saculis ipsos Catholicos semper hanc Omni-
presentiam Humanitatis Christi asseuerasse & de-
fendisse: sicut defendunt Lutherani, & in proba-
tionem adducunt testimonium Iacobi Fabri Stapu-
lensis, qui anno 1525. iam Vbiquitatis sectator fue-
rit. Igitur ut in veritatis notitiam deueniret, pe-
tiit dictus Illustrissimus Dn. Episcopus per medias
personas, ut predicta laudabilis Facultas Pari-
siensis veritati Testimonium dare dignaretur: quod
fecit, quemadmodum hic est expressum. Origina-
le adhuc habeo ad manum, quod quocunque tempo-
re potest exhiberi. Acta sunt hac Anno 1630. ut
suprà.

NOTA II. Hunc Iacobum Fabrum Stapu-
lensem, errorem Vbiquisticum tempestiue, & circa
initia Lutheri defendere incepisse, & Lutheranis-
mum in Gallia cum tribus sociis, Guiljelmo Fa-
rello, Arnoldo, & Gerardo Rusi in Meldorum Ci-
uitate, non ita procul à Lutetia distante, dissemi-
nare & propagare conatum esse; uti testatur Flo-
rimundus Remondus de ortu, progressu & ruina
harseon, lib. 7. c. 3. quamuis noluerit videri à Ca-
tholica Ecclesia discessisse; nihilominus noua dog-
mata sparsit, & interim modo hunc, modo illum

arti.

articulum fidei, cuniculis, & aperto Marte per
Scripturam male detortam impugnauit: ut erat
cultus B. Virginis, & Sanctorum, quos errores
fortè ex Albigenſium ſcriptis hauſit; ubi autem
innotuerunt Magiſtrato, maturè inde in fugam
ſe coniecerunt. Ex quo euidentis eſt, Egidium
Hunnum in lib. de perſona Chriſti fol. 404. &
Andream Keſlerum contra Bellum Ubiquiſticum
fol. 511. graniter erraſſe, cùm ſcribunt iſtum Ead-
brum Stapulenſem Catholicum, & non Hæreticū
fuiſſe: Fuit autem Catholicus tantum nomine, &
non re: & diu eſt deſenſus fauore & patrocini-
o Margarita Sororis Franciſci Francia Regis, &
Coniugis Henrici Nauarra Regis: qua ab iſtis
quatuoruiris, etiam per auia fidei eſt ſatis diu ſe-
ducta, donec tandem ad Catholicam Eccleſiam re-
diret, ut ſcribit diſtus Florimundus.

TESTIMONIUM CHRYSANTHI An Chr.
Laſcaris Archiepiſcopi Lacedæ- 1631.
moniorum.

GRæci de Diuinitate Filij dicunt eſſe præ-
ſentem Vbique, quod idem fatentur &
de Spiritu Sancto, & multò magis de Patre, à
quo reliquæ perſonæ habent Diuinitatem.
Vnde de Chriſto ſcribunt, & canunt: ἐν πά-
φῳ ſωματικῶς, ἐν ἁδου δὲ μετὰ ψυχῆς, ὡς
θιός, ἐν ὁμοουſιῳ δὲ μετὰ ληθῆ, καὶ ἐν θρό-
νῳ

ὡς ὑποῦρχες χρεῖς ἐμετὰ πατρός καὶ πνέμα-
 τος, πάντα πληρῶν ὁ ἀπερίγραπτος. hoc
 est, in sepulchro corporaliter, in inferno cum
 anima, in Paradiso cum Latrone, & in throno
 eras Christe ut Deus vnà cum Patre, & Spiri-
 tu, omnia implens, qui es incircumscriptus.

Et in alio Cantico de Spiritu Sancto sic
 enuntiant: Βασιλεῦ ἑράνιε ὡς ἀκλήτῃ τὸ
 πνεῦμα τῆς ἀληθείας, ὁ πανταχῶς παρὼν, καὶ
 τὰ πάντα πληρῶν, ὁ θησαυρὸς τῶν ἀγαθῶν, καὶ
 ζωῆς χορηγὸς ἐλθέ καὶ σκλῶσόν ἐν ἡμῖν, καὶ
 καθάρσον ἡμᾶς ἀπὸ πάσης κηλίδος, καὶ σῶ-
 σον ἀγαθὴ πὰς ψυχὰς ἡμῶν. Hoc est: Rex caele-
 stis Paraclete Spiritus veritatis, qui Vbique es
 præsens, & omnia replet, thesaurus omnium
 bonorum, & vitæ largitor, veni, & inhabita
 in nobis, & purga nos ab omni inquinamen-
 to, & salua animas nostras, tu, qui es bonus.

Η ἀναπληρὴ τῆς χρεῖς ἑκκλησία ἀπὸ τῶν
 ἀποστολικῶν χρόνων ἕως τῆς σήμερον πρὸς
 ταύτης τῆς ὑποθέσεως. ὁρθόδοξως παρέδωκε
 καὶ ὁρίσασε, τὸν κύριον ἡμῶν Ἰησοῦν Χριστόν
 καὶ τὴν θεότητα εἶναι ἐν πᾶσι τοῖς κήσμασιν ἐν
 τῷ ἑρανῶ καὶ ἐν τῇ γῇ πανταχῶς παρόντα: κα-
 τὰ δὲ τὴν ἀνθρωπότητα μὴτε ἐν τῷ ὄντι, τυχόντι
 ὡς ἐκγεγραμμένως, ἢτε κατὰ τὴν ποσότητα μὴτε
 μὴ

μὴν ἐν τόπῳ τρεῖς ὁρισμένως γεγονέναι πρὸς
 καὶ τὰ νῦν εἶναι πανταχῶς, ἀναστὰς γὰρ ἐκ τῶν
 νεκρῶν τὸ ἱερὸν αὐτοῦ σῶμα ἀληθῶς καὶ κυρίως
 ἐπάνω τῶν ὑδατῶν ἀνεβίβασεν, ὥστε ἐκείνο ἤδη
 ἐν τῇ γῇ ἐπὶ μὴ εἶναι, εἰμὴ τρέπων ἵνι καὶ μυσ-
 τικῶς ἐν τῷ σεβασμῷ μυστηρίῳ τῆς εὐχαριστίας.
 ἐκ τούτου δὲ ὁμοῦς ὑδεμία προσωπικὴ τῆς ἐνώ-
 σεως διάλυσις ἔπεται, ἡ χωρισμὸς τῶν φύ-
 σεων. καθὼς ἐδιδωαταίς εἰπῆν, ὁ πῶς κε-
 χωρισμένος ἐστὶ τῆς ψυχῆς· εἰ καὶ ἡ ψυχὴ ἐν ἵνι
 τόπῳ ἄλλῳ ἐστὶ, δηλονότι ἐν τῇ κεφαλῇ, ὅ-
 πα ὁ πῶς οὐκ ἔστιν. Ἐπὶ ἀνήκον ἐστὶν ἐν τῇ θρα-
 κῶν ἐκκλησίᾳ λέγειν τὸ καθῆσθαι τὸν Χριστὸν
 ἐκ δεξιῶν τοῦ πατρὸς, εἶναι παρόντα πανταχῶς
 τὸν Χριστὸν καὶ τὸ σῶμα. καὶ γὰρ παντοπαρου-
 σίαν τῆς ἀνθρωπότητος τοῦ Χριστοῦ, ἀλλ' ἰσο-
 πμίαν ζημεῖν. ὅθεν οἱ τοῦ λαοσυλικῆς σύμβό-
 λου τούτου τὸ ἄρθρον περὶ τῆς παντοπαρουσίας ἐ-
 ξηγούμενοι, παρεξηγουῦνται τὸ σύμβολον, καὶ
 πῶς δευχαιότητα τῆς ὀρθοδόξιας ἀπμαΐζουν.

Οὕτως ἰδιοχείρως ὑπεγράψα, καὶ τῶν
 ἀρχιεπισκοπικῶν διακτυλίῳ ζημῆνας μαρτύ-
 ρομαι καὶ διαγῶς βεβαιῶ καὶ διαχυρίζομαι.
 Νοεμβρίου ἑκάστη, ἔτους α, χ', λ'.

Loca. 1

Localiter τοπικῶς, illocaliter μὴ τοπικῶς. Vbique esse præsens πανταχοῦ εἶναι παρῶν, vel non Vbique, ἢ μὴ πανταχοῦ.

Χρύσανθος Λάσκαρις
ἀρχιεπίσκοπος Λα-
κεδαιμονίων.



Græci Scripti Archiepiscopi Lacedæmo-
niorum, contra Vbiquitatem humanæ
Naturæ in Christo, Interpretatio
Latina.

Orientalis Christi Ecclesia ab Apostolicis
temporibus vsque in hodiernum diem
de hoc argumento rectè sentiendo tradidit,
crediditque Dominum nostrum IESVM Chri-
stum secundum Deitatem esse in omnibus
creaturis in cælo & in terrâ Vbique præsen-
tem; secundum verò Humanitatem neque in
loco, id est, circumscriptivè, sed secundum
quan-

quantitatem, neque vero in loco, id est, definitiue fuisse vnquam, aut etiam nunc esse Vbi-que. Nam cum resurrexisset è mortuis, sal-
crum suum corpus verè & propriè supra cæ-
los euexit, ita vt illud iam in terra amplius
haud sit, nisi modo quodam, & mystico in ve-
nerabili mysterio Eucharistiæ. Ex hoc tamen
nulla personalis dissolutio vnionis sequitur,
aut separatio Naturarum. Quemadmodum
non potest quis dicere: Pes ab animâ separa-
tus est, tametsi anima in alio quopiam loco
sit, videlicet in capite, vbi pes non est. Ad hæc
inauditum est in Græcorum Ecclesia dicere,
illud sedere Christum ad dexteram Patris, esse
præsentem Vbiq̃ue Christum secundum Cor-
pus. Non enim Omnipræsentiam Humanita-
tis Christi, sed dignitatis paritatem significat.
Vnde qui hunc Apostolici Symboli articu-
lum de Omnipræsentia explicant, perperam
Symbolum explicant, & Antiquitatem rectè
sentientis Ecclesiæ ignominiâ afficiunt. Sic
propriâ manu subscripsi, & Archi-Episcopali
annulo subsignatum testor, & sanctè con-
firmo, atque stabilio. Nouembris
die vigesimo Anno

1631.

* * * * *
* * * * *
* * * * *

TESTI-

TESTIMONIVM STEPHANI GER-
lachij Vbiquistæ Wirtenbergici, ex Epi-
stola illius scripta Constantinopo-
li 4. Augusti Anno 1576.

VLtimo Maij (inquit) in Festo Ascensio-
nis Christi Constantinopoli in templo
S. Georgij (olim Græcis Monasterium Studi-
dicto,) sacra Armeniorum ibi habitantium
spectavi. Omnia clarâ voce agebantur ; sed
lingua non omnibus Armeniis æquè intelli-
gibili (quemadmodum & tota Biblia conuer-
sa habent) sed idiomate doctioribus tantum
noto. Attamen oratio Dominica , Symbo-
lū, Decalogus, verba Baptismi, & Cœnæ, vul-
gò etiam notissima sunt. Codici sacro (sicut
& Græci) summum honorem habent ; oscu-
lando accipientes & deponentes. In Missa pe-
detentim cum magna reuerentia , in sonitu
tintinnabulorum mirabili **ELEVANT** ; & ut
posteriùs calicem cum pane consecrato. In-
ter **ELEVANDVM** populus pectus pulsat, Cru-
ce se signat , terque osculatur terram ; à qua
humilitate ne Patriarcha quidem ipsorum (sic
eum appellant) alienus est : quam etiam ter
aut quater intra Missæ celebrationem exhi-
bent. Post elevationem alius alium osculo S.
salutat. Nobis autem manus osculati sunt.
Psalmodia in laudem Ascensionis plurima.

Post

Post Missam Patriarcha placentas aliquot in-
frusta diuidit : singulique ordine accedentes
librum sacrum, manumque Patriarchæ oscu-
lantes, frustulum accipiunt. Qui vult, elee-
mosynam, loco *avladâs*, imponit. Finitis sa-
cris omnibus, (ipse linguæ Arabicæ & Turci-
cæ peritissimus, in respondendo grauis, prom-
ptus & dexterrimus) duxit nos domum suam,
templo contiguam; structuræ tapetumque
ornatu, & quia Propontidem (nunquam o-
mnis generis nauigiis vacantem) longè latè-
que in prospectu habet, amœnissimam. Cùm-
que more Orientalium implicatis cruribus
nos humi desidere non possemus, in pului-
naribus de serico villoso posuerunt, ac vino
generoso honorarunt. Tunc ego veniam præ-
fatus de præcipuis religionis nostræ articulis
ipsos rogare cœpi, cogniturus an ita hæretici
essent, sicut à Græcis dicuntur. Patriarcha
per interpretem confessus est, se credere &
confiteri vnum Deum, & tres personas coæ-
ternas, & consubstantiales, per omnia æqua-
les. Christum verum vnigenitum & æternum
Filium esse Dei, per quem Pater omnia condi-
derit; & in tempore ex MARIA hominem fa-
ctum, vt vnicus noster Mediator & Saluator
esse posset. Spiritum Sanctum ex Patre Filio-
que procedere contra Græcos. *De Maiesta-
te* (NB. id est, de Vbiquitate) *Christi Ho-*
R mi.

minis, expressè respondit: Christum non tantum secundum diuinam naturam, sed etiã humanam nobis iam in nomine eius congregatis, & de gloria eius differentibus (vt & toti Ecclesiæ suæ in orbe terrarum dispersæ, singulisque membris) præsentem esse: Addens hanc similitudinem: Quemadmodum ferrum candens per omnes partes particeps ignis est, & propter ignem candet, vtrique; nec alius calor est ignis, & alius ferri; sed quo ignis, eodem & ferrum, cum igne vnitum quiddam vrit; ita Christus, **DEVS** & **HOMO**, vnica persona est; & Christus homo, siue humana Christi natura, propter diuinam corporaliter in illa habitantem, omnipotens, omnisapiens, & omnipræsens est: nec alia est omnipotentia, omnisapientia, omnipræsencia Diuinitatis, & alia Humanitatis, sed vnica; quemadmodum ferrum & ignis vnâ & eadem virtute vrunt. Hicque suam virtutem illi per vñionem communicat. Nec pars tantum, sed totum Verbum incarnatum est: vt nullibi sine sua carne (in qua tanquam in proprio domicilio habitat) esse velit, &c.

N O T Æ.

I. *Ista Gerlachius de Armeniorum Patriarcha, qui tunc, quando ipse cum Legato Casareo Constantinopoli fuit, ibidem quoque residebat; in quo non parum sibi placere videtur, quod de Ma-*
1584-

testate Christi ita expressè, ad Stomachum suum *Vbiquisticum*, responderit Patriarcha, & tam pulchre cum *VVirtenbergicis Vbiquistis* conspiraverit, in quo non animadvertit,

Armenios dudum, & *Græcorum* & *Latinarum* iudicio, pro vera aliqua *Sectâ Eutychianorum* & *Iacobitarum* in hac doctrina haberi: ex quo consequens est, etiam *Vbiquistas* nostros, qui prorsus eadem docent, & credunt, ad *Classem Eutychianorum* pertinere. Certe *Nicephorus Callistus Historia Ecclesiast. lib. 18. c. 53. & 54. Eutychianis* & *Iacobitis* aperitè adnumerat *Armenos*; ut & *David Chytraus* in *Oratione Rostochy habita*, anno 1569. de *Statu Ecclesiarum* sub temporis in *Græcia*, *Asia*, &c. quæ anno 1583. *Francofurti* est impressa: item *Eduardus Becevodus Anglus*, *Libro Inuestigationum de diversis linguis ac religionibus*, *Londini* anno 1622. & *Dionysius Petavius Tomo 4. lib. 1. cap. 17. n. 6. & Ioannes Forbesius Scotus* in *Instructionibus Historico-Theologicis lib. 2. cap. 9. & lib. 3. cap. 17. Quis igitur dubitet*, *Vbiquistas* nostros esse *Eutychianos*, quandoquidem & illi dicunt, *Naturam humanam Christi* prorsus eadem, & non aliâ omnipotentia, omnisapientia, & omnipresentia esse omnipotentem, omni sapientē, & omnipræsentem, quàm quæ est *Diivinitas*: Quò pacto reverà etiam ipsa humana natura afficitur ipsismet *divinis* & *increated* proprietatibus, ex quo infallibi-

244 Testimonium Stephani Gerlachij

liter sequitur, humanam naturam divinizari, & in divinam transmutari, quod est verissimus Eutychianismus. Sicuti enim in omnibus aliis rebus ex proprietatibus naturas cognoscimus, ita ut quæ easdem habent proprietates, easdem quoque habeant naturas, sic si humana natura Christi propriis easdem numero habet proprietates, quas habet divina, necessario etiam ipsa facta est vera divinitas. Intellego, si ita habeat, ut eam immediatè & intrinsecè per modum formæ illa afficiant: quia dici requirit inesse; alias quomodo natura humana in abstracto potest omnipotens, omnifaciens, & omnipræsens denominari? quod tamen fit ab Ubiquistis. Neque dicant 1. naturam humanam has proprietates non habere à se, sed à Verbo communicatas: quia etiam Verbum non habet naturam divinam, ac proprietates à se, sed à Patre communicatas, & tamen est DEVS. Neque dicant 2. satis esse, quod Humanitas immediatè sit unita personæ divinæ; natura autem divina tantum mediatè. Sic enim in concreto quidem potest dici, Christus homo est omnipotens, omnipræsens: sed non potest dici, Humanitas Christi est omnipræsens, & omnipotens.

II. Etiam ex epistola eadem notetur, apud Armenos neq; Sacra fieri, neq; Biblia haberi, communi ex omnibus aequè intelligibili linguâ, sed idiomate doctioribus tantum noto, ipso Gerlachio teste.

Re, quod tamen tantopere carpunt Acatbolici in Catholicis.

III. *Ritum adorandi Eucharistiam in sacrificio Missa sub elevatione, apud ipsos Armenos quoque esse usitatum, ut & ipsam Missam, quem ritum non à Latinis didicerunt demum posterioribus annis, ut Lutherani fabulantur, sed dudum & ante mille annos, & amplius iam habuerunt. Unde patet, eos calumniari, cum dicunt, Missam esse inuentum Pontificum Romanorum, & Cleri Catholici ad lucrum pecuniarium aucupandum.*

IV. *Armenos quoq, à Gracis pro hæreticis haberi, testante id Gerlachio, qui Graci ab Vbiquistis errore sunt alieni, ut ex testimonio quoque Chrysanthi Archiepiscopi Lacedæmoniorum cognovimus.*

V. *Similitudinem de ferro ignito nullo modo patrocinari sententia Vbiquistarum, ut optime quinque paginis demonstrat Ioannes Busæus in Apologetico Dissertationis de Persona Christi contra hunc Gerlachium Vbiquistam, Moguntia anno 1609. cap. 6. Thesi 80. mendacio 129. 130. 131. Ratio est 1. Quia ignis non naturam suam realiter, sed calorem tantum communicat ferro. Si enim communicaret naturam, communicaret & proprietates suas, quæ ab igne diuelli nequeunt, ut lenitas, subtilitatem, raritatem. 2. Ignis non proprium, suamque naturam inherentem ferro calorem*

rem communicat, sed alium vi sua calorem in ferro producit, quo ferrum, non ignis intrinsece & formaliter est calidum. At Vbiquiste volunt ipsam Deunitatis naturam, eiusque proprietates in Humanitatem Christi realiter inmeasse, ita ut Humanitas sit omnipotens, omnipræsens, eadem numero & omnipotentia & omnipræsentia, quæ Filius DEI, imo Totæ Trinitas omnipotens & omnipræsens est; Igitur hac similitudine suam sententiam nequaquam corroborant: quia simile est prorsus dissimile.

TESTIMONIUM SAXONICORVM
& Hassiacorum Vbiquistarum ex Kenosigraphia Iusti Fcürbornij, Theol. D.
& Professoris Hassiaci Lutherani, fol.

143. Francofurti in 4. anno

1627.

Accusansur Schvvenckfeldianismi, VVirsen-
bergici Theologi, nominatim Theodorus Thum-
mius & socij, in doctrina de Omnipræsentia Hu-
manitatis Christi; cuius erroris prius Thum-
mius accusauerat Hassiacos &
Saxonicos.

SChvvenckfeldianum est, inquit Thummus
pag. 20. Christum quidem nunc in statu
plenariæ & gloriosæ superexaltationis, siue
manifestæ inthronisationis, omnibus crea-
turis

turis in celo & in terra præsentem esse; aliam
verò rationem esse status humiliationis, si-
ne visibilis conuersationis in terra: ibi enim
MVLTIS, at non OMNIBVS adfuisse. Idem
Mentzerus in Def. pag. 74. thes. 18. docet.

Respondet Feürbornius. 1. Notet Lector,
quòd Thummus post editam Dn. Saxonico-
rum Decisionem & Apologiam, nos sic ac-
cusarit, vt per nostra latera Dn. Saxonicos,
examissim nobiscum consentientes, quibus
aliò modo iam nequit ægrè facere, punctos
Schvvenckfeldianismi argueret reos. Taceo
iam veteres Dn. Wirtenbergicos Theologos,
quibus in Christo IESVS placidè quiescenti-
bus, eadem hæc macula à Thummo asper-
gitur: quippe etiam exactè nobiscum consen-
tientibus.

II. Dn. D. Mentzerus I. c. sic scripsit: Vbi
vbi Christus fuit, aut est, à facta incarnatione;
ibi est Θεανθρωπος Deus & homo in vnitatè
personæ. Nullibi est, vel cogitari potest Filius
DEI incarnatus, vbi non sit Filius hominis;
propter personæ identitatē. Hæc sincera no-
stra fides est, & Confessio: & Calvinianorum
extra damnamus toto pectore. Cæterum
aliud est loqui de diuinâ præsentia Christi, vt
hominis, apud creaturas, quæ dependet ex
communicatâ Christo, vt homini, maiestate
R 4 omni-

omnipræsentia, quam semper quidem habuit, etiam in exinanitione, sed non semper usurpauit. Verum liberè, quando, ubi, & quomodo voluit. Sic verè adfuit discipulis suis in Iudæam emissis ad prædicandum Euangelium, eiusque veritatem per miracula confirmandam, Matthæi 10. Sic adfuit Domino, a sinæ & pulli, cuius flectebat animum, ut eos sponte dimitteret, Matthæi 21. v. 2. Sic Christus in terris loquens Nicodemo dicit, Filium hominis esse in cælo, Ioan. 3. v. 13. nempe per identitatem personæ, & per participatam carnæ Deitatem. Hanc igitur liberam & particularem maiestatis omnipræsentia, & omniscientia, & omnipotentia usurpationem Christo, ut homini, in statu exinanitionis attribuimus: eamque distinguimus ab usurpatione eiusdem vniuersali & plenariâ in throno Maiestatis, cum Libro Concordiæ & S. Scripturis diuinis. Hactenus Dn. D. Mentzerus, quibus si Schvvenckfeldianismum alit, tum iste & ipsi S. Scripturæ, & Libro Concordiæ, eiusdemque Apologiæ, & veteribus Dn. Wirtenbergicis, & cunctis Orthodoxis Lutheranis, utpote nobiscum concordantibus, imputandus erit.

Schvvenckfeldianismi
Descriptio
ex Chem.
nitio.

III. Dn. D. Chemnitius lib. de duabus in Christo naturis, cap. 22. pag. 139. 140. sic describit Schvvenckfeldianismum: Nostris etiâ
tem.

temporibus Schwenckfeldius per multos annos sparsis variis chartis, veteres illos antiquitus damnatos errores renouauit, quos nostri anno 1540. in Conuentu Schmalkaldico publicè reiecerunt, Humanam scilicet naturam in Christo, in gloriâ iam, non ampliùs esse creaturam: omnia enim quæcunque legit in Scripturâ Christo tribui, non personæ, sed vtrique naturæ simul, & ex æquo tribuit. Ita dicit Christum passum & mortuum esse secundum vtramque naturam, tam diuinam, quam humanam. Et substantiam quidem humanæ naturæ non absorbet, aut abolet cum Eutyche, sed docet illam manere in Christo; concedit etiam (Notet, quæso, hoc Lector.) tempore exinanitionis non fuisse æqualitatem naturarum & conditionum, sed humanam minorem fuisse diuinâ: sed post glorificationem, siue iam in gloriâ propter dicta de Exaltatione humanæ naturæ, contendit & essentiam, & idiomata diuinitatis vtrique naturæ esse communia. Atque ita Christum etiam secundum humanitatem, esse vnigenitum Filium DEI, consubstantialem & æqualem Patri. *Humanitatem enim Christi per gloriam peruenisse ad perfectam æqualitatem & unitatem essentia & Maiestatis Diuinitatis.*

Atq; ita etiam ipsam humanitatem Christi, quasi partem esse. essentia ipsius Trinitatis, in qua

nihil est maius & minus. Et ita exponit Athanasij sententiam: *Hominem assumptum & exaltatum esse in DEVM, quod scilicet omnia idiomata, omnis maiestas & operatio diuina, qua Verbo naturâ conueniunt, iam per glorificationem communia sint, etiam humanitati, ut ipsius etiam, in se & secundum se propria sint. Carnem enim Christi, maiestate, gloriâ & potentia prorsus & per omnia æqualem esse Verbo. Nullam igitur iam in gloriâ esse diuersitatem, aut inæqualitatem naturarum in Christo, nisi quod diuinitas illa habeat naturaliter, humanitas verò ea à diuinitate acceperit. Sed & Filius secundum Diuinitatem non à se, sed à Patre habet omnia, qua Pater habet, & tamen æqualis & consubstantialis est Patri. Ac breuiter, talem Schvvenckfeldius fingit naturarum adæquationem, ut Humanitas Christi in gloriâ in se & secundum se, prorsus & per omnia æqualis sit conditionis, status, census, æstimationis, virtutis, potestatis, maiestatis, in vno gradu gloriæ cum ipsa Diuinitate seu Trinitate.*

Haftenus D. Chemnitius, ex quo patet, nostram & Schvvenckfeldij opinionem dis-
Alē μαρῶν distare.

Quod ut euidentiùs liqueat, citabo ex libro 10. Catalogi Hæreticorum D. Schlüsselburgij effata Schvvenckfeldij: *Homo I. e. s. v.*

Chri-

Christus naturā humanā suā indeletā per suā glorificationem, & Diuinā primogeniturā ex mortuis, essentiā, vitā, regno, dignitate & potentia, in & cum Deo, omne hoc quod Deus est, factus est, in Confess. Fidei D. Schlüsselburg. pag. 214. Humana natura in Christo, in gloria eiusdem essentia & virtutis est cum ipso Deo. Et, Caro assumptā in Christo euacuata & abolita, sed meliorata & facta id, quod Deus est, in Confess. mag. 2. part. D. Schlüsselburg. pag. 215 cum quā confer pag. 112. 115. 153. 216. 217. 218. & seqq. & plenius cernes, nobis cum Schvvenckfeldio nihil esse commune.

IV. Schvvenckfeldius haud constanter docet, Christum, ut homo est, iam quidem in statu exaltationis omnibus creaturis in caelo & in terrā praesentem esse: in statu verò humiliationis multis probat non omnibus adfuisse. Ipse in Apol. ad Principem Lignicensem scripsit: Christus iuxta suam naturam non est Vbique, sed in vno loco, vide Catalog. haeticor. D. Schlüsselburg. lib. 10. pag. 222. Item ibidem: Christus tantum in caelo quarendus & inuocandus est. Et, Iesus Christus, Deus & homo, per actā suā dispensatione, nusquam est, quā in caelo, Ioan. 3. 6. 13. 17. D. Schlüsselburg. pag. 221. 222. Et in Confess. mag. 3. part. Vbique esse ait, non si-

gnifi-

Schvveckfeldij in.
constantia.

gnificare, in omnibus locis esse, sed omnia tempora, loca, creaturas nosse & videre, D. Schlüsselburg. pag. 222.

Nec credidit, sed negavit, Corpus & sanguinem Christi in terris, ubi S. Cœna celebratur esse præsentem, sicut liquet ex ipsius testimoniis, quæ apud D. Schlüsselburg leguntur pag. 241. 242. 243. 244. Huc accedit, quod indistanter duarum Christi naturarum unio- nem non crediderit, sed ita scripserit: Divina natura in Christo, fuit simul in homine Christo, & EXTRA Christum, ubique, in 1. Apol. ad Princip. Lignic. D. Schlüsselburg. pag. 214.

V. Ut verò Thummium cum suis, quos in suam opinionem pellexit, nondum pronuntio esse *wegspelniks* reum Schvvenckfeldianismi (Σχίσμα. pag. 72.) ita non possum intermittere, quin moneam eum, ut ne talia ferat, quibus fructificantibus, nequeat sufficienter Schvvenckfeldianismum refellere. Cui meæ æquissimæ monitioni ut æquior sit, citabo pauca.

Schvveck-
feldius.

I. Schvvenckfeldius scripsit: Humanitatem Christi post Ascensionem factam esse Diuinitatem, in Confess. & de Verbo. teste D. Schlüsselb. pag. 250. Hoc quidem Thum non eodem, quo Schvvenckfeld. dicit, se asserere sensu, utpote reprobantem *συνχυσιν* Euty-
chia.

Chianam in Ταπ. p. 641. Interim ἀπερχαφῶν, tales phrasēs vsurpat, pro quibus Schṽṽeckfeldiana cohors ipsi ingentes agēt gratias. De Maiestate Christi pag. 227. ait: *Humanā naturā vel Humanitatem in Scripturis* (vbi quæso te?) *rectè dicitur Deus & Deitas.* In Repet. pag. 37. inquit: λόγος vicissim, seu diuina Filij Dei natura, non erit caro assumpta: id quod ἀθεολογόν, καὶ ἀσεβές.

Thümmij
phrasēs
Schṽṽeck-
feldianæ &
Euty chia-
nz.

Pag. 278. *Humanitas, seruata essentia, proprietatibusque illæsis, verè dicitur diuina, siue Deus personaliter.* Pag. 280. Caro siue humana natura Christi verissimè personaliter diuina, siue Deus facta esse dicitur. Pag. 405. taxat eos, qui nolunt concedere, quòd *Humanitas sit Deitas, vel Deitas Humanitas per vnionem hypostaticam.*

Pag. 479. Deitas suo modo, vnione videlicet personali, & κοινωνία reali est Homo, ita vt rectè dicam: Deitas (vnione & communionē personali) est homo, vel caro, vel humanitas, aut humana natura assumpta. Pag. 480. λόγος assumens est Humanitas, vel λόγος assumens est Caro, seu natura humana assumpta, & Caro assumpta est λόγος assumens, vel secunda Trinitatis persona.

Pag. 518. *Deitas τὸ λόγος* (vnione & κοινωνία

κοινωνία

ἡ ὥνις personali reali) est assumpta Humanitas
 & assumpta Humanitas est Deitas & λόγονις
 Pag. 337. scribit: Humanitatem esse Deita-
 tatem, & Deitatem esse Humanitatem; non
 quidem confusione aliquâ Eutychianâ, aut
 exaquate Schvvenckfeldianâ, sed vnione
 reali, κοινῶνις intima & πείχωρῆσι proa-
 fundissima.

Hactenus Thum. qui si verè Schvvenck-
 feldij errores prorsus reiicit, cur imitatur er-
 roneam eius linguam? Cur non studiosiùs id
 præstat, quod ipse laudat τὰ π. pag 866. ex
 Hieron. & Thomâ: verbis inordinariè pro-
 latis incurritur hæresis. Vnde cum hæreticis
 nec nomina debemus habere communia, ne
 eorum errori fauere videamur.

Nota. Non
 Natura di-
 uina assum-
 pfit Huma-
 nitatem, sed persona
 Verbi.

Cur non obseruat diuini Verbi funda-
 mentum, quod Nostrates Theologi frequen-
 ter vrgent? nempe, quòd non Deitas in suâ
 naturæ vnitate, sed ὁ λόγος in suâ perso-
 nâ vnitatem assumpserit Humanitatem (*nam*
non Deitas, sed ὁ λόγος factus est Caro, Ioan.
 1. v. 14.) Hinc neque Deitas, sed DEVS ὁ λό-
 γος, est & dicitur Caro, id est, homo per He-
 braismum: Item quòd Humanitas non dica-
 tur immediate propria ipsius Deitatis. Sed DEVS
 & λόγος propria Humanitas, proprium cor-
 pus,

pus, & proprius sanguis, Act. 20. v. 28. Matth. 26. v. 26. 28. Heb. 9. v. 12. & 10. v. 19. & 13. v. 12. & Apoc. 5. v. 9. Hinc neque Humanitas est, & dicitur Deitas, sed *ΔΕΙ Τῆ ΛΟΓΩ* Humanitas: & Homo est & dicitur *ΔΕΥΣ ὁ ΛΟΓΩ* absque omnibus glossis humanæ σοφίας adversus cognitionem *ΔΕΙ* sese extol-
 lentis. Quid si Humanitas per vnionem per-
 sonalem facta est *ΔΕΥΣ*, & est ac dicitur ipsa
 Deitas; tum & propter eandem vnionem est,
 & erit dicenda immensitas, infinitas, æterni-
 tas, incorporeusque & increatus spiritus, &c.
 (Quod absit) Nam *ΔΕΥΣ* & Deitas est ipsa
 immensitas, infinitas, æternitas, incorporeus-
 que & increatus spiritus.

Notetur
 hoc argu-
 mentum.

Quin potius cum Dn. D. Schlüsselburg.
 p. m. lib. 10. Catal. pag. 447. 459. 466. iuvat.
 imò fas est dicere: Diuinitas Filij *ΔΕΙ* non fa-
 cta est Humanitas; neque Humanitas in Chri-
 sto vnquam fiet eius Diuinitas. Item; Rectè
 quidem dicitur; Homo est *ΔΕΥΣ*, & *ΔΕΥΣ* est
 Homo, sed non rectè dicitur: Natura diuina
 est natura humana, aut natura humana, est na-
 tura diuina, seu Humanitas est Diuinitas. Quia
 non est facta, nec fiet vnquam talis permu-
 tatio.

Quod quia Thum. nondum vel nequie,
 vel non vult dextrè capere, hinc ostendam
 ipsa

ipsi fundamenta; cur non debeamus dicere: quòd Deitas sit Humanitas, & Humanitas sit Deitas, per & propter vnionem personalem.

1. Quia tales loquendi formulæ sunt ἀγέγραφοι,

Feürbornij argumen-
ta, Quare
dici non
possit Dei-
tas est Hu-
manitas; &
Humanitas
est Deitas,
in abstra-
cto.

2. Sunt ἀντίγγραφοι.

3. Vnio κατὰ πᾶνδυσμὸν, non gignit propositiones tales abstractiuas. Vnio hypo-
statica est vnio κατὰ πᾶνδυσμὸν (& quidem singulariter mirabilem; & mirabiliter singu-
larem) Et maior probatur. Nam inter ani-
mam & corpus; ignemque & ferrum est vnio πᾶνδυστική. Hinc non dico: Anima est cor-
pus, & corpus est anima. Item: ignis est fer-
rum, & ferrum est ignis.

4. Si non dicere licet: Humanitas est DEVS: tum multò minùs dici potest: Humanitas est Deitas; prout constat. At prius est, sicut præter Electorales Dn. Theologos in Apolog. Form. Concord. cap. 3. pag. 53. vel Dn. D. Hesselbeinius in Antidoto 2. pag. 45. &c. & Antidoto 5. p. 83. 84. & ante eum Dn. Schröderus contra Grab. pag. 401. &c. & Dn. D. Hutterus in Sadeel. Elench. & pas-
sim demonstrarunt.

5. Propositiones personales imitantur naturam vnionis personalis, eique conformes sunt. *At vnio non facta est ad unam na-*

turam,

NB.

teram, (sic enim vel confusio, vel abolitio facta esset) sed ad unam personam, fatente ipso Thummio de Maestrate Christi. pag. 31. Quare non possum dicere: Deitas est Humanitas, (secunda Deitas versa esset in Humanitatem) vel Humanitas est Deitas; secus itidem una natura in alteram conuersa, vel alterutra earum abolita esset.

6. Ingens ac toto genere differens est, & manet discrimen inter Diuinam & Humanam Christi naturam, inquit rectè D. Chomnit. lib. de duabus in Christo naturis, cap. 23. pag. 251. At hoc discrimen exspirauit, si verè dicere possum: Deitas est Humanitas: Et Humanitas est Deitas. Qui enim dicit: Deitas non est Humanitas, ille non describit personæ unitatem, sed differentiam naturarum, in qua fundata est ista negatio axiomatica. Nam qualis est modus essendi, talis & est modus prædicandi.

7. Si propter *ὑπερσυν* personalem dicere possum: Deitas est Humanitas, & Humanitas est Deitas; tum & propter *ὑπερσυν* essentialem (quippe quæ non minor est immissione hypostatica) rectè dicere possum: Pater est Filius: & Filius est Pater: Item, Pater, (vel etiam Filius) est Spiritus S. (tertia diuina persona) & Spiritus S. est Pater.

S

(prima

(prima diuina persona) vel etiam est Filius. Non hoc. E. Quemadmodum igitur in articulo S. Trinitatis ob reale discrimen personarum diuinarum, non dici licet Pater est Filius, & Filius est Pater: Pater vel Filius, est Spiritus sanctus, & Spiritus sanctus est Pater, vel Filius: Ita quoque in articulo de Christo, ob reale discrimen naturarum, dici fas non est: Deitas est Humanitas: & Humanitas est Deitas: tamen si propter unionem & communionem personalem Filius D E I sit Filius Hominis.

Confer Dn. D. Gerhard. in Exeg. Tom. 1. pag. 1293. 8. A. B. Patribus, Athanasio, Cyrillo, & Damasceno, Caro à τῷ λόγῳ assumpta dicitur θεογενῆσα, λόγω γεννηται, καὶ ἰνσπῆσαι. Quibus insignibus phrasibus, quasi indice digito, ij ostenderunt, se odisse istas abstractiuas loquendi formulas: Deitas est Humanitas, & Humanitas est Deitas. Hoc 1.

Schvvēckfeldius.

II. Schvvēckfeldius scripsit epist. 59. Caro secundum suam humanam naturam est illud ipsum, quod Deus, quod diuina essentia & natura est, D. Schlüsselb. pag. 215. Item in magn. Conf. 1. part. Homo Iesus Christus, non deleta humanâ naturâ, essentiâ, vitâ, dignitate, potentiâ, per glorificationem factus est omnia, quæ Deus est, ita ut nunc nulla sit

inæqua-

Inæqualitas naturarum in persona Christi, De Schlüsselb. pag. 219. Item in Confess. magnâ: Caro Christi est omne id, quod Deus est; De Schlüsselb. pag. 220.

Hunc Schvenckfeldianismum Thum. Thummus
minus cum suis quidem dicit, se execrari: ni- & socij.
hilominus tamen hæ periculosa phrascs in i-
psorum scriptis reperiuntur.

1. Humana Christi natura infinitè, & in-
finito modo subsistit, D. Osiander in Def. pag.
111. 123. 129. 132. 145. 186. 258. 411. &
D. Thum. etiam in απ. pag. 416. 474. 486.
& passim.

2. Finitum permeat infinitum, Osiander
in disput. de Omnipræs. thes. 72. pag. 31.

3. Λόγος se carni penetrabilem fecit, D.
Melch. in Considerat. pag. 45.

4. Caro est per gratiam, quidquid Ver-
bum est per naturam; Considerat. pag. 172.

5. Sicut per ἡμετέρας infinitatem ὁ λό-
γος, ita & per eandem, Caro Christi omni-
bus creaturis præsens statuitur & asseritur, O-
sander in Def. pag. 129.

6. Præsentia humanæ naturæ modus est
ille αὐτίκατος, modus, quo ὁ λόγος est v-
bique, &c. Def. pag. 192. Hæc & alia effata re-
periuntur apud Thum. ipsiusque socios: à qui-
bus sitoto corde Schvenckfeldianismū impro-

hant, debent recedere. Nam verba sunt Sym-
bola rerum, & signa τῶν παθημάτων ἐν ψυχῇ.
Vnde & ὀνόματα à Philosopho rectè dicuntur
μιμήματα. Et iudice Christo Matth. 12. v. 37.
ex verbis nostris iustificamur, vel condemna-
mur. Et certè Dn. Saxonici in Refutat. lib.
Staffortens. pag. 52. 77. meritò monent, quòd
nouæ phrasæ (ἰσότητες ὑψαινότων λό-
γων non habentes, 2. Tim. 1. v. 13.) semper
nouas res secum ferant. Nec satis est rectè sen-
tire, sed & oportet, vt sanis verbis Domini
nostri Iesv Christi accedamus, 1. Timoth. 6.
v. 3. Si ergo Thummus cum suis sanam men-
tem sub insanis istis verbis habet, tum reti-
neat mentem, & corrigat linguam, & indu-
striè notet, quod Dn. D. Hunnius Tom. 4. su-
per cap. 4. ad Ephes. pag. 552. ait: **DEVS** loca
omnia replet, sed illocali ratione; tametsi
DEVS alia ratione, quàm Christus, quàm homo.
DEVS quidem per infinitatem essentiae, per
modum vnionis, & subsecutæ exaltationis ad
dextram **DEI** personaliter. Et pag. 562. **Quem-**
admodum neque (Grab.) proficit quicquam,
quòd putat: Sicut corpus hominis non acci-
piat per vnionem cum animâ modum præ-
sentiae definitiuium: ita neque humanitatem
Christi habere modum vllum alium ex vnio-
ne præter localem. Et sanè hæcenus congruit
simi.

similitudo, quatenus humana Domini caro per coniunctionem cum λόγῳ non sortitur, cum repletius præsentia modum, qui ex infinitate essentia nascitur, & describitur, &c. Confer ibid. pag. 566. 568. 569. Hoc 2.

III. Schvvenckfeldius in Confessione fidei ait: Homo Iesus suo corpore, sanguine, & carne totus est eius essentia, & potentia, cuius est Deus Pater, & coæternum & omnipotens eius Verbum ante incarnationem fuit. D. Schlüsselb. pag. 214. Schvvenckfeldius.

Hunc etiam Schvvenckfeldianismum Thummus, Thummus cum suis, dicit se abominari: Et tamen ita prauè loquitur.

1. Humana natura est suo modo cum Patre & Spiritu sancto vnum (Ioan. 10. v. 30.) ταπ. pag. 91.

2. Quamuis humana natura in se & Φυσικῶς neque mundum crearet, neque ante Abrahamum extiterit: secundum id tamen, quod ipsa in vnitate hypostaseos per communicationem est propriissimum, & mundum creauit, & fuit ante Abrahamum. ταπ. pag. 179. & Exam. pag. 30. 31. Quod tamen in Repetitione pag. 340. mutauit.

3. Corpus & animam Christi vocat due infinita ταπ. pag. 473.

4. Inquit: Maiestas diuina est vtriusque natu-

naturæ, diuerso licet modo propria; ταπ. pag. 222. Idioma est simpliciter vnum, respectu vtriusque naturæ, & est vtriusque etiam naturæ idioma, quoad rem (diuerso licet modo) per vnionem arctissimam & περιχώρησιν naturarum mutuam profundissimam, ταπ. pag. 229. Idiomata diuina per κεινορίας realem carnī assumptæ propria facta sunt, in Admonit. pag. 23.

Contrà : Si idiomata cūm diuina, cūm humana, per vnionem personalem facta sunt vtriusque naturæ idiomata : Ergo vnio personalis non facta est seruatis naturis & earum proprietatibus illatis. At hoc est falsum. E. Connexio propositionis probatur, quia v. g. si grauitas corporis per vnionem ipsius cum anima, euadit proprietas animæ : & vicissim spiritualitas animæ, per vnionem ipsius cum corpore, fit proprietas corporis : Ergo anima facta est corpus : & corpus factum est anima. Sic si risibilitas propriè dicta, fit proprietas bestię : Ergo bestia facta est homo. Assumptio probatur vel ex Damasceno, lib. 3. cap. 3. 5. & 6. Qui & lib. 4. cap. 4. ait: *Proprietas est immutabilis : aut quo pacto proprietas manere queat, si mutetur, & decidat ?* Conferatur Dn. Schröd. in Sceptro, pag. 456. & seqq.

Hanc veritatem non potuit non animadu-
uer-

uertere Thum. Et tamen potius suæ, quàm
 D. E. i gloriæ velificari percipiens, ita studuit
 sua effata, Schvvenckfeldianis affinia, incru-
 stare, imò iustificare in Exam. pag. 8 9. ut ibi
 dixerit, sua ista verba nihil aliud, quàm hoc
 velle, maiestatem vnā unicā illam & ean-
 dem numero, quæ diuinæ naturæ essentialiter
 propria est, homini illi in DEVM λόγον assum-
 pro, per & propter vnionem hypostaticam
 ad euitandam omnem ἀλλοποιαν ἢ διπλοποι-
 ιαν diuinorum Idiomatum personaliter esse
 communicatam. Ast, inquam ego, tenor, vi-
 gor, & valor Thummianorum verborū aliud
 indicat: Nempe maiestatem diuinā esse v-
 triusque naturæ propriam factam personali-
 ter (quod & repetiit in Exam. pag. 34) &
 idiomata esse vtriusque naturæ idiomata.
 Multoperè verò differunt vnum numero,
 alteri esse per vnionem κατὰ πυνδύασι com-
 municatum: & π factum, id esse alterius idio-
 ma. Sic eadem numero vna, animæ commu-
 nicatur corpori, animæ vnito. Ast idcò non
 fit proprietas Corporis.

O vtinam Thummus Formulam Con-
 cordiæ eiúsque Apologiam, ab ipsius nouita-
 tibus immunes relictas studiosius sectaretur!
 illa enim pag. 263 ait: Quod vnus naturæ
 proprietates essentielles nunquam alterius na-

turæ proprietates essentielles fiant : Hæc verò (quam totam à se approbari, nufpiam, quod sciam, publicè testatus est: nec id saluâ veritate, testari potest.) cap. 4. pag. 73. b. inquit: Longè aliud est idioma fieri: & idioma communicari: idque pro ratione personalis vnionis, &c. Et pag. 74. a. Extra omnem controuersiam verissimum est, communicari, & idioma aut naturam fieri, in hoc negotio non esse eadem, &c.

Hæc si Thum. approbat (vti ea approbat in *ram.* pag. 676.) emendet præuaricantem suam linguam: Sin improbat, apertè incidit in Schvvenckfeldianismū, & nunquam solide dissoluet hanc instantiam Calvinisticā, quam & Pareus profert in *Method. Controu. Vbi-quitariæ*, pag. 20. Nec satis, inquit, tegitur hoc putidum vlcus, cū dicunt, realiter quidem communicari idiomatica Deitatis carni, sed non fieri, aut esse carnis idiomatica. Si enim carni ita sint communicata, vt ea realiter habeat & vsurpet (sic enim loquuntur) quomodo negabunt, ea fieri aut esse carnis idiomatica? Hoc 3.

Schvvenckfeldius.

IV. Schvvenckfeldius in Confessione lit. G. & H. ait: Christus IESVS, Dominus & Saluator noster, non tantū secundū Humanitatem, sed etiam secundū Diuinitatem passus est & mortuus; D. Schlüsselb p. 107. 250.

Quid

Quid Thummius? vult oſor Schvvenckfel. Thummius. dianiſmi eſſe & haberi. Et tamen cum ſuis omnibus modis ſtudet hanc phraſin iuſtificare: Deitas τὸ λόγος in aſſumpta carne eſt paſſa & mortua: & ſic loqui nolentes accuſat Neſtorio. Caluino. Ieſuitiſmi. Vide eum de Maieſt. Chriſti, pag. 125. 126. 127. &c. & pag 147. 148. D. Oſiand. in Deſenſ. pag. 464. 465. 466. D. Melch. pag. 189. Excipit equidem Thum. in Repet. præfat. d. 3. ſe non ſtatuerẽ, Chriſtum eſſe paſſum ſecundum Deitatem, ſi τὸ ſecundum proprietatem naturæ, ſeu ſubiectum. quo deſignet. Quam cramben recoxit in ipſa repet. pag. 58. & ſeqq. vt & pag. 171. 175. 453. 516. 532.

At obſeruet, quòd ne quidem ipſe Schvvenckfeldius paſſionem & mortem diuinæ Chriſti naturæ tribuerit ex proprietate naturæ, ſed reſpexerit ſuam Deificationem, quam tamen malè intellexit. Meminerit etiam ſuorum verborum in τὰ π. pag. 25. *Totus Chriſtus fuit inglorius, quoad utramque naturam*, &c. Et pag. 147. *Totus Θεὸς ὁ πρῶτος* Maieſtatis uſum reflexe, ſe in propriâ perſonâ retraxit, vt totus in ſuis naturis, ſecundum humanam quidem inhæſitè, ſecundum diuinam verò appropriatiuè, pro ſalute generis humani pati, & mori poſſet. Hæc ille. Quæ

Thummius ro frustra excipit, se non statuere Christum secundum Deitatem esse passum & mortuum, ex proprietate Deitatis, (id enim inter nos & Calvinistas & Iesuitas non est controuersum, sed utrinque negatur:) verum queritur: An dicendum, quod Christus iuxta Deitatem suam passus & mortuus sit vigore personalis unionis. Quod negamus una cum Dn. Theologis Electoralibus in Apolog. Formul. Concord. pag. 6. 33. 43. 53. 69. Si ergo Thum. idem sincere nobiscum statuit, tum corrigat linguam, prout & Apolog. Form. Concord. ipsi præscripsit.

Schvvëckfeldius.

V. Schvvëckfeldius in Confess. Mag. 2. part. scribit: Christus iuxta suam humanam tantum naturam est mortuus, falsum est, quia Deus & Homo in passione diuidentur. D. Schlüsselb. pag. 213.

Thummius.

Quid Thum? Ipsius charæ scitent & fecerint hac obiectione, à diuisione ista petita. Confer τὰ π. pag. 126. & seqq. 188. 681. &c. Discat autem saniores sententiam à Dn. etiam Saxonis Theologis in Apol. pag. 629. &c. 692. 774. 775. 776.

Schvvëckfeldius.

VI. Deniq; Schvvëckfeldius scriptitat in Confess. fidei: Christus totus iuxta utraque vnitas naturas est vnus essentia cum Patre, & Spiritu sancto. Et in vno gradu, dignitate, potentia, essentia, maiestate, honore, pror-

prorsus æqualis est Deo Patri. Et in Confess. Magn. 2. part. Æquales sunt nunc in gloria naturæ Christi, D. Schlüsselb. pag. 29.

Quid Thum? Verbis quidem amolitur à Thummius. se exæquationem Schvvenckfeldianā in ταν. pag. 639. &c. Et tamen apud ipsum & ipsius symphiletas hæc præloquia, quæ Schvvenckfeldius si audiisset & legisset, toto probasset pectore, reperiuntur.

1. Non absurdum est, carnem quoad essentialitatem diuinam communicatam ἐξοικας καὶ ἀξίας ratione, dici æqualem Deo, ταν. pag. 639. idem. ibid. Communicatam essentialitatem attendo, τερπην seu conuersionem & immutationem Eutychianam detestor, æqualitatem carni assumptæ hypostaticam affigno, naturalem ad orcum damno.

2. Ad ὁμοουσίαν καὶ ἰσότητά quod attinet, dico, licet humana natura in se actu naturæ non sit ὁμοουσίῳ καὶ ἰσῳ (pro ὅτι) Deo Patri essentialiter ταν. pag. 885.

3. De Maiestate Christi, pag. 228. Humana natura non est minor Patre, quoad actum primum existentiae personalem.

4. Quod ad potentiam & maiestatem attinet, his Diuinitati humanitas eo modo exæquata dicitur, quod realiter eam maiestatem & potentiam Filius Dei cum assumptâ naturâ

naturâ communem habeat. D. Melch. pag. 152.

5. Christus (ut homo putat; hæc enim mens est D. Melch.) essentiâ suâ, immenso infra DEVM interualllo subsidit, & tamen ex vnione personali communicatam habet maiestatem eandem, quæ τῷ λόγῳ est, & hætenus est æqualis τῷ λόγῳ. D. Melch. pag. 154.

Qui ibi 6. ita pergit: At excipis: Modum habendi ostendere discrimen: τὸν λόγον esse omnipotentem per naturam, assumptam humanitatem per vnionis gratiam: Ideo non esse æqualitatem. At, inquam ego, æqualitas rebus nititur, non habendi modis, &c. Plurâ iam prætereo, & Lectori candido iudicium committo, num nos foueamus Schvvenckfeldianismum, & an non iustam causam habuerim monendi Thummium, cum iis qui ipsi pollicem hîc premunt, ne talia semina spargat, quibus subortis, non possit satis solidè Schvvenckfeldianismum refellere. Quam admonitionem ab omni vitilitigandi & cauillandi studio longè remotam candidè accipi, etiam atque etiam peto.

Hætenus Feürbornius Hassiacus Darmstattensis Vbiquista, ad quæ prudens Lector Lutheranus cohorrescat, cum videt Wirtenbergia, testimonio Saxoniorum & Hassiacorum,

eorum, alere tam monstrosos Prædicantes, qui tam execrandam doctrinam tradiderunt, de qua publicè traducuntur à suis Symmystis, & Concordiæ fratribus: Quæ abundantissima causa cuilibet Lutheranò cordato meritò fuerit, deferendi tam pestilentem religionem, quæ in Christo vtramque naturam, & Diuinam, & Humanam euertit. Annon hoc est Diuinitatem euertere, si dicas, *Deitas, seu Diuinitas est Humanitas?* & è contrario *Humanitas est Deitas?* Ista peruersissima pronuntiata Thummio adscribit Fesirbornius, quæ in Thummij libris, à sociis illius fuerunt approbata & defensa; & in hodiernum diem stant in Wirtenbergia ab ipsis auctoribus nunquam retractata, nunquam reuocata.

Neque tamen putandum est, Hassiacos & Pupillistas Saxonicos ab omni errore esse immunes; de quibus egimus in *Prolegomenis* superius §. 3. circa finem; vbi ostendimus, illos non minùs absurda, & impia defendere per hanc Vbiquitatem.



CONCLUSIO TOTIVS HVIVS Tractatus.

EX his Testimoniis Orthodoxorum Patrum, & antiquorum Doctorum evidens est, Catholicam Ecclesiam nunquam vel tradidisse, vel recepisse Vbiquisticam hanc doctrinam:

1. Quia unanimi consensu omnes Orthodoxi ab ipsis usque Apostolis, ita S. Scripturam sunt interpretati, ut dicerent, Christum propriè ac verè hominem esse, per omnia nobis, secundum humanam naturam, similem, absque peccato, ideo loco circumscriptum, & de loco in locum, per suam substantiam verè mobilem; quod fieri non posset, si esset Vbiq; & in omni loco secundum substantiam præsens; quia non posset deferere locum A. & transire in locum B, quandoquidem iam utrumque locum secundum substantiam reipsa occuparet. Neque ob aliam causam Deus dicitur non posse moveri, nisi quia est immensus & Vbiq;. Ac licet per sophisticationes aliqui hoc argumentum conarentur eludere; repugnaret id tamè toti Orthodoxæ Antiquitati, quæ semper censuit Christi Humanitatem secundum substantiam esse verissimè motam, & de loco in locum translatam, deserto

vno

uno loco, & adquisito alio: quo aperte significarunt, non fuisse Vbique.

II. Non valet distinctio, Christum potuisse moueri per præsentiam visibilem; per inuisibilem autem præsentiam, quâ Vbique fuerit, non potuisse moueri. Hanc enim inuisibilem omnipræsentiam Humanitatis Christi, Orthodoxi Patres ne per somnium quidem agnouerunt; sed impossibile iudicarunt, ut eadem Humanitas Christi, simul in eodem loco, & tempore, sit visibilis & non visibilis; circumscripta loco, & non circumscripta: quia esset verissima contradictio, quæ nullâ Dei potentia est possibilis: ut bene aduertit Gregorius de Valentia, lib. 3. de Controuersia Vbiquetaria, fol. 308. col. 2. edit. Lugdun. in med. fol. quod tamen fieri oporteret, si esset simul Vbique inuisibiliter, & in certo loco visibiliter.

III. Hæreticum dogma est, quod modum unionis duarum naturarum in Christo ponit, pugnantem cum fidei confessione, facta in Concilio Chalcedonensi, per hæc verba: *Credimus IESVM Christum Dominum Unigenitum in duabus naturis inconfusibiliter, inconuerlibiliter, indiuisibiliter, inseparabiliter agnoscendum, nulla naturarum differentia sublata propter unionem; sed salua magis utriusque natura proprietate.*

Sed dogma Vbiquistarum, cum affirmant, ineffabili & arcano modo Christum secundum Humanitatem esse omnipresentem, omnipotentem, &c. manifestè ponit modum vnionis, pugnantem cum hac Confessione Chalcedonensis Concilij. Nam proprietates Diuinæ naturæ ita tribuuntur Humanæ; vt fiant vtrique naturæ communes; & de Humanitate non minùs diuina affirmari possint, quàm de Diuinitate; quemadmodum in prolegomenis §. 1. explicatum: Nam manere vtramque naturam inconfusam, est, vt de natura humana solùm affirmare possis, quæ sunt humana; & de diuina, solùm quæ sunt diuina. Atqui secundum Vbiquistas, de natura humana in abstracto etiam affirmantur diuina, quo fit manifesta confusio naturarum.

IV. Etiam ex eo clarissimum est, SS. Patres non agnouisse Vbiquitatem Humanitatis Christi, quòd omnes communi sensu affirmauerint, animam Christi in morte verè deseruisse corpus, & , illo in sepulchro relicto, illam re ipsa & actu ad inferos descendisse, ac tertio die ad corpus in sepulchrum rediisse; licet neque illa, neque corpus fuerint separata seorsim hypostaticè à Verbo per illud triduum: Ex quo euidentis est, malam esse consequentiam, si dicas: Quidquid est

indivisibiliter unitum Verbo, illud ibi est, ubique Verbum est. Verbum enim licet illis tribus diebus fuerit Ubique, adeoque & in inferno, & in sepulchro; & in corpore, & in anima: attamen nec corpus fuit in inferno; nec anima tunc fuit in sepulchro, iuxta Orthodoxam Antiquitatem, tametsi & anima & corpus fuerit seorsim unitum Verbo. Et hoc adamantinum telum nullis distinctionibus localis aut illocalis, visibilis aut invisibilis præsentiæ, ab Ubiquistis potest repelli, aut de SS. Patrum manibus extorqueri.

Hæc considerent Ubiquistæ, & facile conspicient, falsum esse commentum Gerlachij, qui apud Busæum in Apologetico Disput. de persona Christi, fol. 349. edit. 2. ait, SS. Patres tantum negare naturalem Omnipræsentiam Humanitatis Christi, quam habeat ex natura sua, non autem supernaturalem, quam habeat ex unione hypostatica. Quia SS. Patres non tantum Humanitatem Christi secundum se, & ex suâ naturâ, negant esse omnipræsentem, sed etiam ut est unita Verbo, tam in hac vita, quam in altera, etiam nunc in cælo, ubi omni gloria & maiestate ornatam, dicunt manere loco circumscriptam; ut pulcherrimè fatetur Theodoretus in Dial. 3. his verbis: *Corpus Dominicum surrexit quidem à corruptione & interitu alienum, & impossibile &*

immortale, & diuinâ gloriâ glorificatum, & à cœlestibus adoratur potestatibus : corpus tamen est; & habet, quam habuit prius circumscriptionem. Certè Patrum nullus est ex omnibus in hac *Testificatione* allegatis, qui vel verbulo vno indicârit, se agnoscere hanc nouam Vbiquistarum distinctionem; nempe carnem Christi ratione proprietatis naturalis esse circumscriptam, & loco definitam, vnde visibili modo ad iudicium venturus sit: ratione tamen supernaturali, inuisibili, & diuina esse incircumscriptam & omnipræsentem; sed contrarium ex eorum sententiis manifestè concluditur: qui supernaturalem hanc & inuisibilem omnipræsentiam neutiquam tacuissent, si illam reuerà existere censuissent.

Adhæc ipsi Vbiquistæ negant Christum nunc in cælo, quâ homo est, etiam secundum proprietatem naturalem contineri loco corporeo & visibili. Non igitur possunt dicere, illum secundum naturales proprietates corporis mansisse circumscriptum. Et hanc præsentiam localem naturalem Christi in cælo, Brentius perspicuè in Recognitione pag. 43. *puerilem esse cogitationem* affirmat, & Schmidelinus in Apolog. 63. negat, Corpus Christi esse *Physicum, & moueri de toto in locum.* Quomodo ergo est circumscriptum?

V, His accedat horribilis dissensio Vbiqui-

qui.

quistarum inter sese; tùm antiquorum, tùm recentium, quemadmodum in Prolegomenis vidimus; vt in hodiernum diem nihil certi constet, quænam sit illorum sententia de modo, quo afficiat intrinsecè diuina & increata omnipræsenti Humanitatem Christi, eique effectum formalem tribuat, vt ab illa, verè & realiter possit denominari. Quæ summa dissensio vel sola hominem ingenium iure optimo faciat perplexum, & à tota Vbiquitate, simul & à Lutheranismò auersum & abhorrentem. In quo finem facio

Ad maiorem DEI, & Verbi
incarnati gloriam.

*Sacro-Sanctæ Catholicæ Ecclesiæ
iudicio omnia subiecta
sunt.*




Errata.

In Dedic. fol. 7. col. 1. v. 10. Vbiquitanos. l. Vbiquitarios.

Fol. 10. v. 10. adeptus. l. adeptum.

52. v. 7. à fin. πανολεδρίαν. l. πανολεθείαν.

268. v. vlt. Wirtenbergia. l. Wirtenbergiam.



9-3-2

